


6572



89
—
29

ex 1773 *2 nstantia*
PHILOSOPHIA
JUXTA INCONCUSSA
TVTISSIMAQVE
DIVI THOMÆ
DOGMA TA,
Quatuor Tomis comprehensa.

Authore P. F. ANTONIO GOUDIN Lemovicensi,
Ordinis Prædicatorum, Provincia Tholosana,
S. Theologia Doctore, ac Philosophia Professore in
Schola D. Thomæ ab Illustrissimo D. Dominico de
Marinis, ex eodem Ordine, Archiepiscopo Aven-
nionensi, in eiusdem Urbis Academia erecta.

Editio ultima auctior & accuratior.

*Præcipuè in stabiliendâ veteris Philosophiæ princi-
piis adversus Modernorum impugnationes
& inventa.*

TOMVS QVARTVS.
MORALIS ET METAPHYSICA.



PARISIIS,
Apud EDMUNDUM COUTEROT, viâ
Iacobcâ.

M. DC. LXXIX.
Cum Approbatione, & P. R. Regis

PHILIPPOPOHTA
BUXIA INCORPORA

DAI THOMAS
BOCMAL

LOUIS VARTAS



PARIS 1812

And Benjamin C. ...

Paris



I N D E X
TITVLORVM
TOMI QVARTI.

TERTIA PARS
PHILOSOPHIÆ,
ETHICA, seu MORALIS.

P RÆFATIO.

QVÆSTIO PRÆAMBVLÆ. pag. 1

De objecto, natura, qualitate, & divisione Mora-
lis scientiæ, de quæ illius congruo Auditore.

ARTICVLVS VNICVS.

QVÆSTIO PRIMA.

De ultimo fine morum, seu de felicitate.

ART. I. De ultimo fine morum humanorum. 12

§. i. An detur aliquis finis ultimus vitæ huma-
næ. & quid propriè sit. 14

§. ij. An homo plures fines ultimos habere possit,
& quomodo in fine ultimo sibi præsti-
tuendo malia à bonis differant. 21

ART. II. De felicitate objectiva, seu de re cuius
possessio hominem naturaliter felicem
efficere potest. 27

§. i. Felicitatem hominis in nullo bono creato
posse consistere. 30

Index Titulorum Tomi quarti.

- §. ij. *Felicitatem hominis in solo Deo consistere.*
43.
- Art. iij. *De felicitate formali seu de adeptione illius rei quâ sumus felices.* 52
- §. i. *An homo felicitatem suam adipisci obtinereque possit in hac vita, vel solum in altera, cum scilicet anima fuerit à corpore separata.* 35
- §. ij. *In quo sita sit hujus vita felicitas, quave ratione possit obtineri.* 61
- §. iij. *In qua operatione consistat essentialiter beatitudo formalis* 74

QVÆSTIO SECUNDA.

De Actibus Moralibus seu de voluntario præcipue libro.

- Art. i. *De voluntario in communi, Quid sit, à quibus tollatur, & quomodo dividatur.* 92
- Art. ij. *De voluntario libero.* 100
- §. i. *De variis libertatis divisionibus & acceptionibus.* 101
- §. ij. *De origine libertatis arbitrij.* 104
- §. iij. *An indifferentia sit de ratione libertatis arbitrij.* 111
- §. iv. *Qua indifferentia sit de ratione libertatis arbitrij.* 125
- Art. iij. *De actibus voluntariis speciatim.* 138

QVÆSTIO TERTIA.

De Passionibus 145

- Art. i. *De passionibus in communi.* 149
- Art. ij. *De passionibus partis concupiscibilis.* 154
- §. i. *De amore & odio.* ibidem
- §. ij. *De desiderio & fuga.* 164
- §. iij. *De Læticia, seu delectatione, & tristitia, seu dolore.* 170

Index Titulorum Tomi quarti.

- Art. iij. De passionibus partis irascibilis, scilicet
spe, desperatione, audacia, timore &
ira. 184

QVÆSTIO QVARTA.

De bonitate & malitia Morum humanorum. 198

- Art. i. Quid sit moralitas, quomodo in bonitatem
& malitiam dividatur. ibid.

- Art. ij. Detur ne actus indifferens tam secundum
speciem, quàm in individuo. 195

- Art. iij. De regulis morum humanorum, ubi etiam
de conscientia & lege. 202

QVÆSTIO QVINTA.

De Virtutibus in communi. 211

- Art. i. Quid & quotuplex sit virtus moralis, &
quâ ratione ingeneretur in nobis habitus
virtutis. ibid.

- Art. ij. De contrario virtutis scilicet vitio. 210

QVÆSTIO SEXTA.

De Virtutibus in particulari. 225

- Art. i. De Prudentia & virtutibus sub ea con-
tentis. 226

- §. i. De partibus quasi integralibus prudentia.
229

- §. ij. De partibus subiectivis prudentia seu de
illius speciebus. 235

- §. iij. De partibus potentialibus prudentia seu de
virtutibus ei adjunctis 238

- Art. ij. De Iustitia & virtutibus sub ea conten-
tis. 241


- §. i. De partibus integralibus iustitia, nec non
de eiusdem speciebus seu de partibus
subiectivis. 244

- §. ij. De partibus potentialibus iustitia seu de
virtutibus ei adjunctis. 249

- Art. iij. De temperantia & virtutibus sub ea

Index Titulorum Tomi quarti.

<i>contentis.</i>	255
§. i. De partibus integralibus & subiectivis Temperantia.	257
§. ij. De partibus potentialibus temperantia seu de virtutibus ei adiunctis.	262
Art. iv. De Fortitudine virtutibusque sub illa contextis.	267
Art. v. De connexionione virtutum.	272



QVARTA PARS

PHILOSOPHIÆ,
METAPHYSICA.

PRÆFATIO.	280
-----------	-----

QVÆSTIO PRIMA.

De Ente secundum se.	282
----------------------	-----

Art. i. Quid & quotuplex sit ens, & quomodo sit primum cognitum.	283
Art. ij. Vtrum ens sit univocum vel potius analogum respectu suorum inferiorum.	286
Art. ij. De distinctione essentia & existentia.	301
Art. iv. De subsistentia, supposito, & persona.	313

QVÆSTIO SECUNDA.

De proprietatibus Entis; scilicet unitate, veritate & bonitate.	316
---	-----

Art. i. De Unitate.	317
Art. ij. De distinctione. Vbi celebris difficultas agitur circa modum quo gradus metaphysici ab invicem distinguuntur.	324

§. i. De variis.

§. ij. Statuitur sententia Thomistarum, gradus scilicet Metaphysicos esse tantum virtualiter distinctos ante opus intellectus.	328
--	-----

Index Titulorum Tomi quarti.

§. iiij. <i>Solvuntur obiectiones.</i>	313
Art. iij. <i>De veritate.</i>	341
Art. iv. <i>De bonitate.</i>	344

QVÆSTIO TERTIA.

De Ente spirituali, scilicet Deo.	348
Art. i. <i>De existentia Dei.</i>	349
§. i. <i>Demonstratur existentia Dei sub ratione primi motoris immobilis.</i>	351
§. ij. <i>Demonstratur existentia Dei sub ratione prima causa, entis necessarii, entis perfectissimi, seu supremi moderatoris universi.</i>	357
§. iiij. <i>Adduntur quadam confirmationes, solvunturque obiectiones atheorum.</i>	361
Art. ij. <i>De attributis Dei ac potissimum de Deo Creatore.</i>	368
Art. iij. <i>De Angelis.</i>	373
Art. iv. <i>De Anima separata.</i>	377

QVÆSTIO QVARTA.

De Deo promotore, seu de influxu causæ primæ in causas secundas.	379
Art. i. <i>Aperitur status questionis, & Authorum sententia referuntur.</i>	381
Art. ij. <i>Quid sit concursus simultaneus, quid promotio physica, quid motio moralis?</i>	
Art. iij. <i>Possit-ne Deus de potentia absoluta causas secundas tum liberas tum necessarias Physice promovere & applicare ad agendum.</i>	375
Art. iv. <i>Promoveat-ne de facto Deus causas secundas.</i>	383
§. i. <i>Probatur promotio auctoritate Scriptura.</i>	386
§. ij. <i>Probatur promotio auctoritate Concilii Tridentini.</i>	390
§. iiij. <i>Probatur promotio ex Ecclesia precibus.</i>	

Index Titulorum Tomi quarti.

	<i>Et communi fidelium consensu.</i>	396
§. iv.	Probatur promotio ex Patribus.	398
§. v.	Probatur promotio auctoritate Philosophorum.	400
§. vj.	Probatur promotio auctoritate Augustini.	
§. vii.	Probatur promotio ex D. Thoma.	403
§. viij.	Probatur promotio rationibus.	406
§. ix.	Expenditur ultima ratio, adiciturque profundior explicatio natura promotionis.	409
§. x.	Probatur promotio exemplis.	418
§. xj.	Probatur promotio ex inconvenientibus.	426
Art. v.	Virum Et quomodo Deus promoveat ad actum peccati.	430
Art. vj.	Solvuntur obiectiones adversariorum	434
Art. vij.	Declaratur concordia motionis divinae cum libertate nostra.	456
Art. viij.	Ostenditur Thomistas in explicanda divina motione esse omnium remotissimos ab haereticis.	459

QVÆSTIO QUINTA.

De Accidentibus spiritualibus, Præcipuè de scientia.

Art. i.	De virtutibus intellectualibus in communi.	463
Art. ij.	An, quid Et quotuplex sit scientia.	466
Art. iij.	De unitate scientiarum.	470
Art. iv.	Virum idem intellectus de eodem obiecto possit habere simul scientiam Et opinionem.	474
Art. v.	Possit-ne scientia esse simul cum fide divina.	482

QVÆSTIO SEXTA.

	De umbra entis realis: scilicet Ente rationis.	491
Art. i.	An, quid, Et quotuplex sit ens rationis.	ibid.
Art. ij.	Per quam potentiam fiat ens rationis.	494

Finis Indicis.



TERTIA PARS
PHILOSOPHIÆ.

ETHICA, seu MORALIS.


PRÆFATIO.

IN hac Philosophia parte non uter
longâ commendatione rerum, de
quibus dicturi sumus. Ex ipso enim
titulo patet tam occupari circa no-
tissimam Morum, id est circa artem bene rectè-
que vivendi, quâ nihil in scientiis præstantius
ac utilius esse potest. Unde ab antiquis appellata
fuit Georgica, id est, Agricultura, Animi, quod
quemadmodum agrorum cultura illos ex se aut
steriles, aut infelicium dumtaxat plantarum
feraces, exercendo, curando, artificiosèque tra-
ctando non ornatiores modo efficit, sed utilium
suaviumque fructuum multiplici proveniunt fe-
lices: sic Ethica humanum animum sine cultu
rudè agrestem, squalidumque, brutescentem, hor-
rentemque vitis, non modo præceptis suis in for-
mando, instruendoque, politioem, mitioem,
ornatioemque efficiat; sed etiam virtutum,
quibus nihil in humanis exoptabilius formosius-
que existit, uberrimo fructu cumulatum. Qua
ars quam cæteris præstet satis omnes norunt. il-
Philos. R. P. G. Pars IV. A

leque luculenter indicavit, qui in modum ora-
 culi aditit, ut quisque seipsum agnosceret, eam
 compeditos a voce, quid homini pra omnibus aliis
 rebus expediret, comprehendens. Es plane dede-
 cet sollicitam in ceteris scrutandis mentem, in
 propriis negotiis cacutire non turpi tantum, sed
 perniciosam quoque socordia, cum ceterarum re-
 rum cognitio curiosa prope magis sit quam ne-
 cessaria, vivendi vero ars & notitia sicut sit ho-
 mini ad virtutum & felicitatem pergenti, qua
 nisi praealuceat, ut navis in caeca tempestate agi-
 tata, non errori modo sed etiam certissima ruina
 exponetur. Maxime cum nemo casu bonus ac
 vere felix evadere possit, sed ea virtutis, qua
 boni felicesque sumus, prima conditio sit, ut quis
 sciens operetur. Age igitur, tam utilem, tam
 necessariam, tam fructuosam scientiam aggre-
 diamur, & cum superioris Philosophia parte de
 anima rationali, deque potentissimis eius dixerim-
 us, nunc qua arte seipsum, suosque motus re-
 gere, formare, tractareque debeat, ut bene fe-
 liciterque vivat, paucis aperiatur. Sed cum
 eorum qua ad Moralem pertinent, maximam
 partem sibi Theologia iure vendicet, ingensque
 sit affinitas inter res Morales & Theologicas,
 ne ut aiunt saltemus extra chorum, & intem-
 pestive falcem in alienam messem mittamus,
 et a stylus nobis temperandus est, ut nihil aliud
 de moribus disseramus, quam quod ex naturali-
 bus principiis humana rationis lumine deduci
 potest: id nempe discutiendum proprie spectat
 ad Philosophum, nec in alio argumento accuratius
 diligentiusque insudarunt antiqua illa
 Philosophia lumina, Socrates, qui, ut notat Ci-
 cero, Philosophum in rebus naturalibus moro-
 sius harentem, ad mores primus inter Gracos

deduxisse videtur, eamque devocasse è cœlo; & in urbibus collocasse, & in domos etiam introduxisse; & coëgisse de vita & moribus, rebusque bonis & malis quærere. 5. *Tuscul.* Plato in nulla re magis quàm in hac parte Diuinus; Aristoteles, in quo humana ratio, quousque moralibus progredi posset, ostendisse videtur: Idque ut mittam Stoicos penè nimia virtutis reos, se tamen nimia virtus esse posset, qua in medio consistit; Epicureos morum corruptores potius quàm tractatores; Cynicos quibus impudentia pro Heroïca virtute fuit. Sed ad rem veniamus.





QVÆSTIO PRÆAMBVLÆ,

*De objecto, natura, qualitate, & divisione
Moralis scientiæ, deque illius congruo
Auditore.*

ARTICVLVS VNICVS.

EX ipso huiusce Philosophiæ Partis nomine satis constat, eius objectum esse humanos mores. Porro quid sit mos luculenter declarat D. Thomas 1. 2. q. 1. art. 1. Mos, inquit, duo significat, Quandoque enim significat consuetudinem, sicut dicitur Act. 15. Nisi circumcidimini secundum morem Moysi, non poteritis salvi fieri. Quandoque verò significat inclinationem quandam naturalem, vel quasi naturalem ad aliquid agendum; unde & etiam brutorum animalium dicuntur aliqui mores: Vnde dicitur 2. Machab. 11. quod leonum more irruentes in hostes prostraverunt eos: Et sic accipitur mos in Psalm. 67. ubi dicitur, Qui habitari facit vnius moris in domo. Et hæc quidem dua significationes in nullo distinguuntur apud Latinos quantum ad vocem: in Græco autem distinguuntur: Nam, Ethos quod apud nos morem significat, quandoque habet primam longam, & scribitur ἔθος per η: quandoque habet primam correptam, & scribitur ἔθος per ε. Dicitur autem virtus moralis à more, secundum quod mos significat quandam inclinationem naturalem, ad

aliquid agendum. Hæc ille. Ex quibus constat mores hic sumi pro inclinationibus seu affectibus, aut à natura inditis, aut aliunde contractis: iisquenon purè sumptis, & quales brutis etiam competunt, sed rationis iudicio tractabilibus & ad bonum aut malum flexibilibus, quales duntaxat homini propriè insunt, qui & libertate in bonum ac malum flexili est, & ratione se ipsum regit; cuius proinde actiones & affectiones propriè *moris* nomine designantur. Verùm cum in quæstione præambula Logicæ art. I. tria distinxerimus in objecto, materiale, formale, & rationem sub quâ, vt hæc breviter circa moralem dilucidentur.

Dico primò: Objectum materiale Moralis sunt affectus, seu actus humani; formale est moralitas, cuius tales actus, seu affectus sunt capaces; ratio verò sub qua, sunt prima principia practica.

Declarantur conclusio quoad singulas partes. Et in primis quod affectus humani, (id est, quos duc ratione ac libertate comite eliciamus) sunt objectum materiale Moralis, patet: Siquidem licèt actus illos aliquatenus attingat Physica, quatenus sunt vitales motus, eos tamen discutit Moralis, quatenus sunt subjectum boni & mali moralis, proindeque eos habet vt objectum materiale. Quod verò moralitas sit objectum formale scientiæ Moralis, etiam constat: Tum ex D. Thoma, qui in præmio Ethicæ assignat pro proprio formalique objecto huiusce Philosophiæ partis *ordinem illum quem ratio facit in actibus voluntatis*, id est ipsissimam moralitatem: Tum etiam ratione: Vt enim diximus agendo de objecto Logicæ, objectum quidem materiale scientiæ est res de qua agit,

objectum verò formale est illa formalitas quæ in tali re considerat, & discentit: Sed Moralis circa humanos affectus non considerat aliud quàm moralitatem, id est rationem boni & mali, seu recti & iniqui, quam induere possunt; ergo moralitas est objectum formale Moralis. Porro cùm ex objecto materiali & formali fiat vnum objectum totale, id respectu Moralis aliud esse non potest, nisi ens morale, seu actio moralis.

Tertia conclusionis pars etiam suadetur: Ratio sub qua cuiuslibet scientiæ sunt principia, quibus suas conclusiones demonstrat: Sed Moralis suas demonstrat conclusiones per prima principia practica, quæ sunt purissimi luminis naturalis radii, quibus circa fugienda eligendaque illuminamur; ergo sunt ratio sub qua Moralis. Horum verò principiorum habitua- lis cognitio vocatur *Synderesis*, seu *Synteresis*, à verbo Greco *συντηρησις*, quod est *observare*, à quo *συνήρησις*, id est observatio, eo quòd ille habitus sit instar vigilis cuiusdam censoris omnes actiones observantis, malas perpetuò carpentis ac reprehendentis, ideoque improbam animam tacitè corrodentis, vellicantis, flagellantis.

Ex hac conclusione intelligi potest, cur Moralis dicatur subalternari Physicæ: Quia scilicet, ut solent scientiæ subalternatæ, format suum objectum addendo aliquam differentiam objecto Physicæ. Physica enim considerat motus vitales, & inter alios, humanos effectus, præcisè secundum quod motus sunt vitaliter ab anima procedentes: Moralis verò de iis agit, non præcisè ut motus vitales sunt, sed ut subjacent moralitati, id est quatenus iuxta

rationis regulas taxati bene vel malè fieri possunt.

Dico secundo: *Moralis est verè scientia, à prudentia realiter distincta.*

Probat^r prima pars: Siquidem *moralis ex certissimis principiis plures evidenter demonstrat conclusiones: imò longè evidentioribus nititur principiis quàm plures aliæ scientiæ. Quis enim adeò hebes, stupidus, protervus, qui neget homini secundùm rationem esse vivendum; pro gratia non rependendam esse injuriam parentes colendos æquum esse, ut unicuique, quod suum est, reddatur; virtutem bonumque amari debere; malum ac turpe fugiendum; & aliæ ejusmodi apud gentes etiam maximè incultas, barbaras ac feras receptissima? ergo *Moralis est vera scientia.**

Probat^r etiam secunda pars, que est contra *Epicuram, pluresque alios, Moralem scientiam cum virtute prudentiæ confundentes. Primum; Scientia dividitur contra prudentiam; siquidem, ut magis dicitur in *Metaphysica* 1. 5. a. 5. distinguuntur quinque virtutes intellectuales, scilicet habitus primorum principiorum, sapientia, scientia, prudentia & ars: Sed *Moralis, ut jam diximus, est scientia, ergo distinguitur à prudentia.**

Probat^r secundo eadem pars: *Habitus diversi sunt, qui habent diversa principia, diversum objectum, diversos actus, diversa corruptiva: Sed hæc omnia diversa sunt in scientia morali & prudentia; ergo sunt diversi habitus. Probat^r minor quoad singulas partes. & in primis quod habeant diversa principia: ut enim petet ex *D. Thoma* 1. 2. q. 58. art. 5. principia prudentiæ non sunt principia uni-*

versalia sciendi quid bonum sit aut malum in communi, quod pertinet ad Moralem; sed principia particularia, quibus iudicatur quid hic & nunc in particulari eligendum sit. Vnde ut ibidem sanctus Doctor notat fieri potest ut quis scientificè noscat quid turpe sit, & quid honestum, illudque fugiendum esse, hoc verò eligendum, & tamen in particulari imprudenter eligat turpe, & repudiet honestum quatenus, verba eius sunt, *hujusmodi universale principium cognitum per intellectum vel scientiam (moralem nempe) corrumpitur in particulari per aliquam passionem; sicut concupiscenti, quando concupiscentia vincit; videtur hoc esse bonum quod concupiscit, licet sit contra universale iudicium rationis.* Ergo prudentia & scientia moralis nituntur diversis principiis.

Quod etiam habeant diversum formaliter objectum, suadetur ex Aristotele 6. Ethi. c. 9. nam licet utraque respiciat agibilia; seu operationes voluntatis; Attamen Moralis respicit illas in universali, ut scientificè cognoscibiles, prudentia verò in particulari, ut hic & nunc operabiles ac rectè regulabiles, seu ut dicit D. Thomas q. 4. de virtutibus in communi, art. 6. *Ad scientiam (Moralem scilicet) pertinet universale iudicium de agendis, sicut fornicationem esse malam, furtum non esse faciendum: Sed ad prudentiam pertinet rectè iudicare de agilibus singulis, prout sunt nunc agenda: Atqui hæc duo in ratione objecti diversissima sunt; ergo prudentia & Moralis respiciunt objecta inter se diversissima.*

Quod verò habeant diversos actus, proba-

tur : Actus scientiæ moralis est scire ; vitiorum virtutumque naturam subtiliter indagare , veraciter penetrare , evidenter demonstrare ; unde scientia Moralis utitur syllogismis logicalibus quemadmodum & aliæ scientiæ : At verò actus Prudentiæ est ex bona finis intentione de congruis mediis judicare , ac quid eligendum sit præcipere ; unde prudentia non utitur syllogismis logicalibus , sed longè alterius generis , in quibus scilicet recta finis intentio est quasi maior ; Iudicium verò medii assumendi , quasi minor ; & Electio quasi conclusio ; ergo Prudentia & moralis habent actus diversos.

Quod demùm habeant diversa contraria & corruptiva suadetur : Nam prudentia corrumpitur affectu vitii corrupto , quantumvis intellectus maneat circa agibilia illustratus : Unde vir in Moralium rerum cognitione versatissimus potest esse imprudentissimus , si sit malus ; ideòque Aristoteles 2. Ethicorum dicit : *Scire , parùm vel nihil prodest ad virtutem , & rationem subiungit , quæ multi non operantur ea quorum scientiam habent* , quando scilicet affectus vitii depravatur , ac prudentiale iudicium passionibus corrumpitur. At verò scientia Moralis non tollitur per vitia , sed per ignorantiam ; ideòque vir pessimus potest esse in moralibus doctissimus ; ergo scientia Moralis & Prudentia habent diversa contraria & corruptiva.

Dico tertio : Moralis est tota practica.

Probatur conclusio : Tum ex illius fine , qui practicus est , scilicet dirigere intellectum ad bene regulandas operationes voluntatis : Tum ex eius obiecto , quod est etiam aliquid practicum , sci-

licet ipsum opus voluntatis ut induit rationem honesti & turpis, ac bene vel male fieri potest à nobis: Tum demùm ex eius principiis, quæ sunt practica, ut potè ad finem pertinentia, quæ est habitus primorum principiorum practico: um sicut intelligentia est habitus primorum principiorum speculativorum.

Quantum verò ad divisionem huius Philosophiæ Partis, secuti eundem ordinem quem tenuit Aristoteles, quidquid circa mores dicendum occurrit, sex quæstionibus comprehendemus. Prima erit de ultimo fine morum, seu de felicitate. Secunda de subiecto moralitatis, scilicet de actibus voluntariis; ubi præcipuè de libertate agitur: Tertia de passionibus, quæ participant moralitatem, quatenus à recta ratione regulari possunt: Quarta de bonitate & malitia, quæ sunt moralitatis species: Quinta de virtutibus in communi, quæ sunt bonorum morum principia: Sexta de iisdem in particulari.

Verùm antequàm ad primam quæstionem accedamus, quidpiam dicendum est de congruo Moralium scientiæ Auditore. Aristoteles in eo tres exigit conditiones. Primam ex parte intellectus, scilicet docilitatem, ut scilicet non exactam in Moralibus subtilitatem & Mathematicam certitudinem exigat, sed qualem natura rei patitur. Quippè, inquit lib. 1. cap. 1. *est hominis probe instituit tantam in unoquoque genere subtilitatem ac tractationis exactitudinem desiderare quantum rei natura recipit.* Cùm igitur, ut superius dixerat, *in iis rebus quæ honestæ, quæque iustæ sunt,* (id est in moralibus) *tanta sit dissensio, tantaque versetur erratio,* præcipuè ubi ad particularia fit descensus, satis erit si in illa rudem quendam veriformam adhibeamus

Secundam conditionem, requirit ex parte affectus, ne scilicet afferatur ad hoc studium animus vitis corruptus ac passionibus seruiens, sed qui ratione suos affectus dirigat: Cuius rationem affert, quia Moralis non in cognitione speculatiua tantum consistit, sed ad actionem neque de veritatibus moralibus potest ita syacere iudicare, sicut gustus depravatus de saporibus, neque ex earum studio debitum fructum reportare; ideoque inanem atque inutilem operam in audiendo infuset.

Tertiam demum exigit conditionem ex parte ætatis, ne scilicet, qui huic scientiæ incumbit, sit iuuenis, sed maturus & gravis: Tum quia iuvenes sunt actionum moralium adhuc imperiti: Tum quia passionibus in hac ætate fervidis: nondum satis robusta ad eas frænandas ratione obtemperare solent. Verum quia, ut egregiè notat Aristoteles, quod iuuenis sit ineptus ad Moralem scientiam, *Culpa non est in ætate, sed in eo quod passionibus deordinatis conuulsa nitatur, & quidquid liberni effræni animo persequatur*; ideo cum apud Christianos virtuti militet omnis ætas, iuuenisque; timore Domini ac gratiâ defectum rationis supplente, passiones suas frænare debeant & soleant, scientiæ Morali discendi inepti habendi non sunt; ideoque Salomon in ipso suæ doctrinæ moralis limine, id est, Prov. cap. i. dicit se scribere, *Et detur parvulis astutia, adolescenti scientia & intellectus.*

¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶

QVÆSTIO PRIMA,

De ultimo fine morum, seu de Felicitate.

TRactationem Morum cum Aristotele auspiciamus ab ultimo eorum fine quia hic est scopus nobis, ut ille ait, *tanquam sagittarum propositus*; ad quem in omnibus collimate debemus mensura & regula totius rectitudinis moralis, clavus vitam nostram dirigens rectamque inter vitiorum procellas tenens, ac veluti sidus nauticum, cui intendendo vitæ cursus ab errore ac naufragio securus fit; potius dixerim portum, ad quem huiusce vitæ nostræ navigatio suspirat & tendit. Unde licet sit ultimus in assecutione, est tamen primus in intentione, proindeque in cognitione, quia nihil volitum quin præcognitum, & ut sæpe advertit cum Aristotele D. Thomas, se habet in moralibus, sicut primum principium in speculabilibus, cuius cognitio præsupponi debet, tanquam cæterarum omnium fons, radix, & cardo. Quæ verò de ultimo fine, seu felicitate, dicenda occurrunt, tribus complectimur articulis: In primo agitur de ultimo fine secundum se spectato: In secundo de felicitate obiectivâ, seu de re cuius adeptio hominem felicem efficit: In tertio demum de felicitate formali, seu de adeptione illius rei, quæ homo felix efficitur.

ARTICVLVS PRIMVS.

De ultimo fine morum humanorum.

Actionum quæ ab homine fiunt pervulgata divisiones humanas & actiones ho-

in his actiones hominis dicuntur, quæcunque ab homine fiunt. Actiones verò humanæ sunt, quæ non solum ab homine fiunt, sed etiam modo nomini proprio eliciuntur. Porro quis alius agendi modus homini proprius est, quam qui rationem, quâ homines sumus, consequitur? Differt autem agens rationale ab aliis, quia cum cætera instinctu impetûque naturæ ad suos actus abripiantur, nec proinde suorum actuum dominium jusque disponendi habeant, agens rationale per intelligentiæ lumen & voluntatis libertatem seipsum regit, de suis actibus per propriam deliberationem disponit, sicque illorum dominium habet: Unde actio humana propriè dicitur, ut definit D. Thomas 1. 2. quæst. 1. art. 7. *Quæ ex voluntate deliberata procedit*, ratione scilicet præfulgente, ac in quem finem tendendum sit ostendente, voluntate verò subsequente, ac non cæco naturæ impetu in bonum irruente, sed ex judicio rationis in id quod expedire visum fuerit se inclinante. Si quæ vero actiones sint, quibus desit alterutra ex his duabus conditionibus, (id est in quibus aut rationis lumen non præfulgeat, ut in repentinis passionum motibus, qui eo quod rationis judicium impetu præcipiti præveniant, dicuntur *primò primi*; & in illis actionibus, quas duce imaginatione solemus elicere ut est, fricare manus torpentes, spuere, &c. Aut voluntas non subsequatur (ut sunt quamplurimæ cogitationes passionumque plures motus, quos etsi ratio advertat, voluntas tamen non approbat,) illæ actiones hominis quidem sunt, sed non sunt humanæ, nec proinde morales.

Verum quia intellectus intantum præfulget voluntati, eamque moveret & dirigit, in quantum

ei bonum ostendit, in quod tanquam in censuram inclinatur, ut in eo motus suos finiat & quietet; ideo necesse est omnem actionem humanam tendere in aliquem finem; qui si ulterius non referatur, dicitur *ultimus*; si vero ad alium ulteriorem ordinetur, dicitur *intermedius*. Porro quomodo definiatur finis, quid sit agere propter finem, & quomodo cum omnia naturalia quadantenus agant propter finem, sola agentia intellectualia se se dirigant in illum, proindeque magis proprie dicuntur *agere propter finem*, abunde distinctum est in Physica X. part. disp. 2. quæst. 5. de causa finali.

Solum hic discutiendum est, an sit quidam morum nostrorum & vitæ finis ultimus: Quid proprie sit: an quilibet homo sibi unicum ita præstituat, ut in plures tendere non possit, & demum, Quomodo differant mali à bonis in fine ultimo sibi præstituendo; quæ omnia ut commodius tractentur in duos paragraphos distribuemus

§. I.

An detur aliquis finis ultimus vitæ humanae,
& quid proprie sit?

Finis dupliciter *ultimus* dici potest: Primo secundum quid & respectu alicuius particularis negotii: Secundo simpliciter, respectu scilicet totius vitæ. In primis constat in quolibet negotio dari aliquem ultimum finem in quem tota eius series tendat & terminetur ut in medicina eiusque operationibus finis ultimus est sanitas, in studio scientiarum, cognitio veritatis, in bellicis expeditionibus, victoria & pax.

Quæst. I. Art. I. §. I. *De ult. fine mor. humanor.* ¶
in dominio : habitâ enim sanitate quiescit sollicitudo Medici ; veritate cognitâ, cessat inquisitionis studium ; partâ victoriâ & pace gloriosâ ac utili firmatâ, bellicæ curæ ac labores terminantur. Solùm dubium est an & totius vitæ sit aliquis vltimus finis, cujus adeptio appetitum omninò quietet, hominemque felicem constituat.

Dico primò : Necessè est dari aliquem totius humanæ vitæ finem vltimum. Ita Aristoteles hic, D. Thomas 1. 2. quæst. 1. art. 4. & communiter alii.

Probatur conclusio primò ratione D. Thomæ 1. 2. quæst. 1. art. 4. Impossibile est ut intentio hominis in dispositione vitæ procedat in infinitum infinitas ; ergo necessè est dari aliquem vltimum finem in quo quiescat. Consequentia patet. Probatur antecedens : Tum quia generaliter in causis subordinatis procedi non potest in infinitum, ut probat Arist. 8. Physic. text. 34. Tum specialiter, quia si daretur processus in infinitum in finibus, nullusque esset in quo voluntatis intentio vltimò sisteret, nullus etiam esset à quo voluntas primò moveri inciperet : Atqui necessè est dari aliquem finem à quo primò voluntas moveatur, aliàs nunquam moveri inciperet ; ergo non datur processus in infinitum in finibus, sed debet esse aliquis vltimus in quo voluntas tandem quiescat. Minor patet : Probatur major : Vltimum in assecutione, in quo voluntas quiescit, est primum in intentione à quo moveri incipit ; ut patet in consolatione Medica, quæ quia vltimò quiescit in sanitate obtentâ, primò incipit ex sanitate intenta ; ergo nisi daretur aliquis vltimus finis in quo voluntas vltimò quiesceret, non daretur aliquid primum

in intentione, à quo voluntas primò moveri inciperet.

Probatùr secundò conclusio ratione Aristorellis hìc cap. 1. Nisi daretur finis ultimus humanæ vitæ, appetitus humanus esset irritus & inanis: Sed hoc videtur inconueniens, cum omnis appetitus sit inclinatio impressa ex ordinatione primis moventis, scilicet Dei, qui nihil in casum facit, & frustra movet; ergo datur finis ultimus vitæ. Probatùr sequela maioris. Ille appetitus est irritus & inanis, qui nunquam satiari potest & pervenire quò tendit: Atqui appetitus humanus nunquã satiari posset, & pervenire quò tenderet, sit in nullo posset ultimò quiescere; ergo esset irritus & inanis: Maximè quia omnis inclinatio ad bonum est propter quietem in bono, quod ideò dicitur *finis*, quia quietando finit & terminat desiderium appetitus: Vnde appetitus qui nunquam quiescere potest, sed quocumque obtento ulterius procedit, est irritus & inanis.

Objicies: Finis ultimus est, in quo satiatus appetitus quiescit: Sed nihil datur in quo humanum desiderium plenè satiatum quiescat ergo non datur finis ultimus vitæ. Probatùr minor ex ea inquietudine, quã homines nunquam bonis expletos nova semper accumulare desideria videmus: Ut avari nunquam satiantur divitiis, voluptuosi voluptatibus, ambitiosi honoribus, sed semper in infinitum in suis desideriis procedunt: Vnde Aristoteles 1. Polit. cap. 6. dicit: *In finito concupiscentia existente homines infinita desiderant.*

Respondeo negando minorem. Ad probationem respondeo hanc humani cordis inquietudinem & novorum desideriorum accumulationem

Quaest. I. Art. I. §. I. *De ult. fine mor. humanor.* 17
non probare quod nō detur finis ultimus in quo
appetitus humanus quiescat, aut quod eiusmodi
homines non præstituant sibi aliquem finem
ultimum in dispositione vitæ suæ. Sed solum
quod illum non obtinent, quia in illis rebus eum
quærunt in quibus non est, Omnis enim homo
sibi quidem præstituit aliquem ultimum finem
quo plenè obtento satiatus quiesceret; scilicet
summum bonum, seu perfectam satisfactionem,
ex cuius intentione primò ad operandū move-
tur: Sed quidam homines hanc perfectam satis-
factionem, quam pro ultimo fine habent, in qui-
busdam quærunt, quæ ad illam minimè suffi-
ciunt, quibus proinde obtentis non quiescunt
satiati, sed usu ipso cognitâ eorum insufficien-
tiâ iis spretis ad nova quærenda procedunt. Et
hæc est radix inquietudinis cordis humani suâ
felicitatem in bonis perituris quærentis; hoc-
que pacto cuncti pravi in infinitum procedunt.
In nulla enim requiescunt, sed novis semper de-
sideriis æstuant; nec miserum cor eorum bonis
concupitis magis expletur, quam fabulosum
Danaïdum dolum aquâ.

Dico secundò: Ultimus humanæ vitæ finis re-
ctè definiti potest, Ille quem propter se tantum
volumus, cætera verò propter ipsum. Ita defi-
nitur ab Aristotele lib. 1. Ethicorum cap. 1. &
à D. Augustino 19. de civit. Dei, cap. 1.

Declaratur definitio: In primis quod ultimus
finis propter se tantum quæri debeat patet; si
enim ad ulteriorem ordinaretur, ultimus non
esset. Quod etiam cætera id ipsum referri de-
beant tripliciter suadetur: Primò quia primum
in unoquoque genere est causa cæterorum: Sed
ultimus finis est primus in intentione, ut ex di-
ctis patet; ergo est causa omnium quæ intendū-

tur, seu ratio volendi cætera. Secundò quia, appetitus omnia refert ad id, in quo solo ultimò quiescit; nisi enim referret ulterius, in illis ultimò quiesceret, ut de se patet: Atqui ultimus finis est in quo solo ultimò quiescit appetitus; ergo cætera debet tandem referre ad ipsum. Tertio demùm quia ultimus finis plenè satiare debet appetitum, perfectè ipsi dominari, totaliter ei ad æquari; aliàs non in illo ultimò sisteret proindeque finis ultimus non esset: Atqui nec plenè satiaret appetitum, si aliquid ad ipsum non pertinens quæreretur; nec dominaretur totaliter affectui, si omnes eius motus sibi non subiceret; nec adæquaretur ei, si aliquid extra eum desideratur, quod propter ipsum non quæreretur; ergo ultimus finis est propter quem cætera omnia volumus, quique proinde dicitur *felicitas*, seu *summum bonum*, eò quod in se omnia bona colligere debeat, eoque possesso perfectè satiatur appetitus.

Porrò quâ ratione omnia referantur ad ultimum finem seu beatitudinem, & quomodo amor illius sit fons origo & radix omnium aliorum affectuum, declarari amplius posset, non solum exemplo lucis, quæ quia est primum summumque visibile, est ratio videndi omnia colorum discrimina; aut exemplo motus cordis, qui quia est primus vitæ motus, est causa à qua proficiunt omnes vitales motus; sed adhuc longè præclariùs comparatione apud D. Thomam frequentissimâ intellectus cum voluntate. Sic enim se habet amor ultimi finis in appetibilibus, sicut cognitio principiorum in intelligibilibus: Vnde sicut prima principia sunt prima cognita; ita beatitudo seu finis ultimus est primum volitum: Et sicut non assentimur particularibus conclu-

Quæst. I. Art. I. §. 1. *De ult. sine mor. humanor.* 19
sionibus, quatenus coherent cum primis princi-
piis; ita nec volumus bona particularia, nisi
quatenus connexa sunt cum ultimo fine, scilicet
beatitudine: Et demùm sicut cognitio princi-
piorum movet ad omnes alias cognitiones, qua-
tenus per eam illustrati, cætera intelligimus,
ideoque radix est omnium cognitionum, imò
cæteræ cognitiones non sunt nisi quædam illius
primi luminis propagationes & diffusiones; ita
primus ille beatitudinis amor movet ad alios
amores; quatenus per illum excitati, ea quæ
ad ipsum ducant quærimus; estque prima om-
nium affectuum radix; imò cæteri affectus non
sunt nisi quidam illius primi amoris rami, pro-
pagines ac diffusiones; seu lineæ, ab hac circum-
ferentia natæ & in ejus centrum, scilicet beati-
tudinem, terminatæ: Vnde præclare Boëtius 3.
de consol. prosa 2. *Omnia moralium cura (quam
multiplicium studiorum labor exercet, diverso-
quidem calle procedit, sed ad unum tamen bea-
titudinis finem nititur pervinire*: Et D. Augu-
stinus l. 13. de Trin. c. 5. *Omnes beati esse vo-
lunt, & hoc ardentissimè appetunt, & propter
& hoc ardentissimè appetunt, & propter hoc
cætera appetunt.*

Objicies: Illi quorum Deus venter est, ut lo-
quitur Apostolus ad Philippenses 3. habent sine
dubio illum pro ultimo fine: Sed non referunt
omnia ad ipsum; ergo non est necesse ut omnia
referantur ad ultimum finem. Probarur minor
qui enim fieri potest ut ad tam vile, tam angu-
stem, tam brutale bonum humana voluntas
tam latè patens omnes affectus referat & co-
arctet?

Respondeo negando minorem; ob id enim
dicuntur ab Apostolo habere ventrem, in en de-
licias ventris, pro Deo; qua cuncta aliquatenus

ad ipsas referunt. Id verò quomodo fiat facile intelligetur, sit rem aliùs repetēdo annotemus beatitudinem, seu perfectam appetitùs sationem esse finem ultimum omnium hominū. Licet autem humanus appetitus tam latè pateat, ut solâ boni infiniti possessione satiari possit, homines tamen falsâ existimatione decepti plenam desiderii sationem sæpe reponunt in rebus augustæ umbraticæque bonitatis; ut avari in pecunia, voluptuosi in delitiis corporis, ambrosiosi in honore; quatenus putant in his rebus se sui desiderii perfectam quietem reperturos. Et ideo dicuntur eam habere pro Deo suo, id est, pro summo bono. Huius verò miserimæ deceptionis radix est, quod homo in hac mortali carne passionibus potius quàm ratione agitur; *corpus enim quod corrumpitur aggravat*, id est affectibus ex se natis trahit, *animam*: Vnde quid sibi bonum sit passionum magis gustu, quàm rationis lumine determinat. Contingit autem passionum aliquam ita vehementer intendi, ut cæteras opprimat, aut ac se trahat, sicque voluntati sola dominetur; quam ita excæcat & coarctat, ut solum illius passionis bonum advertat & appetat, sicut oculus per foraminis angustias respiciens, ea solum advertit, quorum species foramen admittit: Vnde sic coarctata voluntas illo unico bono obtento se perfectè felicem fore putat, ideòque omnem affectum ad ipsum dirigit; quod præcipuè videre est in hominibus prophani amoris cæstro percitis. Verùm quando boni amari possessione passionis ardor sedatur, voluntas quasi laxato vinculo ad nativâ amplitudinem redit, illiusque boni insufficientem detegens nova quærit quibus vastissimum desiderij hiatus explere possit. Et hæc est ratio cur

Quaest. I. Art. I. §. 1. *De ult. fine mor. humanor. ex*
mali & suam felicitatem in vilissimis rebus po-
nant, & tamen in nullo quiescere possint, sed
novis semper desideriis astuent.

§. II.

An homo plures fines ultimos habere possit; &
quomodo in fine ultimo sibi praestituendo
mali à bonis differant?

Quantum ad primam tituli partem, non pro-
cedit de fine ultimo quasi materialiter su-
pto, pro re scilicet in qua homo suam felicitatem
reponit, debeatne esse una simplex, an possit
ex pluribus sub una totali ratione boni perfecti
apprehensis integrari. Quippe constat homines
ad suam perfectam felicitatem plura; eaque di-
versissima requirere opes, honores, ingenium
delicias, &c. Sed procedit de fine ultimo for-
maliter spectato, pro ipsa ratione summi boni,
an scilicet rationem summi boni possit homo
pluribus rebus ita tribuere, ut simul quamlibet
divisim sumptam habeat pro ultimo fine.

Dico primò: Impossibile est hominem plures
ultimos fines simul & semel habere. Ita D.
Thomas 1. 2. quaest. 1. artic. 5. & communiter
alii.

Probatur conclusio primò autoritate Chri-
sti Matth. 7. dicentis, *Nemo potest duobus Do-*
minis servire: Atqui finis ultimus est qui tota-
liter affectui dominatur, ut ex dictis patet; ergo
idem homo non potest simul & semel habere
duos ultimos fines.

Secundò: Ex ipsa ultimi finis definitione, ac-
cijas proprietatibus: Finis ultimus est qui ad
nullum alium, sed ad quem omnia referuntur;

qui perfectè satiat appetitum: qui est summum ac plenum appetentis bonum: Atqui si homo duos ultimos fines haberet, ad neutrum eorum omnia referrentur, cum saltem unus ad alium non ordinaretur, neuter perfectè satiare appetitum, cum obtento uno alius adhuc esset appetibilis; neuter esset summum ac plenum appetentis bonum, ut enim, arguit Boëtius 3. de consol. prosa 2. *summum bonorum cuncta intra se continet, quia si quid abforet, summum esse non posset, quoniam relinqueret extrinsecus quod posset optari.* Ergo finis ultimus cuiuslibet hominis non potest esse nisi unicus.

Tertiò demum: Quod naturaliter appetitur non potest esse nisi unum: Sed finis ultimus naturaliter appetitur; ergo nō potest esse nisi unicus. Major videtur certa; quia natura est determinata ad unum: Vnde sicut unius rei non est nisi unica forma ad unam rei speciem determinata, ita nec nisi unica inclinatio naturalis ad unum finem, tali formæ proportionarum. Minor verò declaratur: Nam licet res in qua reponendus est ultimus finis, non sit à natura determinata, attamen amor ultimi finis, seu beatitudinis, est naturaliter inditus voluntati: liquidem, ut egregiè arguit D. Thomas quæst. 16. de verit. art. 2. *Cum natura in operibus suis bonum intendat, & conservationem eorum quæ per operationem natura fiunt; in omnibus natura operibus semper principia sunt permanentia, immutabilia, & rectitudinem conservantia.* Vnde ut ait 1. 2. quæst. 17. art. 9. ad. 3. *Principia oportet esse naturalia:* Atqui amor finis ultimi est fundamentum & principium omnium affectuum; ergo oportet ut sit naturaliter inditus voluntati, sicut cognitio principiorum

Quæst. I. Art. 1. §. 2. *De ult. fin. mor. humanor. 25*
naturaliter inest intellectui.

Quantum ad secundam tituli partem, in primis constat omnes homines sive bonos sive malos in hoc convenire, ut beatitudinem, seu, perfectum plenumque bonum appetant ut ultimum finem. Certum est præterea secundum rei veritatem hoc bonum, hanc hominis beatitudinem in unica tantum re posse reperiri, quamvis eam varii in variis requirant, quatenus ut præclare ait Boëtius 3. de cons. *Cum mentibus hominum veri boni sit naturaliter inserta cupiditas, ad falsa deus error abducit.* Superest igitur malos à bonis differre, non in appetitu beatitudinis, sed in modo determinandi sibi hanc beatitudinem, quatenus exæcato intellectu, depravatoque vitiis ac passionibus affectu, illam in his rebus quærunt, in quibus non est, hoc modo quærunt quo minimè debent, imò quo nequaquam reperient. Ceterum cum in hac beatitudinis inquisitione pravi homines tot tamque diversis viis procedant, & eorum cor veluti ætiosum mare tot tamque invicem pugnantibus cupiditatibus agitetur, difficile est in his affectuum ambagibus huius Labyrinthi filum adinvenire, & unum tot tamque erraticis motibus scopum determinare, in quo & omnes mali conveniant, & à bonis differant. Porro rem non discutimus de homine ut elevato ad finem supernaturalem & secundum principia fidei, quo pacto spectat ad Theologos; sed præcisè spectato in ordine naturæ, & quatenus ea de re veritatè venari possumus ex principiis lumine naturali notis. Hoc posito. Dico secundo: Differant mali à bonis, quod mali sibi pro fine ultimo præstituant bonum proprium taxatum, non secundum rationis regulas, sed iuxta effrænæ depravataque passionibus va-

luntatis libitum ; proindeque in his rebus , in quibus minimè reperitur, querendum. Boni verò è contra summum suum bonum ac beatitudinem juxta rectè rationis regulas sibi determinent, ac proinde in illa re querant, vbi verè reperitur. Quamquam autem res illa sit, dicetur articulo sequenti. Unde finis ultimus malorum est bonum proprium, non absolutè, sed dissolutè quæsitum ; finis verò ultimus bonorum est bonum proprium non dissolutè, sed rectè & conformiter ad regulas rationis spectatum.

Conclusio desumitur ex Aristotele 9. Ethic. cap. 8. ubi postquam statuit quemlibet maximè seipsum amare, sibi que bona procurare, inter bonos & malos illud discrimen statuit, quod mali in procurando sibi bono *suis cupiditatibus & affectibus, eique animi parti, qua rationis expertus est, obsequantur*, proindeque in bonis fallacibus suam beatitudinem constituent, *in pecunia, in honoribus in voluptatibus denique corporis sibi ipsè majorem partem tribuendo ac vendicando*, unde, & à multitudine hominum, quæ hæc bona magni æstimat, mali dicuntur *φιδωροι*, id est *sui amatores*, eo quòd immoderate hæc sibi procurent. At verò boni *res pulcherrimas atque optimas sibi tribuant, sed ei sui parti, qua principatum tenet*, (id est rectæ rationi) *gratificantes, & omnibus in rebus obtemperantes* : Ex quibus.

Probatnr conclusio ; Appetitus corruptus differt à recto, quod cum uterque bonum proprium quærat (quippe cum omnis appetitus sit inclinatio in bonum propriū naturæ à qua fluit) rectus omnes motus suos rationis ductu regat, pravus verò effræni licentiâ rationis metas exeat : Atqui mali in determinando sibi fine & querendo

Quaest. I. Art. I. §. 2. *De ult. fine mor. humanor.* 25
quærendo bono ducatur appetitu corrupto, idè
enim mali sunt, boni verò appetitu recto; ergo
differunt mali à bonis, quod mali sibi ultimum
finem determinent in bono proprio nonsecun-
dum rectæ rationis regulas, sed juxta pravæ vo-
luntatis libitum taxato; boni verò in eodem bo-
no proprio à recta ratione regulato.

Porro quomodo voluntas hominis boni à cha-
ritate altiùs evecta bonum proprium ulteriùs re-
ferat in Divinum quatenus est in seipso, id est,
quatenus est bonum ipsius Dei; & quomodo
voluntas peccatoris quantumvis moralibus vir-
tutibus instructi, postquam per peccatum exclu-
sâ charitate à bono Divino ut est in se excidit,
in bono proprio culpabiliter torpeat, expendere
pertinet ad Theologiam.

Cæterum, quod dixi in conclusione, malo re-
pudiatio rectæ rationis ductu in proprium bonum
ac felicitatem cæco impetu irruentes, eam in
his rebus quærere, in quibus minimè sint reper-
turi; proindeque quidquid immoderatâ sibi sa-
tisfaciendi aviditate moliantur, semper inquietos,
inanes, ac miserrimos remanere, non so-
lùm sancti Prophetæ ac sacri Doctores cælitùs
edocti nobis vehementer inculcant, sed etiam
solo rationis lumine ac vi pervidit, luculenter-
que expressit Aristoteles 9. Ethicorum cap. 4.
cujus verba aureis characteribus inscribi digna
non pigebit pro hujus articuli epilogo referre.
Hujusmodi autem sunt, *Semper (improbi) se-
cum pugnant ac dissident, aliaque volunt,
alia concupiscunt: his enim spretis ac rejectis
qua sibi bona esse opinantur, jucunda sequun-
tur, & qua sunt damnosa sumunt (quippe
ut ait Poëta, aliudve cupido, mens aliud sua-
det.)* Propter ignaviam autem ac desidiam ab
Philos. R. P. G. Pars IV. B

iis agendis qua sibi optima ducunt, longè se re-
 movent; & cum multa facinora admiserint,
 propter improbitatem vitam oderunt ac fu-
 giunt, sibi que manus violentas inferunt: Qua-
 runt quibuscum dies toros ducant, se ipsos au-
 tem fugiunt: Multa enim gravia atque horren-
 da recordantur, taliaque rursus, cum soli sunt,
 expectant, tantisper autem dum cum aliis sunt
 obliviscuntur. Cum sit nihil in eis amabile, ni-
 hil illius amicabilis affectus, qui solet esse inter
 amicos, habent ad se ipsos: Neque enim secum
 unà latantur, neque unà dolent, sed in eorum
 animo discordia ac seditiones concitantur, qua-
 tenus altera pars animi propter improbitatem,
 quia à quibusdam reprimatur, discrucatur
 (pars scilicet sensitiva; altera) pars rationalis
 scilicet, quæ judicat abstinendum esse malo (in-
 terdum latatur, & huc trahit altera, illuc al-
 tera, animum quasi discerpentes: Quod si fieri
 non possit, ut quis simul doleat & letetur, ac
 certè pravus paulò post quod latatus sit dolore
 conficitur, nolletque hac sibi voluptatem attu-
 lisse. Malo enim assidue actionum suarum pe-
 nitet. Non videtur igitur homo malus ne in se-
 ipsum quidem amico esse animo; quia nihil ha-
 bet amabile. Vnde tandem per egregiè conclu-
 dit; Quod si ita affectum esse valde est mise-
 rum, acerrimâ contentione fugienda est impro-
 bitas operaque cuique danda, ut sit vir bonus,
 Cujus pacatissimam jucundissimamque vitam
 paulò ante descriperat.

ARTICVLVS SECVNDVS.

De felicitate objectiva ; seu de re cuius possessio hominem naturaliter felicem efficere potest.

CVM in felicitate duo sint, res quâ felices sumus, & consecutio illius rei, primum dicitur *felicitas objectiva* ; secundum *felicitas formalis*. De ista inferius dicetur, de felicitate verò objectiva nunc nobis sermo est. Quamquam verò in ea totius moralitatis cardo vertatur, utpotè cum sit omnium actionum finis, mensura, & præmium, in nulla tamen Philosophiæ parte vehementius erraverunt Antiqui Philosophi lumine fidei destituti. Cum enim formarent iubilum, magnificam, augustamque felicitatis ideam, nullum in his bonis, quæ in hominem cadere possunt, detegebant satis amplum putum & excelsum ad tantum munus implendum : Vnde ut inquit D. Thomas 3. cont. Gent. cap. 48. *Magnam hinc inde patiebantur angustiam eorum præclara ingenia, nec quò se verterent satis in promptu habebant. Quidam hominem exactè felicem esse posse desperantes, eam vitam beatam dixerunt, non quæ bonis undique afflueret, sed quæ minus misera esset : Quorum nomine Plinius, Si verum iudicium ferro volumus, inquit, ac repudiata omni fortuna ambitione decernere, mortaliū nemo est felix. Abundè igitur, atque indulgenter fortuna decidit cum eo, qui iure dici non infelix potest. Nam, inquit Cicero 5. Tuscul. ut quæstiosa mercatura, fructuosa aratio dicitur, non si al-*

tera semper omni danno, altera omnis tempestatis calamitate semper vacet, sed si multo majori ex parte existet in utraque felicitas, sic vita non solum si undique referta bonis est, sed multo majore & graviore ex parte bona propendent, beata rectè dici potest.

Sed animosiores hac in parte Stoici, ut plenam felicitatem homini vendicarent, certissimè astruebant virtutem esse summum bonum, vitium verò summum, imò unicum malum; proindeque sapientem, id est omni virtutum dote ornatum virum, etiam in Phalaridis tauro ac exquisitissimis doloribus esse perfectè felicem. Quidam felicitatem perfectam reponebant in tranquillitate animi, quam Democritus εὐδαιμονίαν, seu εὐεσθὴν appellabat, quasi bonum animi statum, Heraclitus verò εὐαρίστησιν, id est placabilitatem, seu pacationem animi? Pyro autem ἀταραξίαν, id est statum animi imperturbabilem, & qualem magnificè describit Horatius 3. carm. Ode 3. his verbis,

*Iustum & tenacem propositi virum
Non civium ardor prava jubentium;
Non vultus instantis tyranni
Mente quatit solidâ: nec Auster
Dux inquieti turbidus Adria,
Nec fulminantis magna Iovis manu,
Si fractus illabatur orbis,
Impavidum ferient ruinae.*

Anaxagoras, Posidonius, Herillus, Pithagoras & alii ad felicitatem principaliter exigebant rerum cognitionem ac contemplationem. Aristoteles verò, cum contemplationi ac virtuti primas daret, addebat præterea bona fortunæ & optimum corporis statum. Aristippus & cum eo Cyrenaici cæteris omnibus delicias corporis

præferabant ; quem brutalem errorem multi è vulgo pravorum in praxi sequuntur, cùm alij divitias , alij honores & imperia , ut præcipua bona consecerentur. Imo , quasi homines ad seipsum excruciantes geniti essent , quisque solet in iis felicitatem reponere quæ , sibi cùm desint , in aliis admiratur. Ut ignari in scientia , pauperes in divitiis , ægroti in sanitate , subditi in principatu , &c.

Demùm ne singula memorem , notissimum est Epicurum vitam beatam in voluptate reposuisse : quam verò intellexerit , an animi , an corporis , an utriusque , nihil attinet discutere. Vnum adnotare juvat , illum ut puriores pararet voluptates sive bonis , sive malis , illa omnia convellere fuisse conatum , quibus fructio voluptatis turbari solet. Vnde negavit vigilantem supra nos Dei providentiam , cujus formidabilis censura & ultor oculus lancinat inter ipsas delicias corda malorum : Omnia naturæ opera retulit ad ludum atomorum , ut ea securius spectaremus , nihil ex tam innoxiiis causis formidantes : Mortis pavorem cunctas vitæ delicias amaritudine diluentem avertere studuit , dicendo eam esse nihilum , & post ipsam nihil nostri superesse quod dolere possimus , proindeque non magis timendam quàm somnum : unde consequenter poenas malis in altera vita paratas in fabulis habuit : Vno verbo in tota sua Philosophia huc collimavit , ut omnem animi anxietatem , laborem curam , pavorem dolorem , vel poenitens aboleret , vel saltem deliniret ; efficeretque ut homines præsentis vitæ usuram , quoad natura concedit , jucundè blandèque carperent , ut pereleganter describitur Sapientia 2. aut , ut rem dicam brevius , ut securè impii es-

sent. Verùm ut his omnibus sententiis, quatenus veritati obstant, confutatis vera sententia stabilatur.

§. I.

Felicitatem hominis in nullo bono creato posse consistere.

Dico primò : Felicitas hominis non consistit in divitiis. Conclusio est contra avaros, qui tantâ curâ opes sectantur, ut eas quasi pro summo bono habeant; unde Apostolus vocat avaritiam, *simulachrorum & idolorum servitutem*.

Probatur conclusio ratione D. Thomæ 1. 2. quæst. 2. art 1. Divitiæ aliæ artificiales sunt, ut denarii: aliæ naturales, ut frumentum, vinum, &c. Primæ sunt propter secundas, secundæ verò propter vitæ sustentationem; ergo neutrae sunt finis ultimus, sed tantùm media ad aliquem finem, scilicet vitæ sustentationem. Vnde annumerantur duntaxat inter bona utilia, quibus repugnat ratio finis ultimi ac beatitudinis.

Confirmatur: Primò quia bonum hominis consistit magis in retinendo beatitudinem, quàm in emittendo ipsam: Sed sicut Boëtius 3. de consol. dicit, *Divitiæ effundendo magis, quàm coacervando melius nitent: si quidem avaritia semper odiosos, claros facit largitas*: Vnde comparantur fimo, qui dispersus prodest agros impugnando, coacervatus verò foetet; ergo in illis beatitudo non consistit.

Secundò, pecunias consequitur cura servandi, sitis augendi, timor amittendi: Præterea legnitiei fomenta sunt, litium rixarumque in-

Quæst. I. Art. II. *Felicitate objectiva.* 31
sentiva, scelerum irritamenta, virtutis impedimenta; ideoque à Christo spinis comparantur, quæ virtutum sementem suffocant; imò sapè, ut dicit scriptura, *congregantur in damnum Domini sui*; nec unquam ejus appetitum satiant; sed, quæ quidem habentur contemnuntur, quæ non habentur anxie quærantur: Vnde præclare Bernardus, *impossibile est cor satiari auro, sicut nec corpus aurâ*; Ergo non faciunt felicem suum possessorem, sed potius famelicum.

Teitiò demùm in sententiâ omnium felicior est pauper sanus, quàm dives podagræ aut aliis doloribus lacinatus; hic enim vellet sanitatem totis thesauris coëmere. Imò pauper Aglaus Psochidius in Arcadiæ angulo parvum, sed annuis victibus sufficiens prædium sine ulla cupiditate colens, Gyge rege amplissimo felicior habitus est ab Oraculo, ut refert Plinius lib. 7. cap. 48. Et ne plura commemorem, nullus est qui respublicas Romanam, Lacedæmonicamque beatiorens fuisse non arbitretur, cum sine divitiis ista Græciæ, illa magnæ orbis parti virtute armisque imperaret, quam cum succedentibus divitiis ac earum pedisequis vitiis utraque labefacta est, ergo divitiæ ad felicitatem hominis non conferunt.

Objici posset pro avaris: Illud videretur esse summum vitæ humanæ bonum, quod maximè dominantur affectui hominum, & in quo cætera humana bona continentur: Atqui divitiæ maximè dominantur affectibus hominum, juxta illud Ecclesiastæ 10. *pecunia obediunt omnia*, & aliud ex Poëta tritum;

— *quid non mortalia pectora cogis.
Auri sacra fames.*

Similiter in diuitiis cætera humana bona quæ-
dantenus continentur: Vnde Aristoteles 5. Ethicor-
um; *Ad hoc, inquit, nummus iuuentus est, ut sit quasi fide inssor habendi pro eo quodcum-
que homo voluerit: Quod luculenter expendens*
Horatius serm. lib. 2. satyrâ 3. ait.

————— *omnis enim res,
Virtus, fama, decus, divina humanaque pul-
chris.*

*Diuitiis parent, quas qui construxerit, ille
Clarus erit fortis iustus, sapiens etiam &
rex, Et quidquid volet.*

Ergo diuitiæ sunt maximum huius vitæ bonū.

Respondeo diuitas dominari solūm affectibus
stultorum, qui venales animas habent: Nam vir
sapiens ne minimum quidem turpe admittet
propter cupiditatem diuitiarum, vt videre est,
non solūm in veris Christianis, qui cælitus sunt
edocti *Beatos esse pauperes spiritu*, sed etiam in
pluribus Antiquis, qui solo rationis lumine illu-
stati animū a diuitiarum corruptela immunē
seruauerunt, ut patet in Lacedæmoniis & Anti-
quioribus Romanis. Adde quod eiusmodi diui-
tiarum dominium in animos hominum non est
blandum dulcēque imperium, quale summum
bonum decet, sed dura quædam tyrannis, quæ
mentem miserè opprimit, & sexcentis malis red-
dit obnoxiam: Nam ut ait Apostolus, *radix om-
nium malorum cupiditas*. Vnde avari comparā-
tur seruis illis, qui apud Æthiopes Macrobiōs
aureis catenis vinciebātur, quos eleganter Ter-
tullianus vocat *tantò miseriore, quantò ditio-
res*. Quæ verò bona in diuitiis contineri dixit
Aristoteles, sunt solūm venialia, id est, minora:
Nam spiritualia vendi non possunt, vt scientia
& virtus: Vnde Salomon Prov. 17. *quid prodest*

Quæst. I. Art. II. De Felicitate obiectiva. 33
stulto habere divitias, cum sapientiam emere non possit? Quod verò satirice, ironiceque dixit Poëta, divitem esse justum sapientem, &c. intelligendum est non secundum veritatem, sed secundum adulationem; quatenus homines blandiendo divitibus, eis virtutes & dotes tribuunt, à quibus longissimè absunt.

Dicò secundò: Felicitas hominis non consistit in honoribus: Conclusio est contra ambitiosos, qui honoris causâ cuncta moluntur.

Probatum autem tripliciter: Primò quia felicitas debet esse in eo qui felix est, tanquam bonum ipsi intrinsicum: Atqui honor est in honorante; & non in eo cui defertur, respectu cuius est tantum denominatio extrinseca: ergo non facit felicem eum cui defertur.

Secundò, honor est duntaxat testimonium excellentiæ, quam non facit, sed supponit: cuique quasi tributum & appendix accedit: Sed felicitas est bonorum excellentissimum: ergo honor eam non facit, sed supponit.

Tertiò, bonum quo felices sumus, debet esse solidum ac stabile: Sed honor est instabilis & inanis, ut pote qui pendet ex opinione hominum: Vnde Iacobi 4. comparatur *Vapori ad modicum apparenti*; & Sapientiæ 2. *Vmbra transenti*; & Danielis 2. *Marinis fluctibus*: Imò, ut inquit Seneca ad Polybium: *Honores cum labore possidentur, cum invidia conspiciuntur, eosque ipsos quos exornant onerant & premunt*: ergo felicitas non consistit in honore.

Dices: Beatitudo est præmium virtutis, ut dicit Aristoteles 1. Ethicorum: Sed ut idem dicit 4. Ethicorum, honor maximè videtur esse id quod est præmiû virtutis: ergo est ipsa felicitas.

Respondeo cum D. Thoma, quod honor non est præmium virtutis, propter quo virtuosi operantur, sed accipiunt honorem ab hominibus loco præmii, quasi à non habentibus ad dandum majus: Sicut Rex Persarum à quodam paupere haustam utraque volâ è fluvio aquam pro dono libenter acceptasse fertur. Si autem propter honorem fieret opus, jam non esset virtus sed magis ambitio: Vnde qui sincerè virtutem, coli, etiam dispendio famæ & honoris recta operatur; ut videre est in Apostolis, qui ibant gaudentes à conspectu concilii, quoniam digni habiti essent pro nomine Iesu contumeliam pati.

Dico tertio: Felicitas non consistit in gloria & fama. Conclusio videtur esse contra Antiquitatis dictos Heroas, qui gloriæ & famæ gratiâ cuncta gerebant.

Probatum primò: Felices debet consistere in bono solido & vero: Sed ut ait Boëtius 3. prosâ 6. gloria fallax sæpè & turpis est: *Plures enim magnum sæpè nomen falsis vulgi opinionibus abstulerunt, quo quid turpius excogitari potest? Nam qui falsò pradicantur, suis ipsis necesse est laudibus erubescant: ergo in illa non consistit felicitas.*

Secundò, gloria, ut ait Ambrosius, est *clara cum laude notitia*, cujus fama est quedam divulgatio: Notitia autem Divina est quidem causa rerum: ideoque in ea tanquam in causa vera felicitas consistit: unde D. Francisci effectum, *Domine tantus unusquisque est, quantus tibi apparet.* At verò humana notitia causatur à rebus: unde bonos non facit, sed supponit si vera sit: si autem falsa, ad felicitatem nihil juvat, sed magis infelicem reddit eum, qui pro-

Quæst. I. Art. II. De Felicitate objectiva. 35
propria conscientia testimonio confusus, de ea,
veluti de falso teste erubescit. Vnde qui verè
sapit, famam non quarit, *sed etiam in nemore
solus*, ut inquit Plato, *aut Gygi annulo prote-*
ctus virtuosè agit.

Dico quartò : Felicitatis hominis non confi-
stit in potestate.

Conclusio est contra quosdam politicos, qui
summum hominis bonum in principatu collo-
cantes, divina humanaque huic fini inservire
cogunt, juxta illud à Cæsare usurpatum ex Eu-
ripide : *Si violandum est jus, regnandi cau-*
sa violandum est, ceteris rebus pietatem co-
las. Vnde antiqui Romani, quorum Respu-
blica ex latitudine domini felicitatem suam
æstimabat, sancita religiosè fœdera, cum di-
latando imperio obstarent, callidis interpre-
tationibus corrumpebant : uti & nunc Turcæ
faciunt.

Probatum tamen conclusio : Primò, felicitas
omnem sollicitudinem & metum abigere debet.
Sed potestas animum potiùs innumeris curis
& pavoribus lancinat, ut egregiè indicavit
Dionysius Siciliae Tyrannus, seipsum compa-
rando homini inter lautissimas dapes epulan-
ti, cujus capiti gladius tenui filo vix retentus
& tantùm non cadens impenderet : ergo pote-
stas non felicem, sed miserum hominem efficit
& ut de curru solis imperito Phaëtonti concessio
ait Ovidius,

— *Hoc vero nomine pœna,*
Non honor est.

Quod etiam egregiè Boërius 3. de Conf. his
verbis expressit : *Potestas sollicitudinum incursus*
expellere, formidinum aculeos vitare nequit :
Felicem censes, cui satellites latius ambiunt.

qui quos terret, ipse plus metuit?

Secundò potestas se habet per modum principij procurantis felicitatem alienam: dat enim ius applicandi alios, & instituta est, ut dicit Apostolus, à Deo, propter bonum Reipublicæ, malorum punitionem, bonorum protectionem: ergo ipsa non est felicitas, sed potius medium quoddamtenus inserviens felicitati.

Tertiò, felicitas firmat hominem in bono: Atqui potestas se habet indifferenter & ad bonum & ad malum, ut patet in bonis & malis Principibus: ergo non constituit felicitatem.

Quartò demùm, vel princeps abutitur potestate, vel benè utitur: si abutatur, dominium est ei mulpipula & certissimæ ruinæ occasione, ut patet in Tarquinis, Cæsaribus, Dionysiis, &c. Si verò benè utatur, dominium est ipsi labor & onus, ut patet in Moyse, Lycurgo, Codro, &c. Vulgus tamen principes putat felices, quia videt solum exteriorem splendorem. Qui verò secretum cordis norunt, infelicissimos reputant, & veluti ea antiquorum simulachra, quæ exteriùs aurum erant, interiùs verò lutum. Hinc contemptus regni apud sapientes frequens, ut patet in Numa Pompilio, qui non nisi per vim regnum suscepit, Anacharsi Scytha, qui Philosophiam regno anteposuit, idque ut sexcentos alios mittam.

Præter has rationes, quatuor aliæ generales expendi possunt ex D. Thoma 1. 2. q. 2. art. 4. ad probandum in nullo præfatorum consistere felicitatem.

Primò, felicitas excludit omne malum, ideoque non nisi in virum bonum cadit: Sed divitiæ, honores, gloria, & potestas, sunt munera cæcæ fortunæ: malis sæpiùs, bonis rariùs concessa:

Quæst. I. Art. II. De Felicitate objectiva. 37
ergo non constituunt veram felicitatem.

Secundò, felicitas sola homini sufficit: His autem adeptis plura desunt, ut sanitas, robur, scientia, virtus.

Tertiò: ex beatitudine nemo fit peior: ex his verò plures deteriores evadunt: Honores enim mutant mores, ut patet in Heliogabalo Tiberio, &c. Divitiæ sæpe cedunt in malum possessoris sui, ut videre est in Cræso, Crasso, Romanis & Lacedæmoniis, quorum urbes paupertas excoluit ac servavit, opes verò prediderunt Principatus etiam est sæpe causa ruinæ & mortis, ut patet in Julio Cæsare & omnibus ferè Cæsariibus. Gloriæ demum seu famæ amor sæpè ad peccatum inducit, ut videre est in Lucretia, quæ quamvis maximè pudica, ne tamen servuli concubitu falsò accusaretur, vero consensit adulterio: & Empedocles, ut Deus haberetur, in Æthnæ voragine se sponte præcipitem dedisse fertur.

Quartò tandem, felicitas consistit præcipuè in bonis stabilibus & internis animæ, quæ dignior hominis pars est. Prædicta verò bona solum externa sunt, arbitrio instabilis fortunæ versatilia; & ut inquit apud Livium expertus Annibal, *innumeris casus subjecta*. Unde plures prolapsi sunt ex principatu ad servitutem; ut Sedecias, Manasses, Perseus, Bajazeth, &c. E divitiis ad summam paupertatem; ut Belizarius, Cræsus, & Crassus ille, cui cum pecuniæ magnitudo *locupletis* nomen dedisset, inopia *decoctoris* superlativum injunxit: *Itaque*, inquit Valerius Maximus, *turpi fugillatione non curvit, quia cum egens ambularet, dives ab occurrentibus salutabatur*: E summa fama, ad insignem ignominiam; ut Aman, & Seja-

nus: E florentissimis honoribus ad statum servilem; ut Dionysius Siciliae Tyrannus, Annibal, &c. Vnde pereleganter Valerius Maximus lib. 6. cap. 9. *Caduca nimum hac & fragilia, puerilibusque consentanea crepundia sunt, qua vires atque opes humana vocantur. Assuunt subito, repente dilabuntur; nulla in loco, nulla in persona stabilibus nixa radicibus consistunt: sed incertissimo statu fortuna huc atque illuc acta, quos in sublime extulerunt, improvise cursu destitutos, profundo cladum miserabiliter immergunt.* Vnde iure concludit; *Itaque neque existimare, neque dici debent bona, quae ut inflictorum malorum amaritudine desiderium sui duplicent, propensiore favore delinitos, ma ore poste à malorum cumulo opprimere solent: Haberi ergo ad summum possunt ut ex se indifferencia, quippe quae ut sapienter dixit Terentius, Heautontim. Act. 1. Sec. 2.*

Perinde sunt, ut illius animus, qui ea possidet: Quinti scit, ei bona: illi qui non utitur recte, mala.

Dico quintò: In voluptatibus corporis, imò in nullo corporis bono vera felicitas consistere potest.

Conclusio est contra libertinos, qui animam immortalem, imò spiritualem negantes, sola bona corporalia agnoscunt & sectantur, quod idem, saltem in praxi, sequitur pravorum vulgus, praecipue illi quorum Deas venter est. Idem tenuisse videntur Epicurei, cum & ipsi animam corporalem mortalemque assererent: imò & Mahometes paradisum suum ex gula tactusque voluptatibus foedissime confingens.

Ceterum hic error non tam rationibus impugnandus esset, quam sinceris descendus lacrymis.

Nam quis quæso siccis oculis recogitet hominem paulò Angelis minorem creatum, ad imaginem Dei factum, intellectu, quo nihil sublimius, capacius ac excellentius in rebus est, præditum, ita brutescere, ut generosæ illius divinæque scintillæ ad æterna & divina bona innato quodam impetu sese surrigentis ardore ac vigore oppresso, porcorum siliquis, id est, abjectissimis pecudibusque concessis delitiis, tanquam summo bono turpissimè inhiet? Verùm ne questibus solùm res agatur.

Probatur conclusio rationibus: Primò, quia felicitas consistere nequit in perfectione rei ulteriori ordinatæ: Sed corpus ordinatur ad animam sicut instrumentum ad artificem, materia ad formam, servus ad dominum; ergo felicitas consistere nequit in perfectione corporis. Minor patet: Major etiam ex eo constat, quod felicitas est ultima hominis perfectio, quæ proinde debet illi competere secundum præcipuam partem, & ad aliam nobiliorem non ordinatam.

Secundò, felicitas debet satiare omnem hominis appetitum: Sed bona corporalia non satiant omnem hominis appetitum; ergo felicitas in eis non consistit. Maior patet ex supra dictis. Minor etiam certa est: Cùm enim duplex sit in nobis vis appetitiva, intellectiva scilicet & sensitiva, bona corporalia satiant solùm sensitivam.

Tertiò, cùm homo per intellectum apprehendat bonum universale, & tempore non circumscriptum, sed æternum ac stabile, non potest quietari eius appetitus bonis particularibus, & extemporaneis: Sed bona corporalia sunt admodum instabilia, & cùm sunt infima in

rerum ordine, non nisi dispersam, divisam, diminutam, particularemque bonitatem capiunt: ergo in illis felicitas hominis esse non potest. His rationibus utitur D. Thomas 1.2.q.2.art.5. & Opusc.2.p.2.cap.9.

Confirmatur præcipuè quantum ad voluptates corporis. Tum quia turpes sunt, & de quibus homo naturaliter erubescit: Tum quia, cum ut plurimum sine crimine non gustentur, relinquunt post se amores pœnitentiæ aculeos. Vnde Boëtius 3. de Consolat. prosa 7. *Tristes, inquit, exitus esse voluptatum quisquis reminisci suarum libidinum volet, intelliget; & Apostolus ad Rom.6. Quem fructum habuistis in illis, in quibus nunc erubescitis?* Tum demùm quia nec adesse possunt omni tempore, nec diuturnæ esse queunt, nec animum unquam explent, sed potiùs dum habentur fastidium sui afferunt, & dum usque ad satietatem percipiuntur, corpus labefactant, mentis lumen & vigorem extinguunt, gravissimisque incommodis usuram sui dividentes, vehementiùs affligunt, quàm delectaverint, ut de voluptuoso jurè dixerit Augustinus Psal. 36. Con. 1. *Est semper sic esset, plangendus esset.*

Adde tandem quod, ut inquit Boëtius, si voluptates cæteraque corporis bona beatos efficere possent, nihil causæ esset, quin pecudes quoque beatæ esse dicantur; imò beatiore hominibus, cum à multis brutis homo in his bonis superetur, ut ab elephante in diuturnitate vitæ; à leonibus in fortitudine; à cervis in velocitate; & ne singula attingam, ab omnibus ferè in sanitate, quippe cum corpus hominis & frequentioribus & gravioribus morbis virgeatur, quàm corpora pecudum. Imò voluptates

corporis puriores sincerioresque animalia quam nos capiunt; utpote quas nec insatiabilis aviditas insufficientes efficit, nec verecundia turpes nec pœnitentia amaras, nec nimietas fastidiosas, nec sollicitudinem, curarum, timorum importuna commixtio ingrata; Ergo vel dicendum bruta esse hominibus feliciora, quod nullus, quantumvis brutalis, admittet; vel felicitatem in corporalibus bonis minimè repositam esse.

Dices: Cur igitur prudens natura tam ardentem voluptatis bonique sensibilis sitim hominibus indidit, si illa ad veram felicitatem non juvant, imò impedimento sunt? Videmus enim hominem alacri impetu naturaliter currere ad voluptates bonaque sensibilia: ad honesta verò & spiritualia cogi magis quam tendere.

Respondeo hominem etiam naturæ instinctu præferre bona animi bonis corporis: neque enim vel ipse Epicurus, quam se habere putabat sapientiam & virtutem sensibilis voluptatis pretio vendere voluisset: Imò nec voluptatem sensibilem probat, nisi temperatam ratione, id est nisi aliquis in ea boni honesti splendor eluceat: Vnde ejus nomine pronunciat Torquatus apud Ciceronem lib. I. de Fin. *Non posse jucunde vivi, nisi sapienter, honestè, justèque vivatur.* Quod igitur spiritus animi rationisque bonis plerique hominum voluptati se totos dedant, in causa est non naturæ inclinatio, sed vel ignorantia, vel desperatio, vel rationis infirmitas: Quatenus animi bona, aut ignorantes, aut assequi desperantes, aut certè contra voluptatum illecebras tenere non valentes, ad bona corporis, quæ quotidie experiuntur & in promptu se habere putant, quorumve blanditiis ager & puerilis eorum animus fallitur.

totū suum impetum melioribus destinatum convertunt: Ideoque illa vehementiore aviditate arripiunt, quàm pecudes ipsæ. Et cū n̄ in eis minimè reperiant bonitatem ardori ac spei suæ respondentem, conatur copiā saltem compensare umbratilis bonitatis inanitatem. Hinc illa libidinum portenta ad insaniam & furorem usque prorumpentia. Atqui non id naturæ consilium fuit, cū necessaria mortalitati nostræ officia voluptate quadam dividit, sed potiùs horum laborem hoc lenimento mollire, nosque ut pueros blanditiis ad illa exercenda adhortari, inditâ interminatione, quæ & modum adhibere, & nos melioribus genitos non debere languidarum instar pecudum hisce tam vilibus delectationibus inhærere admoneret.

Dico sextò: Etsi virtus ad felicitatem pertineat, attamen in ea non perfecta hominis felicitas. Conclusio est contra Stoicos.

Probatur efficaciter: Primò quia via distinguitur à termino; Sed virtus est via ad felicitatem, cū dirigat affectus hominis ad eam consequendam; ergo non est ipsa felicitas. Secundò, felicitas est præmium virtutis: ergo non est ipsa virtus. Tertiò demum, virtus non satiat appetitum hominis, sed solū ipsum rectificat: Vnde homo, etiam perfectâ virtute præditus, ad bona intelligibilia ulterius suspirat: ergo non reddit hominem perfectè felicem.

Quantum autem spectat ad sententiam superius relatam, quæ felicitatem collocabat in tranquillitate, pacatione, aut imperturbabilitate animi, eam fusiùs impugnare non est necesse. Nam vel sumit hanc pacationem, tranquillitatem, ac imperturbabilitatem merè privat. vè, pro carentia passionum immoderatarum animum agi-

Quæst. I. Art. II. *De Felicitate objectiva.* 43
tantium : Et hoc modo in his felicitas nequit
consistere , quia non est mera mali carentia , sed
bonum summum ; unde sicut eradicatio noxia-
rum herbarum non est finis agriculturæ , sed so-
lùm quædam præparatio ad finem ; ita nec pas-
sionum sedatio est felicitas hominis , sed ad sum-
mum quædam ad felicitatem dispositio. Si verò
hæc tranquillitas sumatur pro positiva quiete
animi in ultimo bono , non solvit quæstionem ,
nam ulteriùs determinandum superest , quod-
nam sit illud tam perfectum , tam immensum bo-
num , in cujus possessione felix animus perfectè
quietatur.

§. I I.

Felicitatem hominis in solo Deo consistere.

Cum superiùs ostenderimus in quo felicitas
hominis minimè consistere possit , nunc su-
perest ut in medium adducamus illud tam ingens
tamque sufficiens homini bonum , cujus solius
possessio nos felices efficere potest. Loquimur
autem semper de felicitate naturali , de qua &
Veteres Philosophi duntaxat solliciti fuerunt ;
de supernaturali enim dicere , ad Philoso-
phum nihil attinet , qui non ex revelatis , sed
ex lumine naturali notis ratiocinatur. In pri-
mis verò ex his quæ precedenti. §. dicta sunt ,
fatis liquet , nullum bonum imperfectum , di-
minutum & particulare posse plenam hominis
felicitatem constituere ; ideoque , vel negan-
dum est hominem posse esse perfectè felicem ,
vel surrigenda est altiùs cogitatio ad illud subli-
me , plenum redundansque bonum , in quo tan-
quam in fonte bona creata continentur : Vnde.

Dico : felicitas , etiam naturalis , in solo Deo consistere potest.

Conclusio non solùm apud Christianos Philosophos certa est , sed etiam ab Antiquorum quam plurimis , quantumvis lumine fidei destitutis , non obscurè fuit tradita. D. Augustinus 8. de Civit Dei cap. 9. insinuare videtur in eam sententiam quadantenus consensisse Pythagoreos , Athlanticos , (id est , antiquissimos illos Philosophiæ cultores Platoni non semel memoratos) Ægyptios , Indos , Persas Chaldaeos , Scytas , Gallorum Druidas , Hispanos &c. Sed eodem sancto Doctore annotante , tum ibidem cap. 5. & 8. tum Epistola 56. nulli luculentius , apertius , animosiusque hanc sententiam asseruerunt ac propugnarunt quàm Platonici , quorum princeps Plato nihil frequentius inculcat , quàm Deum esse *totius pulchritudinis pelagus , cuius participatione homo fit beatus , dum scilicet illo fruatur non sicut amicus amico* , id est , affectivâ quadam unione , *sed sicut oculus luce* , id est , clarissimâ contemplatione , ut refert idem sanctus Doctor , adeò ut non immeritò de Platoniciis dicat : *nulli nobis quàm isti propriùs accesserunt.*

Probatur conclusio : Primò ratione quam habet D. Thomas 1. 2. quest. 2. art. 8. Felicitas est bonum adeò sufficiens & perfectum , ut in eo quiescat & satiatur appetitus : Sed in solo Deo quiescere ac satiari potest appetitùs humanus ; ergo solus Deus est felicitas hominis. Major patet : Ut enim supra ostensum est , felicitas est ultimus finis , ultra quem appetitus nequit se extendere , sed in quo satiatus quiescit. Minor verò probatur. Appetitus humanus in eo duntaxat bono satiatus quiescere potest ,

in quo tanquam in fonte , ac universali bonitatis pelago cætera imperfecta & particularia bona colliguntur ac comprehenduntur : Atqui solus Deus est illud immensum & universale bonum , in quo alia tanquam in fonte , pelago , centròque bonitatis comprehenduntur , (quippe cum ab illo in varios dispersa rivulos effluerint :) ergo in solo Deo quiescere satiarique potest appetitus humanus. Minor patet : Major verò declaratur ex ipsa ratione voluntati humanæ quæ , cum sit capax omnis boni , quemadmodum & intellectus omnis veri , bonis particularibus expleri non potest , sed illis superior ita dominatur , ut possit vel repudiare , quâ parte insufficientia sunt ; vel , si libeat amare , qua parte aliquid bonitatis obtinent : Vnde summa desideriorum ejus ab iis nimium angustis rivulis sitibundo ardore ulteriùs fertur , ad ipsum scilicet fontem boni , quo solo vastissimus desideriorum hiatus impleri potest ; quo obtento necesse est ut satiata plene quiescat ; quia cum in eo sit omne bonum quod appetit , & in eo nihil sit mali quod fugit , ab eo recedere nequit ; imò in eo consistat necesse. Vnde acutè dixit Cajetanus à Deo possessio voluntatem averti non posse , *quia ab ejus immensa bonitate undique circumdatur.*

Scilicet , ut præclarissimo effato simul & rationi suæ lux afferatur , voluntas nostra est quasi punctum , à quo infinitæ desideriorum lineæ quoquo-versum procedere possunt ; divina verò bonitas tanquam circumferentia in se principium finemque bonitatis conjungens. Ut ergo à puncto in centro defixo , quamquam infinitæ lineæ duci possint , nulla tamen est , cui circumferentia non occurrat ; ita quoque dum voluntas huma-

na in possessione Dei stabilietur, ita ab ejus immensa bonitate undique circumdabitur, ut quamquam, non secus ac antea, infinitas desideriorum lineas à se producere possit, omnibus tamen illis occurrat divina bonitas, tanquam illud bonum, in quod tendunt perfectissime continens, ideòque omnes voluntatis motus plenissime terminans, quod proprium felicitatis munus est.

Probatum secundò alià ratione, quæ videtur à Platonice deprompta, quâ utitur D. Thomas in suppl. q. 92. art. 1. Ultima perfectio rei cujuslibet, proindeque ultimus finis, est in conjunctione ad suum principium: Atqui Deus immediatè est principium animæ rationalis & potentiarum ejus: ergo ultima perfectio animæ voluntatisque rationalis, proindeque felicitas ejus, est in conjunctione ad Deum, ut scilicet ei adhæreat suo modo, nempe per intellectum & voluntatem. Minor constat ex his quæ in Physica diximus. Major verò declaratur: tum inductione, tum ratione. Inductione quidem. Nam videmus omnia tunc perfecta, subòque modo beata esse, cum ei junguntur & adhærent, à quo tanquam proprio principio suum esse trahunt; à quo dum avelluntur, aut omnino pereunt, aut non nisi ægrè subsistunt: sic quia influxus cælestis est elementorum principium, terræ quidem quatenus viget in centro, ignis verò quatenus viget in circumferentia; aliorum autem, quatenus viget in medio, quod est inter centrum & circumferentiam elementaris globi, ideò terra fertur ad centrum; ignis ad circumferentiam, alia ad medium, ut sic suo reddita principio quiescant, ac pro modulo suo felicia consistant: Sic quia cor est principium spirituum vitalium, & cerebrum animalium, utri-

que tunc perfectè se habent, dum illi cordi, isti cerebri conjunguntur; interruptâ verò cum illis fontibus communicatione, deficiunt, ac tandem corrumpuntur: Et demum ne plura memorem, sic plantæ, quarum principium est genialis solis calor, suo vertice adedò, avidè lucem influxumque illius astri quærunt, ut circumstantibus corporibus obrutæ, ac ab aspectu solis prohibitæ, gracilem truncum tandiu extendant, donec emergentes in apertum, solis luce liberè frui possint: Vnde amor, quo suam perfectionem cuncta cupidè quærunt, nihil aliud est quàm inclinatio redeundi ad suum principium, seu ut loquitur Dionysius, *circulus à bono in bonum revolutus*. Quod eleganter expressit Boëtius lib. 4. de Consol. his verbis.

*Hic est cunctis communis amor,
Repetuntque boni sine teneri;
Quia non aliter durare queant,
Nisi converso rursus amore,
Refluant causa, quæ dedit esse.*

Ratione quoque idem suadetur: Etenim ut quælibet res est per aliquam participationem sui principii, ita quoque perfectè est per participationem perfectam illius; ut enim fert axioma, *sicut se habet simpliciter ad simpliciter, ita secundum quid ad secundum quid*: Sed tunc res perfectè participat principium suum cum ei perfectè coniungitur, ut patet: ergo habet esse perfectum, seu suam ultimam perfectionem, per conjunctionem perfectam ad suum principium. Quod præcipuè locum habet in spiritualibus creaturis, quæ cum à Deo habeant *esse intelligere, & velle*, tunc solum ultimam suam perfectionem obtinere possunt, cum ei quantum naturaliter fieri potest, adherent, *in quo*, ut ait D. August. lib. 8. de Civit.

Dei, c. 5. *invenitur & causa subsistendi, & ratio intelligendi, & ordo videndi, seu volendi; sine quo, ut idem ait c. 4. nulla natura subsistit, nulla doctrina instruit, nullus usus expedit.* Unde merito concludit perfectionem hominis in co-
 sitam esse *ut ipse quaratur ubi nobis secreta sunt omnia, ipse cernatur, ubi nobis certa sunt omnia; ipse diligatur, ubi nobis recta sūt omnia.*

Probatum demum tertio ratione D. Augustini Epistola 56. circa medium, ubi sic discuit. *Eo fruendo quisque beatus est, propter quod cetera vult habere, cum illud non propter aliud, sed propter seipsum diligatur: Et ideo finis ibi dicitur, quia iam quò excurrat, & quò referatur non invenitur, proindeque ibi requies appetendi, ibi fruendi securitas, ibi tranquillissimum gaudium optime voluntatis.* Atqui solus Deus est illud tam eximium bonum, quod non propter aliud, sed propter seipsum est amabile, cetera verò bona sunt propter ipsum amabilia, quatenus scilicet de illo participant, & in ipsum ducunt: ergo solus Deus est illud bonum cujus fruitione homo felix fieri potest.

His omnibus adjici potest experiètia, quâ videmus cor humanum nullis finitis bonis expleri, sed quanto uberius illa affluunt, tanto amplius ipsum dilatari, & cum copia commoditatum crescere desideria hominum. Quis cumulatior fortunæ, corporis, animique bonis, quàm Alexander magnus? sed quis avidior? quis inquietior? Id sanè illustre argumentum est cor humanum infinitio cuidam bono, ut fini suo ultimò, destinatum esse, ideoque minoribus satiari non posse. Unde peregre Augustinus 2. Confess. cap. 1. *Fecisti nos Domine ad Te, & inquietum est cor nostrum, donec perveniat ad Te.*

Objicie

Objicies primò : Discrimen servari debet inter felicitatem naturalem, quæ scilicet viribus naturæ naturali auxilio adjunctæ acquiri potest; & felicitatem supernaturalem, quæ supernaturali gratiæ auxilio potest obtineri : Sed Deus est supernaturalis felicitas hominis : ergo naturalis ejus felicitas in Deo non consistit, sed in aliquo alio minori bono infra Deum.

Respondeo Deum esse felicitatem hominis tam in ordine naturæ, quàm in ordine gratiæ, cum ipse sit ultimus finis non solum gratiæ, sed etiam naturæ; cui proinde immediate conjungit debent creaturæ in rerum vertice positæ, quales sunt substantiæ intellectuales, ut felices sint; quippe cum cætera bona sint infra ipsa, ideòque illas ultimò perficere ac satiare nequeant : Vnde acutè August. 8. de Civit. cap. 4. advertit hominem (& idem dicendum de aliis substantiis intellectualibus) inter alias creaturas præcellentem ita creati debuisse, ut per id quod in eo præcellit, attingat illud quod cuncta præcellit. Vnde ordo gratiæ, & ordo naturæ in eo dütaxat differunt, ut cum uterque in Deum tendat, non tamen æquali modo & perfectione illum attingant, cum enim Deus dupliciter possideri possit, eo scilicet modo quo seipsum possidet amando & cognoscendo, & alio inferiori modo viribus naturalibus creaturæ intellectualis accommodato; gratia, quæ est divinæ naturæ ut in se est participatio, tendit ad fruendum Deo, eo prorsus modo, quo ille seipso fruitur id est videndo ipsum, ut est in se, per eandem speciem, quâ seipsum videt, amando illum charitate aliquâ, ejusdem, quantum creaturæ conditio patitur, ordinis cum ea quâ seipsum amat, & demum fruendo ineffabili quadam societate vitæ

illius aeternæ, quâ ipse vivit. Natura verò in ipsum obtinendum modo longè inferiori tendit, cognoscendo scilicet cognitione perfectissimâ in ea eas quæ de illo viribus naturæ & speciebus naturalis ordinis haberi possunt; amando amore, non quo se ipsum amat, sed quo maximo voluntas creata per sua naturalia potest; & demum adhære. do illi non per modum elevationis ad consortium vitæ ac regni ejus, sed per tranquillam subjectionem ut optimo ac maximè benefico substantiarum spiritualium principi.

Objicies secundo: Finitæ rei non debet correspondere nisi finitum bonum: Sed homo appetitus humanus est quædam res finita: ergo summum hominis bonum non est nisi aliquid finitum, non verò Deus infinitus.

Respondeo cum D. Thoma, tum 1.2.q.2.art.8. ad 3. tum pluribus aliis in locis, distinguendo minorem: Appetitus hominis est finitus subjectivè, concedo; objectivè, nego. Et similiter distinguo consequentiam: ergo summum hominis bonum est aliquid finitum subjectivè, concedo; objectivè, nego. Bonum subjectivum est, ut explicat D. Thomas, *cuius homo est capax ut rei intrinseca & inhaerentis*. Bonum verò objectivum est illud ad quod tanquam ad suum objectum attingere potest. Quamvis autem nihil infinitum inhaerere possit homini, attamen aliquid infinitum ab eo tanquam objectum attingi potest. Cum enim intellectus sit veri in communi, & voluntas boni universalis illud præcipuè à voluntate & intellectu attingi potest tanquam objectum, in quo ratio boni & veri perfectius reperitur: illud autem est aliquid infinitum, scilicet Deus, & idè etiam in Deum tanquam in objectum voluntas & intellectus hominis ferri possunt.

Quaest. I. Art. II. De Felicitate objectiva. 51

Instabis : Inter objectum & potentiam debet esse proportio : Sed inter Deum & potentias hominis nulla est proportio : ergo potentiae hominis non possunt tendere in Deum ut objectum. Probatum minor : Finiti ad infinitum nulla est proportio : Sed est Deus infinitus, potentiae vero hominis sunt quidem finitum : ergo, &c.

Respondeo negando minorem. Ad probationem distinguo majorem : Inter finitum & infinitum nulla est proportio, quantitativa & commensurationis, concedo, objectiva & habitudinis, nego. Quamvis enim res finita non possit comparari Deo infinito secundum aliquem determinatum excessum, quae est propria quantitativa proportio, potest tamen dicere habitudinem ad Deum ut ad suum principium, vel objectum. Solutio est D. Thomae in supplement. quaest. 92. art. 1. ad 6.

Dici praeterea posset, inter finitum & infinitum modo infinitum attactum non posse quidem esse proportionem, bene tamen finito modo attactum : Res enim quae attingitur se habet quasi materialiter, modus autem attingendi formaliter : & ideo potentia finita potest tendere in Deum ut objectum, finito modo attingendum.

Obicies tertio : Felicitas debet satiare appetitum : Atqui Deus naturali lumine cognitus, quantum scilicet relucere potest in speciebus creatis, non satiat, sed potius excitat appetitum ad quarendam cognitionem ejus ut est in se (ut enim ait D. Thomas 1. part. q. 12. art. 1. *Naturale est homini visis effectibus & ex illis cognita causa, desiderare videre causam in se ipsa, nec quiescit donec ipsam visus essentiam clare videat* : ergo Deus naturali lumine cognitus non est naturalis felicitas hominis.

Respondeo distinguendo maiorem : Felicitas debet satiare appetitum , quantum ad desideria in efficacia & impossibilia , nego ; quantum ad desideria efficacia, concedo. In naturali autem beatitudine appetitus excitatus ad videndum Deum ut est in se, & eo modo quo seipsum videt non esset efficax ; quia non est possibile, ut per sua naturalia intellectus videat Deum : Vnde ut homo sit naturaliter felix , non est necesse , ut tale desiderium expleatur, sed id reservatur beatitudini supernaturali, quæ idcirco vocatur, Luc. 6. *mensura bona & cogitata, & supereffluens*: quod omnia omnino desideria non modo satiet, sed etiam excedat.

ARTICVLVS TERTIYS

De Felicitate formali, seu de adoptione illius rei quæ sumus felices.

Constat igitur hominem adeo sublimem amplaque inclinationem sortitum esse, ut nullo creato bono expleri, sed solo Deo satiari possit, proindeque rem qua felices sumus, esse ipsum Deum. Nunc superest, ut discutiamus quo pacto fiat illius tam eximii boni adeptio: Atque id quidem tribus conficiamus paragraphis: In primo quaeremus in quo statu fiat illa felicissima adeptio Dei; an in presenti vita, an in altera: In secundo dicemus speciatim aliquid de felicitate huius vitæ: In tertio de numquam late discutietur in qua operatione consistat essentia felicitatis formalis.

§. I.

An homo felicitatem suam adipisci obtinereque possit in hac vita, vel solum in altera, cum scilicet anima fuerit à corpore separata.

Quæstio minimè nobis hîc est cum illis qui errore toti humano generi maximè injurio animam hominis mortalem fecere, quique proinde putarunt omnia hominis bona per mortem finiri, sed solum cum iis p̄ imæ notæ Philosophis, qui duplicem animæ statum asseruerunt, alterum conjunctionis cum hoc mortali corpore, alterum separationis. Et quidem Aristoteles ultra sensibilia vix sese efferens, cum hanc quæstionem moveat 1. Eth. cap. 11. *Vivine, an mortui, ut Solon voluit beati sint dicendi?* In primis ita exponit Solonem, quasi duntaxat voluerit, felicitatem hominis, quandiu vivit incertam, & timoribus malorum futurorum obnoxiam esse, idèoque nullam quandiu in tam periculosa alea veritatur, debere beatum dici, sed expectandum vitæ diem supremum tanquam cæterorum arbitrium, quo prosperè transacto, tum quisque beatus existimandus est, non quod tunc beatus sit, sed quod antea fuerit; in quo sensu acceptam Solonis sententiam egregiè impugnat: Deinceps verò astruere conatur, etiam in hac vita, hominem posse esse felicem, non perfectè quidem & omnibus numeris, sed ut hominem; id est in quantum mortalitatis conditio patitur: Cæterùm de statu animæ post separationem altum apud eum silentium est, nec aliud in hoc capite hac de re tangit, nisi *res futuras nobis esse incertas, viderique res nostras ad*

mortuos non nihil pertinere. sed ita & tantum,
 ut neque beatos non beatos efficiant, neque
 quidquam aliud tale: Vnde ut advertit D.
 Thomas in 4. dist. 49. quæst. 1. art. quæstiunc. 2.
Felicitatem, quæ est post hanc vitam, nec asse-
rui nec negavit. At verò Plato sublimis inge-
 nii aciem a sensibilibus ad spiritualia, à tempo-
 ralibus & fluxis, ad æterna & immutabilia eri-
 gens, apertè animosque astruit, veram felici-
 tatem non nisi post separationem à carne obti-
 neri posse, nec nisi perpaucos in hac mortali vi-
 ta futuræ hujusce felicitatis prælibatione qua-
 dantenus felices esse posse; quam sententiam
 deinceps Platonici secuti sunt, & inter Antiquos
 ante illum docuerat Pythagoras egregiis hisce
 carminibus.

Optima mens animi fac ut moderetur ha-
benas;

Tum corpus linquens tranabis ad æthera
apertum,

Immortalis erit Deus, amplius haud mor-
talis.

Pro hujusce difficultatis resolutione, & ut Plato-
 nis Aristotelisque hac de re sententiæ cõciliantur.

Dico primò: Perfecta beatitudo obtineri ne-
 quit in hac vita, sed reservatur alteri meliori.

Prima pars est D. Thomæ 1. 2. q. 5. art. 3. & D.
 August. lib. 19. de Civ. c. 5. ubi eam fusè probat,
 præcipuè ex miseris quibus omnis homo quan-
 diu vivit opprimitur: Hanc etiam docuerunt,
 non solum Socrates & Plato, sed antiquissimi
 quoque Philosophi, ut Parmenides & Trismegi-
 stus; qui etiam corpus, in quo vitam hanc agi-
 mus, vocat, *sepulchrum portatile, indumentum*
prævitæ & ignorantia, vinculum corruptionis,
sensitivum cadaver, ita ut non immeritò Euri-

Quæst. I. Art. III. §. I. De Felicitate formalis, &c. 55
pides in hanc sententiam dixerit, quis scit an vi-
vi sint mortui vivi?

Probari autem potest rationibus D. Thomæ; & primò quidē ex miseris quibus hæc vita subja-
cet, sed hoc argumentum experientia satis urget.

Secundò, quia de ratione felicitatis perfectæ est ut sit stabilis & inamissibilis: Sed nullum bonum in hac vita est stabile & inamissibile: Nam & virtus, quandiu vivitur, obnoxia est vitio propter humani arbitrii versabilitatem; & scientiæ per oblivionem corrumpuntur; cetera verò minora bona, sanitas, robur, opes, &c. majori adhuc inconstantia versantur: ergo felicitas, in quacunque re tandem collocetur, in hac vita perfectè obtineri nequit.

Tertiò, felicitas consistit, ut supra dictum est, in Deo: Sed quandiu vivimus, Deo perfectè conjungi non possumus, quippe cum corpus quod corrumpitur aggravet animam, & sensibilibus addictus intellectus nequeat satis ad Divina asurgere: ergo felicitas in hac vita nequit perfectè obtineri.

Quartò, perfecta felicitas est præmium virtutis, requies laboris, vitæ terminus: Sed in hac vita satis digna præmia virtuti non rependantur, sicut nec vitis supplicia; nec datur ulla stabilis requies à laboribus, quos boni contra vitia pugnando subeunt; nec unquam terminatur intellectualis vita, cum semper aliquid novi ad discendum, & aliquid mali emendandum occurrat: ergo in hac vita felicitas humana perfectè haberi nequit.

Quintò, felicitas consistit in eo quod homo perfectè obtineat bonum intelligibile, cuius est capax, sicuti felicitas oculi consistit in eo quod perfectè fruatur bono visibili: Atqui quâdiu su-

mus in corpore bonū intelligibile, scilicet veritas, non nisi admodum imperfectè, umbraticè, & cum infinitorum errorū mixtione, obtineri potest: ergo in hoc mortali corpore perfecta felicitas haberi nequit. Minor patet; Tum ipsā experientiā, quā videmus humanum ingenium mirè caligare, non solum erga divīna, ad quæ, inquit Aristoteles, se habet ut oculus noctuæ ad solē, sed etiam in ipsis naturalibus: Tū ratione; nam omnis nostra cognitio oritur à sensibilibus quæ non sunt nisi umbræ entium, ut observavit Plato; unde dies nostri non solum sicut umbra transeūt sed etiam inter umbras aguntur; propter quod dicit Propheta, Psa! . 38. *In imagine hominē pertransire*, ut interpretatur D. Thomas; Ideoque hæc vita comparatur somno, in quo umbræ inanēque imagines pro rebus apprehenduntur: ergo perfecta veritatis notitia nequit haberi in hac vita, sed ad summum ex his sensibilibus homo duntaxat ea cognoscere potest, non quorum cognitione sit perfectè felix, sed quibus se dirigere ac erigere possit ad beatitudinem cupiendam, querendam, obtinendam.

Sextò demum idē suadet ex egregio discrimine quod statuit D. Thomas inter Angelū & hominem, quale cernitur inter cælestia corpora & sublunaria. Nam quemadmodum illa omnem suam naturalem perfectionē in sua productione statim sortita sunt, ista verò per motum ducuntur ad perfectionem suam successivè proficiēdo; sic inter intellectuales substantias Angeli statim in sua productione omnē naturalem perfectionem, ac proinde beatitudinem suam naturalem, obtinuerunt; at verò homo ut ad illam perveniat, motu quodam eget & longiusculā viā, quæ est ipsa vitā, quam agimus, quā ad sæculū intel-

Quæst. I. Art. III. §. I. *De Felic. formali, &c.* 57
ligentiarum, id est ad ipsam veritatis intelle-
ctualisque luminis patriam, pergitur: ergo in hac
vita felicitas consistere nequit, sed solum via
ad felicitatem.

Secunda verò pars est de fide quantum ad fe-
licitatem supernaturalem: Quantum verò ad na-
turalem, de qua sola nobis sermo est, eam D.
Thomas in pluribus locis insinuat, ferèque eadè
rationes probant, quas pro felicitate supernatu-
rali adducit: Inter Antiquos verò, cum Aristo-
teles, ut supra ex D. Thoma notavimus, rem in-
decisam reliquerit, Plato eam accertimè semper
astruxit, cum Pytagora, Trismegisto, pluribus-
que aliis; præcipuè verò in Phædone & lib. is de
Reipubl. ac legibus, ubi ait; *Quod cum è vita
deceßerimus, si modo purgati exeamus, tunc
verum in ipsum, & id quod virtus, id est, verè est
Deum videlicet, intuentes: fruemur re tanto-
pore nobis concupitâ, hoc est veritate, ac rerum
omnium cognitione: Itaque sicut oculo virtus
munusque nullum est, si lux absit ipseque in te-
nebris agens sempiterno mareore consumitur; si
verò accedat sol ipse rebus, fungitur vi & vitâ
suâ, magnoque cum gaudio spectat & agit: Sic
intellectus noster corpore solutus, si desit ei lux
veritatis, Deus scilicet, torpeat mareatque ne-
cesse est; si adsit, latetur ac fruatur ea luce, in
qua insunt viva expressaque rerû omnium spe-
cies; quo fit ut felicitas nostra sita sit in perfecta
pura, sapiëntia Divini luminis assecutione. Quid
præclarus à vitò fidei lumine non illustrato
potuit de futura illa felicitate prædicari?*

Probari autè potest: Primò, quia felicitas de-
bet esse præmium virtutis, sicut è cõtra summa
miseria vitiorû pœna; vt sic benè se habeat res-
publica mundi, dum à supremo eius moderatore

malis pro supplicio miseria, bonis verò pro præmio felicitas repèditur. Cùm igitur in hac vita nec mali pro merito puniàtur nec boni satis divina præmia referant; superest ut perfecta felicitas & summa miseria in altera vita reserventur.

Secundò, felicitas consistit in conversione ad Divina, ut patet ex dictis: Atqui intellectus separatus à corpore convertitur ad superiora & divina, suas species & cognitionem à Deo immediate recipiens ergo felicitas perfecta contingere debet post separationem à corpore.

Tertiò de ratione felicitatis est, ut sit à miseriis pura, mutationi non obnoxia sed æterna & inamissibilis: Atque anima post separationem à miseriis liberatur, & in bono suo in æternum defigitur ac stabilitur: ergo tunc veram obtinet felicitatem, per modum præmii pro honestis laboribus inamissibiliter concessi ab Authore naturæ.

Contra conclusionem objici possunt difficilia quædam argumenta: Primò, felicitas perfecta debet competere toti homini, & non parti solum, sicut & totus homo est qui collaborat virtuti, cujus est præmium: Sed in altera vita sola superest anima, resurrectio enim corporis non spectat ad ordinem naturæ: ergo felicitas perfecta nequit esse in altera vita.

Secundò, si felicitas perfecta solum competeret animæ pro stata separationis, sequeretur animam naturaliter inclinari ad separationem: Atqui anima potius refugit separationem à corpore: ergo in illa non obtinetur vera felicitas.

Tertiò, si in separatione obtineretur felicitas, sequeretur conjunctionem ad corpus non esse propter melius animæ; quippè cùm in ea obtineat non possit suum bonum. Consequens est fal-

Quæst. I. Art. II. §. I. *De Felicit. formal. &c.* 59
sum, ut patet ex D. Thoma 1. part. quæst. 89, art.
1. ergo, &c.

Respondeo Platonicos ab his omnibus argu-
mentis sese facile expedivisse, dicendo corpus
non pertinere ad essentiam hominis, sed homi-
nem esse animam solam, ut etiam observat D.
Thomas loco proximè citato. Verùm, quia se-
cundùm nos & secundùm veritatem corpus est
essentialis pars hominis, ideo argumenta viden-
tur difficilia sistendo præcisè intra ea quæ natu-
raliter fieri videmus. Cujus ratio est, quia, li-
cèt homo condi potuerit in statu naturæ puræ
attamen de facto non est in eo conditus: Vnde
res humanæ aliter disponuntur, propter ordi-
nem gratiæ cui subjacent, quàm fuissent in statu
naturæ puræ dispositæ, præcipuè quantum ad
moralium virtutum præmia, & flagitiorum pu-
nitionem.

Ildefonsus Thomista egregius putat quod
stante ordine naturæ puræ corpus etiam ad cõ-
fortium perfectæ felicitatis pertinuisset, quate-
nus Author naturæ viros bonos mori non per-
misisset, sed ad meliorum vitam integros tràstu-
lisset, ut cõtingit sãcto Henoch: Vel certè si mo-
ri permisisset, statuto tẽpore illos resuscitasset,
in integrum præmiandos. Hæc solutio funda-
mentum habet in D. Thoma 4. cont. Gent. cap.
79. ubi probat resurrectionem fieri debere, ratio-
nibus etiam ordine puræ naturæ convincenti-
bus, inter quas est illa quæ petitur ex perfectæ
præmii retributione.

Verùm si hæc solutio non placeat, absque re-
cursu ad resurrectionem satisfieri potest argu-
mentis, dicèdo ad primum, beatitudinem perfe-
ctam naturalem soli animæ cõpetere posse, ut-
potè cum in intellegibilibus bonis consistat &c.

fit præmium virtutis, quæ soli animæ formaliter convenit: Vnde anima corpori naturaliter quidem unitur, non tamen permanenter & ut in eo ultimum virtutis præmium recipiat, sed per modum transeuntis, & ut in eo ad beatitudinem per merita bonæ vitæ formetur; sicut puer naturaliter quidem per aliquod tempus gestatur in utero matris, non tamen ut ibi sit permanenter, sed ut ibi formatus ad potiorem statum transeat.

Ad secundum dici posset, quòd sicut puer naturaliter refugit exire ab utero matris ante statum à natura tempus: postquam verò satis, ut ita dicam ad vitam maturuit, extra prodire gessit: Ita & anima in statu naturæ puræ creata refugeret ante statum tempus è corpore exire: Appetente verò maturâ senectute, & jam per virtute n meliori vitæ aptior facta, nihil prohibere quin appeteret, appetitu elicito & secundum partem superiorem, dissolvi & esse cum Authore suo, ut ab eo virtutis præmium reciperet, à quo quandiu est in corpore peregrinatur, sicuti & Sancti in ordine supernaturali jam meritis pleni appetunt per corporis ruinam Deo ut Authori supernaturali conjungi.

Ad tertium nego sequelam; Isti enim duo status & conjunctionis & separationis sunt propter bonum animæ, etiam in ordine naturæ puræ; quatenus in primo per bona opera dignâ se reddidit præmio in altero statu recipiendo. Caterùm absolutè loquendo & abstrahendo ab omni perfectione in præmium virtutis reddenda, proindeque à felicitate, siue perfectior anima corpori unita quàm separata, & modus intelligendi sine corpore perfectior quàm in corpore? Aliaque ejusmodi ad naturam animæ separatae

Quæst. I. Art. III. §. 1. *De Felicitate formali.* 67
spectantia discutere non est hujus loci : Videri
potest D. Thomas 1. part. quæst. 89. art. 1. & ibi-
dem Cajetanus.

Dico secundò: Potest homo etiam in hac mor-
tali vita aliqualem imperfectamque felicita-
tem obtinere. Conclusio vix ab ullo negari
potest : Eam perpetuò docet Aristoteles , &
non semel S. Thomas 1. 2. quæst. 5. præci-
puè 2. 3.

Probatur autem ratione quam ibidem insi-
nuat sanctus Doctor : Etenim ut felicitas perfe-
cta consistit in perfecta participatione summi
boni, ita & imperfecta felicitas in aliquali ejus
participatione : Atqui homo non est ita elonga-
tus à Deo in hac mortali vita, quin summum il-
lud bonum possit aliqualiter participare cognos-
cendo , amando , & pro suo modulo imitando
optimum illum mundi principem , ergo potest
aliqualem felicitatem, etiam in hac mortali vita
obtinere. Sed res uberius expendenda est specia-
li paragrapho.

§. II.

*In quo sita sit hujus vita felicitas, quæve ratio-
ne possit obtineri.*

CUM omnis autoritas Philosophia cõsistat in
beata vita comparanda , ut optime dicit
Cicero lib. 5. de Finib. hinc insumendus foret non
unus paragraphus , sed totus operis nostri cona-
tus. Ecquid enim optabilius , quidve Philo-
sophorum omnium curâ & investigatione di-
gnius , quàm ut tandem certò noverint homi-
nes , in quo posita sit vera vitæ felicitas, quæve
ratione valeat comparari ? Verùm quia res , ut

olim omnibus Philoſophis obſcura viſa eſt, ita nunc facilis & explorata habetur beneficio Evangelij, quo nobis commonſtratae ſunt veræ beatitudinis ſemita, traditaque ea vivendi ratio, quam qui tenent non modò immenſis bonis, atque omni ſpe humanâ majoribus, quæ nempe præparavit Deus diligentibus ſe, in futuro cumulabuntur, ſed etiam præſentis vitæ curſum optimè, ac quantum ſinit conditio mortalis vitæ, feliciffimè paragunt; idcirco nihil neceſſe eſt officium à Chriſto tam luculenter expletum ex Ariſtotele ac humanâ ratione operoſius emendicare. Ut tamen tantisper hanc Moralis Philoſophiæ partem: quantum lumine naturali fieri poteſt, attingamus.

Dico primò: Nemo rationis compos eſt, nullaque vitæ conditio, cui non ſuppentant media vitæ præſentis bene ac feliciter tranſigendæ. Vnde ſemper in culpa hominis eſt, quod ſit verè miſer etiam in hac vita. Dixi verè miſer, nam quæ vulgò miſeria dicitur, cum ſcilicet inſanis deſideriis affatim vitæ commoda non reſpondent, vitari quidem perſæpe nequit, at non eſt verè miſeria, ut patebit ex infra dicendis.

Probari primò poteſt conclusio omnium ſapientium conſenſu, qui toti ſunt in reſutanda inſcitia vulgi exiſtimantis vitæ bene ac beatè tranſigendæ rationem pendere ex arbitrio fortunæ, nec poſitam eſſe in poteſtate ac conſilio noſtro, ſed in quibuſdam bonis adeptu difficillimis: puta indivitiis, imperiis, &c. adverſus quem errore acriter ſic inſurgit Horat. Epift. 1. lib. 1.

*Strenua nos exercet inerita, navibus atque
Quadrigis petimus bene vivere: Quod petis,
hic eſt;*

Eſt. Vlubris, animus ſi te non deſicit æquus.

Memorat autem *Vlubras* speciatim, nempe ignobilem Italiæ vicum, ut doceat nullum locum nullamve conditionem excludere à vita bene ac feliciter ducenda.

Probatur secundò conclusio. Natura & Deus non deficiunt in necessariis : Sed nihil tam necessarium homini, quàm ut in promptu habeat media vitæ optimè ac feliciter transigenda : ergo ea nemini profus negata sunt, sed paternâ Dei liberalitate unicuique pro suo captu ac modulo concessa ; adeo ut in culpa ejus sit quod iis non utatur. Et sanè impium est existimare Authorem naturæ cum nostro corpori tam solerter providerit omnia necessaria ad obtinendam tuendamque optimam ejus habitudinem, adeo ut cum aliquid ex iis deficiat ; manifestè appareat non esse in culpa artificem ; sed materiam perpetuitati repugnantem : Animo vero rei tam excellenti, denegasse media ad consequendam tuendamque bonam habitudinem, in qua consistit vera felicitas, adeo ut non hominis culpa sit, sed naturæ duritia quod miser existat.

Probatur demum tertio inductione : Quippe dum convertimus mentis oculos in tam varias hominum conditiones, videmus splendorem conditionis & abundantiam rerum quas vulgus habet ut media certa ad felicitatem vitæ, aut parùm aut nihil ad eam conferre, sed quamplurimos in illis sublimioribus conditionibus, atque in rerum omnium copia miserissimam vitam ducere, nempe nequitia, curis invidia ; timore dolore, cupiditatibus, irâ, uno verbo omnibus animi ægritudinibus miserè diuexatam. Cum è contra alii in re tenui & angusta ; imò, ut vulgus existimat, in ratione

vivendi satis dura, felicis ac bonæ vitæ suavitates omnes degustent. Cujus quidem rei; cum hæc scriberemus, incidit illustre testimonium Viri pietate heroïca, eruditione insigni, candore ac celsitudine animi incomparabilis R. P. Vincentii Baron: Quippe optimus senex morbo quo brevi confectus est prostratus, cum occasione dolorum quibus lancinabatur incidisset nobis de hujus vitæ miseris sermo, in hæc verba non sine insigni quadam explicantis se internæ suavitatis nota prorupit; *Sibi quidem magnopere ingratos videri homines, qui innumeris cumulatis beneficiis propter pauca incommoda Deum incusant: Se verò cum, cogitaret quanta bona nihil merito contulisset Deus, etsi ad nativum nihilum sibi redeundum foret, pro anteacta vita infinitam gratiam illi habiturum: Adjecit præterea, quod etsi ad rem nunc minimè faceret, tacendum tamen non est, Se imminuentem aternitatem ita expectare, ut divino de se judicio, quodcumque tandem foret, libentissimè subscriberet, probè tenens optimum patrem nihil nisi optimum de suis filiis decreturū.* Atqui Vir egregius durum vitæ genus perpetuò coluerat ab omnibus illis in quo fatui homines prosperæ felicisque vitæ rationem reponunt quàm maximè alienum; imò cum incurrentibus molestiis, tum sponte susceptis laboribus asperimus: Sed cum ea quæ erat æquitare animi rem æstimaret, censebat vitam bonam, in quantavis dura conditione, nunquam esse miseram, illique tantum suavitatis inesse, quantum satis est ad eam habendam ut magnum Dei beneficium, ac benevolentiam quandam imperfectam.

Nec verò his repugnant quærelæ illæ in ore Sanctorum tam frequentes adversus hanc vitam:

Quæst. II. Art. III. De Felicit. formali. &c. 65

Hæ quippe rejiciendæ sunt in vitia ipsa quibus bona vitæ corrumuntur : Aut certè nihil aliud probant, quàm felicitatem hujus vitæ quantumvis bonæ non esse plenam, imò comparatione melioris, quam speramus à Deo, videri nullam. Cæterùm omnium sententia fuit in bona vita satis suavitatis esse, ut etiam sine alio præmio amari ac coli debeat.

Objici potest argumentum, quod queruli homines palmore putant, nempe peritum ex miseris quibus etiam boni gravantur. Ut cum acerbè torquentur, cum fame pereunt, cum obruuntur calumniis, aliisque ejusmodi, quæ satis esse videntur ad expungenda penitè omnia felicitatis lineamenta.

Sed respondeo in primis maximam partem miseriarum quibus premitur vita proficisci ex nostra insipientia & nequitia, ut meritò celebraverit D. Chrylostomus, *Neminem ladi, nisi à seipso.* Et Poëta quidam.

Quàm falsò accusant superos stultrique queruntur.

Mortales; etenim nostrorum causa malorum Nos sumus, & sua quemque magis recordia vexat.

Quapropter his amaritudinum fontibus per virtutem semel probè occlusis pauca eaque levia restant mala, quæque majoribus bonis diluta non penitè corrumunt bonæ vitæ suavitatem, quamvis fateamur illam minuere : At non contendimus hîc felicitatem perfectum.

Addo præterea, quæ vulgò habentur ut magnæ miserix, dum scitè tractantur, cedere in bonum vitæ, atque adeo in partem felicitatis. Nempe sunt ut fructus acerbi, qui cum ex se nihil habeant nisi ad cruciandum gustum, con-

diti tamen cedunt in delitias.

Aut audiendus hac in re Aristoteles lib. 1. Eth. cap. 11. *In his, (nempe calamitatibus vitæ) splendet atque elucet ipsum honestum; cum quis multas & magnas calamitates fert leniter & placidè; non quod doloris sensu careat (ut deinceps voluerunt Stoici) sed quod generosè & magnè sit animi. Imò qui verè bonus & bene sana mentis est, omnes fortuna casus (non solum) dicenter & ex persona sua dignitate feret, (sed etiam) ex iis res pulcherrimas agat; quomodo bonus imperator eo exercitu, qui praesto est semper utitur bellicosissimè; & peritus furor ex iis pellibus, quæ ad eum delatae sunt, calceum pulcherrimum conficit. Unde concludit peregre-giè, SI VIRTUTES VITÆ DOMINÆ SINT, NULLVS BONVS EX BEATO MISER ESSE POTEST, quamvis vulgò talis habeatur sicut in Priami calamitates, id est maximas incidere. Ob hanc causam vocat virum perfectâ virtute instructum, Tetragonum sine vituperio, est perfectum & exactum; eo quod, ut explicat S. Thomas lect. 16. sit ad similitudinem corporis cubici habentis sex superficies quadratas; propter quod bene stat in qualibet superficie, similiter virtuosus in qualibet fortuna bene se habet. Imò fortunæ casus suâ sapientiâ emendans eos in suum commodum inclinât, ut petitus nauta contrarios ventos: cum è contra insipiens etiam prosperos eventus in sui cruciatum & perniciem tandem cõvertat. Quam industriâ ad bene vivendû capitaliter necessariâ lepidè his versibus expressit Terentius in Adelphis, Act. 4. Sec. 7.*

*Ita vita est hominû, quasi cum Tesseri ludas:
Si illud, quod maximè opus est iactu, nò cadit
Illud, quod cecidit forè, id arta ut corrigas.*

Quæst. I. Art. III. De Felicitate formali, &c. 67
Adde, hunc conficium animi nostri cum calamitatibus vitæ atque splendidam de illis victoriam, (si res æquè æstimemus) esse jucundior omnibus bellicis expeditionibus. Ut igitur imperator non se miserum existimat, cum multis magnisque laboribus insignes victorias reportarit, sed magis ex eo lætatur, ita à fortiori Vir bonus felicitati deputare debet hanc virtutis suæ cum calamitatibus luctam, emergentesque exinde victorias.

Instabis: Non omnes habent hunc mentis vigorem, illamque ingenii præstantiam, quâ possint tam sublimia pervidere; præcipuè in adversis, unde facile se obrui sinunt, ergo non omnes in promptu habent media ad vitam feliciter agendam.

Respondeo stupidiore posse sapientioribus credere ac sese formando tradere: Et enim ut rectè Horatius Epist. 1. lib. 1.

*Nemo adeo ferus est, ut non mitescere possit,
Si modò cultura patientem commedet aurem.*

Ceterum qui neque pat se ipsos valent ad rectum dispiciendum tenendumque, nec aliis sapientioribus volunt obtemperare, audiant inquit Aristoteles 1. Ethic. cap. 2. Heliædi versus:

*Optimus est sese qui novit cuncta magistro
Ad finē usque vidēs quæ sæper sūt meliora;
Et bonus ille etiam, qui paret rectæ monenti
At qui mentis inops aliorum audire recusat
Consilia, hic malus est telluris inutile pōda.*

Dico secundò: Etiam imperfecta illa præsentis vitæ beatitudo non est posita in aliqua re creata, sed in Deo; nempe quatenus homo illi adheret ut Author naturæ ac fonti bonorum, quantum supit moralitatis conditio.

Conclusio est capitaliter contra Epicureos, qui eo furoris erupere, ut putarent, non posse jucundè, id est feliciter, vivi, nisi sublato omni cum Deo commercio, omnique providentiâ: Ad instar nempe perditissimorum civium, qui sub optimo principe semper pavidî, tum deum se felices ac securos arbitrantur; cum illum truci daverint, aut in ultimas oras oblegaverint. Ecce quid enim aliud sonat seditiosa illa Vellelij Epicurei vox apud Ciceronem lib. 1. de natura Deorum: *Itaque imposuistis cervicibus nostris sempiternum Dominum, quem dies & noctes timeremus. Quis enim non timeat omnia providentem & cogitantem & axima ad vertentem, & omnia ad se pertinere putantem, curiosum, & plenum negotii Deum?* Horrendæ sanè blasphemix, & quas mirum potuisse homini venire in mentem: At, ut exclamat Sapiens, Eccli. 27. *Quid nequius, quàm quod excogitavit caro & sanguis?* Atqui ante illas generis humanis pestes longè aliter senserât prima Græcæ Philosophiæ lumina, quorum referente Plutarcho lib. de Audit. capitale ad bene vivendum præceptum illud fuit, *ἴπὸν θεῶν, Sequere Deum?* Quapropter Aristoteles Eth. lib. 10. c. 9. cum beatam vitam definisset, *Quæ fungeretur muneribus virtuti consentaneis*, eam tandem ex eo cumulatè beatam fore ait, quod conjugat Deo ut amico; *Erit, inquit, sapiens Deo charissimus: Itaque hoc modo erit beatissimus.* Quamquam ut verè fateamur peccarunt omnes antiquitatis Philosophi, quod cum ipsâ rei perspicuitate convicti cogerentur fateri summam beatitudinis esse, Deo, conjungi, id tamè dictis & factis admodum frigidè celebraverint; ut meritò queratur Apostolus ad Rō. 1. illos cum cognovissent Deum, non sicut Deum

Quæst. I. Art. III. De Felicit. formali, &c. 99
glorificasse. At exinde non fit præjudicium veri-
tati solaribus hisce radiis splendidiori, sed so-
lùm inde conjectandi ansa datur, genus huma-
num grandi & in omnes vulgatâ plagâ percus-
sum, ac malo quodam genio agitatam, hoc ad
felicitatem iter tam apertum, tam planum, tam
simplex nec satis videre, nec profus tenere va-
luisse.

Probari autem potest conclusio iisdem omni-
bus argumentis, quibus superius demonstravi-
mus appetitum hominis satiari non posse nisi
conjugatur ipsi bonorum fonti; proindeque ple-
nam eius beatitudinem esse perfecte Deo con-
iungi; inchoatam autem, cum incipit ipsi ad-
hærere. Scilicet res se habet in hac rerum uni-
versitate, ut in ordinatissima civitate: Ut enim
in ista felicitas cuiusque civis est, ut adhareat
in omnibus optimo principi ac legislatori, at-
que hoc pacto tutâ & tranquillâ vitâ in civita-
te perfruatur: Ita pariter omnis nostra felicitas
est, ut viventes in illa mundana spirituum repu-
blica, pro viribus iungamur supremo illius regi
Deo, atque hoc pacto sub eius optima ditione
vitam bonam ac securam agitemus. Sed ut res
dicatur explanatiùs;

Dico tertio: Illa coniunctio hominis cum
Deo, in qua huius vitæ beatitudo posita est,
perficitur intellectu & voluntate: Intellectu qui-
dem, quatenus de Deo rectè sentimus; volunta-
te verò, quatenus illi ut optimo legislatori pla-
cè ac studiosè in omnibus subiicimur, affe-
ctuumque nostrorum cursum eo modo dirigi-
mus, quo illi gratum esse intelligimus.

Antequam probeur conclusio, tantisper de-
claranda est. Igitur cum conveniat hominis bea-
titudinem attendendam esse secundum functio-

nes mentis, cognitionem scilicet & affectum, manifestum est illum non posse aliter coniungi Deo in objecto beatificanti, quam utraque hac functioni, cognitione scilicet & affectu. Sed cum duplex sit cognitio Dei, altera subtilis & arguta, quam homo acquirit laboriosis contemplationibus, ac disputationibus, altera verò simplex, naturalis, & nulli non pervia, quam etiam maximè rudes facile possint consequi; Quamquam prima utcumque conferat ad vitæ felicitatem, uti & aliæ scientiarum cognitiones, attamen hæc secunda est germana beatitudinis basis, sufficitque ad vitam bene agendam: Nempe in eo tota consistens ut de Deo bene ac digne sentiamus: Illum omnium rerum principium & moderatorem esse? præcipuè hominum utpote sibi similiorum quod ratione participes sint: Ejus bonitatem ac benignitatem tantam esse ut nullus melior princeps aut optari aut cogitari possit: Eâ præditum esse sapientiâ, ut nihil ordinans, quam quod ille disposuerit: Omnia in ejus manu esse, nec quidquam nobis contingere posse, nisi ejus bonitate approbante ac sapientiâ ordinante. Nos si boni esse velimus, ei charissimi nos fore, ut filios ingenuos optimo patri: Erratis nostris, cum tamen illa seriò emendaverimus, in ejus clementia præsidium fore, nec nos unquam deserturum, nisi nostrâ insipientiâ ac nequitiâ nos perdere priores ipsi decreverimus: Nihil nobis melius esse, quam illi obsequi, illum pro modulo nostro imitari, clementiâ, bonitate, prudentiâ, omnibus demum virtutibus, quas in eo summas intelligimus: Huic labori ac studio magnum præmium apud illum nobis fore, quamquam & illud maximum sit, illi placere. Hæc igitur & similia quæ inspirante ac ubique

Quæst. I. Art. III. *Felicitate formali, &c.* 71
resonante naturâ faciliè quisquis sanæ mentis intelliget, si animo altè defixa ac probè explorata habuerimus, contendimus fore columnina vitæ bene ac beatè degendæ, accedente tamen stabili alacrique voluntatis, affectu illis commensurato, nempe quo passionum impetus cogamus ad hanc regulam; quo res vitæ nostræ juxta hæc principia geramus; quo nihil turpe inordinatumque, sed ubique suavissimum honestatis splendorem respiremus, &c. His ita constitutis.

Probatur conclusio: In ea conjunctione posita est vera vitæ beatitudo, cui insunt omnes omnino dotes, omniaque bona, quæ Philosophi videntur optasse ad beatitudinem: Atqui in illa cogitatione Dei & affectibus illi commensuratis cumulatè reperitur, quidquid optarunt Philosophi ad veram beatitudinem: ergo in illis consistit vera vitæ beatitudo. Declaratur minor: In primis enim reperitur illa animi celsitudo, illudque honestum ac Decorum, quod unicè bonum putavere Stoici; quid enim celsius, quid honestius ac magis decorum, quam adhaerere Deo, illum imitari, charum esse? Reperitur itidem imperturbabilis animi adamantina firmitas, quam nulli eventus possint violare; ecquid enim pavebit, qui certo tenet nihil in vita evenire, quàm quod jussit amantissimus pater, optimusque amicus, qui nihil nisi optimum potest decernere, imò nihil nisi quod tandem vertat in commodum amicorum suorum? Insunt quoque huic vivendi rationi præclaræ illæ vitæ rationalis functiones, quas habuit Aristoteles ut veram beatitudinem: Quæ enim præclarior functio, quàm de Deo bene sentire, atque secundùm illum totius vitæ cursum

componere? Adest pariter illa jucundæ vitæ vera suavitas ab Epicureis tam celebrata, sed extra Deum, imò contra Deum, tam malè quæsitæ; quam nec pavor irati numinis conturbet; nec mortis metus exagitet, nec cupiditatum inexplebilis fames cruciet, quæque dolores leniter ferat; bonis oblatis tranquillè fruatur, illaque usque ad medullas degustet. Qui enim Deum ut pater est novit & sincere amat, eum habet non ut iracundum tyrannum, sed ut clementissimum principem, à quo nemo lædi potest, nisi qui sibi ipsis prius nocere voluerit, avertendo se ab hoc boni fonte. Mortem non timet, probè sciens deficiente vitâ se non ruiturum in profundam nihili voraginem, (quod ab Epicureis decantatum, mortis metum non lenit, sed auget) sed in manus Patris amantissimi, qui cum nobis nihil tale meritis vitam ac multa bona dederit, maiora secreto à mortali corpore animo concedet, si hinc illum dilexerimus: Quam suavissimam spem celebrans Plato in Epimunide: *Praclara, inquit, spes est, fore, ut post mortem consequatur quis omnia, quorum, desiderio accensus, instituerit, transegeritque quàm optimè potuerit vitam.* Cupiditate inexplebili non torquetur, quia certò novit, sibi nihil deberi, proindeque non modò pro sufficienti, verùm etiam pro magno habet, quidquid illi Deus concesserit. Dolorem consolatur, non inani Epicuri dilemnate, *Si summus, brevis; si productior, levis;* sed constanti persuasione, Dei medicas manus non torquere nisi ut prosint. Quæ in vita jucunda occurrunt præ cæteris suavius degustat, primò quia virtute, ut sale, condita sunt ei sapidiora; Deinde quod puriori fit palato, ac passionum ægritudine minimè depravato: Postremo

Quæst. I. Art. III. De Felicit. formati, &c. 73
mò quod cùm omnia vitæ bona habeat ut Dei
beneficia ; gratiùs illa suscipit de tam digna &
amica manu, lætusque cogitat se convivam ma-
gni regis. Imò quia Deum habet ut amicum,
non modò de bonis ab eo susceptis purissimam
percipit voluptatem ; sed etiam diviniore per-
fruitur delectatione , cùm cogitat , quam bene
sit amico suo ! Quam sit potens ! Quam latè
regnans ! Quam dives ! Gaudet quippe de his
omnibus ut filius de paternis bonis. Sed fufior
essem si singula persequerer. Tantùm , quæso
te, tantisper proponas tibi animo virum cuiusvis
fortis & genii, sed cui altè animo infederint co-
gnitio & amor Dei, emergentesque exinde affe-
ctus ut à nobis tantisper delineati sunt ; planè
eùm habebis non modò ut beatissimum homi-
nem, sed ut visibilem quemdam Deum. Quæ
cum ita sint , nihil cunctandum , sed capes-
senda unicuique nostrùm hæc vitæ forma, atque
contra omnes vitiorum impetus constanter te-
nenda. Sed rem delibasse sufficiat ; est enim , ut
superiùs monuimus , exigenda uberior horum
cognitio ex fontibus Christi , qui hæc naturali-
ter quidem manifesta , sed tam parum à Philo-
phis animadversa monstravit ; Atque insu-
per adjecit longè præstantiora bona , spem ac
sortem nostram in immensum superantia, adop-
tionem filiorum, gratiæ Thesaurus, spiritus sui
consolationem, amoris innumera pignora, regni
hæreditatem, æternæ vitæ societatem , &c. sed
de his ad Theologiam.

§. III.

*In qua operatione consistat essentialiter Beati-
tudo formalis.*

Cum, ut superius insinuavimus, ad beatitudinem concurrant duæ illæ intellectivæ partis facultates intellectus & voluntas, paulò subtilius hic determinandum est, Vtrius potentiaæ actus hac in re primas obtineat, atque idcirco essentialiter beatitudinis formalis constituat? Scotus præfert actum voluntatis: S. Thomas verò, Thomistæ omnes, pluresque alii præferunt actum intellectus. Quidam essentialiter beatitudinis ex utroque integrant. Pro resolutione.

Dico primò: Felicitas formalis non potest essentialiter consistere in pluribus actibus. Ita D. Thomas tam in 1.2.q.3.art.3.tum 3. contra Gentes cap. 37.

Conclusio supponit distinctionem apprimè notandam felicitatis quoad essentialitatem & quoad statum. Felicitas quoad statum est collectio omnium perfectionum quarum homo est capax, & quæ ad felicitatem quocumque modo pertinet; Hanc definit Boëtius, *Stratum omnium bonorum aggregatione perfectum*. Sed cum in omni composito ex pluribus aggregato aliquid se habet per modum essentialitatis, aliud verò per modum proprietatis, ornamenti, dispositionis, &c. in illa bonorum variis actibus obtentorum congregatione aliquid se habet per modum proprietatis & appendicis, aliud verò per modum essentialis constitutivi; à quo scilicet tanquam à fonte cætera fluunt: Et hæc est beatitudo essentialis, quam dicimus non in pluribus sed in

Quæst. I. Art. III. *De Felicit. formali, &c.* 73
uno duntaxat actu propriè consistere.

Probatnr conclusio : Primò , quia felicitas essentialis est illa actio , quâ primario consequimur summum bonum : Sed illa actio non est nisi unica, ut ostendetur in tertia conclusione : ergo felicitas essentialis consistit in unica actione.

Secundò , felicitas consistere debet in operatione perfectissima, & ad quam cætera ordinantur , vel ut proprietates ex ea consecutæ , vel ut ornamenta, &c. Sed hæc operatio in homine unica est, scilicet contemplatio quæ & cæteris perfectior est & omnes alias sibi subordinat, ut ostendit D. Thomas 3. contra Gentes cap. 37. ergo hæc unica constituit essentialem beatitudinem.

Tertiò demum, in omnibus actibus subordinatis videmus esse unum primarium, cui omnes alii subordinantur ; imò ordo consistit in eo quod cætera reducantur ad primum : Vnde verus receptissim. unquam effatum est, *Omnem multitudinem reduci debere ad unitatem*; quod & inductione patet, tum in motibus corporalibus, qui omnes fluunt ab uno primo , scilicet primi mobilis; tum in motibus vitalibus animalium, qui omnes oriuntur ab uno primo , motu scilicet cordis; tum in affectionibus voluntatis, quæ omnes pullulant ab una prima ultimis finis volitione; tum in passionibus , animæ, quæ omnes oriuntur , à prima scilicet amore , &c. Atqui actus pertinentes ad felicitatem ordinatissimi sunt : ergo debent procedere ab illo primo & principaliori , qui proinde essentialem felicitatem constituit.

Objicies primò : Felicitas est summum bonum summaque perfectio: Sed plures operationes

sunt meliores, quàm unica: ergo in pluribus consistit felicitas.

Respondeo distinguendo majorem; Felicitas est summum bonum summaque perfectio, aggregativè & extensivè, nego radicaliter & intensivè, concedo: Et pariter ad minorem, plures operationes sunt meliores quàm unica, aggregativè & extensivè, concedo, radicaliter & intensivè nego, & nego consequentiam. Differt enim felicitas quoad statum à felicitate quoad essentiam quoad illa sit aggregatio bonorum & perfectionum omnium ad felicitatem concurrentium; ista verò sit in illis perfectionibus excellentissima, in qua ceteræ radicaliter continentur & ad quam reducuntur. Addi posset felicitatem formalem non esse summum bonum ut quod & entitativè, sed ut quo & consecutivè, id est operationem quâ consequimur primariò & principaliter summum bonum, quæ non est nisi unica.

Objicies secundò: Felicitas essentialis debet complere omnia justa desideria: Sed unica operatione non complentur omnia justa desideria; quippe aliæ operationes supersunt expetendæ: ergo felicitas essentialis non est unica sed multiplex operatio.

Respondeo distinguendo majorem: Felicitas essentia aliis debet complere omnia justa desideria, formaliter nego; radicaliter, concedo: Et pariter distinctione applicata minori, nego consequentiam. Quemadmodum enim essentia hominis non debet formaliter dare, sed solum radicaliter præcontinere omnia quæ pertinent ad hominem; ita nec felicitas essentialis debet formaliter dare omnes perfectiones ad statum felicem pertinentes sed solum radicaliter eas præhabere.

Objiciēs tertio : Felicitas essentialis consistit in vnione perfectissima cum summo bono: Atqui per vnicam operationem non fit perfectissima vnio, quippe cum adhuc supersit vltior peragenda per alias operationes: ergo, &c.

Respondeo distinguendo maiorem: Felicitas consistit in perfectissima vnione, perfectione primariâ intensivâ, concedo: perfectione omnimodâ & extensivâ, nego: Et distinctione applicatâ minori, nego consequentiam. Essentia enim rei id quod perfectissimum in re, non quidem perfectione omnimoda, quippe cum vltius perficiatur accidentia superaddita; sed solum perfectione intensivâ & primariâ, à qua vt à fonte aliæ profluunt.

¶ Dico secundo: Felicitas formalis non potest consistere in actu voluntatis. Ita docet perpetuo D. Thomas, Thomistæ omnes, & cōmuniū Philosophi ac Theologi, contra Scoū & Scotistas.

Probatur conclusio ratione fundamentali quam habet D. Thomas 1. 2. quæst. 3. art. 4. felicitas est essentialiter consecutio summi boni & vltimi finis: Sed impossibile est consecutionem summi boni esse actum voluntatis: ergo felicitas formalis non est essentialiter actus voluntatis. Major patet. Vt enim felicitas objectiva est bonum summum quod felices facit, ita felicitas formalis est assecutio illius boni. Minor verò tripliciter probatur.

Primo ex ipsa ratione voluntatis, quæ est inclinatio in bonum: Inclinatio autem nō est assecutiva boni, alias vt assequeremur bonum, satis esset ipsum velle: Imò non tangit bonum nisi affectivè, in quantum affectus eius terminatur ad ipsum; ceterum contactus effectivus & possessivus boni fit per aliquid aliud, quam per inclina-

tionē & affectum ad ipsum; vt si sit bonum sensibile, per sensum; sicuti Musica possidetur auri-
bus, sapor gustu, &c. Si sit bonum naturale, per
vniōnem naturalem, puta per contactum & indi-
stantiam localem, quomodo lapis possidet cen-
trum; vel per inhæsiōem, sicut homo pos-
sudet sanitatem: si verò sit bonum intelligibile, per
intellectum, sicut doctus intellectu possidet
scientiam.

Secundò idem suadetur inductione, nam vt
insinuat D. Thomas 1. 2. art. cit. & ampliùs de-
clarat in 4. dist. 49. quæst. 1. art. 1. Omnis actus
voluntatis erga bonum, vel est inclinatio in bo-
num absens vt amor, desiderium, spes, inten-
tio, &c. vel quietatio in bono præsentis, ut
fruitio & delectatio. Sed nullus eorum actuum
est affectio boni: ergo affectio boni non po-
test esse actus voluntatis. Declaratur minor: &
in primis quod inclinatio in bonum absens non
sit illius affectio, de se patet: Quòd verò
etiam quietatio in bono non sit affectio illius,
suadetur; nam quies in bono supponit posses-
sionem & affectationem eius; si quidem ideò vo-
luntatis motus quiescit, quia respicit bonum
vt adeptum, quod respiciebat antea vt acqui-
rendum: ergo quies in bono non est eius ade-
ptio, sed potiùs complacentia de adeptione præ-
supposita, seu affectio consequens ex possessio-
ne boni.

Tertiò demùm suadetur eadem minor, specia-
liter de amore & fruitione, nam amor abstrahit
à præsentia & absentia; amamus enim bonum
& absens & præsens: Fruitio verò, cum sit ju-
cunda requies in bono possessio, non facit pos-
sessionem boni, sed ad eam consequitur: Vt enim
egregiè observat D. Thomas 1. 2. quæst. 3. art. 4.

Quæst. I. Art. III. De Felicitate formali, &c. 79
voluntas fruitur bono & delectatur in ipso, ex eo
quod ut præsens & possessum: non autem è con-
verso bonum sit possessum & præsens ex eo quod
voluntas fruitur ipso, & in eo delectatur.

Objicies primò: Ex ipso D. Thoma in 4. dist.
46. q. 1. art. 1. quæstiunc. 1. ad 3. homo perfectius
conjungitur Deo, qui est felicitas ejus, per af-
fectum, quàm per intellectum: Atqui felicitas
essentialis consistit in perfectissima conjunctione
cum bono: ergo fit per affectum.

Respondeo ex eodem D. Thoma ibidem, ideo
hominem perfectius conjungi Deo per affectum;
quia unio supponit intellectivam, cui advenit af-
fectiva decorans & perficiens ipsam, sicut pro-
prietas essentialis: Primò enim necesse est allequi
bonum intelligibile, & hoc fit, ut mox dicitur,
per intellectum: Deinde ex effectiva consecu-
tione derivatur in voluntatem quædam affectiva
adhæsiò & veluti spiritualis cõplexus boni pos-
sessi, quatenus ei tanquam centro affectus uniu-
ntur & adhærent, cupientes ipsum firmiter reti-
nere. Unde in forma, homo perfectius unitur
bono per affectum, perfectione consummativâ &
completivâ, concedo; perfectione essentiali &
quid dicitivâ, nego.

Objicies secundò: Variæ sunt Patrum autho-
ritates, in quibus reponunt felicitatem in gau-
dio, delectatione, fruitione, jucunda, fruitiva,
suavique Dei præsentis dilectione, &c. quas om-
nes referre longius esset; imò scriptura vocat
felicitate, *gaudium*: ergo est actus volunta-
tis.

Respondeo ad has omnes autoritates, in locis
quæ ad duci solent, Patres solum descriptivè de-
scribere beatitudinem, non verò essentialiter: Pa-
tres enim rhetoricè magis quàm philosophicè rea-

tractare solent: ideòque frequentius utuntur descriptionibus, quæ sunt Rhetoricæ definitiones, rem per proprietates & adjuncta notiora explicantes, quàm subtilibus & quidditativis definitionibus. Scriptura verò vocat felicitatem *gaudium*, non formaliter, sed objectivè, quatenus felicitas est summi gaudii objectum; quo loquendi modo Christus vocari solet *nostra spes, salus, amor, corona gaudium, &c.* non formaliter, sed objectivè.

Objicies tertio. Actus voluntatis est perfectiori modo unitivus & consecutivus summi boni, quàm ullus alius; ergo in eo felicitas essentialiter consistit. Probat ur antecedens: Nam proprium amoris, qui est actus voluntatis, est unire amatum cum amante, ut probat D. Thomas 1. 2. quæst. 28. art. 1. Vnde Dionysius cap. 4. de Divin. nom. vocat amorem, *vim unitivam*, & Augustinus. lib. 8. de Trinit. cap. 10. *amor*, inquit, *est junctura quadam Deo copulans*: Imo amor est transformativus; unde Augustinus Tract. 2. in 1. epistolam Ioan. *Si terram diligis terra es, si Deum Deum eris*: Et Confessionum lib. 4. c. 6. *Quidam benedixit de amico suo, dimidium esse animasue*; ergo perfectissima unio fit per actum voluntatis.

Respondeo distinguendo antecedens: Actus voluntatis & perfectiori modo unitivus, unione affectivâ, concedo; unione effectivâ & possessivâ, in qua consistit felicitas, nego. Voluntas enim & amor non uniunt possessivè; ut ostensum est in probatione, sed solùm affectivè: Quæ affectiva unio præcipuè consistit in tribus: Primò per appropriationem, quatenus amicus se habet ad amicum sicut ad seipsum in amore amicitia; ipsumque reputat alteram se; unde com-

Quæst. I. Art. III. *De Felicit. formali, &c.* 81
muniter dicitur, *amicus est alter ego*; in amore
verò concupiscentiæ amans se habet ad bonum
amatum non ut ad se, sed ut aliquid sui. Secun-
dò per conformitatem, quatenus amor est quæ-
dam coaptatio cum re amara, & amicorum est
idem velle & nolle. Tertio per ecstasim & rap-
tum, quatenus amor si sit fortis, rapit omnes af-
fectus & cogitationes amantis ad amatum: in
quo sensu dixit Christus, ubi est thesaurus tuus,
ibi & cor tuum, id est affectus & cogitatio; quo-
modo etiam intelligi potest illud Platonis enu-
tatum; anima magis est ubi amat, quam ubi ani-
mat. Cæterum unionem effectivam & possessi-
vam amor non facit sed querit, in quantū insti-
gat ad eam sicut gravitas ad centrum; ut volup-
tuosus per voluntatem instigatur ad cibos deli-
catos, quos tamen gustu consequitur; & amici,
ut refert Aristot. 2. Polit. cap. 2. ex Arilthophane,
*per amorem desiderant fieri unum; sed quia ex
hoc accideret vel ambos, vel alterum corrup-
ti, quarunt unionem qua decet & convenit:
quam consequuntur per familiarem convictum,
& collocationem.*

Objicies quartò: Felicitas essentialis est quid
ultimum: Sed actus voluntatis scilicet fruitio
& delectatio, sunt ultimæ operationes animi cir-
ca bonum: ergo felicitas essentialiter consistit
in actu voluntatis.

Repondeo distinguendo majorem: Felicitas
essentialis est quid ultimum simpliciter & per
modum consecutionis, concedo, est quid ulti-
mum secundum quid & per modum comple-
menti proprietatis ex consecutione boni deri-
vantis, nego: Et pariter ad minorem, fruitio
& delectatio sunt ultimæ operationes simplici-
ter & per modum consecutionis, nego, secun-

dum quid & per modum ornamenti, complementi & proprietatis, concedo; & nego consequentiam. Sicut enim in generatione forma substantialis dicitur ultimus terminus simpliciter, proprietates verò ab ea dimanantes sunt solum quid ultimam secundum quid: ita & felicitas essentialis seu consecutio summi boni, dicitur simpliciter ultimus terminus, operationes verò illam consequentes, ut delectatio & fruitio, sunt solum quid ultimum secundum quid & per modum ornamenti & proprietatis; unde Aristoteles dicit quod *delectatio est perfectio operis, sicut decor inventuris.*

Objicies quintò: Actus in quo felicitas essentialiter consistit, debet respicere rem quâ sumus felices, sub ratione boni. Sed sola voluntas respicit objectum suum sub ratione boni, sicuti & intellectus sub ratione veri: ergo felicitas essentialis pertinet ad voluntatem. Et confirmatur; nam ejusdem potentiae est tendere in bonum, & ipsum assequi: Sed sola voluntas tendit in bonum ergo consequitur bonum.

Respondeo distinguendo majorem: Actus in quo felicitas consistit, debet respicere rem, quâ felices sumus, sub ratione boni appetibilis, nego; consequibilis concedo: Et distinctione applicatâ minori, nego consequenti m. Cum enim felicitas sita sit, non appetendo, sed in possidendo bono, actus quo constituimur felices, non debet respicere bonum ut appetibile, sed ut consequibile. Quamvis autem sola voluntas respiciat suum objectum sub ratione appetibilis, est enim appetitrix boni, non tamen sub ratione consequibilis, sed si sit bonum sensibile consecutio pertinet ad sensum; si bonum intelligibile, ad intellectum. Ad confirmationem responderi potest

Quæst. I. Art. III. De Felicit. formali, &c. 83
eodem modo: Sed præterea distingui potest ma-
jor. Eiusdem potentia est tendere in bonum execu-
tivè & ipsum assequi effectivè, nego: Eiusdem
potentia est tendere in bonum executivè & ip-
sum assequi affectivè, concedo. Quamvis autem sola
voluntas tendat in bonum affectivè, alia tamen
potentia tendunt in ipsum executivè, sicut sen-
sus in bona sensibilia, & intellectus in bona in-
telligibilia: Vnde assecutio & possessio boni ipsis
competit, & non voluntati.

Dico Tertio: Felicitas formalis essentialiter
consistit in actu intellectus, contemplatione
scilicet perfectissimâ, quæ intra naturæ ordinem
de Deo haberi possit.

Conclusio est non solum D. Thomæ, sed etiam
Aristotelis, imò & Platonis egregiè ducentis,
animam esse beatam, non ut pulchro & charo
fruitur Deo, in quo est delectatio, quæ est actus
voluntatis sed ut vero, id est, per cognitio-
nem quæ est actus intellectus, tametsi pul-
chritudo statim consequitur, & proinde delecta-
tio, ut in Philebo distinguitur, nec separata hæc
esse possunt. Nemo enim Deum contemplatur,
nisi simul admiretur, & cognita pulchritudine
bonoque, amet cum summa oblectatione. Ean-
dè tradunt sancti Patres qui à Theologis fusè re-
feruntur. Præ cæteris verò expressius est Augu-
stinus lib. 28. qq. quæst. 35, ubi ex professo hanc
difficultatem versans, concludit felicitatem
consistere in cognitione. Eo quod habere sum-
mum bonum nihil aliud sit quam nosse. Vnde per
elegantem ait: *Quid est aliud beatè vivere nisi
aliquid æternum cognoscendo habere; omnium
enim præstantissimum est quod æternum est, &
propterea id habere non possumus, nisi eâ re quâ
præstantiores sumus, id est mente quidquid au-*

sem mente habetur; cognoscendo habetur. Quibus verbis tangit fundamentales hujus conclusionis rationes, nempe consecutionem summi boni spectare ad intellectum, quia est perfectissima potentiarum, & quia cum summum bonum sit quid intelligibile, non nisi intelligendo possideri potest. Vnde Psal. 5. *Hec hereditas inquit, intelligendo & videndo Deum possidetur.*

Probatum autem conclusionem ratione: Primò, felicitas formalis, ut ex dictis patet, est essentialiter consecutio effectiva summi boni, affectiva enim non sufficit, cum possit etiam haberi in via, & tendat ac suspiret ad effectivam:) Sed consecutio effectiva summi boni fit per actum intellectus: ergo felicitas formalis essentialiter consistit in actu intellectus. Probatum minor: Tū quia summum bonum est bonum intelligibile, quod non potest haberi ac possideri nisi per intellectum, sicut bonum gustabile, scilicet sapor, possideri nequit nisi per gustum; bonum audibile, scilicet musica, per auditum, &c. Tum præcipuè ex discrimine quod est inter intellectum & voluntatem; in eo enim differt intellectus à voluntate, quod voluntas est facultas inclinativa ad res; sicut pondus inclinatur & trahitur ad centrum: unde Augustinus: *Amor meus pondus meum, eo feror quocumque feror;* & ideo voluntas potius trahitur ad res, & ab ipsis possidetur quam eas possideat. At vero intellectus non est facultas inclinativa, sed potius attractiva, apprehensiva, proindeque possessiva sui objecti. Ergo consecutio summi boni fit per actum intellectus, & voluntatis.

Secundò suadetur conclusio ratione D. Thomæ 3. contra Gentes cap. 25. ratione 7. Felicitas

Quæst. I. Art. III. De Felicit. formali, &c. 85
essentialiter consistit in operatione perfectissimæ potentia: Sed intellectus est perfectissima potentia: ergo felicitas essentialiter consistit in operatione intellectus. Major constat, tum quia felicitas ab Aristotele definitur, Operatio secundum perfectissimam virtutem: Tum quia in subordinatis finis principalioris est semper finis omnium aliarum potentiarum, proindeque essentialis felicitas totius hominis. Minor verò abundè probata est in fine Physicæ.

Tertiò suadetur conclusio aliâ ratione D. Thomæ loco jam citato, cap. 26. art. 1. Cùm felicitas sit proprium bonum intellectualis naturæ, oportet ut secundum eam potentiam ei conveniat, quæ est sibi maximè propria: Atqui potentia maximè propria intellectuali naturæ non est appetitus, sed intellectus, ergo felicitas debet ei competere secundum operationem intellectus, & non appetitûs seu voluntatis. Declaratur minor: Quod est proprium rei ratione sui, est ei magis proprium quàm quod appropriatur ei tantum ratione alterius. Atqui intellectus est proprius intellectuali naturæ per seipsum & ratione sui, appetitus verò non est ei proprius nisi ratione intellectus, quatenus ab eo dimanat, ipsumque participat; ergo intellectus est maximè proprius naturæ intellectuali, non verò appetitus. Minorem luculenter ostendit D. Thomas his verbis: *Appetitus omnibus rebus inest, licet sit diversimodè in diversis; quæ tamen diversitas procedit ex hoc, quod res diversimodè se habeant ad cognitionem. Quæ enim omnino cognitione carent, habent appetitum naturalem tantum: quæ verò habent cognitionem sensitivam, & appetitum sensitivum habent; quæ verò habent cognitio-*

nem intellectivam, & appetitū cognitioni huic proportionatum habet, scilicet voluntatem. Ergo voluntas secundum quod est appetitus, nō est propria intellectuali naturæ, sed solum secundum quod ab intellectu dependet. Intellectus autem secundum se est proprius intellectuali naturæ.

Confirmatur demum. Primò: Verum est bonum intellectualis naturæ, ac proinde summum verum, scilicet Deus, summum ejus bonum: Sed verum possidetur solo actu intellectus; ergo possessio summi boni, id est felicitas, fit per intellectum. Secundò felicitas est consecutio, non qualiscunque, sed primaria, objecti beatifici: sed intellectus possidet primò objectum: præcedit enim voluntatem, cum nihil sit volitum; quin præcognitum; ergo in actu ejus sita est felicitas. Tertiò demum: Contemplatio summi veri, scilicet Dei, habet omnes conditiones ad veram felicitatem requisitas, Nam præter quam quod omnia vitæ humanæ officia huic tanquam ultimo fini suo inserviunt, ut pereleganter ostendit D. Thomas 3. contra Gentes, cap. 37. est radix omnium ad felicitatem consequentium, ut amoris fructivi, quietis, satietatis sine fastidio, delectationis summæ, pacis, securitatis, &c. Obtinetque præterea quinque veræ felicitatis dotes à Boëtio 3. de cons. enumeratas: sufficientiam scilicet, quam promittunt divitiæ; jucunditatem, quam promittunt deliciæ; celebritatem, quam promittit fama; reverentiam, quam promittit potentia. Hæc quinque excellenter tribuit æternâ perfectæque Dei contemplatio, sufficientiam quidē; nam per eam Deus habetur, qui solus sufficit, & veritas perfectè cognoscitur, quod unum est intellectualis naturæ, quâ talis votum. Affert

Quæst. I. Art. III. De Felicitate formali, &c. 87
etiam iucunditatem, quia contemplatio veritatis est unica voluptas mentis. Dat quoque celebritatem, quia hominem clarum apud Deum & alias intellectuales creaturas efficit. Dat etiam reverentiam, nam hæc sapienti, ac ei qui Deo conjungitur, debetur; quis autem sapientior ac Deo conjunctior quam qui Deum perfectè contemplatur? Tribuit demum securitatem à malis & in bonis: nam summa illa contemplatio in præmium virtutis in altera vita concessa, æterna est & inamissibilis, Deoque arctissimè coniungit, in quo est omne bonum, & ad quem nullum malum accedere potest.

Ceterùm quæ de hac naturali contemplatione, quam Authorem naturæ in præmium virtutis in statu purè naturali repensurum fuisse probavimus, dicta sunt, cum maiori adhuc scœnore conveniunt supernaturali illi visioni, quæ est præmium felicitatisque ordinis gratiæ, ut ostendunt Theologi; de qua tamen dicere abstinuimus, ne falcem in alienam messem Philosophia nostra immitteret.

Obiicies primò: Felicitas essentialiter consistit in operatione ulterius non ordinata: Sed contemplatio Dei ordinatur ad amorem: Nam, ut ait D. Anselmus in libro, cur Deus homo: Proversus ordo est amare ad intelligendum, rectus verò intelligere ad amandam: ergo felicitas essentialis non consistit in contemplatione, sed magis in amore.

Respondeo cum Ioanne à sancto Thoma distinguendo maiorem: Felicitas consistit in operatione ulterius non ordinata ut medium ad finem, concedo, ut causa ad effectum & essentia ad proprietatem nego: & ad minorem, contemplatio Dei ulterius ordinatur ad amorem,

ut ad suum finem, nego, ut ad suam proprietatem & effectum ex illa consequentem, concedo, & nego consequentiam. Siquidem quamvis sit contra rationem felicitatis essentialis ut referatur ad ulteriorem finem, non tamen ut tendat ulterius ad producendos effectus ex illa consequentes: amor autem naturaliter intellectionem consequitur quasi effectus causam: ideoque rectus ordo exigit ut intelligamus ad amandum. Mitto alias primas solutiones, quas huic auctoritati tradunt Theologi Thomistæ.

Instabis: Amor Dei perfectior est, perfectiùsque unit Deo, quàm quælibet cognitio, saltem extra intuitivam visionem: Sed contemplatio illa, de qua loquimur, non est ipsa Dei visio, cum hæc sit præmium in ordine gratiæ: ergo amor est perfectior, perfectiùsque unit Deo quàm talis contemplatio, proindeque aprior est ut sit essentialis felicitas. Probatum maior: Nam amor tendit in Deum ut est in se, ipsique immediatè unitur: At verò contemplatio extra visionem non tendit in Deum nec ipsi unitur ut est in se, sed solum ut representatur per species creatas, id est, valde imperfectè.

Respondeo distinguendo maiorem: Amor perfectior est, perfectiùsque unit Deo quàm quælibet cognitio extra visionem, in ratione possessionis & assentionis, nego, in alio ordine, transeat. Quamvis enim amor quadantenus esset perfectior, perfectiùsque conjungeret Deo, (quod discutere non est necesse) attamen semper stat quod unio illa non est per modum possessionis, quia amor ex sua ratione non est possessivus & consecutivus Dei, proindeque minùs aptus ut sit essentialis felicitas. Sicut & unio hypostatica, quamvis perfectiùs uniat Deo quam ipsa

Quæst. I. Art. III. *De Felicit. formali, &c.* 89
supernaturalis visio, quia tamen non coniungit
ut bono intelligibili possessio, sed ut supposito
substantanti, id circo esse nequit essentialis felicitas.

Urgebis: Per contemplationem (præcipuè quæ fit per species creatas, de qua solum loquimur) anima non unitur Deo entitativè, sed solum intelligibiliter, & in esse intentionali; ergo in illa nequit consistere essentialis felicitas.

Respondeo cum Ioanne à S. Thoma, unionem intentionalem & intelligibilem esse realem affectionem & possessionem boni intelligibilis; sicut in natura sensibili unio intentionalis & sensibilis est possessio boni sensibilis Bonum enim naturæ intellectualis est veritas, quæ non nisi per unionem intelligibilem & actualem manifestationem possidetur. Vnde meritò Augustinus supra relatus ait, *summum bonum habere, nihil aliud est quam nosse.*


Obiiciet secundò: Ex D. August. lib. de moribus Ecclesiæ. *Beatus dici non debet, qui non amat quod habet, etiam si optimum sit quod habet:* Sed stante illâ naturali contemplatione anima potest non amare Deum; ergo stante illa naturali contemplatione potest esse non beata, proindeque in illa non est essentialis felicitas. Probat minor: Nulla quâcumvis sublimis, Dei cognitio, extra claram visionem, necessitat ad amorem Dei; ergo stante illa naturali contemplatione anima potest non amare Deum.

Respondeo quod sublimis illa contemplatio idem in ordine naturæ proportionaliter facit; quod clara Dei visio in ordine gratiæ. Vnde sicut clara Dei visio necessariò infert amorem supernaturalem, eo quod per eam manifestè videat beatus Deum esse summum, imò omne bo-

num ita sublimis illa contemplatio, quæ est præmiū ordinis naturæ, infert necessario amorem Dei naturalem: quia ostendit manifestè Deum esse summum bonum in ordine naturæ. Et præterea cùm anima per separationē à corpore in æternum firmetur in bono amato, cùm illa contemplatio sublimis nõ retribueretur, nisi iis qui in via naturalis charitate dilexissent Deum, eos in æternum firmaret in amore Dei, sicque beatos efficeret, quia boni amati possessores constitueret. Vnde neganda est minor argumenti: & ad probationem distingui potest antecedens: nulla cognitio extra visionem necessitat ad amorem Dei omnimodum, id est, tam naturalem, quàm supernaturalem, concedo; naturalem nego. Sicut enim summa Dei cognitio necessitat ad amorem in omni ordine; ita & summa naturalis cognitio necessitat ad amorem naturalem.

Dices: Felicitas cõsistit in actu omnium amabilissimo: Sed voluntas plus amat proprium actum, quàm actum intellectus; ergo felicitas non consistit in actu intellectus, sed voluntatis. Probatur minor: Nam quælibet potentia plus amat proprium actum, quàm actum alterius potentie.

Respondeo negando minorem. Ad probationem dico id verum esse cæteris paribus, & quando actus alterius potentie non est summum bonum suppositi: Contemplatio autem Dei, ut ostensum est, est summum bonum naturæ intellectualis, & ideo voluntas quæ est inclinatio totius suppositi, ardentius amat contemplationem illam, quàm proprios actus.



QVÆSTIO SECVNDA,

*De actibus moralibus seu de voluntario,
præcipuè libero.*



Explicatio sine ultimo morum, seu beatitudine, nunc agendum est de motibus, quibus itur ad illum finem, seu de actibus voluntariis & liberis, quibus tanquam quibusdã spiritualibus gressibus natura intellectualibus pergit ad suum finem: quique sunt propriè materia & subiectum finem: quique sunt propriè materia & subiectum moralitatis, id est, bonitatis & malitiæ. Quamquam autem variæ, præclarissimæque quæstiones agitari soleant circa actus voluntario, quia tamen eas sibi vendicant Theologi, ideo cæteris vel missis, vel breviter attentis, eas solùm accuratiùs exequemur, quæ maximè ad naturalem Philosophiam pertinent. Vnde quidquid in hac quæstione dicendum occurrit, tribus complectemur articulis, quorum primus erit de voluntario in communi: Secundus de voluntario libero, cuius discussionem pluribus Philosophiæ difficultatibus summè necessariam huc usque distulimus: Tertius de actibus voluntariis speciatim.



ARTICVLVS PRIMVS,

De voluntario in communi: Quid sit ; à quibus tollatur: & quomodo dividatur.

Dico primò: Volūtarium rectè definitur, Cujus principium est ab intrinseco, cū cognitione finis. Definitio desumitur ex Aristotele, Damasceno, & D. Thoma.

Explicari autem potest cum D. Thoma 1. 2. quæst. 6. art. 1. advertendo quod nomen *volūtatis* hoc propriè importat, ut motus & actus sit à propria illius qui movetur inclinatione, proindeque perfectè à principio intrinseco ; (quippè ea quæ ab extrinseco sunt, qua talia, non sunt ex inclinatione, sed quasi ex violentia.) Ad motum autem tria concurrunt, principium passivum, quod movetur, principium activum, quod movet ; principium finale, quod excitat & allicit agens ad movendum. Ille ergo motus dicitur perfectè ab intrinseco procedere : proindeque voluntarius, cujus hæc omnia principia sunt ab intrinseco, ita ut in eo quod movetur, non solum fit principium talis motus susceptivum, uti est in corpore cœlesti ; aut etiam activum, uti est in omni motu vitali ; sed etiam finale, uti est in agentibus cognitione perditis, quæ ex finis cognitione se movent ad agendum: ut animal ex cognitione cibi, qui est finis localis motus, se movet ad ejus prosecutionem. Hæc autem omnia comprehendit jam data definitio, principium quidem passivum & activum, dum dicit motum voluntarium esse, *cujus principium est ab intrinseco ;*

Quæst. II. Art. J. De Voluntario in communi. 93
finale verò dum additur, *cum cognitione finis*.

Ex hac definitione deduci facile potest quænam opponantur voluntario, causentque involuntarium. Vnde pro eorum explicatione.

Dico secundò: Violentia penitus tollit rationem voluntarii, saltem si sit sufficiens & absoluta.

Conclusio supponit duplicem distingui posse violentiam; sufficientem scilicet, quam D. Thomas *compellentem* vocat; Juristæ verò *absolutam*; & insufficientem, quam D. Thomas *impulsivam* vocat, Juristæ *conditionatam*. Violentia sufficiens, compellens seu absoluta, quam rectè *Physicam* dixeris, est dum aliquis actus vi intellectuabili à nobis extorquetur, & hæc locum habet tantum in actibus exterioribus. Nam consensus internus voluntatis sic extorqueri nequit. Violentia verò insufficientis, impulsiva & conditionata, quam rectè *moralis* dixeris, est dum nimis, terroribus, suppliciis ad agendum ita inducimur, ut tamen determinandi jus nobis relinquatur. Sic dum Tyrannus vi pœnarum extorquere conatur abnegationem fidei, aut subscriptionem impiæ sententiæ; est violentia insufficientis, impulsiva, conditionata, seu moralis. At si plenam thuremanum alicujus prunis adurendam per vim supponat, donec ardore ignium aperta thus in subjectas prunas emittat, est violentia sufficiens, compellens, absoluta, seu Physica,

Conclusio ergo procedit de ista violentia sufficiente, quam dicimus perimere penitus voluntarium. Siquidem capitaliter opponitur voluntario ut sit ab extrinseco & renitente agentis inclinatione. Sed actus per talem violentiam extortus est ab extrinseco & contra inclinatio-

nem: ergo nullatenus est voluntarius; proindeque nec bonus, nec malus moraliter.

Dico tertio: Metus, etsi aliquatenus minuat, attamen non tollit prorsus voluntarium. Unde actio facta ex metu est mixta ex voluntario. Conclusio est communis; pro cuius intelligentia.

Nota metum esse passionem causatam ex malo impendente difficile vitabili. Alius autem dicitur *gravis & qui cadat etiam in virum constantem*, alius *levis & non cadens in constantem virum*: Metus gravis est, quando malum impediens est grave & certum: levis vero quando malum impediens vel est leve, vel incertum. Saepe ergo metu alterutro extorquetur ab homine consensus in rem quam abhorret, ut mercator metu naufragij pretiosas merces ad alleviandam navim projicit in mare. In quo quidem casu tria concurrunt: Primo amor minoris boni, scilicet mercium: Secundò amor majoris boni, scilicet vitæ: Et tertio consensus in carentiam minoris boni ab conservandum majus. Dicimus ergo hunc consensum metu exortum esse mixtum ex voluntario & involuntario.

Probaturs conclusio: Quod est ex inclinatione, est voluntarium; quod vero est contra inclinationem est involuntarium: Sed consensus ex metu partim est ex inclinatione, partim contra inclinationem; ergo est mixtus ex voluntario & involuntario. Declaratur minor: Ve enim mox natum fuit, in agere ex metu duplex est inclinatio, alia major quam vult servare, v. g. vitam; alia minor, quam vult cum vita, si potest, retinere pecuniam: Sed consensus in jacturam pecuniæ propter conservationem vitæ est juxta primam inclinationem, & contra se-

Quaest. II. Art. I. De *voluntario in communi.* 95
cundam, ergo, &c.

Confirmatur: Nam, ut peregrinè observat D. Thom. actio ex metu est partim ab intrinseco, partim ab extrinseco: ergo est partim voluntaria, partim involuntaria. Declaratur antecedens: Quod ex amore agimus, ab intrinseco agimus, quia amor est motus ab intimis voluntatis visceribus enascens: quod verò est ex metu, ex quadatenus ab extrinseco, quia metus est passio appetitus minimè naturalis, sed forinsecus ab urgente periculo intrusa: Atqui actio facta ex metu, partim procedit ex amore servandi majus bonum, partim ex timore incurrendi malum: ergo, &c.

Quæres: Cum actio ex metu sit mixta ex voluntario & involuntario, estne dicenda simpliciter voluntaria, an involuntaria?

Respondeo cum Aristotele & D. Thoma esse simpliciter voluntariam & secundum quid tantum involuntariam. Quod enim attentis omnibus circumstantiis efficaciter est volitum, censeatur simpliciter voluntarium; quod verò non nisi ineffaciter & conditionatè est non volitum, censeatur solum secundum quid involuntarium. Cum igitur id quod fit ex metu, ut projectio mercium in mare ad vitæ conservationem, attentis omnibus circumstantiis sit volitum, idque voluntate efficaci & inferente effectum, sit autem duntaxat ineffaciter & conditionatè non volitum, si scilicet esset alia evadendi commodior via, simpliciter est voluntarium, & secundum quid tantum involuntarium.

Inferes, in his quæ sunt etiam ex gravi metu, esse sufficiens voluntarium ut peccata sint, quando sunt mala: Imò contractus factos ex gravi metu esse validos, sunt enim simpliciter voluntarii.

Arramen sunt quædam quæ ax natura rei plenū perfectūque voluntarium requirunt, eo quod perpetuam & indissolubilem obligationē importent, cuiusmodi sunt matrimonium & votum solemne; unde irritant à jure, si fiant ex metu, non quidem levi, sed cadente in constantem virum.

Dico quartò: Concupiscentia non tollit, sed potiùs facit voluntarium. Ita D. Thomas 1. 2. quæst. 6. art. 7. Per concupiscentiam verò intelligitur motus appetitus sensitivi in bonum delectabile.

Probatur conclusio ratione D. Thomæ: Dicitur aliquid voluntarium, ex eo quod voluntas in id fertur: Atqui concupiscentia non impedit, sed magis facit ut voluntas in aliquid feratur: ergo non impedit, sed facit voluntarium. Declaratur minor ex discrimine quod est inter metum & concupiscentiam. Metus enim non reddit opus gratum & amatum, sed solum in vitam quadantenus voluntatem necessitatis vinculis trahit, ideòque opus ex metu remanet semper displicens ac odiosum, proindèque aliquatenus in voluntarium. At verò concupiscentiam movet ad opus reddendo illud gratū quatenus suis illecebris inclinatur in illud voluntatē, ut in aliquid omnino amabile, Vnde in his quæ ex concupiscentia victrice fiunt voluntatis præcedens inclinatio emollitur, enervatur, expungitur; novaque illi subrogatur, quæ opus prius displicens, de novo gratum & amabile, proindèque voluntarium, fiat. Sic Davidi ardentem legem Dei amanti concupiscentia ex aspectu Bethsabæe nata cor mollivit, & suis blanditiis ita subvertit ut frigescente cupiditate, non invitum id quod displicebat elegerit, sed mutatus,

Quæst. II. Art. I. De Voluntario in communi. 97
tus, id quod antea nolebat optaverit.

Dices primò : Concupiscentia diminuit peccatum; qui transgreditur præceptum ex malitia, quam qui ex passione; ergo diminuit voluntarium. Secundò concupiscentia diminuit cognitionem, ideòque dicitur *excacare*; ergo non facit, sed potius impedit voluntarium.

Respondeo ad primum ideò concupiscentiam minuere peccatum, non quod diminuat rationem voluntarii, sed quia impedit perfectam deliberationem. In his enim magis meremur aut demeremur, quæ ex pleniore iudicij deliberatione agimus, Respondeo ad secundum cum D. Thoma 1.2. quæst. 6. art. 7. ad 3. hanc ipsam diminutionem cognitionis esse aliquatenus voluntariam, quatenus voluntas passione præoccupata retrahit iudiciũ à diligenti examine. Vnde talis inconsideratio non tollit rationem voluntarii.

Dico quintò : Ignorantia antecedens tollit prorsus voluntarium; non tamen consequens. Conclusio communiter recipitur, & explanatione magis eget quam probatione Vnde.

Explicatur : advertendo triplicem præcipuè distingui ignorantiam, alia dicitur *antecedens*, alia *consequens*, alia *concomitans*. Antecedens est quæ nullo modo est voluta, & est causa volendi aliquid, quod non eligeretur, si adesset cognitio; ut dum quis amicum in sylva latentem incautus ferit, putans esse feram, hæc ignorantia dicitur *antecedens*, & alio nomine *invincibilis*. Hanc dicimus tollere penitus voluntarium, ac proinde rationem meriti & demeriti. Cuius ratio est quia tollit penitus cognitionem, quæ essentialiter requi-

ratur ad voluntarium, ut patet ex ejus definitione. Ignorantia verò consequens est, quæ aliquo modo est volita, vel expressè, ut in illis qui Job 22. dicunt Deo, *Recede à nobis, scientiam viarum tuarum nolumus*; & in illo de quo dicit Scriptura, *noluit intelligere ut bene ageret*, & hæc dicitur *malitiosa & affectata*; vel tacitè & interpretativè, ut in illis qui locordiã negligunt addiscere, quæ scire tenentur & possunt? & hæc dicitur *crassa*. Dicimus ergo hanc ignorantiam consequentem actum voluntatis, non tollere rationem voluntarii, saltem in causa: Hoc ipso enim quod quis scire negligit ea quæ tenetur & potest, censetur nolle facere illa quæ propter hanc ignorantiam omittit. Ignorantia demum concomitans est, quæ quidem non est volita, sed adhibita est sufficiens cura ut tolleretur; attamen id quod ignoratur, etiam si sciretur, pe inde fieret: Ut dum quis itã percitus hostem in silva latentem quaritur ad interimendum & spe reperiendi ademptã, incumbens venationi, putansque in senticeto latere aptum, telum vibrat, quo perimitur hostis quem si advertisset perinde occidisset: talis dicitur agere ex ignorantia concomitante. Hæc quem admodum est media inter antecedentem & consequentem, ita medio modo se habet: non enim positivè tollit rationem voluntarii, reddendo actum involuntarium, sicut antecedens, nec facit ut actus sit voluntarius, sicut consequens; sed solùm negativè se habet, efficitque ut effectus nec sit volitus, nec nolitus, sed tantùm præcisè non volitus actualiter.

Quantum ad tertiam tituli partem, voluntarium primò dividitur in perfectum, & imperfectum. Voluntarium perfectum est, quod fit ex

perfecta finis cognitione id est quod regulatur à cognitione quæ attingit finem, non solum materialiter eius bonitatem apprehendendo, sed etiam formaliter eius merita ponderando, & cum mediorem utilitate conferendo. Tale voluntarium solis agentibus intellectualibus competit, quia solis intellectus est rationem finis cognoscere ac media in finem ordinare. Voluntarium imperfectum est, quod procedit ex imperfecta finis notitia, quæ scilicet finem bonitatemque illius apprehendit, non tamen penetrat ad rationem formalem finis, eius cum mediis proportionem examinando. Tale voluntarium reperitur in brutis, pueris, amentibus, motibus primò primis, &c.

Dividitur secundò voluntarium in liberum & necessarium. Voluntarium liberum est, quod regulatur per iudicium indifferens, & est ita sub potestate dominioque voluntatis, ut de eo ad beneplacitum disponat. Voluntarium necessarium est, quod regulatur per iudicium ad unum determinatum, nec relinquit voluntati dominium jusque disponendi.

Dividitur tertio voluntarium in formale & virtuale. Voluntarium formale est quod procedit à voluntate per actum proprium: voluntarium verò virtuale est quod procedit ex aliquo actu præcedente, in quo virtualiter includitur, & à quo sequitur. Sic dum quis iter facit, singuli passus dicuntur voluntarij virtualiter, quia procedunt ex voluntaria efficacique intentione, quâ se commisit via.

Dividitur quartò voluntarium in positivum & negativum seu, ut alii vocant, in directum & indirectum. Voluntarium directum & positivum est, quod fit per actus positionem: negativum

verò & indirectum, quod fit per actus omissionem quando scilicet aliquis, tenetur, potest, advertit & tamen, non agit, sed aliis intendit censetur voluntarium indirectum & negativum.

Dividitur quintò in voluntarium elicitedum & imperatum. Voluntarium elicitedum est actus ipse voluntatis, ut amor, odium, &c. Voluntarium imperatum est actus quem alia potentia elicit ex applicatione voluntatis, ut ambulatio, comestio, locutio, &c.

Dividitur sextò voluntarium in Physicum & Morale. Physicum est quod est à voluntate propriæ personæ: Morale verò quod fit per procuratorem, cui jus nostrum commissum est vel à lege vel à natura, vel à nobis. Sic dispositio tutoris est moraliter voluntaria pupillis & dispositio magistratum toti urbi,

ARTICVLVS SECVNDVS.

De Voluntario libero.

ET si de libertate, quæ voluntatis dos est, gendi occasio sese superius obtulerit, cum de ipsa voluntate in fine Physicæ disseribamus, opportuniùs tamen visum est, hoc totius moralitatis fundamentum, in morali, tanquam in propria sede discutiendum, ac pro rei momento paulò accuratiùs fusiùsque examinandum reservare. Quæ verò de libertate dicenda occurrunt, quatuor complectemur paragraphis, in quorum primò varix libertatis divisiones referentur: In secundo radix & origo libertatis arbitrii investigabitur: In tertio discutietur, an indifferentia sit de ratione libertatis arbitrii:

Quæst. II. Art. II. De Voluntario libero. 101
In quarto, quæ indifferentia sit de ratione liber-
tatis.

§. I.

*De variis Libertatis divisionibus &
acceptationibus.*

CVM libertas opponatur servituti ac subje-
ctioni à qua eximit, tot modis dicitur li-
bertas, quot modis servitus & subiectio. Servi-
tus autem seu subiectio voluntatis ex quinque
præcipuè principiis oriri potest. Primò, à prin-
cipio externo cogente, ac violentiam inferente.
Secundò à principio intrinseco ad unum natura-
liter determinante & restringente, cujusmodi est
naturalis instinctus, quo res non ex propria de-
liberatione, sed ex naturali dispositione ad ali-
quid rapitur. Tertiò, à perverso habitu aut
passione voluntatem impellente ac trahente, &
à rectitudine morali dimovente. Quartò, à le-
ge obligante. Quintò, à miseria & pœna invi-
tum mulctante ac opprimente: His enim om-
nibus principiis voluntas obnoxia subiectaque
esse potest. Hinc oritur quintuplex libertatis
species. Prima dicitur *libertas spontaneitatis &
lubentia*, consistitque in exemptione à violentia
& coactione. Secunda dicitur *libertas arbitrij*,
consistitque in exemptione ab instinctu, natura-
lique judicio ad unum determinante. Tertia di-
citur *libertas virtutis & rectitudinis moralis*,
quæ consistit in exemptione à peccato, & ab ha-
bitibus ad malum inclinantibus. Quarta dicitur
libertas à lege, consistitque in exemptione obli-
gationis ad legem superioremque præcipientem.
Quinta dicitur *libertas felicitatis*, consistit-
que in exemptione ab omni miseria & pœna.

De his ut verbo sigillatim dicamus.

Prima libertas, *spontaneitatis* scilicet & *liber-
bentia*, in omnibus reperitur, quæ non invito &
per vim, sed sponte ac ex inclinatione agunt.
Vnde competit etiam brutis, quæ agunt, non
quasi ab externa vi impulsæ, sed ab interiori in-
stinctu, naturalique iudicio determinata. Imò
transfertur ad res cognitione profus carentes,
ut aqua dicitur liberè fluere, & lapis liberè ca-
dere, cùm remotis obicibus naturæ suæ utrum-
que relinquitur. Dicitur quoque de omnibus
illis, animi nostri motibus, quos aut natura ipsa
nobis indidit, ut ex amor boni in communi,
(qui tamen est in voluntate, non ut ab ipsa ex
proprio arbitrio excitatas, sed ut ipsi ingeni-
tas ac à natura inditus, aut præfæstinus impe-
tus à nobis abripit, quales sunt motus primò
primi.

Secunda libertas: *Arbitrij*, scilicet, soli na-
turæ intellectuali competit, quæ non operatur
ex iudicio sibi à natura præscripto, & instinctu
ad unam necessariò applicante, sed ex iudicio à
se formato, actûque ad quem seipsam per deli-
berationem applicat & determinat. Cùm enim
intellectualis natura ex naturali conditione cir-
ca bona particularia sit indifferens, intantum ad
illa fertur, inquantum se ipsam per rationem
determinat, conferendo de agendis, examinan-
do rerum merita, penetrando habitudines, ac
detegendo proportiones mediorum cum finibus,
sicque iudicium suæ actionis formando, supra
quod iterum reflecti potest, examinando, sitne
rectum an non, & si visum fuerit, ipsam iterum
emendando, abrogando, reformando, suspen-
dendo, prout placuerit. Hinc est quod bruta
quidem semper uno modo agunt, quia à natura

judicium & instinctum de rebus agendis acceperunt, quod ipsorum nutui non subjacet, sed præsidet: homines verò agunt diversis modis, quia se ipsos per arbitriam & proprium judicium à ratione formatum determinant: ratio autem ad diversissimam viam habet: reflectitur enim supra se, potestque rem uno modo constitutam reformare, abrogare & mutare, juxta quod exigunt rerum diversæ habitudines, ad quas tendit.

Tertia libertas, *A peccato* scilicet, solis bonis convenit, in quibus mitigatis passionum insanis moribus & excusso peccati jugo, tranquillum est voluntatis, ac rationis regnum & regimen soli Deo subditum, cætera verò sibi subjiciens. Ut enim notat D. Thomas, cum pax ex D. Augustino sit tranquillitas ordinis, ordo verò creaturæ rationalis in eo consistat, ut Deo subjiciatur & cætera sibi subiiciat, eius pax & libertas sita est in perfecta subiectione ad Deum & pacifica tranquillaque cæterarum rerum gubernatione, quæ pax & libertas per peccatum & inordinatos passionum motus turbatur.

Quarta libertas scilicet *à lege* primario quidem & principaliter Deo convenit, qui nemini subditus, solus sibi ipsi lex est & regula: secundo tamen & participative iustis convenit. Iustus enim, cum sit divinæ naturæ quadantenus particeps, omnes affectus rectos habet, nec in his eget legis directione, sed ipse quædam lex & regula animata est, ut etiam sæpius annotavit Aristoteles. Vnde licet nulla lex ei posita esset, quasi connaturaliter & ex propria inclinatione ea quæ sunt legis servaret: quod præcipue verum est in illo, qui iustus est & iustitia supernaturali, de quo loquendo dixit:

Apostolus , quod lex non est posita justo , sed impio.

Quinta demum libertas , scilicet à *miseria & pœna*, illis solis competit, qui ad facilitatem perfectam pervenerunt , cujus munus est omnia mala defectusque omnes procul abigere, & omnia bona largiri. Vnde hic quidem habetur in spe, sed in futuro solum habebitur in re.

Circa primum , tertium , quartum & quintam libertatis modum nihil speciale controversatur ; idcircoque totum difficultatis pondus ad solam arbitrij libertatem redit, quæ idcirco plenius discutienda nobis est.

§. II.

De origine libertatis arbitrij.

Iucundum est rerum radices scrutari & notitiam veluti ex fonte haurire. Nam , *dulcius ex ipso fonte bibuntur aqua* : sed accessum sæpe difficultas negat , quæ nullibi maior est , quàm in ipsis rerum originibus, quas omnes profundâ quadam nocte , quasi de industria , natura circumtextit. Verum quia periti ducis sequentibus vestigia nihil invium & inaccessum esse potest, tentabimus in hoc paragrafo præeunte D. Thoma , ipsos humanæ libertatis fontes penetrare, origines quantumvis occultas lustrare, radices in ipsis, non terræ, sed intellectualis naturæ visceribus latentes erare ; sicque Thomisticam libertatis notionem ab ovo primordiiisque suis repetitam tradere , quæ nobis esse pro cardine possit in his difficultatibus quæ circa liberum arbitrium solent agitari.

Libertas propria voluntatis dos est, ideòque ab eodem fonte oritur, à quo & voluntas ipsa. Est autem voluntas, inclinatio consequens formam intellectualem & immaterialem. Vnde consequens est vt libertas quoque oriatur à forma intellectuali & immateriali. Id verò ut altius repetatur, sciendum est, quod, ut sapissimè inculcat D. Thomas, omnem formam sua sequitur inclinatio ipsi proportionata, ideòque juxta varietatem & perfectionem formarum, attenditur varietas & perfectio inclinationum. Formarum autem perfectio sumitur ex earam elevatione ac eminentia supra materiam: Quippe materia est, quæ limitat, deprimit, imperfectamque reddit formam, ut patet ex D. Thoma 1. part. quæst. 7. art. 1. sicut & omnis potentia limitat, deprimit, imperfectumque reddit actum suum, ut generaliter observat S. Doctior 1. contra Gentes, cap. 43. ratione 4. Vnde sicut actus tantò perfectior est quantò à potentialitate purior, ita forma tantò nobilior perfectiorque cenetur; quantò altius è materiae facibus emergit. Quod adhuc clariùs innotescet, si cum eodem D. Thoma 1. contra Gentes, cap. 43. ratione 3. advertamus in rebus duo esse extrema, actum purum, scilicet Deum, in quo est tota essendi plenitudo; & potentiam puram, scilicet materiam primam, in qua nihil est de ente actu quæque proinde vocatur ab Augustino, *prope nihil*. Vnde quia media quò propriùs accedunt ad alterum extremorum, eò magis naturam ejus sapiunt, & ab alio extremo recedunt, ideò quantò magis minuitur, limitatur, deprimitur ac annihilatur. Econtra verò quantò longiùs aliquid à materia recedit, tantò propriùs ad Deum acce-

dit ideòque perficitur, dilatatur, ac de plenitudine entis in se capit.

Porro formarum è materia gradatim emergentium triplex est ordo, proindeque triplex inclinationum eas consequentium gradus. In primo ordine sunt eæ formæ, quæ ferè penitus in materia immerguntur ac sepeliuntur, proindeque valde imperfectæ sunt ac limitate. Eiusmodi sunt formæ elementorum, mineralium, plantarum, cæterarumque rerum insensibilium. Has formas sua sequitur inclinatio proportionata, quæ *appetitus naturalis* dicitur, & est cæcum aliquod pondus ad finem admodum limitatum inclinans, ut ad centrum, circumferentiam, aut aliquid huiusmodi. Quod pondus nihil iuris ac potestatis supra se rebus, quibus inest, relinquit, cum sit proprietas à natura indita, essentiam necessariò consequens, proindeque nullius, nisi Authoris naturæ, arbitrio subjacens. Unde in tali appetitu ne umbra quidem libertatis ac dominiij apparet, sed solum cæca necessitas ad unum urgens & alligans, quod capitaliter repugnat libertati. Ecce verba D. Thomæ quæst. 23. de veritate art. 1. hanc doctrinam luculenter expendentis: *Res materiales, in quibus est, quidquid eis inest, quasi materia obligatum & concretum, non habent liberam ordinationem ad res alias, sed consequentem ex necessitate naturalis dispositionis: Unde huius dispositionis ipsa res materiales non sunt sibi ipsis causa, quasi ipsa se ordinent ad id ad quod ordinantur, sed aliunde ordinantur; unde scilicet naturalem dispositionem accipiunt.*

In secundo ordine sunt eæ formæ, quarum felicior conditio è materiæ facibus aliquatenus

Quæst. II. Arr. II. *De Voluntario libero.* 107
emerge, quæque medium obtinent inter formas
purè materiales, & formas à materia in essendo
prorsus independentes. Mundus enim, ut sæpè
annotavimus, non constat ex partibus dissipatis,
sed miro artificio unitis ac compaginatis; unde
cùm extrema uniantur per media, semper inter
duo extrema, medium aliquod utriusque natu-
ram quadantenus obtinens natura excogitat. Ha-
igitur formæ mediæ quatenus à materiæ angu-
stis sese eximunt, & ad spirituales formas ac-
cedunt, quandam amplitudinem obtinent, per
quam possunt aliarum rerum formas intra se ad-
mittere ac recipere, non secundum esse phyli-
cum (hoc enim impossibile est) sed secundum
aliquod esse defæcarius, quod vocatur *esse in-
tentionale*. Sic oculus omnis coloris expertus,
omnium colorum formas intentionales admittit
& imaginatio infinitis rerum formis, ut Pro-
thens alter, figuratur. Has formas sua sequi-
tur præportionata inclinatio, quæ *appetitus
sensitivus* dicitur, qui aliquid amplitudinis
in determinationis obtinens, non ad unum cæco
impetu rapit, ut appetitus naturalis, sed præ-
eunte cognitionis luce ad varios actus & motus
sese extendit, juxta varias formas qua appe-
rens præconcepit: quippè ut appetitus natu-
ralis sequitur naturalem formam, ita ille sen-
sitivus appetitus formam sensibus acceptam se-
quitur, & ad ejus variationem variatus. Id vi-
dere est in cane, in quo apprehenso hero pa-
cato sequitur inclinatio amoris, gaudij, blan-
ditiarum; viso eodem irato, sequitur inclina-
tio timoris & fugæ; viso extraneo sequitur in-
clinatio furoris, &c. In his tamen formis;
sicut non est perfecta supra materiam eminentia,
(quippè cùm forma sensibilis à materia

dependeat tanquam ab organo & subiecto) ita nec perfecta amplitudo , indeterminatio , & libertas. Unde appetitus has formas consequens non ad omne bonum patet , sed intra limites boni sensibilis coërcetur. Imò cum inter tot bona sensibilia , quæ se offerunt , natura sensitiva discernere nequeat quid sibi expediat , quidve noceat (quippè cum discretio opus sit propriam rationis res invicem conferentis , ac merita cujusque ponderantis) ideò appetitus sensitivus regitur iudicio , instinctuque à natura inditis & ad unum determinatis , quæ arbitrio naturæ sensitivæ non subjacent , sed ipsam naturam ejusque appetitum sibi omnino subjiciunt. Unde talis naturæ appetitus non est perfectè liber sui que juris , nec seipsum regit , sed ab Authore naturæ mediante iudicio instinctuque naturaliter indito regitur. Ecce verba D. Thomæ quæst. 23. de verit. art. 1. id totum egregiè declaratant: *in substantia sensitiva licet recipiantur forma rerum sine materia, non tamen omnino immaterialiter & absque materia conditionibus limitatione scilicet & imperfectione ex hoc quod recipiuntur in organo corporali. Et ideò inclinatio in eis non est omnino libera, quamvis in eis aliqua libertatis imitatio & similitudo sit. Inclinantur enim per appetitum in aliquid ex seipsis, in quantum ex apprehensione aliquid appetunt. Sed inclinari in id quod appetunt, vel non inclinari, non subjacet dispositioni propria; quid, ut inquit 1. part. quæst. 83. art. 1. judicant naturali iudicio & instinctu.*

In tertio demum supremoque ordine sunt illæ formæ, quæ actui puro viciniores à materiæ hæcibus ita recedant , ut etiam sine ullo ejus con-

Quæst. II. Art. II. De *Voluntario libero*, 109
so tio subistere possunt, unde & *subsistentes* di-
cuntur. Ejusmodi sunt anima rationalis & An-
geli. Herum formarum latissima capacitas est,
adeò ut licet ex conditione entis creati ad cer-
tum rei genus definiantur, suâ tamen vastissimâ
amplitude omnium omnino entium formas
intelligibiliter recipere possint; ob quam cau-
sam D. Thomas 1. part. quæst. 54. art. 2. eas
infinitas esse dicit, non quidem secundum
actualitatem entitativam, id enim solius Dei
est; sed secundum capacitatem intellectivam.
Tales formas quoque sequitur proportiônata in-
clinatio, ideòque amplitudinis infinitæ ac ad
omne omnino bonum patens. Vnde si ad ali-
quid naturalem ordinem habeant ac à natu-
ra ipsa determinantur, hoc solùm est ad sum-
mum universaléque bonum, quod, naturali-
ter & necessariò amant: habitu quidem sem-
per, actu verò quando sibi debite proponi-
tur. Et hunc summi boni naturalem amorem
pro arbitrio mutare non possunt, nec in ipsum
jus dominiúmque obtinent, sed illum habent
à natura inditum pro semine ac principio om-
nium affectuum ac motuum suorum: oportet enim principia esse à natura, ut ait D.
Thomas 1. part. quæst. 82. art. 1. quia natura
est primum in unoquoque, proindéque princi-
pium aliorum. Cæterùm quantum ad omnia bo-
na particularia; in quibus tota boni plenitudo
non est, inclinatio illa ipsis præeminet ac domi-
natur, ita ut possit vel ea diligere quatenus
bona sunt, vel respicere quâ parva sunt defecti-
va. Vnde si ad illa feratur, id non est ex naturali
determinatione ac instinctu, sed ex propria ele-
ctione ac arbitrii nutu; unde circa talia bona
liberrima est, tum quia ipsis præeminet ac do-

minantur, tanquam sibi inferioribus; tum quia ad ea non alligatur, utpotè suâ capacitare minorâ; tum quia ad illa fertur non ex instinctu à natura sibi determinato, sed à se formato. Hæc inclinatio *voluntas* vocatur, quæ in tanta indifferentia & amplissima capacitare appetendi quidquid libuerit, ut dirigere ac determinare se posset, à naturæ Authore, non certum aliquod iudicium ac particularem instinctum sortita est, sed rationem intellectumque omni iudicio instinctumque naturali universaliorum, quo deliberat discutitque quid faciendum fugiendumque sibi sit, sicque non à natura sed à se ipsa proprioque iudicio regitur. Imò quia iudicium illud est aliquod particulare bonum, de ipso per reflexionem disponere iudicareque possunt agentia tali intellectu voluntatèque prædita, illud emendando, revocando, mutando prout ipsis videretur; sicque perfectè sui juris sunt, de suis motibus disponunt, plenumque sui iudicij ac determinationis dominium obtinent, præter quod ad perfectam libertatis arbitrii rationem nihil aliud requiritur.

Ex his omnibus, quæ ad mentem D. Thomæ paulò fusiùs pro rei momento ponderavimus, jam manifestè apparet primam libertatis radicem esse elevationem alicujus naturæ supra materiam; causam verò propinquiorem esse amplitudinem tum cognitionis quæ ad omnes ens ferri potest; tum iudicij, quod cuncta, etiam seipsum per reflexionem, ad tribunal suum examinat; tum appetitûs qui ad omne bonum patet, ideoque particularibus bonis eminet & dominatur: Formale verò libertatis arbitrii constitutivum consistere in pleno domi-

Quæst. II. Art. II. *De Voluntario libero.* 111
nio supra proprios motus, seu in jure regendi
seipsum, ac de propriis actibus disponendi,
non est naturali determinatione, sed ex pro-
pria electione. Propter quod Aristoteles 1.
Metaphys. cap. 2. peregregiè dixit *liberum
esse, quod est causa sui, & ex seipso agit.*
Quippe, ut exponit D. Thomas variis in
locis, cum ad actionem tua concurrant, instru-
mentum exequens, forma principaliter effi-
ciens, & finis ad ageadum movens, agentia li-
bera hæc omnia ex seipsis habent: nec enim so-
lùm motus suos exequantur, ac formas illos
causantes per propriam cognitionem accipiunt,
sed etiam sibi finem agendi præstituunt, in
quem sese ut libuerit dirigunt. Videatur D. Tho-
mas 1. part. quæst. 18.

§. III.

*An indifferentia sit de ratione libertatis
arbitrii.*

HActenus dictum est de causa tum radicali,
tum proxima, tum formali, libertatis ar-
bitrii: nunc videndum an in sua ratione inclu-
dat indifferentiam. Quamquam autem ex jam
dictis satis constet naturalem determinationem
ad unum capitaliter repugnare libertati, proin-
deque ad illam requiri indifferentiam aliquam,
ut tamen id ampliùs expendatur, libertatisque
essentia luculentiùs innotescat, difficultatem
ex professo movemus in hoc paragrafo: pro-
cujus intelligentia nomen, variaeque divisio-
nes *indifferentia*, in ipso lumine occurrunt ex-
plicandæ.

Igitur, indifferentia ex ipsa vi nominis est,

quâ unum perinde se habet ad plura. Vnde opponitur limitationi & determinationi ad unum. Potest autem quadrupliciter dividi: Primò quidem in indifferentiam activam & passivam. Indifferentia passiva est, quâ subjectum perinde se habet ad plura recipienda: indifferentia verò activa est quâ facultas activa perinde se habet ad plures effectus producendos. Sic cera dicitur passivè indifferens ad figuras omnes, quia eas indiscriminatim recipere potest; sol verò activè indifferens ad indurandum & emolliendum, quia utrumque præstare potest.

Secundò, dividitur indifferentia in objectivam & subjectivam seu formalem. Indifferentia objectiva est, quâ objectum proponitur potentiae ut perinde se habens ad terminandos oppositos ejus actus, putâ volitionem aut nolitionem. Indifferentia subjectiva seu formalis est quâ potentia vicissim ex parte sui perinde se habet ab objectum vel acceptandum vel respandum.

Tertiò, dividitur indifferentia in indifferentiam quoad specificationem, & quoad exercitium; seu quod idem est, contrarietatis & contradictionis. Indifferentia quoad specificationem seu contrarietatis est, quâ potentia perinde se habet ad actus contrariæ speciei, putâ amore & odium. Indifferentia quoad exercitium, seu contradictionis est: quâ potentia perinde se habet ad ponendum vel non ponendum eundem actum; ut ad amandum vel non amandum.

Quartò, indifferentia dividitur in Physicam & Moralem. Indifferentia Physica est facilitas agendi vel non agendi. Indifferentia Moralis est

Quæst. II. Art. II. De Voluntario libero. 113
facultas bene & malè agendi. His præsuppositis.

Dico : Indifferentia est de ratione libertatis
arbitrii.

Conclusio est contra Iansenium, qui tenet ad
essentiam perfectæ libertatis solùm requiri lu-
men rationis voluntati prælucentis, & exemp-
tionem à coactione : proindèque voluntatem,
modò hæc duo adsint, liberrimè ferri ad ea, ad
quæ necessariò feritur : sicque amorem quo &
beati Deum, & Deus seipsum amat, esse liber-
rimum, quamvis sit omnimodè necessarius, &
nullatenus indifferens. Hanc tamen docent non
modò Thomistæ omnes, sed etiam communiter
Theologi ac Philosophi, expressèque tradit D.
Thomas infinitis in locis, quorum partem col-
legit sapientissimus Pater Gonet 1. 2. tractatu
2. disp. 2. art. 3. §. 1. quamvis Iansenius eum in
suam sententiam trahere totis viribus conetur.
Missis autem rationibus Theologicis.

Probatur conclusio principis Philosophicis,
rationibusque D. Thomæ. Primò, si ad veram
libertatem arbitrii non requireretur indifferen-
tia, omnis volitio, quantumvis necessaria, mo-
dò sit cum cognitione rationis & sine vi, esset
libera libertate arbitrii : Sed secundùm D.
Thomam & veritatem, aliqua volitio, quæ est
cum cognitione & sine vi, non est tamen li-
bera libertate arbitrii ; ergo ad libertatem ar-
bitrii non sufficit cognitio rationis & exemptio
à vi cogente, sed adhuc requiritur indifferen-
tia. Major a deo certa est, ut nec Iansenius eam
neget : quid enim aliud deesse potest volitio-
ni sine vi ac cum plena obiecti cognitione fa-
ctæ, nisi indifferentia, seu exemptio à neces-
sitate ? Minor luce clariùs demonstratur. Nulla
volitio naturalis est libera libertate arbitrii ;

Sed datur aliqua volitio procedens cum cognitione & sine vi, quæ est naturalis; ergo datur aliqua volitio procedens cum cognitione & sine vi, quæ non est libera libertate arbitrii. Minor certissima est in doctrina D. Thomæ, quam ipse demonstrat 1. part. q. 82. art. 1. & 1. 3. quæst. 10. art. 1. & quæst. 22. de veritate art. 5. ex eo quod natura est primum in re & radix omnium. Vnde oportet omnes motus non naturales fundari ac radicari in aliquo primo naturali motu. Ex quo infert primam volitionem, scilicet appetitum ultimi finis, esse à natura; idque tam in voluntate divina quàm creata. Major autem suadetur; nam etsi necessitas naturalis non auferat libertatem spontaneitatis & lubentia, quippe cum libentissimè inclinatur res ad ea, ad quæ naturaliter inclinatur; attamen capitaliter opponitur libertati arbitrii. Quod sic tripliciter ostendi potest,

Primò, quia ut ait D. Thomas 1. part. quæst. 19. art. 10. *Liberum arbitrium habemus respectu eorum, quæ non necessario volumus, vel naturali instinctu.* Sed ea quæ naturaliter volumus, necessariò volumus & ipsâ instigante naturâ, ut ipse concludit, liberum arbitrium non habemus respectu eorum quæ naturaliter volumus. Vnde perpetuò contra ponit libertatem arbitrii, necessitati & naturali determinationi ad unum; ut videre est tum loco citato, tum 1. part. qu. 83. art. 1. tum quæst. 24. de verit. art. 3. tum ibidem art. 4. in argumento *sed contra, &c.*

Secundò suadetur eadem major. Liberum est libertate arbitrii, cujus domini sumus, quod est in potestate nostra, quod nostro subjacet imperio, quod inest nobis à nobis; unde liberum

Quæst. II. Art. III. *De Voluntario libero.* 119
definitur *quod est causa sui*: Atqui volitio naturalis nullum horum habet; ergo non est libera libertate arbitrii. Major est per se nota, desumiturque ex D. Thoma variis in locis; ut 1. part. quæst. 83. art. 1. 2: quæst. 17. art. 5. quæst. 24. de verit. art. 4. &c. Minor verò declaratur; cum enim natura sit primum in re, naturalia præveniunt omne dominum. Vnde expressè dicit D. Thomas 1. part. quæst. 82. art. 1. ad 3. *quod appetitus ultimi finis non est de his, quorum dominus sumus*: eo quod, ut ipse in corpore articuli dicit, nobis naturaliter inest. Similiter quod naturaliter inest, non est in potestate nostra, nec nostro subiacet imperio ac dispositioni, sed naturæ, quæ jus in sua nobis non sinit sed præripit, ut sibi vendicet; unde vulgò dicitur.

Quod natura dedit tollere nemo potest.

Nec etiam inest nobis à nobis, id est ut à nobis causatum, sed solum ut ab ipsa natura datum; ergo volitio naturalis his omnibus caret quæ ad libertatem arbitrii requiruntur.

Teritiò probatur eadem major: Principium totius libertatis arbitrii non potest esse liberum libertate arbitrii: Sed volitio quæ naturaliter inest, est principium libertatis arbitrii, ergo non est formaliter libera libertate arbitrii. Major videtur per se nota, quia principium libertatis prævenit libertatem, ideòque sub ea cadere non potest. Minor verò perpetuò inculcatur à D. Thoma, ut 2. part. quæst. 82. art. 1. & art. 2. & 1. 2. quæst. 17. art. 9. ad 2. & quæst. 22. de verit. art. 5. quam etiam ibidem egregiè probat, ex eo quod natura sit primum in re, proindeque naturalia debent esse principia omnium aliorum.

Dices : D. Thomas 1. part. quaest. 82. art. 1. & qu. 23. de verit. art. 4. dicit, quod necessitas naturalis ordinis non repugnat libertati ; ergo etiam volitione cessaria & naturalis potest nihilominus esse liberrima.

Respondeo distinguendo antecedens : Necessitas naturalis ordinis non repugnat libertati spontaneitatis, lubentiae, seu, ut D. Thomas loquitur, *naturalis inclinationis*, concedo : non repugnat libertati proprie dictae, seu arbitrii, subdistinguo ; repugnantiam contrarietatis & incompatibilitatis in eodem actu individuali, nego.

Explicatur solutio. Liberum aliquando paulò latiùs sumitur pro eo scilicet quod est ex propria rei inclinatione ; hoc modo sumpta libertas non opponitur naturali necessitati, sed solùm violentae coactioni, ut patet ex D. Thoma quaest. 22. de verit. art. 5. Sed praeterea sumitur liberum paulò strictiùs & magis proprie, pro eo quod est in potestate nostra, cujus domini sumus, seu, ut loquitur D. Thomas ibidem, quod appetimus *secundum nostram determinationem* : Hoc modo sumptum liberum constituit libertatem arbitrii, quae licet fundetur aliqua volitione necessaria ac naturali, ut ex D. Thoma jam dictum est, proindeque non opponatur necessitati naturali oppositione contrarietatis & incompatibilitatis in eodem subiecto ; sed potius ea non exigit & supponat tanquam suam radicem : attamen nequit stare cum illa in eodem actu, ita ut eadem volitio sit & naturaliter necessaria, & tamen formaliter libera libertate arbitrii, ut jam ostensum est. Hanc solutio-

Quæst. II. Art. II. De *Voluntario libero.* 117
nem aliis terminis tradit Cajetanus dicendo
naturalem necessitatem non opponi liber-
tati arbitrij *causaliter*, cum sit ejus radix,
bene tamen *formaliter*, cum de ratione liber-
tatis arbitrij sit indifferentia.

Probatur secundo conclusio aliâ efficacissimâ
ratione ex D. Thoma desumptâ. Voluntas libera
est libertate arbitrij in his quæ agit ut voluntas
& non ut natura: Sed in his quæ necessariò &
sine indifferentia procedunt à voluntate, non
agit ut voluntas, sed natura; ergo ubi non est
indifferentia, sed necessitas, ibi non est libertas,
saltem arbitrij. Major supponit voluntatem
posse agere & ut naturam & ut voluntatem.
Nam, ut millies reperit D. Thomas 1. part.
quæst. 41. art. 2. ad 3. & quæst. 82. art. 1. & 2. &
1. 2. quæst. 10. art. 1. ad 1. & quæst. 22. de verit.
art. 5. & c. *In rebus ordinatis oportet primum
includi in secundo; proindeque in secundo in-
veniri non solum id quod ipsi competit secun-
dum rationem propriam, sed etiam quod com-
petit secundum rationem primi, sicut homini
non solum convenit ratione uti (verba sunt D.
Thomæ quæstione ultimò citata) quod ei com-
petit secundum propriam differentiam, quæ est
rationale, sed etiam uti sensu quod ei competit
secundum genus suum, quod est animal....
Natura autem & voluntas hoc modo ordinata
sunt, ut ipsa voluntas quadam natura sit, quia
omne quod in rebus invenitur, quadam natura
est. Et ideo in voluntate oportet inveniri, non
solum id quod est voluntatis, sed etiam quod
est natura.* Hoc posito major argumenti clara
est; ut enim dicit D. Thomas quæst. 22. de ve-
ritate, art. 5. ad 7. *hoc proprium est volûtati in-
quantum est voluntas, ut si domina suorum*

actuum. Sed libertas arbitrij sita est in tali dominio ; ergo voluntas solum libera est in his quæ agit ut voluntas, & non ut natura. Minor verò, in qua est difficultas, suadetur. Nam ut declarat D. Thomas 1. part. quæst. 41. art. 2. *Voluntas est principium eorum quæ possunt sic vel aliter esse : eorum autem quæ non possunt nisi sic esse, principium natura est :* Sed ea quæ necessariò & sine indifferentia fiunt, non possunt sic & aliter esse, ut patet ex terminis ; ergo voluntas non est principium eorum ut voluntas, sed ut natura.

Confirmatur acutissimo simul & profundissimo discrimine, quod ex D. Thoma variis in locis desumptum duobus verbis Cajetanus eleganter expressit 1. 2. quæst. 10. art. 1. In hoc differt voluntas à natura, quod *natura causat quia est*, id est ex essentia suæ determinatione, ac proinde semper idem ; *voluntas verò causa quia vult*, id est, ut ait D. Thomas quæst. 22. de verit. art. 5. non ex naturæ, sed ex propria determinatione. Atqui actum, ad quem voluntas non est indifferens, sed ex sua ratione necessitata, non causat quia vult, id est ex propria electione ac determinatione ; sed quia est, id est ex essentia suæ determinatione ; ergo illum non elicit liberè, & ut voluntas, sed naturaliter & ut natura. Declaratur minor: Determinari enim non est nisi ejus quod erat indifferens & indeterminatum ; ergo ut voluntas causet aliquem actum, non quia est, sed quia vult, id est ex propria electione ac determinatione, concessit est ut ad talem actum ex sua naturali conditione sit indifferens & nullo modo necessitata & determinata. Unde perpetuò docet D. Thomas voluntatem in his

Quæst. I. Art. II. De Voluntario libero. 119
quæ necessariò vult, non agere ut voluntatem,
sed ut naturam. Vide quæst. 22. de veritate,
art. 5.

Probatur demum tertio conclusio aliâ D.
Thomæ ratione: Non est perfecta libertas ar-
bitrii, sine perfecto dominio: Sed perfectum do-
minium non stat sine indifferentia; ergo liber-
tas arbitrii non est sine indifferentia. Major pa-
tet: Probatur minor; tum autoritate D. Tho-
mæ 3. Ethicorum, cap. 1. 1. dicentis, *Si operari est
in nostra potestate, oportet quod non operari sit
etiam in nostra potestate; alias operari non esset
ex nobis, sed ex necessitate.* Vnde 1. p. quæst. 82.
art. 1. Sumus, inquit, *domini nostrorum actuum
secundum hoc quod possumus hoc vel illud eli-
gere.* Tum ratione: nam in his ad quæ volun-
tas non est indifferens, sed ex natura sua de-
terminata & necessitata, non dominatur, sed
servit ac subijcitur naturali necessitati, quæ
arbitrio nostro non subjacet, sed potius arbi-
trium sibi subijcit. Mitto cæteras rationes quas
Theologi fusiùs expendere consueverunt.

Ex his colligitur ad libertatem arbitrii duo
necessariò requiri, scilicet lumen ac directio-
nem rationis, & indifferentiam à naturali ne-
cessitate ad unum determinante: Hæc enim duo
necessaria sunt ad perfectum actus domnium;
lumen quidem directioque rationis, ne cæco
brutalique abripiamur impetu, sed dispona-
mus de actu, tanquam nos regentes, nostri-
que compotes. Indifferentia verò à naturali
necessitate, ut agamus non ex naturæ, sed
ex nostra dispositione ac determinatione, ita
ut tota ratio cur actus sic fiat potius quam
aliter, sit quia volumus, id est propria electio;
& non quia sumus, id est naturalis conditio.

Horum quodcumque desit, tollitur libertas. Unde defectu prioris, motus primò primi non sunt liberi, quia deliberationem plenamque dirigentis rationis advertentiam præcurrunt: Defectu verò secundi, amor beatitudinis non est liber, quia voluntas ex natura sua determinatur, ac necessitatur ad amandam beatitudinem, habitu quidem semper, actu verò *quando est in aliqua dispositione*, ut dicit D. Thomas 1. 2. quæst. 10. art. 1. ad 2. id est quando res in qua est talis beatitudo evidenter ei proponitur.

Objicit primò Iansenius lib. 6. de gratia Christi, integram Iliadem auctoritatem D. Augustini, ex quibus hocce argumentum pro Epiphonemate eruit: Omnis volitio est essentialiter libera etiam libertate perfectâ: Sed non omnis volitio est indifferens, ut patet de amore beatitudinis, & Dei clarè visi; ergo ad libertatem necessariò non exigitur indifferentia. Probatur major, Liberum est libertate perfectâ, quod est in nostra potestate: Sed omnis volitio est essentialiter in nostra potestate, ergo omnis volitio est essentialiter libera. Major patet ex terminis. Minor probatur: Illud est in nostra potestate quod fit cum volumus, & non fit cum nolumus: Sed omnis volitio talis est, ut patet ex terminis, si enim nolimus non erit volitio, sed nolitio, ergo omnis volitio est in nostre potestate. Major, in qua est difficultas, est expressè D. Augustini, qui lib. de spiritu & littera. *Hoc igitur, inquit, quisque in sua potestate habere dicitur, quod si vult facit, si non vult, non facit*: Unde lib. 3. de lib. Arbit. cap. 3. *Voluntas ergo nostra, inquit, nec esset voluntas; nisi esset in nostra potestate.*

Quia, inquit lib. 2. de Civit. Dei, cap. 10. *si volumus est*; Idque ut mittam sexenta ejusmodi loca.

Hoc argumentum est Iansenij Achilles, quod etsi prima fronte robustum videatur, attamen reipia infirmisimum est. Unde respondeo, negando majorem, Ad probationem nego minorem. Ad probationem dum dicitur ex Augustino, illud est in nostra potestate, quod fit cum volumus, non fit cum nolumus, respondeo facile ex jam dictis, Augustini verba intelligenda esse formaliter, ita ut scilicet tota ratio cur ita potius fiat quam non fiat, aut non aliter fiat, sit præcisè quia volumus, & non aliqua naturalis necessitas determinationem nostri consilii præveniens. Seu, ut jam explicatis Cajetani verbis, utar, quod fit quia volumus, & non quia sumus.

Illustratur magis hæc solutio, quæ probè intellecta argumentum ad radices extirpat. Quod aliquis actus procedat à voluntate, & fiat potius, quam non fiat, aut hoc potius modo fiat, quam opposito, duplex esse potest causa & ratio: Primò ipsa naturalis conditio voluntatis à qua procedit, tanquam proprietas à natura. Ejusmodi est amor summi boni, seu felicitatis: cum enim ex naturali conditione voluntas sit appetitus boni, non diminuti, sed summi, naturaliter in ipsum tendit, sicut & omnis potentia in suum objectum; quia inquit D. Thomas 1. par. quæst. 19. art. 3. *de sui ratione est ut in illud tendat*, habitu quidem semper, actu verò quando est in tali dispositione, id est quando sibi debite proponitur: sicut & de ratione ignis est ut habitu semper tendat sursum, actu verò sursum moveatur, quando est extra & nos

impeditus, ut peregregiè tradit D. Thomas 1. 2. quaest. 10. art. 1. ad 2. Vnde quaerenti cur voluntas amet summum bonum, non exactè respondetur *quia vult*, seu ex propria arbitrii determinatione; sed *quia est*, seu quia hoc est de sui ratione, & ad hoc natura sua determinatur ac necessitatur. At verò quod aliquis actus à voluntate procedat, & fiat altera ratio & causa esse potest, scilicet non naturalis conditio ac determinatio, sed proprii consilii electio, ita ut cum voluntas ex sua natura esset indifferens ad agendum vel non agendum, per liberationem iudicii ac propriam determinationem seipsam inclinaverit ad agendū potius quàm non agendum; Adeo ut propria causa & ratio cur egerit potius quàm non egerit, sit præcisè, quia ita placet, & videtur, & non quia ita natura præscripsit. Dum voluntas agit primo modo, non agit ut voluntas, sed ut natura; vnde in his actionibus non est libera, saltem libertate, domini & arbitrii, sed solum libertate naturalis inclinationis. At vero in actionibus secundi generis est perfectè libera libertate arbitrii & domini, agitque non ut natura ad unum ex essentiali suae conditione determinata, sed ut voluntas sese determinans: Intelligendus est ergo Augustinus de secundis actionibus, quæ fiunt quia volumus, ex propria determinatione, & non quia sumus, ex naturali conditione ac necessitate, cum ut ipse expressè ait lib. 3. de liber. arbitr. cap. *Cesset libertas*, saltem perfecta & domini, *ubi necessitas & natura dominatur.*

In forma igitur distinguenda est ultimi argumenti major, illud est in nostra potestate, quod fit cum volumus, ita ut tota & adæquata causa & ratio cur fiat potius quàm non fiat

fit quia volumus & ita determinamus, concedo: Si tota ratio & causa cur fiat potius quam non fiat, non fit quia volumus, sed quia sumus & ad sic volendum ex naturali determinatione ac essentiæ conditione necessitatur, nego.

Instabis: Amor beatitudinis est ex naturali conditione voluntatis: Sed amor beatitudinis est perfectio liber, ut sæpe Augustinus & D. Thomas innuunt; ergo etiam volitio procedens ex natura voluntatis & libera,

Respondeo primò distinguendo minorem: Amor beatitudinis est liber, libertate naturalis inclinationis & spontaneis, concedo, libertate domini & arbitrii, nego. Solutio patet ex dictis & est expressè S. Thomæ 1. part. quæst. 82. art. 1. ad 3. ubi ait: *Appetitus ultimi finis (id est beatitudinis) non est de is quorum domini sumus.*

Respondeo secundò distinguendo eandem minorem: Amor beatitudinis est liber, quoad specificationem, nego, quoad exercitium, subdistinguo, si summum bonum in quo est beatitudo clarè proponatur voluntati nego: si minus concedo. Ut enim mox dicebamus, ex naturali sua conditione voluntas determinatur ad amandum summum bonum, scilicet beatitudinem, & ideo non est libera quantum ad speciem actus quem debet habere circa illud; hic enim necessariò debet esse amor. Sed quantum ad actuale exercitium illius actus, voluntas non est naturaliter necessitata pro omni statu, sed solum quando rem in qua est summum bonum evidenter proponit intellectus: tunc enim naturali imperu in illud voluntas rapitur; imò tunc ipsum exercitium amandi

di pertinet ad fruitionem summi boni, ideoque non magis repudiari potest, quam ipsa beatitudo oblata recusari.

Urgebis: Amor summi boni clarè visus, scilicet Dei, qualis est in beatis, est necessarius quoad exercitium: Sed talis amor est liberrimus; ergo cum omnimoda necessitate stat libertas. Minorem probare nititur lanse-
nius variis D. Augustini testimoniis se nullum satis expressum & apertum refert. præcipuum desumit ex lib. 22. de Civit. cap. ultimo, ubi sic habetur: *Erit una & inseparabilis in beatis voluntas libera fruens indeficienter æternorum iucunditate gaudiorum.* Addit præterea D. Thomam sæpe dicentem, Beatos libere Deum amare; imò quæst. 18. de pot. art. 2. ad 1. Deum liberè seipsum amare.

Respondeo primò solutione jam datâ, hæc intelligenda esse de libertate spontaneitatis & naturalis inclinationis non verò dominii & arbitrii.

Respondeo secundò; quod si aliquando uterque sanctus Doctor videatur docere beatos liberè amare Deum, etiam libertate arbitrii, hoc intelligendum est de Deo ut est ratio diligendi bona creata. Nam beati amant Deum propter se, & alia propter Deum; Quantum ad primum non sunt liberi libertate arbitrii, sed feliciter necessitati: Quantum ad secundum, liberrimi sunt etiam libertate arbitrii. Sed de his ad Theologos, ad quos etiam objectiones remittimus quæ ex libertate divina & libertate Christi solent desumi.

Objicies secundò: D. Thomas in 2. dist. 15, quæst. 1. ait. 4. ait: *Liberum arbitrium dicitur, ex eo quod cogi non potest.* Ergo

Quæst. II. Art II. De *Voluntario libero.* 125
ad libertatem arbitrii sufficit exemptio à
coactione, nec proinde requiritur indiff-
rentia.

Respondeo distinguendo antecedens: Libe-
rum arbitrium dicitur ex eo quod cogi non po-
test, adæquate & totaliter, quasi sola exem-
ptio à coactione sit totale constitutivum li-
beri arbitrii, nego; alias enim appetitus bru-
torum esset liber libertate arbitrii, cum & ipse
cogi non possit: Dicitur inadæquate & par-
tialiter, ita ut inter alia, ad libertatem arbi-
trii requiratur exemptio à coactione concedo,
& nego consequentiam. Liberum arbitrium duo
præcipue dici, exemptionem à coactione, &
à naturali determinatione ad unum. Verum quia
illi, contra quos agit D. Thomas loco citato,
non negabant, imò supponebant liberum ar-
bitrium esse indifferens ad utrum ibet, sed so-
lum contendebant ad unum cogi posse ab ex-
trinseco, ut per effrenem concupiscentiam, per
Angelorum inspirationem, per cælestem in-
fluxum, ut illos refuteret, solum expressius sta-
tuit coactione capitaliter repugnare libertati
arbitrii, proindeque ab his exterioribus moti-
vis ipsum cogi non posse, sed solum moraliter
inclinari.

§. IV.

*Quæ indifferentiæ sit de ratione libertatis
arbitrii.*

Constat igitur ad libertatem arbitrii aliquam
indifferentiã omnino requiri. Verum quia
superius plures indifferentiæ modos attigimus,
superet determinandam etiam ex illis

& requiratur & sufficiat ad perfectam libertatem. Pro resolutione.

Dico primò : Indifferentia objectiva requiritur ad libertatem arbitrii; unde impossibile est ut voluntas liberè, libertate arbitrii, feratur in objectum, quod sibi necessariò proponitur ut omnimodè bonum & amabile; sed solùm liberè fertur in illa bona, quæ sibi proponuntur ut quadantenus bona & quadantenus à bonitate deficientia, vel secundùm veritatem, vel saltem secundùm apparentiam.

Conclusio est contra Iansenium, quam tamen luculenter tradit & explicat D. Thomas 1. 2. quæst. 10. art. 2. his verbis: *In motum cuiuslibet potentia à suo subiecto, consideranda est ratio, per quam objectum movet potentiam visibilibus. Vnde si color proponatur visui ex necessitate movet ipsum, nisi aliquis visum avertat, quod pertinet ad exercitium actus. Si autem proponeretur aliquid visui quod non omnibus modis esset color in actu, sed secundùm aliquid esset tale, secundùm autem aliquid non tale non ex necessitate visus tale objectum videret: Posset enim intendere in ipsũ ex ea parte qua non est coloratum in actu & sic ipsum non videret, sicut autem coloratum in actu est objectum visus, ita bonum est objectum voluntatis: Vnde si proponatur aliquod objectũ voluntati, quod sit universaliter bonum & secundùm omnem considerationem, ex necessitate voluntas in illud tendit, si aliquid velit: Non enim poterit velle oppositum. Si autem proponatur sibi aliquod objectum, quod non secundùm quamlibet considerationem sit bonum non ex necessitate voluntas fertur in illud. Hæc ille & peregregiè: Cùm igitur ex dictis constet voluntatem non habe-*

re libertatem arbitrii circa ea, ad quæ necessitate, manifestè relinquitur eam non esse liberam libertate arbitrii circa id quod ut omnimodè bonum ei proponitur, sed solùm circa id quod ipsi proponitur ut indifferenter bonum.

Dices: D. Thomas, tum ibidem, tum aliis in locis, dicit voluntatem à nullo profus objecto necessitari quoad exercitium: Sed ad libertatem satis est voluntatem non necessitari quoad exercitium; ergo voluntas libera est circa omne objectum, etiam omnimodè & non indifferenter bonum; sicque ad libertatem, saltem exercitii non requiritur indifferentia objectiva.

Respondeo primò cum Cajetano, D. Thomam velle solùm necessitatem quoad exercitium, etsi sit semper in voluntate circa summum bonum debite præsentatum, non provenire tamen ex efficientia talis objecti, sed ex ipsa voluntatis natura: Quippe cum sola specificatio actus causetur ab objecto, exercitium verò vel ab ipsa voluntate, vel ab Authore voluntatis proveniat.

Respondeo secundò & faciliùs, D. Thomam loqui de voluntate, pro eo statu in quo potest applicare, vel non applicare intellectum ad cogitandum de summo bono; tunc enim inducètè potest seipsam retrahere ab ejus actuali amore, avertendo scilicet intellectum ne de illo cogitet, quia nihil volitum quin præcognitum. Cæterùm supposito quod intellectus cogitet de summo bono, ipsumque voluntati præsentet, vel sit in tali statu ut non possit à voluntate impediri ab ejus apprehensione, sicut contingit in beatis, qui non possunt mentem à summi boni visione avertere, voluntas in illud

necessariò tendit, etiam quoad exercitium.

P. obatur primò conclusio ratione desumpta ex D. Thoma 1. part. quæst. 82. art. 2. ad 1. Voluntas non est libera libertate arbitrij respectu objecti, cui non dominatur & præeminet, sed potius de necessitate subijcitur: Atqui voluntas non præeminet & dominatur objecto sibi sine indifferentia & cum omnimoda bonitate ac amabilitate proposito, sed potius ei de necessitate subijcitur; ergo ad libertatem arbitrij requiritur ut objectum proponatur cum indifferentia, & non cum omnimoda bonitate ac amabilitate. Major nota est ex terminis, quippe cum libertas arbitrij sit idem ac libertas dominij, proindeque præminentia: non enim dominantur nisi his quibus præeminemus, quæque nobis subjacent. Minor verò suadetur: Nam omnis potentia de necessitate subijcitur suo adæquato objecto, & omne mobile suo sufficienti motivo: Sed omnimoda bonitas est objectum adæquatum, & motivum sufficiens voluntatis; ergo voluntas de necessitate subijcitur objecto sibi proposito cum omnimoda bonitate. Minor est per se nota: Voluntas enim est appetitus summi & universalis boni; unde bona quidem indifferentia & particularia non adæquantur voluntati, nec sufficienter eam movent, bene tamen bonum omnimodum & perfectum. Major verò declaratur: Dominium enim & subjectio, sicut actio & passio, fiunt à proportionem majoris inæqualitatis, ut loquuntur Philosophi, ita ut quod fortius est & superius, agat ac dominetur; quod verò inferius & debilius, patiatur & subiiciatur: Atqui omnis potentia necessariò inferior est suo objecto adæquato, & omne mobile debilius est ad resi-

stendum, sufficiens verò motivum fortius ad movendum; ergo potentia de necessitate subijcitur suo objecto adæquato, & mobile suo sufficienti motivo. Hanc rationem duobus verbis expressit D. Thomas 1. part. quæst. 82. art. 2. ad 2. *Movens, inquit, tunc ex necessitate causat motum in mobili, quando potestas moventi subdatur. Cum autem possibilitas voluntatis sit respectu boni universalis & perfecti non subijcitur ejus possibilitas tota alicui particulari bono, Et ideo non ex necessitate movetur ab illo: Unde solum, ut ait 1. 2. qu. 10. art. 2. & 3. Bonum perfectum de necessitate movet voluntatem.*

Probatur secundò alia sancti Doctoris ratione desumpta ex quæst. 24. de veritate art. 2. aliisque in locis. Libertas arbitrii stare non potest, nisi actus voluntatis sit aliquomodo indifferentis. Atqui nulla indifferentia esse potest in actu voluntatis, si desit indifferentia objectiva; ergo ad libertatem arbitrii requiritur indifferentia objectiva. Major præcedenti. & ostensa est. Minor suadetur: Appetitus enim cognitionem sequitur, ideoque voluntas eo modo tendit in objectum, quo sibi proponitur ab intellectu; ergo si objectum proponatur ab intellectu sine indifferentia, voluntas etiam tendet in illud sine indifferentia. Hanc rationem D. Thomas ubi supra his verbis expressit: *Tota ratio libertatis ex modo cognitionis dependet. Appetitus enim cognitionem sequitur, cum appetitus non sit nisi boni quod sibi per vim cognitivam proponitur.*

Confirmatur ex eodem S. Doctore: Eatenus actus voluntatis est liber, quatenus, judicium à

quo procedit est liberum & in potestate voluntatis, si desit indifferentia objectiva; ergo indifferentia objectiva requiritur ad libertatem. Major quæ est D. Thomæ tum 1. part. quæst. 83. art. 1. tum quæst. 24. de veritate, art. 2. ex eo constat, quod iudicium intellectus sit regula voluntatis, imò radix, origo, causaque libertatis, ut ostendimus. §. 2. Minor verò videtur nota ex terminis, quippe cum indifferentia objectiva in eo sita sit, ut objectam iudicetur indifferenter bonum & amabile: Vnde tollitur per hoc quod iudicium sit necessariò determinatum ad iudicandum aliquid omnimodè bonum & amabile.

Dices: D. Thomas locis mox citatis dicit, iudicium esse in potestate nostra & liberum, secundum quod possumus de eo iudicare per reflectionem, & quatenus formatur à ratione per collationem: Atqui possumus iudicare per reflexionem de iudicio, licet careat indifferentiâ; ipsùmque per collationem rationis formamus; ergo iudicium quantumvis careat indifferentiâ objectivâ, sitque necessarium, est tamen liberum, Major est D. Thomæ. Minor verò ex eo constat, quod ratio sit supra suos actus, etiam necessarios, reflexiva, & de rebus iudicet cognoscendo & conferendo invicem earum habitudines.

Respondeo negando minorem quoad utramque partem: Cum enim, ut millies repetit D. Thomas, voluntas proportionetur intellectui, & agibilia specularilibus, sicut in specularibus intellectus propriè non iudicat de primis principiis, sed secundum ea de cæteris iudicat, nec illa cognoscit per collationem, sed per naturam & et eminationem: ita in agibilibus, pri-

Quæst. II. Arr. II. *De Voluntario libero.* 132
mum iudicium, quo iudicamus bonum adæ-
quatum & omnimodum esse necessariò aman-
dum, non formatur per collationem, sed per
naturalem determinationem, nec est in nostra
potestate ut de eo propriè iudicemus delibe-
rando de illo, sed secundùm ipsum de aliis
omnibus agibilibus iudicamus & deliberamus.
Per quod etiam patet ad probationem; quam-
vis enim intellectus reflecti possit supra judi-
cium necessarium, reflectione cognoscitiva,
cognoscendo scilicet ipsum, non tamen cog-
nitione iudicativa & deliberativa; nam prin-
cipium deliberationis & iudicij agibilium non
eadit sub deliberatione. Nec similiter tale judi-
cium fit per collationem, quia collatio agibilium
fit, quatenus conferuntur media cum fine; unde
iudicium necessarium de ultimo fine non habe-
tur per collationem, sed per naturalem deter-
minationem.

Objicies: Liber est qui ex seipso agit, qui est
causa sui, qui seipsum disponit, ac regit ex pro-
prio iudicio, & non ex alieno præscripto: At-
qui ille qui agit sine indifferentia objectiva, ni-
hilominus ex seipso agit, est causa sui, seipsum
ex proprio & non ex alieno iudicio dirigit
ac disponit; ergo stat libertas sine indifferen-
tia objectiva. Major est ipsa notio libertatis ar-
bitrij. Minor verò suadetur: Beatus qui move-
tur ad amorem Dei, apprehendendo ipsum ut
omnimodè bonum & amabilem, proinde-
que absque indifferentia, imò cum summa
necessitate objectiva, nihilominus, ex seipso
producit hunc amorem, ac in illum se movet, ex
proprio iudicio, ponderando scilicet divinæ bo-
nitatis merita, & illi necessarium ac summum

amorem impendendo, quia videt ac iudicat illam summo necessarioque amore dignam. Ergo in tali amore Beatus est causa sui, seipsum perfecte dirigit, ac de actu suo disponit, non ex alieno præscripto, sed ex proprio iudicio.

Confirmatur: Eatenus agens intellectuale ab Aristotele & D. Thomas dicitur causa sui, seque disponens, & proinde liberum, quatenus ex se habet non solum executivum principalem sui motus, sed etiam principium finale quo se movet: Atqui beatus necessario iudicans Deum amandum esse, habet tamen ex se, non solum principium executivum illius amoris, scilicet voluntatem, formamque intelligibilem à qua causatur talis amor, scilicet objectum per intellectum apprehensum, sed etiam principium finale illius, divinam scilicet bonitatem à se cognitam ut dignam tali amore. Ergo in tali amore est perfecte liber.

Respondeo negando minorem: Ad probationem respondeo Beatum se habere ad Divinam bonitatem, proportionem servatam, sicuti non beatus se habet ad beatitudinem in communi, & ad universale bonum; quippe videt evidenter Beatus Deum esse ipsissimam beatitudinem, & universalem in se colligere ac comprehendere bonitatem: Vnde sicut in amore beatitudinis in communi & universalis boni voluntas non se movet per propriam deliberationem, sed necessario movetur, & à natura determinantur, ut superius fuse ostensum est; ita nec beatus producit amorem Dei clarè visi, sese movendo cum domino & per propriam determinationem, sed tanquam raptus à magnitudine bonitatis objecti, & ex ipsa volun-

tatis per charitatem elevatæ naturali determinatione. Unde in forma vel negari potest antecedens, vel ita distingui; Beatus ex se producit amorem Dei, ac in illum se movet ex proprio iudicio, vitaliter & elicitive, ponendo scilicet actum vitalem consequentem ad proprium iudicium, concedo: se movet applicative & determinative, sibi finem præstituendo ac determinando, ac de suo actu disponendo cum dominio & præ eminentia supra objectum & iudicium formatum de objecto, qui requiritur ad libertatem arbitrij, nego. Solutio patet ex dictis. Quod verò additur, beatum se moveret ad talem amorem ex ponderatione ac veluti libratione sui amoris & meritorum divinæ bonitatis, formaliter loquendo, falsum est. Quamvis enim particulares fines & bonitates voluntas libret & ponderet consultando, deliberando, & æstimando earum amabilitatem ex proportione quam habent cum ultimo fine, perfecta scilicet & uniuersali bonitate, quæ est aliarum mensura; attamen uniuersalis bonitas evidenter proposita voluntati, non subiacet eius ponderationi ac examini, sed potius eam sibi subicit, ac immenso pondere abripit.

Per quod etiam patet ad confirmationem. Distingueda enim est ultima pars minoris; Beatus ex se habet principium finale sui amoris, Divinam scilicet bonitatem, ut vitaliter cognitam, concedo ut sibi ex proprio arbitrio pro fine præstitutam, seu præ aliis statutam ac determinatam, nego; & nego consequentiam. Ut enim aliquis dicatur ex seipso habere finale principium sui actus proindeque perfectè causa sui perfectèque liber, non satis est ut finem

ejusque bonitatem cognoscat, sed oportet ut illum sibi ex proprio arbitrio præstituat, id est præ aliis statuatur ac determinetur, deliberando & eligendo ipsum non verò in illum sibi à natura determinatum, ac constitutum ex necessitate tendendo. Cum ergo Beatus amet Divinam bonitatem, non tanquam per deliberationem eligens ipsam, sed tanquam necessariò raptus ab ea, & ex naturæ suæ determinatione ad illam amandam necessitatus, non dicitur propriè habere à seipso, & in sua potestate principium finale talis amoris. Sed de his fusiùs Theologi.

Dico secundò: Indifferentia formalis & subjectiva est de ratione libertatis arbitrij.

Conclusio patet ex dictis, tum quia hæc sequitur ex objectiva, unde utriusque est par ratio: Tum quia ad libertatem arbitrij necesse est ut voluntas indifferenter tendat in objectum, ut superiùs ostensum est. Non potest autem indifferenter tendere in objectum, nisi ipsa sit formaliter indifferens: Tum demum quia voluntas eatenus est libera, quatenus ex proprio arbitrio se determinat: ergo necesse est ad libertatem, ut antequam se determinet, sit ex se ipsa formaliter indifferens.

Dico tertio: Indifferentia moralis, seu ad bene vel malè agendum, non est de ratione, sed potiùs de imperfectione libertatis.

Conclusio est communis, quam D. Thomas tradit in 2. dist. 2. qu. 1. art. 1. ad 2. his verbis: *Ad rationem liberi arbitrij non pertinet ut indeterminate se habeat ad bonum & malum*, Et patet tum in Christo, tum in Deo, tum in beatis, in quibus stat perfectissima libertas arbitrij cum summa impeccabilitate, & sine indifferentia ad malum.

Probat^r conclusio primò ratione D. Thomæ 1. part. quaest. 62. art. 8. Sic se habet liberum arbitrium ad eligenda ea quæ sunt ad finem, sicuti ratio ad deducendas conclusiones ex suis principiis. Atqui non pertinet ad perfectionem, sed ad defectum rationis, quod prætermisso principiorum ordine malè inferat conclusionem; ergo nec pertinet ad perfectionem, sed ad defectum libertatis arbitrij, quod possit prætermisso finis ordine, malè media eligere, sicque peccare.

Probat^r secundò ratione quam D. Thomas insinuat in 2. dist. 25. quaest. 1. art. 1. Non est de ratione potentia in bonum ordinata, quod tendat & deflectat in malum: Sed liberum arbitrium ordinatur in bonum, sicut & ratio in verum; ergo non est de ratione liberi arbitrij quod tendat in malum peccando sicut nec de perfectione rationis, ut tendat in falsum.

Confirmatur: Tum ex definitione liberi arbitrij ex D. Thoma deprompta, quâ dicitur, Facultas electiva mediorum servato ordine finis; ergo non est perfectio, sed defectus, quod peccando possit turbare ordinem finis. Tum quia liberum arbitrium constituitur per dominium supra proprios actus: Atqui ad rationem dominij non pertinet potestas abutendi, sed solum utendi; ergo ad liberum arbitrium non requiritur potestas abutendi actu suo, peccando. Tum demum quia liberum arbitrium non tendit in malum, nisi quia intellectus decipitur apprehendendo illud ut sibi bonum: unde omnis peccans ignorans: atqui deceptio intellectus non est de ratione liberi arbitrij; sed potius quidam eius defectus, sicut defectus est quod pes regatur ab oculo caligante, & exercitus ab impera-

torè imperito: Ergo non est de ratione liberi arbitrii ut possit declinare in malum. Vnde D. Anselmus lib. de liber. Arbitr. cap. 1. *Nec libertas, inquit, nec libertatis pars est posse peccare*; sed solum ut notat D. Thomas, quoddam ejus signum, sicut ægrotudo est signum vitæ.

Dico quartò: Ad libertatem arbitrii non requiritur necessariò indifferentia contrarietatis, seu quoad specificationem; sed sufficit indifferentia contradictionis & quoad exercitium. Conclusio etiam communis est.

Probatur facilè: Indifferentia contradictionis & quoad exercitium sufficit ad perfectum dominium; ergo & ad libertatem arbitrii. Probatur antecedens, tum ex D. Thoma 2. contra Gentes, cap. 47. ubi inquit: *Spiritualis substantia domina est altius sui, quia in ea existit egere & non agere*. Tum ratione: Hoc ipso enim quod exercitium actus sit voluntati ex necessitate præscriptum; voluntas censetur in eo ponendo perfectè sui juris, quatenus non solum in eo per lumen rationis se dirigit, sed etiam de eo ad arbitrium disponit, ipsumque elicit, non quia est & ex naturæ determinatione, sed quia vult & ex proprii consilij determinatione.

Pro coronide Articuli quærì posset quomodo definiatur liberum arbitrium?

Respondeo, cum varij varias definitiones afferant, præ cæteris placere eam quæ ex D. Thoma circumfertur, quam supra insinuavimus, quæque dicitur facultas electiva mediorum servato ordine finis. Per *media* intelliguntur omnia bona particularia, in quibus tota ratio bonitatis evidenter non relucet per *finem* verò finis ultimus, id est bonum perfectum, seu Beatitudo.

Hæc autem definitio explicari potest ex collatione voluntatis cum intellectu, quâ utitur D. Thomas 1. part. quæst. 83. art. 4. aliisque in locis, quam ex eo frequenter supra inculcavimus. Voluntas enim sequitur intellectum, ipsique proportionatur. Vnde sicut in facultate intellectiva duo munera distinguimus, primum cognoscendi principia naturaliter evidentia, & secundum hoc munus facultas intellectiva dicitur *intelligentia*; alterum deducendi conclusiones ex his principiis, & secundum hoc munus facultas intellectiva dicitur *ratio*, seu *discursus*: Ita in facultate volitiva duplex est munus; primum appetendi ultimum finem, alterum ex finis amore se movendi ad eligenda media. Facultas appetitiva sub primo munere retinet commune nomen *voluntatis*; sub secundo verò propriè dicitur *liberum arbitrium*: Vnde liberum arbitrium est facultas eligendi, ac determinandi media ex præconcepta finis intentione, sicuti ratio est facultas deductiva conclusionum ex principiis per se notis. Imò, ut epilogicè jam dicta colligamus, sicut inferre inclusiones legitimo principiorum ordine prætermisso non est de perfectione rationis; ita nec est de perfectione arbitrij prætermisso finis ordine media eligere, sicque peccare. Et sicut prima principia sunt naturaliter nota, & non per discursum; ita & ultimus finis est naturaliter volitus, & non per liberum arbitrium: Vnde sicut ratio non est de principiis, ita nec libertas arbitrij de fine ultimo. Sed sicut ratio negotiatur de conclusionibus, ac seipsam movet & applicat ad illis assentiendum; ita & voluntas deliberat de his quæ sunt ad ultimum finem, & se movet & applicat ad ea eligenda, ex amore

ultimi finis. Et demùm sicut intellectus non semper actu assentitur principiis, sed solùm quando sibi debite proponuntur; ita voluntas etsi naturaliter tendat in ultimum finem perfectamque bonitatem, non tamen quoad exercitium semper ipsam vult, sed solùm quando sibi debite presentatur. Sicque apparet mirabilis contextus doctrinæ Thomisticæ circa libertatem, respondent enim extrema primis, media utriusque, omnia omnibus: Ex iisque, quæ pro rei momẽto fusiùs profecuti sumus; mirum in modum elucescunt alia pleraque dogmata cum libertatis doctrina connexa, quæ imperiti tantopere exagitant ac reprehendunt, eo quod prætermisâ verâ liberi Arbitrij notione, rudem quandam & spuriam ejus ideam sibi confinxerint.

ARTICVLVS TERTIVS.

De actibus voluntariis speciatim.

VT de actibus voluntariis speciatim aliquid dicamus, in primum notum est actum voluntarium, alium esse elicitedum, id est ab ipsa voluntate productum, alium verò imperatum, id est ex voluntatis applicatione ab alia potentia factum. Actus elicitedi de quibus solis agere suscipimus, (quippe cum imperati rationem voluntarij ab illis totam habeant) sunt sex, tres circa finem, scilicet simplex volitio, intentio, & fruitio; & tres circa media, scilicet consensus, electio, & usus, His accedunt ex parte intellectus sex alij dirigentes, quorum tres etiam versantur circa finem, tres circa media. Horum

omnium aconomia & ordo ut ob oculos ponatur, colligendi ac dirigendi sunt eiusmodi motus animi nostri, qui ita sibi succedunt & infibulantur, ut semper actum voluntatis praecedat aliquis actus intellectus dirigens ac regulans; vicissimque omnem actum intellectus, excepto primo, praecedat aliquis actus voluntatis applicans ac vigorem & exercitium inspirans: Quippe ut ad intellectum pertinet ordo, directio, & objectiva specificatio actuum voluntatis, sic rursus ad voluntatem spectat applicatio & exercitium aliarum potentiarum, etiam ipsius intellectus. Omnes autem actus qui ad opus morale concurrunt, tum ex parte intellectus, tum ex parte voluntatis, sunt praecipue duodecim qui in triplici classe ita disponuntur, ut alij finem respiciant, alij circa media assumenda negotientur, alij executionem perficiant.

Primo igitur chorum ducit ex parte intellectus simplex boni apprehensio & propositio, qua aliquid ut bonum percipiunt & voluntati proponitur; cui statim secundo responder ex parte voluntatis simplex volitio, id est, complacentia in bono praesentato; quae si fit fortis, excitat & applicat intellectum ad examinandum, nam illud bonum sit adeptu expediens & possibile; sicque tertio sequitur iudicium; quo intellectus bonum proponit voluntati ut adeptu expediens & possibile, cui iudicio ex parte voluntatis succedit quarto intentio boni per media assequendi.

Post eiusmodi quatuor actus; qui sunt circa finem, succedit negotiatio de mediis; Unde quinto in vi intentionis applicatur intellectus ad investiganda media ad consequendum finem opportuna, qui actus consilium, seu consulta-

tio dicitur; cui ex parte voluntatis correspondet: sextò consensus, quo voluntas approbat, seu potius appetit utilitatem illorum mediorum in vi cuius consensus, seu appetitûs approbatiui movetur intellectus ad media illa examinanda & discernenda, discutendo quæ sint aptiora & commodiora, si tamen plura sint nec omnia possint adhiberi: Sicque fit septimus; actus, scilicet Iudicium discretivum mediorum cui ex parte voluntatis correspondet octavus actus, qui dicitur electio, per quam voluntas unum medium præ alio acceptat.

Hi quatuor actus sunt circa media in finem ordinanda, quibus expeditis manus, ut ita dicam, operi admovetur: Nam in vi & efficacia electionis movetur intellectus ad intimandam executionem mediorum electorum; Sicque fit nonus actus, scilicet imperium; cui ex parte voluntatis respondet decimò usus activus, quo voluntas applicat potentias executivas ad assumenda exequendaque media: Huic activæ applicationi respondet undecimò in potentiis voluntati subditis usus passivus, id est assumptio mediorum in virtute voluntatis applicantis facta, quâ mediante duodecimò tandem finis in quem tota illa series actuum collimabat, acquiritur ac possidetur, in qua possessione iucundè quiescit voluntas, quæ iucunda quies vocatur fructio.

Ex his apparet voluntatis, ac intellectus mutua dependentia, & processus ac ordo; qui in humanis negotiis servari solet; saltem dum prudenter ac ratione maturâ & non præcipiti festinatione, aut solâ imaginatione procurantur: Quippe cum plures hominum sint, qui passionibus & imaginatione abrepti, vix ullum legitimi

Quæst. II. Art. II. De actibus volunt. spec. 141
ordinis vestigium tenent, nullo consilio, nullâ
rerum faciendarum ponderatione, discussione,
ac electione sese regentes: Attamen etiam in
hominibus prudentissimi hi omnes actus ita
subitò fiunt, ac sine mora sibi succedunt, imò in-
observabilibus discriminibus miscentur, ut eo-
rum ordo ac distinctio vix agnosci, etiam ab
ipso operante, possit.

Verùm ut de præcipuis speciatim aliquid at-
tingamus, Volitio definitur, Simplex voluntatis
complacencia in bono per intellectum præsen-
tato, Duplex distingui solet, prima & secunda:
Secunda volitio est, ad quam ex alia priore
movemur; quippe ut in arbore ex uno ramo
nascuntur alij, sic ex una volitione aliæ pullu-
lant, ut ex volitione voluptatis sequitur volitio
pecuniæ, quâ res voluptuosæ coëmi possint.
Prima verò volitio est, quæ ex alia non pullu-
lat, sed ex qua cæteræ oriuntur: & hoc vel sim-
pliciter & in tota vita, qualis est primus ille af-
fectus, quo puer rationis compos recenter effe-
ctus, suam voluntatem, ut ita dicam, primo ex-
peritur; vel post omnis actus interruptionem, ut
est illa volitio, quam evigilantes primò forma-
mus; vel pro aliquo particulari negotio, ut est
illa quæ nobis alia agentibus, circa novum ne-
gotium cum iis quæ gerimus nullatenus con-
nexum primò incidit; verbi causa dum cui ve-
nationem toto studio exercenti subitò incidit &
cogitatio & volitio deserendi sæculum, ac re-
ligiosæ vitæ amplectendæ. De his omnibus pri-
mis volitionibus perpetuò & constantissimè do-
cet D. Thomas, quod licet vitaliter produ-
cantur à voluntate, attamen ad illas voluntas
non se movere & applicat, sed applicatur spe-
ciali quodam instinctu ab Authore suo; sci-

licet Deo ; quia instinctus non est tantum physica præmotio , quâ omnis causa ad omnes & singulos actus applicatur à Deo, sed aliqua motio longè specialior , quæ sibi actum ita vendicat , ut nullum locum sese ad hunc applicandi relinquat voluntati.

Porrò hanc veritatem , quam Theologi fusiùs exendunt , D. Thomas variis rationibus demonstrat 1. part. quæst. 82. art. 4. 1. 2. q. 9. 3. contra Gentes, cap. 88. &c. Præcipue sunt , tum ea quæ petitur ex proportionem intellectûs & voluntatis , quâ fit , ut sicut intellectus seipsum quidem movet ex assensu principiorum ad assentiendum conclusionibus ; sed ad assensum principiorum movetur & applicatur præcisè ab Authore suo ; ita voluntas seipsam quidem ex una volitione ad aliam applicet , sed ad primam applicetur tantum à suo Authore. Tum quia in tantum aliquid se movet, in quantum est in actu: Atqui voluntas ante primam volitionem non est in actu, sed solum in potentia; ergo non potest movere seipsam, sed eget moveri ab Authore suo. Tum quia in omni vita primus illius vitæ motus est à generante, ut patet in motu cordis : Sed Deus est author & genitor vitæ intellectualis; ergo primus motus illius vitæ, id est prima cognitio intellectûs, & prima volitio voluntatis , ei specialiter debetur. Tum quia omne multiforme, variabile, defectibile, & contingenter conveniens , debet reduci tanquam in principium in aliquid uniforme, indefectibile, ac naturaliter conveniens , proindeque datum ab Authore naturæ : Sed ceteri voluntatis motus sunt multiformes, variabiles, contingenter convenientes ; ergo reduci debent in aliquem primum uniformem, &c. ac ab Au-

Quæst. II. Art. III. De actib. volunt. spec. 143
thore voluntatis specialiter inditum. Tum de-
mum quia voluntas se movet & applicat me-
diante consilio? Sed primam volitionem nul-
lum potest præcedere consilium, ut de se patet,
cùm illa sit radix & origo totius cõsultationis;
ergo ad primam volitione voluntas non se ap-
plicat, sed ab alio, Authore scilicet suo, ap-
plicatur & movetur. Vnde sicut in formatione
fœtus primò apparet pulsus cordis à generante
inditus, qui est radix vitæ, spirituum officina,
fons & origo vitalium motuum: ita pariter in
voluntate primus affectus, qui est omnium af-
fectuum semen, vitæque appetitivæ fons &
origo, nobis specialiter inest à Deo, ac deinde
per consilium & deliberationem intellectus sese
explicat, ac diffundit in eam affectuum seriem,
quæ perpetuâ concatenatione ad remotiora vo-
lenda nos ducit, & infinitis implicat negotiis.
Sed de his satis.

Intentio definiti potest; Efficax voluntatis
tendentia in finem per media consequendum.
Quippe simplex illa boni complacentia, quam
supra descripsimus sub nomine *volitionis*, acce-
dente iudicio de possibilitate consecutioni bo-
ni, crescit, roboratur, ac firmatur in constantem
appetitum finis per certa media consequendi,
sicque fit intentio; quæ quidem principaliter est
de ultimo fine, attamen etiam esse potest de fi-
nibus intermediis, qui & ipsi intendi possunt:
quatenus sunt per quædam media consequibi-
les.

Consilium dirigit electionem, ideòque defi-
nitur, Inquisitio, seu deliberatio de mediis eli-
gendis. Est actus intellectus practici, qui ut
perfectus consummatusque sit, tribus gradibus
constare debet: Primus est investigatio medio-

rum : Secundus, examen & ponderatio utilitatis cujuslibet: Tertius, iudicium dictans voluntati quod namsit è pluribus mediis assumendum, in quo iudicio tota consultatio consummatur. Ex his patet consilium esse tantum de mediis; quippe cum finis sit basis & principium totius consultationis, sub qua proinde non cadit; sicut in speculabilibus principia discursus non cadunt sub discursu, sed ad ipsum supponuntur. Patet etiam consilium non esse de rebus jam determinatis & certis; aut quæ sunt certa & determinata, inquisitione non egent; quæ verò non sunt in nostra potestate, non possunt à nobis assumi ad consequendum finem, consilium autem, est inquisitio mediorum assumendorum.

Consensus sequitur consilium : Cum enim per consultivam inquisitionem plura media cõgrua voluntati proponantur, voluntas eorum utilitatem approbans dicitur cõsentire. Est autem propriè consentire, cum alio sentire & quasi in alterius sententiam ire. Vnde consensus est propriè voluntatis eorum, quibus intellectus tanquam utilibus assentitur, approbatio : Tunc enim voluntas dicitur cum intellectu sentire, & quasi in sententiam eius ire. Et ideo consensus pertinet ad voluntatem, sicut assensus ad intellectum. Præclare autem notat D. Thomas 1. 2. quæst. 15. art. 4. consensum ultimarum; & quem statim sequitur actio & electio, pertinere ad rationem superiorem. Id patet tum experientiâ, quâ sentimus, quod quantumvis tumultuentur potentia inferiores, nunquam tamen proceditur ad actum, quantumvis in promptu sit, nisi consentiat suprema mentis pars,

pars cui, cæteræ subjacent: Tum etiam ratione: Cùm enim consensus in actum sit finalis sententia, ad illam animi partem spectare debet, quæ de omnibus finaliter judicat: Hæc autem est suprema ratio, à cujus tribunali provocari non potest. Vnde peccatum non censetur consummatum, donec superior pars animæ ipsi vel tacitè vel expressè, cõsentiatur. Ex quibus habetur hos omnes motus inimicitia, iræ concupiscentia, &c. has omnes cogitationes infidelitatis, blasphemia, impudicitia, &c. quæ frequenter miserum hominem invadunt, premunt turbant, confundunt, non esse peccata, nisi accedat suprema illius partis cæteras applicantis consensus, vel expressus, in eis complacendo, vel tacitus ea ut debet non refutando: Quæ quidem refutatio perficitur, non anxia mentis contentione impediendo ne occurrant, hoc enim impossibile plerumque est (nam ut in hydræ capitibus, uno refecto aliud pullulat) sed generoso dissensu renuendo approbationem tum in opus, tum in delectationem & ad meliora mentem convertendo.

Electio definitur ab Aristotele 3. Ethicorum, *Desiderium praconsilii*: Ex qua definitione, ista erui potest. Electio est unius præ alio discretiva quædam acceptatio. Vnde debet supponere consilium dirigens; proindeque propriè non est in brutis, quæ non proprio consilio, sed naturæ instinctu reguntur. Grandis quæstio est circa electionem, possit-ne voluntas ex duobus mediis minùs bonum eligere? Hanc in Theologia fusiùs discuti solitam, ut breviter attingamus; in primis certum est id, quod est minùs bonum in se, imò quod ut tale judica-

tur in communi, aliquando præligi posse majori bono; quippè cum voluntas non sit eorum quæ bona judicantur absolutè & in communi, sed nobis, & hic, & nunc in particulari. Vnde meritò Poëta inducit Medeam dicentem.

— *video meliora proboque,*

Deteriora sequor.

Cæterùm fieri nequit, ut quod hîc & nunc ultimato judicio minùs eligibile, id est, minùs bonum bonitate utilitatis, judicatur, præligatur alteri, quod magis elegibile judicatur: Tum quia electio est appetitus præconfuliari, id est in consultatione prælati: Tum quia voluntas, cum supponat ac sequatur intellectum, eo modò tendit in bonum, quo tendendum dictat intellectus; ergo impossibile est ut intellectus dicter aliquid præligendum & aliud postponendum, & voluntas istud præligat, illud postponat, idque ut mittam varias alias efficacissimas rationes. Verum quia id quod secundùm unam considerationem judicatur minùs bonum & utile, secundùm aliam judicari potest melius & utilius, saltem ad exercendam libertatem, idèd præligi quoque potest: Ex quo etiam solvi possunt quæ in oppositum objici solent.

Imperium definiri potest cum D. Thoma 1.2. quæst. 17. Intimatio ordinaria efficaciter movens ad agendum. Explicatur definitio. Postquam enim finis intentus, mediæque electa sunt oportet ut impetus fiat ad executionem mediæ & finis assecutionem. Hunc impetum executivum incipit imperium, quatenus id quod ordinatum est à ratione, & approbatum à voluntate, promulgat intimat, &, ut loqui-


tur D. Thomas q. 22. de veritate, art. 4. ad 4. distribuit potentiis executivis. Vnde in imperio tria sunt, intimatio rei faciendæ, ordinatio subditorum id quod faciendum est, & demum applicatio ad opus: Illa enim intimatio & ordinatio nō debet esse purè instructiva & indicativa, qualem sonat modus indicativus, *hoc est faciendum*; sed excitativa, efficaciterque applicativa ad opus, qualem exprimit modus imperativus, *fac hoc*. Hæc autem tria explicat definitio tradita, unde est optima.

Ceterum cum in actu imperij aliquid voluntatis reluceat, & aliquid intellectus, ambiguum est ad quam potētiam substantialiter pertineat. D. Thomas dicit esse actum intellectus voluntatem præsupponentis. Ratio hujus est, quia imperium est essentialiter intimatio ordinativa applicans ad opus: *intimare* autem & *ordinare* pertinet ad intellectum, *applicare* vero ad voluntatem. Vnde substantia actus imperij spectat ad intellectum efficacitas verò quam habet ad applicandum ad opus, derivatur à voluntate, ab ipsa scilicet electione, quæ cum præcedat imperium, ipsi suam efficaciam inspirat, quia, ut optime dicit D. Thomas, *In subordinatis virtus prioris remanet in posteriori*. Vnde prudentia, quæ est virtus bene præceptiva, residet in intellectu.

Vfus definitur applicatio rei ad operationem. Vnde quia proprium munus est voluntatis est applicare cæteras potentias; ideò usus propriè est actus voluntatis.

Fruitio definitur quies & delectatio in fine & bono præsentis. Vnde cum bonum & finis simpliciter haberi possit, vel secundum esse intentionale per spem; vel secundum esse reale per

veram possessionem, duplex quoque distinguitur
 fruitio : Altera imperfecta & quasi deliberativa,
 quâ delectamur in bono in spe possessio, sicut di-
 cit Apostolus, *spe gaudentes* ; Altera perfecta,
 quâ jucundè quiescimus in bono secundum rem
 obtento. Cùm autem fruitio à fructu derivetur,
 videtur idem esse; ac fructus perceptio ; fructus
 verò duo dicit, suavitatem, qua delectat, & ratio-
 nem ultimi, in quantum finit & coronat labores
 agriculturæ. Undelicet secundum primum mu-
 nus fruitio esse possit de quocumque bono, qua-
 tenus delectat, attamen secundum alterum mu-
 nus non est nisi de ultimo fine, qui perfectè fi-
 nit quietat & coronat omnes voluntatis affe-
 ctus. Sed de his hæcenus.



QVÆSTIO TERTIA

De Passionibus.

MPETUS illi animi nostri, qui ex appe-
 titu sensitivo pullulantes, *passionum* no-
 mine designari solent, tanti momenti sunt in
 negotio morum ut & virtutum maxima pars in
 illis regendis occupetur, & vitia penè omnia ex
 eorum deordinatione proveniant. Vnde non abs-
 re fore visum fuit quædam de illis delibare ac
 ex D. Thoma, qui hanc materiam peregrinè
 profecutus est 1.2.2. à quæst. 22. ad 48. decerpta
 hîc apponere, ne rem & ad notitiam morum
 pernecessariam, & scitu jucundissimam negle-
 xisse videamur, Cæterùm, ut brevitati consu-
 latur, quidquid de passionibus dicendum se of-

Quæst. III. De passionibus in communi. 149
fert, tribus complectemur Articulis, quorum
primus erit de passionibus in communi: Secun-
dus de passionibus partis concupiscibilis: Tertius
de passionibus irascibilis.

ARTICVLVS PRIMVS.

De Passionibus in communi.

Quæ circa passiones in communi quæri pos-
sunt, ad tria capita reducuntur; scilicet
Quid sint. Quot sint, & Quomodo se habeant
ad bonitatem & malitiam moralem.

Passio à Græcis *πάθος* dicitur, quam vocem
Cicero nomine *perturbationis* exponit. Quinti-
lianus verò nomine *affectus*; quamquam vul-
gata *passionis* vox Græce origini videatur ac-
commodatior. Rem autem variè varij definiunt:
Stoici passionem dicebant esse, *Aversam à*
ratione contra naturam animi commotionem.
Verum hæc definitio non passionis naturam,
sed defectum explicat. Alij brevius passionem
definiebant, *Vehementiorem appetitum*: Alij,
Demissionem vel elationem animi, aut *eiusdem*
contractionem vel effusionem. Sed præstat cæte-
ris definitionibus quam, ex Damasceno lib. 2.
Orthodoxæ fidei; D. Thomas refert, quâ passio
dicitur, *Motus appetitiva virtutis sensibilis ex*
imaginatione boni vel mali, cui ex eodem D.
Thoma addi potest, *cum transmutatione corpo-*
rals; quippè cum motus illi sensitivi appetitûs
semper sint cum aliqua corporis alteratione, à
qua nomen *passionis* obtinent.

Explicatur: Passio in primis dicitur *motus*, id

est commotio, & veluti quidam impetus; ut hæc vox sit loco generis. Additur *virtutis appetitiva sensibilis*; ut per id incipiat discerni, cum ab aliis moribus & transmutationibus, quas corpus nostrum subit, tum à voluntatis effectibus, qui & ipsi quadantenus dici possunt *motus*. Dum dicitur *ex imaginatione boni vel mali*, horum motuum propria causa assignatur; quippe proprium appetitus sensitivi motivum est bonum & malum imaginatione apprehensum, sicut proprium voluntatis motivum est bonum & malum intellectu apprehensum. Particulæ verò, *cum transmutatione corporali*, non modò adjunctum aliquod essentiam passionis concomitans significant, sed illius discrimen, tum à moribus voluntatis, quæ cum non resideat in organo corporeo, non se movet per corporalem transmutationem, tum à motibus partis sensitivæ cognoscitivæ, quæ licet sit affixa organo corporeo, per se tamen, saltem physicè, non transmutat corpus, sed solum intentionaliter; passio vero etiam physicè corpus mutat, præcipuè ut notat D. Thomas 1. 2. quæst. 24. art. 2. ad 2. *Cor ipsum*, nam ut ille ait, *in omni passione additur aliquid vel diminuitur à naturali motu cordis, in quantum cor intensius aut remissius movetur secundum systolen aut diastolen.*

Quantum ad passionum divisionem, ut breviter recolamus quæ tetigimus in quarta Physicæ parte, quæst. 3. art. ultimò. passiones aliæ sunt partis concupiscibilis, aliæ partis irascibilis: Cum enim sunt motus sensitivi appetitus, eo modo dividi debent, quo & ipse appetitus. Appetitus autem alia pars dicitur *Concupiscibilis*, quæ scilicet versatur circa bonum

Quæst. III. Art. I. De Passionibus, in comm. 151
& malum sensibile præcisè sumptum. Alia verò
dicitur *irascibilis*, quæ scilicet respicit bonum
& malum sensibile, sub ratione ardui & elevati
supra facilem animalis potestatem, proindèque
cum quadam pugna attingendum. Differunt au-
tem passionès concupiscibilis à passionibus iras-
cibilis, ut præclarè annotat D. Thomas 1. 2.
quæst. 23. art. 2. quod omnis passio partis con-
cupiscibilis sit vel accessus ad bonum, vel re-
cessus à malo, proindèque contrarietas eis inest,
non secundùm accessum & recessum ab eo-
dem objecto; sed secundùm objectorum, in
quæ tendunt, diversitatem: At verò passio-
nès partis irascibilis sunt vel recessus, vel acces-
sus tam à bono quàm à malo; ideòque contra-
riantur invicem per accessum & recessum ab eo-
dem objecto. Ut desperatio differt à spe, quod
spes tendat in bonum arduum, desperatio verò
ab illo propter difficultatem recedat & similiter
audacia differt à timore, quod insurgat in ma-
lum fugandum, à quo timor recedit.

Passiones concupiscibilis sunt sex; amor &
odium, desiderium & fuga, gaudium & dolor.
Amor est veluti pondus urgens in bonum, unde
Augustinus; *amor meus pondus meum*. Deside-
rium est quasi motus in bonum ex illo pondere
procedens: Gaudium est quies in bono. E contra
verò odium est veluti pondus retrahens à malo:
Fuga est motus ex illo pondere causatus. Tristi-
tia est violenta quies in malo.

Passiones irascibilis sunt quinque, spes & de-
speratio, audacia & metus, & ira, quæ caret
contrario. Spes animum ad bonum in arduo
situm erigit, Desperatio deprimit: Audacia
insurgit in malum arduum, Timor seu metus
succumbit. Ita verò in causam mali animum

incendit ; & ad vindictam acuit . Omnis passio partis irascibilis oritur ex passione partis concupiscibilis , & in eam terminatur . Quippe cum pars irascibilis sit veluti ministra partis concupiscibilis , istiusque sit & tendere in bonum , & quiescere in bono ; illius verò impedimenta removere .

Quantum ad bonitatem & malitiam passionum , notissimam est Stoïcorum sententia , quæ passiones non modò virtuti innutiles assererat , sed etiam omnes omnino ut malas damnabat ; cum è contra Peripatetici laudarent passiones moderatas & per rationem regulatas , tanquam bonas . Sed cum hæc duæ sententiæ adeo inrer se pugnare videantur , D. Thomas 1. 2. quæst. 24. art. 2. annotat discrimen solum in voce esse , cæterum in re convenire . Stoïci enim cum satis non discernent voluntatem ab appetitu sensitivo , omnes enim nostri affectus per rationem regulatos vocabant *voluntates* ; qui verò rationis præscriptum vel excederent , vel tardius sequerentur , Græce quidem *πάθος* , latine verò *perturbationes* , *agritudines* , *morbosque* appellabant in quo sensu sumpta *passio* , quatenus scilicet à rationis regula recedit , etiam apud Peripateticos , mala est & vitiosa . At verò ut rationi obtemperat & cooperatur , ne ab ipsis Stoïcis condemnari potest .

Sed difficilior quæstio est . an passio , dum rationi voluntatique cooperatur , diminuat vel augeat voluntatis bonitatem . An , verbi gratia , Iudex , qui cum passione ardoreque partis sensitivè justitiã exercet , melius vel deterius agat , quàm si silente appetitus sensitivo totum opus peccata nudaque voluntate perageret .

Ad hanc difficultatem explicandam D. Thomas

Quaest. III. Art. II. *De passion. part. concup.* 153
utitur distinctione: Passio enim dupliciter ad
rationem & voluntatem comparari potest, uno
modo ut antecedens, alio modo ut subsequens.
Aliquando enim praecurrentes passiones sollici-
tant & urgent voluntatem, etiam ad rem bonam
puram ad miserendum, puniendum, &c. Ali-
quando est contra praecurrens ratio & voluntas
passionum motus excitat, ut opus non frigide,
sed ardentem ac vividem peragatur. Quippe pas-
siones sunt veluti igniculi quidam, attentio-
nem, vehementiam, ardorem, vigoremque
operi inspirantes. Sic iudex ad malos terribiles
iram excitat, & miles adversus hostem animum
exacuit iracundiam, quam eleganter veteres Aca-
demici *fortitudinis cotem* dixerunt: Unde vul-
gatum illud Horatii.

Virtuti immitti furorem.

Hoc posito facile elucescit difficultas: Nam pas-
sio praeveniens trahensque post se voluntatem
diminuit bonitatem, tum quia obnubilat judi-
cium rationis ex quo ut fonte suo dependet bo-
nitas moralis, quae ideo, veluti turbato fonte
rivulus, minus pura est: Tum quia diminuit
libertatem; quippe cum voluntas passionis im-
petu abrepta, sit minus sui juris ac actus do-
mina. At vero passio subsequens non diminuit
bonitatem, sed cum dupliciter subsequi pos-
sit, uno modo per quandam redundantiam,
quatenus voluntas, cum fuerit intensa, secum
rapit appetitum inferiorem; alio modo per
electionem, quatenus voluntas expressè ac-
nominatim eligit aliquam passionem, puta
irasci ad incuriendum timorem; dum subse-
quitur primo modo non addit quidem pro-
priè, sed ostendit majorem bonitatem,
imò quatenus extendit ipsam: secundo

verò modo addit ad bonitatem actionis. Ad perfectionem enim boni moralis spectat non solum ut homo bene agat secundum partem rationalem, sed etiam ut membra sua, omnesque affectus exhibeat arma justitiæ ut loquitur Apostolus.

ARTICVLVS SECVNDVS.

De Passionis partis concupiscibilis.

A Passionibus appetitûs concupiscibilis incipimus, quòd illæ sunt & principia & termini passionum partis irascibilis. Constat autem ex dictis eas esse sex numero; amorem & odium, desiderium & fugam, lætitiã seu delectationem, & tristitiã seu dolorem. De quibus ut ordine dicamus.

§. I.

De amore & odio.

Vtrumque sub uno titulo discutiendum suscipimus, quia contraria contrariis innotescunt, ideoque, ut ait Aristoteles, oppositorum eadem debet esse scientia. Ut autem ab amore incipiamus; Amor (& idem proportionaliter dicendum de odio) duplex est, sensitivus & intellectivus: Amor intellectivus est ille affectus, quo voluntas sibi complacet in bono per intellectum apprehenso: Amor verò sensitivus, est illa sensitivi appetitus passio, quâ sibi complacet in bono sensitivo, seu per sensum apprehenso. Addi potest & tertius, scilicet et natura-

Quæst. III. Art. II. De passion. part. concup. 155
lis, qui est inclinatio uniuscujusque naturæ in
ie quod sibi conveniens est. De primo & tertio
non agimus, sed solum de sensitivo, cujus natu-
ram, causas, & effectus hic explicare suscipimus.
Incipiendo ergo ab ipsa ejus natura.

Amor variè a variis definitur. A Platoniceis di-
citur, *desiderium pulchri*; seu *animi visus in pul-
chrum*. Verùm hæc definitio in duobus deficit.
Primò, quia confundit duas passiones, amorem
scilicet & desiderium. Secundo quia diminuta est;
quippe cùm amor sit omnis boni, pulchrum verò
non videatur esse nisi quædam boni species. Si-
quidem omne pulchrum est bonum, sed non om-
ne bonum est pulchrum; non enim dicimus pul-
chros sapes, sed bonos. Imò pulchrum sapè
non videtur esse terminus amoris, sed potius ha-
mus & esca, quo bonum allicit ad sui amorem:
Est enim pulchritudo veluti flos, splendor, diffu-
sioque bonitatis quæ amatur. Sed de his exactiùs
agendo de causis amoris. Alij definiunt amorem,
Motum appetitûs, quo animus bono adheret,
adhæsiōe, inquam, non effectivâ, sed affecti-
vâ. Verùm hæc definitio repugnantibus invi-
cem terminis uti videtur; quippe cùm moveri
in bonum, & adhærere bono videantur invicem
opponi; non enim per motum in bonum, sed
potiùs per quietem in bono, fit adhæsiō volun-
tatis ad ipsum bonum. Placet igitur præ cæteris
D. Thomæ definitio, quâ dicit amorem esse,
Complacentiam appetibilis, seu boni.

Hanc ingeniosissimam definitionem explicat
D. Thomas 1. 2. quæst. 26. art. 2. supponendo
passionem esse effectum agentis in patiente.
Quemadmodum ergo agens naturale duplici-
ter immutat patientem, primò quidem dan-
do formam, quæ est principium motûs; se-

cundò mediante formâ imprimendo motum, ut generans lapidem primò dat ei gravitatem, secundò mediante gravitate motum ad centrum : Sic, ut verbis eius utar, appetibile dat appetitui primò quidam coaptationem ad ipsum, quæ est quædam complacentia appetibilis ex qua sequitur motus ad appetibile, nam appetitivus motus circulo agitur, ut dicitur in 3. de anima: Appetibile enim movet appetitum, faciens in eo quodammodo ejus inclinationem (id est, imprimendo in ipsum quasi pondus aliquod gravitans, & absque vi inclinans ipsum appetitum in bonum) & appetitus tendit in appetibile realiter consequendū, ut sit ibi finis motus ubi fuit principium. Prima ergo immutatio appetitus ab appetibili (id est, illa coaptatio qua bonum appetibile immutat appetitum, illum sibi appropriando, vendicando, & ad se inclinando per impressionem cujusdam metaphorici ponderis ac gravitatis quæ fit principium tendendi in ipsum) vocatur amor, qui nihil aliud est quam complacentia appetibilis : Ex hac complacentia sequitur motus in appetibile, qui est desiderium : & ultimò quies, quæ est gaudium.

Dices: Complacentia nō videtur esse nisi quoddam amoris rudimentum inchoatio, delineatio, prælibatio, & ut ita dicam, aurora, ergo malè definitur amor per complacentiam, sicuti si dies per auroram, & fructus per florem definiretur.

Respondeo complacentiam esse ipsissimum amorem : Sed considerari potest in duplici statu : Primò ut recens, infirma, tenera, nec dum appetitūs plenè domina, cum scilicet bonum nondum rupit, sed solum leviter commovet & agitat appetitum : & tunc non

Quaest. III. Art. II. De passion. pass. concup. 157
dicitur proprie *amor*, sed potius inchoatio
amoris, aut simpliciter *complacentia*. Secun-
dò eadem complacentia considerari potest, ut
jam robusta, firma, constans, ac appetitum sibi
perfectè subjiciens, cum scilicet bonum non le-
viter tantùm commovet, sed potenter inclinatur
ad se appetitum: & tunc dicitur proprie ac
perfectè *amor*.

Porro complacentia illa boni robusta, con-
stans, ac vehemens, si sit cum quadam electio-
ne, quâ iudicio discretivo bonum aliquod ex
multis diligitur, in quod affectus tendat, di-
citur *Dilectio*: Si verò præcisè sit ex impres-
sione forti ipsius boni rapientis affectum, reti-
net simplicis *amoris* nomen. Unde præclare
Dionysius lib. 4. cap. de Divin. nomin. dicit, quod
quibusdam sanctorum visum est divinitus esse
nomen amoris quàm dilectionis; quia scilicet,
ut egregiè interpretatur D. Thomas 1. 2. q. 26.
art. 3. ad 4. *Magis homo in Deum potest tende-
re per amorem passivè quodammodo ab ipso
Deo attractus, quàm ad hoc eum propria ratio
possit ducere; quod perinet ad rationem dile-
ctionis. Et propter hoc divinior est amor quàm
dilectio. Si autem complacentiæ accedat ingens
quodam boni amati appetitatio, quatenus id
quod amatur magni pretii aestimatur, tunc
vocatur *caritas*, quæ idcirco locum habet pro-
priè in amore divinorum, non verò nisi im-
propriè in amore bonorum corporalium, quæ
sunt vilis pretii. Si demum talis complacentia
sit personæ cui tanquam nobis ipsis volumus
bonum, vocatur *amor amicitia*, præcipè cum
reciprocatur; vix enim placere potest persona
in seipsa, etque bonum velle possumus, nisi vicif-
sim illa nobis bonum velit. Complacentia verò*

boni quod personæ volumus, sive nostræ, sive alienæ, vocatur *amor concupiscencia*; maximè quando tale bonum nobis ipsis volumus.

Quantùm ad causas amoris, prima & præcipua, imò quæ est aliarum ratio, est bonum. Amor enim est passio quædam appetitûs, & complacentia amantis ad rem amatam. Patet autem solum bonum esse proprium appetitûs motivum, nullamque rem placere, nisi quatenus conveniens est appetitui, proindeque bona. Si autem dicas etiam pulchrum esse causam amoris, imò inter ejus causas efficacissimam. Respondeo cum D. Thoma, pulchrum contineri sub bono, imò idem esse secundum rem cum illo, solumque ab eo ratione differre. Unde sicut pulchrum est bonum, imò quædam excellentia, diffusio, flos, splendorque bonitatis, juxta Platonicos, ita est causa efficacissima amoris. Quomodo autem bonum & pulchrum differant quadantenus, egregiè D. Thomas explicat 1. 2. quæst. 27. artic. 1. ad 3. his verbis: *Cùm bonum sit quod omnia appetunt, de ratione boni est, quod in eo quietetur appetitus. Sed ad rationem pulchri pertinet, quod in ejus aspectu seu cognitione quietetur appetitus. Unde illi sensus præcipuè respiciunt pulchrum, qui maximè cognoscitivi sunt scilicet visus & auditus rationi deservientes; dicimus enim pulchra visibilia, & pulchros sonos. In sensibilibus autem aliorum sensuum non utimur non ne pulchritudinis; non enim dicimus pulchros sapes & odores. Et sic patet quod pulchrum addit supra bonum quendam ordinem ad vim cognoscitivam, ita quod bonum dicatur id, quod simpliciter complacet appetitui; pulchrum autem dicant id, cujus ipsa*

Quaest. III. Art. II. De passion. part. concup. 159
apprehensio placet. Ex quo inferendam obiter,
res tantò pulchriores esse, quantò magis habent
de cognoscibilitate; proindeque in spirituali-
bus pulchritudinem longè excellentiorem repe-
tiri, quàm in corporalibus.

Secunda causa amoris est similitudo: Vnde
proverbium, *simile simili gaudet*; & Eccle-
siast. 13. *Omne animal diligit sibi simile*. Ve-
rùm præclare D. Thomas duplicem distinguit
similitudinem; primam, quæ sita fit in eo quod
utrumque habeat idem actum, sicut duo homi-
nes sunt in humanitate similes, & duo alba in
albedine. Secundam, quæ in eo sita fit, ut
unum in potentia, non purè susceptiva, sed
coaptata & inclinata, id abeat, quod aliud
habet in actu: Potentia enim habet quandam
similitudinem ad actum suum, non solum
quatenus est quædam inchoatio ejus, & in
ipsum tendit & inclinatur, sed etiam quatenus
est ipsi commensurata; omnis autem com-
mensuratio est quoddam similitudinis genus.
Prima similitudo fundat amorem amicitiae:
simile enim reputatur ut unum suo simili,
proindeque affectus unius se habet & tendit
ad aliud sicut ad seipsum, in quo sita est
ratio amicitiae. Vnde naturaliter homo homi-
ni amicus est propter naturalem similitudinem,
& civis civi, propter politicam similitudi-
nem, &c. Secunda verò similitudo est causa
amoris concupiscentiae; quia unicuique exi-
stenti in potentia inest appetitus sui actus, in
cujus consecutione delectatur, si sit sentiens
& cognoscens. Attamen per accidens prima
similitudo causat odium, quatenus in conse-
cutione boni unum simile impeditur aliquan-
do à suo simili; quo fit, ut ipsum odio ha-

beat tanquam noxium sibi. Vnde juxta Proverbium ex Aristotele depromptum, *Figulus figulo in videt*, quatenus ab eo impeditur in lucro; & inter superbos semper sunt jurgia, quia se invicem impediunt in propria excellentia, quam singulariter cupiunt. Ad has amoris causas alia reduci videntur, ut familiaritas, sympathia, societas & communicatio in aliquo bono, &c.

Effectus amoris cum innumeri sint, sex præcipuè à D. Thoma recensentur. Primus est, unio; secundus, adhæsiō, tertius, ecstasis; quartus, zelus; quintus, læsio amantis, sextus demum universalis quidam influxus in omnia quæ aguntur ab amante.

Et quidem unio ad eo proprius amoris effectus est, ut Dionysius eum vocaverit *virtutem unitivam*; & Augustinus lib. 8. de Trinit. cap. 10. *Amor, inquit, est quasi junctura quadam duo copulans, vel copulare appetens, amantem scilicet, & id quod amatur.* Verùm quia non omnis unio est amoris effectus, ideo annotat D. Thomas 1. 2. q. 28. art. 1. ad 2. *Quod unio tripliciter se habet ad amorem: Quaedam enim unio est causa amoris, & hac quidem est unio substantialis, quantum ad amorem, quo quis amat seipsum: Quantum verò ad amorem quo quis amat alia, est unio similitudinis. Quaedam verò unio est essentialiter ipse amor; & hac est unio secundum coaptationem affectus, qua quidem similitur unioni substantiali in quantum amans se habet ad amatum, in amore quidem amicitia, ut ad seipsum, in amore autem concupiscentia, ut ad aliquid sui. Quaedam verò unio est effectus amoris & hac est unio realis, quum amans quatit de re amata.*

Quæst. III. Art. II. De passion. part. concup. 163
Vt enim Philosophus dicit 2. Polit. cap. 2. Aristophanes dixit quod amantes desiderarent ex ambobus fieri unum ; sed quia ex hoc accideret aut ambos , aut alterum corrumpi , quarunt unionem qua convenit & decet ; ut scilicet simul conversentur , & simul colloquantur , & in aliis ejusmodi conjungantur .

Mutua verò adhæsiō & inhæsiō dupliciter causatur ab amore. Primò quantum ad cognitionem, quatenus amor altè defigit amatum in apprehensione amantis. Vnde Virgilius Didonis amorem describens ait ,

*Multa viri virtus animo, multusq; recursat
Gentis honos : hærent infixi pectore vultus.*
Vicissimque idem amor amantis cogitationem defigit in amatum , sicque efficit ut perpetuâ contemplatione ipsi inhæreat. Secundò quantum ad effectum, quatenus & amatum possidet affectum amantis, ipsique per intimam complacentiam imprimitur, ac omnes ejus motus causat, non quasi per extrinsecam vim, sed per interiorē inclinationem, unde & amor dicitur *intimus*, & dicuntur *viscera charitatis*: & vicissim amans omnes affectus suos defixos habet in amato , ut non immeritò dixerit Plato, *Animam magis esse ubi amat , quam ubi animat*. Imò per amorem amicitia: ea inhæsiō mutua perfectiùs fit per affectivam quandam identitatem, quatenus amicus amicum reputat ut unum sibi , & ut alterum se.

Ecstasim autem causat amor , & secundum apprehensionem, & secundum affectum. Secundum apprehensionem quidem , quatenus facit ut amans sui oblitus , de amato duntaxat cogitet , sicque feratur extra propria , in quo ratio ecstasis consistit. Secundum affectum

verò quatenus amatum ita curas affectusque omnes amantis rapit, ut propriis neglectis, de amato solum sollicitudinem habeat, sicque extra seipsum exeat.

Zelus verò causatur ab amore, quatenus amor, cum intensus fuerit, non solum fertur in amatum, sed etiam acriter repellit omne sibi contrarium & repugnans, in quo sita est ratio zeli. Verum in hoc differt amor concupiscentiae ab amore amicitiae, quod ille repellat non tam contraria amato, quam possessioni quam de ipso habere quaerit. Sicut vir cuius zelus in amore concupiscentiae fundatur, non tam repellit ea quae displicent uxori, ipsique contrariantur, quam quae opponuntur singulari eius possessioni. At verò amor amicitiae per zelum repellit ea quae opponuntur ipsi amico ac bono illius, insurgendo in ea quibus ille offenditur. Et ideo de illis bonis; quae sic possidentur à pluribus, ut à singulis integrè habeantur, qualia sunt bona divina, non est zelus concupiscentiae, sed solum quasi amicitiae.

Læsionem amantis causat amor vel ratione sui materialis, id est, illius corporalis transmutationis, quae ad rationem omnis passionis pertinet, quando fuerit intensior, quippe cum spiritus, quibus praeter ceteris passionibus amor dominatur, nimis commoveat, intendat exhaustat ac consumat. Vel etiam ratione sui formalis, quando inordinatus est & his rebus adhæret quae nec decent, nec congruunt amanti. At verò si rectus sit, & vero bono adhæreat, non lædit sed magis perficit amantem. Quippe, ut inquit D. Thomas, *Amor significat coaptationem quandam appetitiva virtutis*

Quaest. III. Art. II. De passion. part. concup. 163
ris ad aliquod bonum. Nihil autem quod co-
p-
tatur ad aliquod quod est sibi conveniens, ex
hoc ipso laeditur; sed magis si sit possibile, pro-
ficat & melioratur. Quod vero coaptatur ad
aliquid, quod non est sibi conveniens, ex hoc
laeditur & deterioratur. Praecipue quia cum
amor sit fons affectuum & motuum, si sit ma-
lus, eos omnes in sua radice ac fonte conum-
pit.

Est demum amor causa omnium quae ab amā-
te aguntur; non modo quatenus, ut inquit Dio-
nysius cap. 4. de divin. nom. *Propter amorem
boni omnia agunt, quaecumque agunt*, aut qua-
tenus bonum amatum habet rationem finis, qui
movet agens ad agendum: sed etiam quia est
dominus appetitus, cuius est applicare ad agen-
dum; radix omnium affectuum ac passionum,
quibus movetur animal; & potentissimus mo-
tor urgentissime stimulans, efficacissime appli-
cans, imò agendi vires, industriam, ac perseve-
rantiam miro quodam modo inspirans.

Praeter hos celebriores amoris effectus, qua-
tuor alios proximos ei attribuit: Hi sunt li-
quefactio, fruitio, languor, & fervor. Lique-
factio opponitur congelationi: Ea enim quae
sunt congelata, in seipsis constituta sunt, ut
non possint de facili subintrationem alterius
pati. Ad amorem autem pertinet, quod ap-
petitus coaptetur ad receptionem boni amati,
quatenus, ut dictum est, amatum subintrat
amantem ipsumque penetrat & intimè perva-
dit. Vnde cordis congelatio vel durities est
dispositio repugnans amori. Sed liquefactio im-
portat quandam cordis mollificationem, quae
seipsum pervium exhibet amato subintranti.
Si verò amatum est praesens; amor causat frui-

tionem, quæ est affectivus quidam boni possessi complexus, quo amans ipsum veluti astringit ac ardentè retinet. Si autem bonum amatum fuerit absens, amor languorem causat, qui est dolor, tædium & quidam impatientis animi defectus ac deliquium. Sed ne in hoc misero statu torpeat animus; amor reficit, excitat, acuit, contenditque omnes vires; sicque causat fervorem, qui est veluti quædam astuantis animi ebullitio: sicque fiunt amoris quasi paroxysmi, quibus animus à deliquio languoris, in ardorem impetum vivacitatemque fervoris alternatim inducitur.

Quæ de odio dicenda essent: ex his quæ de amore dicta sunt satis innotescunt; unum admiratione dignum est, odium scilicet, quantumvis sit ab amore diversum, ab eo tamen produci, nasci, ac educari. Amor enim quoddam pondus animi est: Vnde sicut ab eodem pondere producitur & accessus ad centrum, & recessus à puncto quod centro opponitur; ita & ab eodem amore, & quod animus inclinatur in bonum, ipsique commensuretur, coaptetur, conformetur, ac in illo complaceat; & quod ea quæ bono amato repugnant, repugnent quoque amanti, displiceant & ingrata sint, in quo sita est odii ratio.

§. II.

De desiderio & fuga.

Desiderium & fuga sunt veluti quædam animi pennæ, quibus & ad bonum absens fertur, & malum quam longissimè potest, devitat & fugit. Quippe cum animalis commo-

Quaest. III. Art. II. De passion. part. concup. 165
da bona extra ipsum sint, mala verò in ipsum
incurrere possint, conveniens fuit ut his duobus
veluti pedibus iastrueretur, quibus & mala fu-
gere, & bona prosequi valeret. De his ut paucis
dicamus.

Desiderium variis nominibus exprimit solet:
Dicitur enim in primis, *cupiditas* ac *concupis-*
centia; quanquam hæc nomina paulò latius
sumi soleant pro aliis appetitibus concupiscibilis
affectibus, præcipuè pro amore; nec ad deside-
rium significandum derivata simplex, inno-
cens, aut qualecumque desiderium signent, sed
ardentius, effrane, immoderatum, ac ratio-
nem non sequens, sed turbans ac rapiens. So-
let etiam aliquando vocari *libido*, sed illa vox
ex usu fermè restringitur ad illum impetum
significandum, quo impetus tactus inordinate
appetuntur, sicut & ambitio ac avaritia non
simplex, sed vitiosum honoris ac pecuniæ appe-
titum exprimunt. Vnde hujus affectus, prout
ab ordinato & inordinato abstrahit, proprium
nomen est *desiderium*.

Definitur autem desiderium, Motus seu affe-
ctus appetitibus sensitivi tendens in bonum ab-
sens; seu, quo prosequimur consecutionem
boni. Quatenus dicitur *affectus*, convenit cum
aliis passionibus; ceteræ verò particulae distin-
guunt desiderium ab aliis affectibus partis con-
cupiscibilis. Nam amor est affectus quo com-
placemur nobis in bono sive præsentæ, sive
absente; Delectatio verò versatur circa bo-
num præsens & possessum; at verò desiderium
est propriè boni absentis. Imo per easdem par-
ticulas differt desiderium à passionibus partis
irascibilis; præcipuè à spe, cui magis affine vi-
detur spes enim non est qualiscumque absentis

boni prosecutio, sed ardui ac difficultatibus circumsepti, nec quomodocumque in illud tendit, sed cum quadam erectione, conatu, ac lucta contra difficultates animum deprimentes. At verò desiderium est simplex animi motus & affectus in bonum absens, quatenus præcisè bonum.

Verùm natura desiderii præclariùs adhuc elucescere potest, si observemus ex dictis, hunc affectum medium esse inter amorem & gaudium, istumque habere ut principium, illud verò ut terminum. Quippe amor pondus quoddam animi est, ipsum inclinans fortiter & suaviter bonum. Unde quemadmodum in rebus naturalibus, si avulsæ ac remotæ sint à centro suo, ex pondere nascitur conatus ac motus ad repetendum centrum, quo adepti, cessat talis motus eique quies succedit; ita in animo, si bonum amatum sit absenti, ex amore nascitur ille motus ac impetus, quo rapimur in illud, quique *desiderii* nomine intelligitur; obtento verò bono, illi motui succedit quies in bono, quæ est delectatio.

Desideria, cum sint innurvera, generalius dividuntur in naturalia, & non naturalia. Desiderium naturale est, quod oritur ex indigentia naturæ, ac tendit in bonum, quo talis indigentia removetur: Ejusmodi sunt cupiditates cibi & potûs, & aliorum naturæ necessariorum. Desiderium non naturale est, quod oritur non ex naturæ necessitate, sed ex appetitis iudicio, & fertur in id quod appetit: sibi iudicat conveniens, præter id quod natura requirit, cuiusmodi sunt lautiores cibi, prætiosa vestimenta, pecuniæ, honores, &c. Desiderium naturale facile expleri potest,

& tendit non modò in aliquid finitum, sed etiam modicum; natura enim paucis contenta est. At verò desiderium non naturale inexplabile est ac infinitum, ideòque à quibusdam non immeritò vocatur *inane*, non solum quia tendit in res minimè necessarias, sed quia nullo bono plenè satiari ac impleri potest; Unde præclare Lucretius cor æstuans eiusmodi desideriis vocat *Pertusum*, quod nullo bono impleatur. Hujus ratio est, quia procedit ex rationis apprehensione: ratio autem in infinitum procedit, quatenus ex una cogitatione sibi viam parat ad aliam, sicque perpetuam quandam desideriorum seriem infibulat. Aliam hujus rationem affert D. Thomas ex eo petitam, quod naturale desiderium fertur solum ad ea quæ habent rationem mediæ ad solatium naturæ. Cùm ergo mediæ intantum appetantur, inquantum conducunt fini, naturale desiderium non appetit res in infinitum, sed solum quantum exigit naturalis necessitas. At verò ratio sibi præstituerè potest finem in his quæ cupit, putà in divitiis; cùm ergo finis appetatur non secundum aliquam mensuram, sed quantum possibile est, desiderium consequens apprehensionem rationis cupit res absque mensura, putà habere divitias quantum possibile est. En id scitè expressum ab Horatio lib. I. Satyr. I.

*At bona pars hominum decepta Cupidine
falso,*

*Nil satis est, inquit, quia tanti, quantum
habeas, sis.*

Notatque ibidem avaros, quod pro fine pecuniam habeant, & non ut medium, illi parcere tanquam rei sacre.

— Congestis undique saccis.

*Indormis inhians, & tanquam parcere sacris
Cogeris, aut pictis tanquam gaudere tabellis.*

Causa desiderij est amor cum indigentia. Amor quidem, ex quo, ut superius dictum est, dimanat ut à suo principio, non secus ac motus deorsum ex gravitate. Indigentia verò, quia non omnis amor desiderium parit, sed indignus ac privatus bono amato. Verùm cum duplex desiderium distinxerimus, naturale, & innaturale; primum nascitur ex vera naturalique indigentia, quatenus natura dimota à suo bono, id est, à debita dispositione (ut dum stomachus aridior calidiorque factus fuerit, quam par sit ad bene naturaliterque se habendum (creat illarum rerum cupiditatem, quibus ad pristini status restitutionem opus est; idque vel per modum innati motûs, in his quæ sensu carent, vel per modum animalis affectûs, in rebus sensu præditis. Desiderium verò non naturale nascitur ex indigentia per iudicium rationis apprehensa; quatenus scilicet cum in homine facultatis sensitivæ per conjunctionem ad rationem quandam elevatiorē fortiantur, appetitus sensitivus ex hoc habet ut feratur ad res, non modò quatenus naturæ conveniunt, sed etiam quatenus per rationem disponuntur: Cum ergo ratio ex his sensibilibus quædam ut bona apprehendat, quæ tamen naturæ necessitatem non concernunt, putà vestes pretiosas, picturas, gemmas, opes, &c. eorum indigentia apprehensa desiderium creat, illudque tantò vehementius naturali, quantò ex altiori fonte derivatur.

Quantùm ad effectus desiderij, cum inter illos effectiva unio & ecstasis haberi possint, quatenus desiderium, tanquam amoris minister, tendit ad unionem amantis cum bono amato,

amangeræ

Quæst. III. Art. II. *De passion. part. concup.* 169
amantemque veluti extra se abripit, ut in rem
amatam ferat; præterea recenseri possunt quidam
ei peculiare cujusmodi sunt in primis tædium,
quod est dolor ex dilatazione boni desiderati na-
tus, importunitas, quæ est nimia molestaque soli-
citatio rei desideratæ; suspiria quæ huic affectui
adeò propria sunt, ut pene cum eo synonyma sint;
suntque retenti spiritus quasi eructationes, fiunt-
que quatenus in desiderio appetitus spiritus in in-
tus trahit, ut illum deinde quasi ejaculetur in rem
amatam, non secus ac sagitarius cordam arcûs si-
mul cum telo ad se trahit, ut fortius deinde illud
in scopum expellat. Accenseri etiam potest inter
effectus, aut certè proprietates desiderii conatus
ille quo in res prohibitas prorumpit, juxta vul-
gatum illud Ovidii.

*Nitimur in vetitum semper cupimusque ne-
gata;*

Imò quod sæpe vires ex difficultate ac dilatio-
ne acquirat, sæpeque ex nimia rei facilitate mo-
riatur. Hujus autem ratio reddi potest, non so-
lùm quia in prohibitis libertas, in arduis victo-
ria desideratur: quæ duo cum sint bona excel-
lentissima, reddunt res, quibus conjunguntur,
longè optabiliores, sicque desiderium augent &
vehementiùs intendunt; sed etiam ex ipsa desi-
derii natura. Ille siquidem affectus nihil aliud
est, quam quidam conatus in bonum, seu quasi
telum, quod in bonum tanquam in scopum vi-
bratur: unde quemadmodum res difficiles ma-
jorem conatùm exposcunt, & sagitarius in sco-
pum remotum majori vi, quàm in propinquum,
telum mittit, sic animus majori conatu & con-
nifu in ea bona tendit quæ vel prohibitio, vel
difficultas, vel dilatio quasi à nobis elongat.

De fuga, cum ea quæ circa illam dici possent,

videantur satis innotescere ex dictis circa desiderium, non est cur operosius disseramus. Vnum cum D. Thoma libet annotare, hunc nempe affectum proprio carere nomine; unde metaphorice ac paulò communiori exprimitur, nempe *fuga seu aversationis*.

§. III.

De latitia seu delectatione, & tristitia seu dolore.

HÆ duæ passiones sunt omnium aliarum termini, quemadmodum amor & odium principia. Omnis enim animi nostri affectus ex amore boni, aut odio mali nascitur, & in delectationem aut dolorem definit ac consummatur. Unde inter passiones præcipui momenti sunt, proindeque paulò accuratius explicandæ incipiendo ergo à prima;

Delectatio variis nominibus exprimi solet: Dicitur enim *gaudium latitia exultatio iucunditas voluptas hilaritas*, &c. Quæ nomina ita exponi possunt ex D. Thoma, ut *delectatio* sit proprium genericumque illius affectus nomen; *gaudium* verò illum significet quatenus ad rationalem partem attinet, cætera verò à quibusdam illius effectibus imponantur: *Nam*, ut inquit S. Doctor 1. 2. quæst. 31. art. 3. ad 3. *latitia imponitur à dilatatione cordis, ac si diceretur latitia. Exultatio verò dicitur ab exterioribus signis delectationis interioris, qua apparent exterius, inquantū scilicet interius gaudium proficit ad exteriora, iucunditas verò dicitur à quibusdam specialibus latitia signis, vel effectibus, præcipue jocis. At verò voluptas à volendo de-*

Quæst. III. Art. II. *De passion. part. concup.* 174
dici videtur, quatenus delectatio est maximè in-
clinationi conformis, quamquam frequenter hoc
nomen restringatur ad delectationes corporales.

Definiri autem potest hic effectus prout vo-
luntati ac sensibili appetitui communis est, Quies
appetitûs in bono ; seu affectus causatus ex ap-
prehensione boni possessi. Prout verò specialiter
restringitur ad sensitivum appetitum, Passio facta
in appetitu ex præsentia boni sensibilis, seu Quies
in bono sensibili. Hæ definitiones ex dictis inno-
tescunt : Quippe quemadmodum, ut diximus, ex
amore boni nascitur quidam motus in ipsum, si
sit absens, qui dicitur *desiderium* ; ita ex eodem
amore nascitur quies , seu tranquilla quædam
appetitûs bene se habentis pax , quando bonum
apprehenditur ut præsens. Porro quies & pax illa
in bono non est accipienda merè privativè , pro
cessatione omnis motûs ; sed positivè, pro quo-
dam affectu seu immutatione facta in appetitu ,
quatenus cum antea elongatus à bono, ac tan-
quam extra centrum suum positus , violentiam
quandam pateretur, ex possessione boni ac con-
junctione cum ipso bene se habet ac quasi statui
sibi proprio & optimo redditur. Vnde Aristote-
les I. Rethor. cap. II definit voluptatem, *Motio-
nem animi & constitutionē subitam ac sensibi-
lem in statu natura sua convenienti*; sumendo
scilicet *motionem* non pro tendentia ad ulterio-
rem terminum, sub qua ratione quieti opponitur,
sed pro quadam mutatione facta ex adeptione
termini, mutatione, inquam, non successiva, ut
est ambulare, loqui, &c. sed subita qualis est vi-
sio intellectio, &c. Vnde etiam D. Thomas ad-
vertit delectationē non fieri in tempore per se ,
sed solum per accidens , eo quod boni possessio
à qua causatur, consistit in successione, ac veluti
per particulas dispensatur.

Delectationum autem quaedam sunt intelligibiles ac spirituales, quæ scilicet mente ac voluntate percipiuntur, ut ea quæ consistit in contemplatione veritatis: quaedam verò sensibiles, quæ sensibus apprehenduntur & ad appetitum sensitivum pertinent; ut ea quæ in cibo, potu, pulchrarum rerum aspectu percipitur. Primæ sunt secundum se perfectiores, puriores, ac majores; tum quia percipiuntur à potentia nobiliori, mente scilicet, quæ sensitivis potentiis longè præstat; cuius signum est, quod, ut notat Augustinus, nemo est qui non vellet magis carere visu corporali, quam intellectu, eo modo quo bestia & stulti, carent: Tum quia sunt de nobiliori bono; spirituale enim bonum eminentius est bono sensibili cuius signum est quod propter bonum spirituale homines abstinere à maximis corporalibus voluptatibus, puta propter honorem & virtutem: Tum demum quia bona spiritualia perfectius intimius, ac firmitus possidentur quam sensibilia; unde cum possessio boni sit causa delectationis, majorem quoque creant delectationem. Attamen delectationes corporales respectu hominis sunt vehementiores propter tria, ut notat D. Thomas 1. 2. q. 31. art. 5. *Primo quia sensibilia sunt magis nota quoad nos, quam intelligibilia. Secundo quia cum sint passiones sensibilis appetitus sunt cum aliqua transmutatione corporali quod non contingit in delectationibus spiritualibus, nisi per quaedam redundantiam à superiori appetitu ad inferiorem. Tertio quia delectationes corporales appetuntur ut medicina quaedam contra corporales defectus, vel molestias ex quibus tristitia sequuntur.* Unde dupliciter delectant, & propter bonum quod afferunt & maximè propter malum quod auferunt. Imò quia, ut ait Aug. lib. 83.

Quæst. III. Art. II. *De passion. part. concup.* 173
99. q. 36. nemo est qui non magis dolorem fu-
giat, quam appetat voluptatem, idcirco volupta-
tes sensibiles ardentius cupiuntur, eo quod tri-
stitiam, quâ ferè homo semper aliqua ex parte
premitur, deliniunt. Imò quædam avidè quærun-
tur & delectant, in quibus nihil aliud boni ap-
paret, nisi quod affertur tristitiam quæ est ex
labore, ut otium, ludus, & alia quæ ad requiem
pertinent.

Sensibilis verò delectatio, non secus ac deside-
rium, rursus dividitur in naturalem, & non
naturalem, seu, ut vocat Aristoteles I. Rhetor.
cap. II. in eam *quæ rationis experta est*, & eam
quæ est cum ratione. Delectatione naturalis &
rationis experta est, quæ causatur ex perceptione
boni purè naturalis, quodque per sensum appre-
henditur ut bonum, præcisè quia naturæ convenit:
ejusmodi est quæ in cibo potuque percipi-
tur, & hæc brutis competit, etiam quoadantenus
purior quàm homini. Delectatio verò non natu-
ralis, sed altior naturali, quæque est cum ra-
tione, est illa quæ causatur ex perceptione boni
sensibilis, quod ut tale apprehenditur, non præ-
cisè quia naturæ convenit, sed, ut loquitur Ari-
stoteles, *ex persuasionem rationis*, id est, quia
rationi sensuique, quatenus rationem in homi-
ne aliquatenus participat, conveniens est. Eju-
smodi est delectatio illa quam etiam in appetitu
sensitivo percipimus ex consecutione honoris,
famæ, victoriæ, opum, & aliarum ejusmodi re-
rum, quas solus homo inter animantia quærit
& amat.

Quantum atinet ad causas delectationis, pri-
ma & universalior est operatio, tum quia om-
nis delectatio ex aliqua operatione nascitur, sal-
tem ex consecutione ipsius boni, & cognitione

illius ut præsentis : Tum quia ipsa operatio quoddam bonum est, & ut decentius attentiusque fiat, voluptatis illecebris à natura conditur; ut præcipuè videre est in his operationibus quæ ad indiviui conservationem, & ad speciei propagationem pertinent, quas ut animal libentiùs exequeretur, condimento voluptatis naturæ Author commendavit. Attamen quia operatio in tantum delectat, in quantum potentia agentis commensuratur, si excedat fit laboriosa & moleste, proindè que amplius non delectat, sed cruciat.

Secunda causa delectationis est alteratio: Nam juxta proverbium, *Placet varietas*; quod admirans August. l. 8. Confess. c. 3, *Quid est hoc Domine Deus meus, inquit cum tu in æternum tibi ipsis gaudium, & quadam de te circa te semper gaudeant, quod hæc rerum pars alterno defectu & profectu offensionibus & conciliationibus gaudet?* Hujus verò rationem egregiè reddit Divus Thomas: Tum quia natura nostra transmutabilis est, idè que transmutatione ut re sibi connaturali gaudet: Tum quia cum delectatio fiat ex actione mediocri & nō super excedente rei delectabilis, quando continuata presentia ejus incipit excedere mensuram naturalis habitudinis, efficitur onerosa ac molesta, proindè que remotio ejus ex successione contrarii fit delectabilis. Tum demum quia homo desiderat totum cognoscere; cum ergo quædam non possint apprehendi tota simul delectat in his transmutatio, ut unum trãseat & aliud succedat, & sic totum sentiatur. Imò nimia prioris mora incipit esse tædiosa, quatenus posterioris cognitionem differt: unde Augustinus lib. 4. Confess. cap. 11. *Non vis inquit, stare syllabam. sed transvolare, ut. alia veniant & totum audias.*

Tertia & quarta causa delectationis sunt spes futuri boni & memoria praeteriti. Cum enim ex praesentia boni nascatur delectatio, haec duo bonum in re absens quadantenus animo praesens efficiunt; Nam per memoriam ea quae iam in re sunt elapsa recolimus, ac nobis representamus; per spem vero quandam futuri boni praelibatam possessionem degustamus, quatenus adeptionem eius nostrae potestati iuvisse sentimus. Sed cur etiam praeterita mala, dum recoluntur, delectant? iuxta illud Homericum,

Nam delectatur, memor est quicumque laborum;

Cum res est multas passus, multasque peregit.

Respondet Aristot. 1. Rhet. c. 11. id fieri ex eo quod exantiati labores relinquunt post se aliquid honestum & bonum, quod cum fiat praesens animo recolendo mala praeterita, delectat. Addi potest quod labores insignes pertulisse, periculaque evasisse, est aliquod victoriae genus, felicitatis pars, & res admiratione dignum efficiens. Cum igitur victoria, felicitas, illaeque res, quae nos admiratione dignos efficiunt, maxime animum delectent consequens est, ut dum praeteritos labores & superata pericula cogitamus, ex hoc maxime delectemur. Verum id mirum magis, quod non solum memoria dolorum, sed etiam ipse dolor, luctus, lacrymaeque, quibus ob absentiam rei amatae perfundimur, sunt quaedam delectationis causa. Et quidem de luctu & lacrymis dici posset, intantum causare delectationem, in quantum mitigant ac deliniunt amaritudinem doloris ob absentiam rei amatae nos prementis, eam exterius effendendo & quasi propulsando. Verum alia ratio ex D. Thoma & Aristotele reddi potest, quia haec omnia faciunt vi-

vaciorem memoriam ac cogitationem rei dilectæ; inde, ut inquit Aristor. I. Rhet. cap. II. *Licet molestia sit in eo quod talis res non adsit, attamen voluptas in eo est quod quis recordetur, & videas quodammodo illam, & quid ipse ageret, qualisque esse.*

Quinta causa delectationis est similitudo: Nā, *Simile simili gaudet*, & iuxta frequentia Græcis proverbialia, *cognoscit fera feram*; Et, *Semper graculus cum graculo*. Similitudo enim est quædam unitas, sicque bonum bono unitum ipsum auget, unde consequitur delectatio. Verum quia per accidens ex similis accessu bonum proprium corrumpi potest, ut dum figulus figulum in suo lucro turbat; ideo ex hoc fit, ut aliquando simile suum simile abominetur.

Porro ne singulatim omnia prosequar, inter delectationis causas recenserî possunt, tum admiratio, quatenus novi aliqualem cognitionem secum attert, amplioremque pollicetur; unde rara & mira sunt jucunda, sicut & omnes representationes rerum etiam in se minimè delectabilium: *Gaudet enim anima*, inquit D. Thomas, *in collatione unius ad alterum; quia conferre unum alteri est proprius & connaturalis actus rationis*: Tum beneficentia, quæ fit homini quædam imaginatio abundantis boni in ipso existentis: Tum etiam ira, quæ, ut ait Homerus, *melle effuso longè dulcior est*, quatenus spem facit vindictæ, quæ jucunda est; *inquantum*, inquit D. Th. *videtur remove apparentem minorationem, quæ videtur esse ex præcedenti læsione. Cum enim aliquis est ab alio læsus, videtur per hoc ab alio minoratus, & ideo appetit ab hac minoratione liberari per retributionem læsionis*. Similiter amari, laudari, suspici, delectationem creant, quatenus sunt

signa boni existentis in nobis, maximè dū fiunt à sapientibus. Imò vincere, redarguere, aliosque increpare jucunda sunt, non quatenus aliis malum inferunt, sed quatenus pertinent ad bonum proprium, quod homo plus amat, quàm malum alterius aduersetur. Vincere enim est delectabile, inquantum per hoc fit æstimatio propriæ excellentiæ, & propter hoc omnes ludi in quibus est concertatio, & in quibus potest esse victoria, sunt maximè delectabiles. Redarguere autem & increpare est delectationis causa, tum quia homo per hoc alteri benefacit, quod jucundum est, tum præcipuè quia hoc facit homini imaginationem propriæ sapientiæ & excellentiæ: increpare enim & corrigere est sapientum & majorum.

Effectus delectationis sunt, in primis dilatatio duplex; altera propriè sumpta, quatenus in gaudio cor se se explicare ac diffundere videtur, spiritusque diffusi sese uberiùs effundunt, quasi in occursum boni pergentes, tantà aliquando licentiâ, ut cor ipsum nimis destituant, sicque deliquium ac mors sequatur, quam ob hanc causam multi ex nimio inopinatóque gaudio exspirasse leguntur: nisi mavis ejusmodi genus mortis causari, non ex eo præcisè quod spiritus cor deserant, sed quod nimis pulmones dilatent, nimiâque sanguinis affusione cor obruatur, sicque tam respiratrice quàm pullatrice virtute afflictatâ, quasi duobus vitæ cardinibus concussis, deliquium, imò interitus inferatur. Altera verò dilatatio est metaphorica, quatenus in lætitia, & apprehensio ex perceptione boni convenientis perfectionem quandam assequitur, quæ est spiritualis quædam magnitudo, & affectus, ut plenius bonum capias, sese explicare videtur.

Secundus delectationis effectus est creare sitim ac desiderium sui, non modò quando absens memoriâ recolitur, sed etiam quando incipit haberi & nondum perfectè habetur: tunc enim delibatio ejus acuit desiderium plenius eam degustandi. Verùm postquam usque ad satietatem percipitur, causat sui fastidium ac nauseam, ut patet in delectatione ciborum aliorumque sensibilium, in quibus duntaxat locum habet id fastidii genus: nam spirituales delectationes quò plenius habentur, eò ardentius appetuntur.

Tertius effectus delectationis sensibilis est, impedire usum rationis, vel ipsum penitus absorbendo, si delectatio maxima sit & omnem animi intentionem ad se rapiat; vel saltem si immoderata sit, multùm distrahendo. Delectatio enim, ut egregiè notat Marsilius Ficinus, est *escæ & veluti hamus spirituum*, qui neglectis aliis functionibus ad eam percipiendam assatim accurrunt: Vel demum vigorem judicii practici emolliendo; Vnde Aristot. 6. Ethic. cap. 9. dicit *Quod delectatio corrumpit existimationem prudentia.*

Quartus demum delectationis effectus est, perficere propriam operationem quâ percipitur. Tum quatenus & ipsa est quoddam bonum, proindeque addita bono operationis ipsi sum auget, decorat, condit, ac perficit: Tum præcipuè quatenus allicit attentionem, intentionem contentionemque virtutis agentis. Est enim condimentum quoddam reddens operationem suaviolem, cariorem, appetibiliorem; & veluti quoddam esca spirituum. Vnde prudens natura necessariis operationibus liberali manu voluptatem admiscuit, ut libentius, attentius, decentius, ardentius, efficaciusque peragerentur.

Tristitiam, de quâ peregrinè D. Thom. 1. 2. differuit per quinque quæstiones, ut breviter attingamus; ejus natura, causæ & effectus satis intelligi possunt ex dictis circa delectationem. Definiri enim potest, Quies appetitus in malo; quies, inquam, non tranquilla & appetitui conveniens; sed repugnans & disconveniens: Vel etiam, Affectus causatus ex apprehensione mali præsentis. Infertur autem à contrariis eorum quæ inter causas delectationis recensuimus; & generaliter ab omni malo conjuncto & apprehenso ut tali. Effectus verò ejus sunt, Tum angustiari, constringere ac aggravare animum, sicut ipsum delectatio dilatat & erigit: Tum operationem debilitare, sicut & delectatio roborat: Tum præ cæteris passionibus corpori vitæque nocere, eo quod, ut præclarè notat D. Thomas, impediatur ne cor motionem ac vitam liberè in alia membra effundat, sicque quasi vitalem fontem occludat ipsum constringendo ac præ cæteris passionibus opprimendo.

Verùm cum tristitia sit quædam animi ægritudo, quædam ejus remedia & lenimenta commemorat D. Thomas, inter quæ primum est quælibet delectatio, quæ suavitate suâ, veluti balsamo quodam, vulnus à dolore inflatum consolidat, aut certè demulcet, reficitque fatigatum animum, ut quies membra labore soluta.

Secundum remedium & connaturalibus, sunt fletus gemitus, suspiria, lamenta, cæteraque exteriora tristitiæ signa: His enim exoneratur animus, quatenus veluti evacuatur & extra effunditur quædam acerbitatis tristitiæ pars, intentioque animæ ab interiori doloris sensu ad exteriora illa signa divertitur: interimque aliqualis satisfactio capitur in hoc opere connaturalissi-

mo ; quid enim tam naturale dolenti, quam flere ? Omne autem connaturale opus delectat.

Tertium est, amicorum compassio, quæ dolorem delinit, tum quatenus est egregium signum amoris eorum ? signa verò amoris, cum semper delectent, tum maximè dum affligimur, quia tunc magis alienâ ope indigemus : Tum etiam quia oppressus doloris pondere animus alleviatur, dum alii per compassionem ei conjunguntur, ad onus doloris cum illo portandum.

Quartum remedium sapientibus proprium, est contemplatio veritatis, quâ mitigatur dolor, non solum quatenus per eam mentis acies à doloris sensu auertitur ; animus ne malis succumbat erigitur ; robur quoddam ac generosum sensibilem seu affligentium seu delectantium contemptum concipit ; sed etiam quatenus ipsa cum sit maximè jucunda, exasperatum animum, demulcet ac sua suavitate acerbitatem omnem perfundit.

Quintum demùm doloris lenimentum sunt quadam remedia corporalia, quibus dum debitus corporis status dolore turbatus restituitur, animus simul cum corpore reficitur. Inter ea verò sunt, tum somnus, qui ut inquit Ambrosius, *Mentes fessas allevat, luctusque solvit anxios,* quatenus scilicet & dolorum curarumque oblivione n̄ inducit, & benigno quodam rore arentes spiritus recreat ; unde vocatur à Tertulliano, *Recreator corporum, redintegrator virium, medicus laborum* ; Tum balnea de quibus Augustinus lib. 9. Conf. cap. 12. ait, *Audieram balnei nomen inde dictum, quod anxietates tollat ex animo.*

ARTICVLVS TERTIVS.

De passionibus partis irascibilis, scilicet, spe,
desperatione, audacia, timore,
& ira.

VT reliquas passiones, quæ scilicet ad partem irascibilem spectant, breviter expediamus; in primis patet ex dictis, quod cum aliæ ad concupiscibilem pertinentes versentur circa bonum & malum simpliciter sumpta, istæ addunt rationem ardui ac difficilis, suntque proinde veluti quidam animi conatus, quibus & ad bonum se erigit, & contra mala insurgit. Sunt autem numero quinque, scilicet spes & desperatio, timor & audacia, & ira, de quibus ut verbo dicamus.

Spes definitur, Passio quâ appetitus tendit in bonum futurum arduum, adeptu tamen possibile. Quatenus *passio* convenit cum aliis appetûs sensitivi motibus: ceteræ vero particulæ distinguunt spem à reliquis passionibus; à timore quidem, quatenus obiectum spei dicitur *bonum*, timor enim est de malo: à gaudio, quatenus dicitur *futarum*, gaudium enim est de præsentis: à desiderio, quatenus dicitur *arduum*, desiderium enim est de bono futuro præcisè ut conveniens est, non verò ut induit rationem ardui: à desperatione, quatenus dicitur adeptu possibile, desperatio enim est de impossibili. Ex quo patet quod spes supponit desiderium, & in illo fundatur, additque quandam appetitus firmitatem contra difficultates. Quippe

desiderium est simplex anhelatio in bonum absens. Verum quia dilatio difficultatesque, quibus obidetur bonum desideratum, veluti deprimunt, dejiciuntque appetitus aciem, ideo indiget quodam conatu, quadamque firmitate ut sese erigat, & roboret in prosecutione boni. Hic conatus animi sese obfirmantis est spes, quæ nascitur ex boni possibilitate.

Causæ hujus passionis sunt, in primis experientia, secundum quod per eam erudimur tum de possibilitate boni, tum de modo tendendi in ipsum. Nam si per eam cognoverimus rem solere in deterius cadere, tunc impedit magis quam juvat spem. Secundò vires, quibus difficultates sunt superabiles; ad quam causam pertinent divitiæ, fortitudo, amici, &c. Tertio calor cordis, quo spiritus roborantur, ne ita facillè cedant difficultatum imaginationi, quæ retunduntur. Quarto demum inconsideratio, quæ fit ut difficultates non reputentur aut non advertantur. Propter has causas & juvenes, & ebrii, & stulti sunt bonæ spei: Juvenes quidem, tum quia in eis est paucum de præterito, multum verò de futuro, & ideo spe magis quam memoriâ vivunt: Tum qui optimam opinionem habent de suis viribus, difficultates verò parvipèdunt, quia eas satis non penetrant, nec experti sunt: Tum demum quia abundant calore cor dilatante, & spirituum motum obfirmante. Ebrii verò quia & in ipsis calor æstuat, & bene sentiunt de suis viribus, nec difficultates perpendunt. Stulti de num propter inconsiderationem periculorum. At verò senes sunt raræ spei, eo quod, cum in præteritis experti sint res plerumque in deterius cadere, in futuris idem suspicantur; & præterea difficultates magis ponderant ac penetrant; & demum

Quæst. III. Art. III. De passion. part. irascib. 183
languescens in illis calor non satis roborat spirituum motum, qui propterea facile retunduntur ex opinione difficultatum.

Effectus spei sunt, tum delectare, quatenus per eam desiderati boni quandam prælibationem degustamus: Tum operationem perficere; nam quatenus respicit bonum arduum, excitat attentionem; quatenus verò respicit bonum possibile, non retundit conatum: Tum in amorem personæ inducere, à qua bonum speramus; ex hoc enim quod per aliquem speramus bona nobis provenire posse, moveamur in ipsum sicut in bonum nostrum, & sic eum amare incipimus.

Desperatio satis innotescit ex dictis de spe, cui contrariatur, non quidem penes objecti contrarietatem secundum bonum & malum, utraque enim est de bono sed penes accessum & recessum, quatenus spes est accessus ad bonum, desperatio verò recessus ab illo. Contingit enim aliquando bonum desideratum tot difficultatibus circumvallari, ut illis obrutus animus succumbat, & ab ejus prosecutione recedat. Hic affectus dicitur desperatio, quæ proinde defini potest, Passio quâ appetitus recedit a bono arduo adeptu in possibile. Hæc verò impossibilitas non debet esse metaphysica, sed moralis, quatenus nimis difficilia, quæque conatum nostram superant, reputantur ut impossibilia.

Audacia definitur, Passio quâ appetitus insurgit in malum terribile ad ipsum fugandum & superandum. Quatenus dicitur *passio*, convenit cum aliis: ceteræ particulae propriam audaciæ characterem assignant; quæ ut intelligantur, advertendum cum D. Thoma quod licet appetitus per se reddat in bonum, & recedat à malo: per accident tamen & recedit à bono cum scilicet

tot difficultatibus vallatus, ut non possit obtineri, sicque fit desperatio: & è contra tendit in malum, non obtinendum, sed vincendum, quando spes ipsius superandi affulget; & hic motus dicitur *audacia*. Expresse verò diximus, *in malum terribile*, quia mala levia contemptum potius, quàm audaciam inducunt: unde audacia non est nisi circa magna & terribilia mala.

Hujus passionis causæ sunt, in primis spes; non enim quis movetur ad insurgendum cõtra mala, nisi ex spe vincendi ipsa: Vnde Aristoteles 3. Ethic. cap. 8. ait, *Quod illi qui sunt bona spei, sunt audaces*; ut juvenes, ebrii, stulti. Omnia quoque quæ spem fovent & augent, pari ratione audaciam causant, ut divitiæ, amici, robor, experientia in periculis, &c. Sed præ omnibus legitimam audaciam facit confidentia divini auxiliij unde Aristoteles 2. Rhet. cap. 5. agnoscit, *eos qui bene se habent ad divina, audaciores esse*, Additque *qui injuriam passi sunt reddi audaciores, quia existimant quod Deus injustum passis auxilium ferat*. Est præterea altera audaciæ causa ex parte materialis, calor scilicet cordis, qui roborat impetum spirituum ne ita facilè ab apprehensione periculi retundantur. Vnde animalia quæ habent cor parvum sunt audaciora, quæ vero magnum, sunt timidiora, ut dicit Aristoteles lib 3. de partibus animalium, cap. 4. *Quia scilicet*, inquit D. Thomas 1. 2. quæst. 45. art. 3. *calor naturalis non tantum potest calefacere magnum cor, sicut parvum: sicut ignis non tantum potest calefacere magnam domum sicut parvam*. Præterea quia timor opponitur audaciæ, ideo quæ timorem tollunt, audaciam causant: Vnde homo fit audacior ex eo quod non habet inimicos, ac ne-

Quæst. III. Art. III. De pass. part. irascib. 185
mini nocuit; illis enim qui aliis nocuere, ma-
ximè imminere videntur pericula.

Inter hujus passionis effectus recenset D. Tho-
mas, tum revocare spiritum & calorem ad cor
initio periculi, quasi ad irruptionem vehemēti-
orem faciendam; unde audaces aliquando aggre-
dientes periculum tremunt: Tum motus fortio-
res initio periculi facere, quàm in fine, unde Ari-
stoteles 3. Ethic. cap. 7. *Audaces, inquit prævo-
lātes sunt, & volētes ante pericula, in ipsis au-
tem discedunt.* Cujus ratio est, quod illa passio
regitur sensitivâ cognitione, quæ cum non sit
collativa, non discutit singulas periculi circun-
stantias, unde illis ex improvise occurrentibus
succumbit: cum è contra vir fortis sit in ipso pe-
riculo constantior, quàm ante, eo quod singula
præviderit, imò majora aliquando, unde ex oc-
cursu minorum non terretur, sed magis persistit.

Timor opponitur audaciæ, ex cujus expli-
catione proinde innotescere potest: Vnde sicut
audacia erigit animum contra mala, ex spe su-
perandi, ita timor dejicit eum ob difficultatem
evadendi, ideoque desiniri potest, Passio quâ
appetitus succumbit ingruenti malo terribili ac
vix evitabili, seu dejectio animi victi à gravitate
periculi. Vt enim observat D. Thomas, dum ma-
lum imminens est in apprehensione, fit quædam
veluti lucta inter appetitum & malum: Nam &
appetitus vincere ac fugare nititur malū: & rur-
sus malum natū est fugare ac vincere appetitū.
Si ergo in hoc veluti cōflictu animal sentiat vi-
res suas esse superiores malo, insurgit in illo im-
petus ad aggrediendum expugnandūque malū,
qui est audacia: Si autē sentiat vires suas esse mi-
nores, malum verò & periculū gravius, dejicitur
ut cumbitque victus appetitus, & sic fit timor.

Ex his patet quod causæ timoris sunt, tū defectus ex parte appetitūs & appetentis, qui non sentit in se satis virium ad expugnandum malum: Tum gravitas ex parte mali, quod ita ingruit urgetque, ut vt vix evasione copia eluceat. Dico *vix*, nam si nullum prorsus effugium esset, timor in desperationem degeneraret: Vnde ad timorem requiritur aliqua spes evadendi, non quidem orta ex excessu virium nostratū ad vincendum malum, hæc enim ingenerat audaciam; sed ex quadam incertitudine mali eventūs, quod non necessariò sed contingenter imminet. His causis accedit corporalis dispositio, tum ex parte imaginationis, quæ fuliginosâ quadam nigredine horrorem rebus affingit: Vnde melancholici sunt timidi (nisi quibus melancholia facillè inardescit; hi enim un. laciores existunt,) & tenebræ timorem horroremque incutiunt: Tum ex parte cordis, in quo calor modicus, parciorque ac debilior spiritus existit; unde animalia quibus cor magnum & frigidus circum præcordia sanguis inest, sunt timidiora.

Effectus timoris sunt imprimis contractio, eaque duplex; altera metaphorica, quatenus appetitus à malo victus profligatusque recedit, & in seipso colligitur: Altera propria & corporalis; quatenus in timore calor & spiritus exteriora relinquunt & ad interiora, præcipuè ad cor tēdunt, ibique congregantur, non ut impetum faciant, sicut in desiderio, ita & audacia, sed ut salvetur; Ideoque ibi non æstuant, sed torpent ac marcescūt, sicut victâ civitate cives ad interiora & munitiora fugiunt, non gratiâ eruptionis cōmodiùs faciendæ, sed gratiâ salutis & effugij. Imò urgente apprehensione mali & cor expugnante, calor & spiritus vergunt ad inferiora, quasi fu-

giendo apprehensionem mali à cerebro in cor derivantem. Idem ob eandem causâ fit in morte, cujus timor gravis est quædam prælibatio, in qua calor & spiritus recedit ad interiora.

Verùm egregiè D. Thomas 1.2.q.44. art. 1. ad 1. notat verecundiam, quæ est quædam timoris species, hunc effectum non inducere, sed potius oppositum, eo quod verecundia nō causetur à malo naturam destruente, sed solùm à quadam turpitudinis apparètia animum confundente ac turbante; & ideo sanguis, calor & spiritus non fugiunt ad arcem vitæ, sed potius turbulentè ascendunt ad superiora, præcipuè ad faciem, ubi sentitur labor ex turpitudinis deprehensione causatus, quasi natura intenderet non solùm parti laboranti ferre opem, sed etiam velum quoddam inducere ad regendam confusionem in ea reluctantem; unde in verecundia rubet vultus ex affluxu sanguinis & spiritûs ad faciem.

Cæterùm ex illo primo effectu plures alij sequuntur, ut tremor, pallor, crepitus in destitutis calore, vigore, spirituque membris; interclusio quoque vocis, quasi spiritu foras eructare ad formandam vocem refugiète; erectio capillorû, compressis ob frigus porulis ex quibus prodeût, & quâdam rigiditate ex frigore omnia membra invadente in illis causatâ; imo aliquando subita canities, vehementia scilicet timoris intra paucas horas in capillis id efficiente, quod lenta senectus per plures annos sensim operatur. Ex eadem etiam cōtractione fit deliquium animi frigore præcordia invadente; stupor & quædam totius hominis rigiditas ob defectum caloris; sitis & ariditas faucium, destitutis scilicet illis partibus solitâ sanguinis irroratione; solutio alvi, propter contractionem ventris, & quod ex com-

pressa fellis vesiculabilis copiosa influat in intestina, stimuletque ad ejectionem excrementi, interimque muscoli retentivi *sphincteres* dicuntur defectu spiritus debilitentur.

Ad effectus timoris spectant etiam; turbatio mentis, stupor & insensibilitas quedam, ita ut nimo timore perculsus neque audiat, neque videat, neque aliquid cogitet, eo quod nempe cogitatio mali totam phantasiam impleat, obruat & impediatur: & sic ex ea parte timor consilium adimit, & operationem prapedit. Attamen etiam sollicitudo evadendi mali ex timore causatur; & ideo ex hac parte timor dicitur facere bene consiliativos, & operationem adjuvare, quasi stimulando ad querendum consilium, & adhibendam curam ut evitetur malum: quamvis ex alia & mentem turbando ac confundendo consultationem impediatur, & calorem ac spiritum retrahendo, quæ sunt propria operationis adminicula actionem retardet.

Ita, quàm Gregorius Nissenus eleganter vocat, *Armigeram concupiscentiam*, varie definitur. Cicero eam describit, *Inimicitiam ulciscenditempus observantem*. Alij cum non unam simplicem passionem putent, sed cinnum & plexum passionum, eam definiunt. *Affectum, quo anima pro dolore ob injuriam acceptum: ac odio in illius authorem concepto pectoreque incalcescente ad ulciscendum concitatur, ut authorem facti paniteat*. Brevius defini potest ex Aristotele. lib. 1. de anima cap. 1. & lib. 1. Rhetor. c. 2. *Appetitus ultionis aperta cum fervore sanguinis circa cor*. Quatenus appetitus convenit cum alij passionibus, quæ sunt quidam appetitivi motus: reliquæ particulæ proprios iræ characteres assignant; Nam proprium iræ objectum est

Quæst. III. Art. III. *De pass. part. irascib.* 189
vindieta, seu ultio iniuriæ, non qualiscunque, sed
aperta: Vnde lib. 7. Ethic. cap. 6. Aristoteles iram
vocat, *affectum apertum minimeque insidiosum*:
Itatus enim vult innotescere, ei qui intulit inju-
riam, se esse qui noceat, & ob illatam injuriam
noceat, ut sic eum illatæ injuriæ pœniteat. Ad-
ditur verò *cum fervore sanguinis circa cor*, ad
significandum materiale iræ, quæ quandam san-
guinis ebullitionem circa præcordia excitat

Inter causas iram provocantes primatem lo-
cum tenet parvipensio, seu injustus contemptus;
quippe cum omnia iræ motiva ad istud reduci
possint: Ira enim est appetitus vindictæ, id est
rependendi injuriam, non qualitercumque illa-
tam sed ex certa scientia & electione; unde
contra eos qui vel ignoranter, vel ex pas-
sione nobis nocuerunt, ut parùm, aut nihil
irascimur. Quod autem aliquis ex certa sciëntia
& electione injuriam inferat, hoc pertinet ad
parvipensionem, cujus tres species enumerat
Aristoteles, scilicet *despectum*, quo aliquis tan-
quam nullâ re dignus negligitur; *incommoda-
tionem*, quâ quis alienæ voluntati se oppo-
nit, non ut aliquid sibi eveniat, sed ne illi; &
contumeliam, quâ qui nocet & molestus est
in iis quæ cedunt in dedecus patientis, nullo
alio quæsito fructu nisi malignâ quadam volup-
tate quam percipit, quatenus malefaciendo al-
teri, putat se excellere supra ipsum. Quidquid
ergo auget has parvipensionis species, auget
& iram: Et ideo quia tantò parvipensio est
gravior, quantò excellentior est persona
quæ contemnitur, excellentia offensi auget
iram, excellentia verò offendentis supra offen-
sum eam minuit. Altera causa disponens ad iram
ex parte irascentis, est defectus ejus proprius:

Qui enim alicui defectui obnoxius est, faciliùs putat se contemni, ideoque ad iram pronior efficitur: Vnde pauperes, infirmi, quibus negotia in deterius eveniunt, faciliùs irascuntur. En id egregiè à Terentio expressum in Adelphis (cena 3. actu 4.

*Omnes quibus res sunt minùs secunda,
magis sunt nescio quo modo*

*Suspici si: ad contumeliam omnia acci-
piunt magis:*

*Propter suam impotentiam se semper cre-
dunt negligi.*


Effectus iræ sunt, primò quædam delectatio; unde Homerus de ira inquit,

Dulcior effuso quæ melle in pectore crescit:

Cujus delectationis causa est, quod per iram fiat spes vindictæ, quæ maximè jucunda est, eo quod sit proprium remediùm doloris ob injuriã concepti. Secundò fervor quidam non dulcis & lenis, qualis est in amore, quique correspondeat sanguini; sed amarulentus & ad consumendum exæstuans, qui correspondeat flavæ bili. Tertiò turbatio, tum rationis, quæ ut quietos tranquillosque spiritus exigit, ita turbulentiã eorundem ab iræ fervore caulatã maximè confunditur obnubilatur, obæcatur; tum etiam corporis, maximè membrorum illorum in quibus, inquit D. Thomas, cordis vestigia relucēt: ut sunt oculi, facies, lingua, &c. quam perturbationem ita describit Grogorius 5. Moral. cap. 31. *Iræ sua stimulis accēsum cor palpitat, corpus tremit, lingua se prapedit, facies ignoscit, exasperatur oculi, & nequaquam se cognoscunt noti, os quidem clamorē format, sensus quid loquatur ignorat.* Vnde non immerito quidam pro aptissimo sedandæ iræ remedio habuit, ut iratus se in spe-

Quæst. IV. De bonitate & malitia, &c. 191
culo inspiceret, ex illa exteriori turbatione vultus, dimotum suâ sede animum deprehensurus. Taciturnitas etiam reponitur inter effectus iræ quatenus turbata ratio, vel digna passione verba non reperit; vel impedito organo satis ea exprimere nequit; vel aliquid inordinatum & serâ pœnitentiâ vindicandum proferre pertimescit.

Addi demum posset inter effectus iræ manifesta operatio: Iratus enim nō insidiosus est, sed apertus. Cujus rationem peregre repetit D. Thomas 1. 2. q. 48. art. 3. ad 2. partim quidem ex impedimento rationis, quæ non potest discernere quid sit occultandum & quid manifestandum; nec etiam excogitare occultandi vias. Partim verò ex ampliatione cordis, quæ pertinet ad magnanimitatem, quam facit ira: De magnanimo autem dicit Aristoteles 4. Ethic. c. 3. *Quod est manifestus exosor, & amator, & manifeste dicit & operatur*: Partim demū ex discrimine quod est inter concupiscentiam & iram: concupiscentia enim fertur circa delectabilia quædam, quibus adjungitur aliqua turpitudine & molities ob quam homo vult latere; unde concupiscentia vocatur ab Aristotele, *Latens & insidiosa*: At verò ira respicit vindictam, in qua virilitas & excellentia quædam relucet; unde iratus amat agere in aperto, tanquam præclare se agere putâs. Addi præterea posset, quod ira, cum subitò habeat impetus, quærit compendio siorem viâ, viâ autem occultæ & insidiosæ sunt sinuosæ, anfractuosæ, ac prolixæ. Et demum hoc ipsum maxime pertinet ad amolliendam parvipensionem, ut omnibus innotescat offendentem non impunè læsisse, & ideo iratus non occultum, sed apertum quærit inferre nocumentum, ut plene sibi satisfaciat: Sed de passionibus satis.



QVÆSTIO QVARTA,

De bonitate & malitia Morum humanorum.

HANC Moralis partem eò pressius transcurremus, quò fufius & accuratius illam Theologi expedit. Vnde missis aliis quæ circa bonitatem & malitiam moralem in Theologia uberius discuti solent, quidquid in hac quaestione dicendum occurrit tribus complectemur articulis. In primo agetur de moralitate secundum se deque divisione illius in bonitatem & malitiam: In secundo discutietur, sitne aliquis actus indifferens: In tertio verò de regulis morum breviter differemus.

ARTICVLVS PRIMVS,

Quid sit moralitas: Quomodo bonitatem & malitiam dividatur.

IN actu morali duo sunt, entitas & moralitas, quarum illa est veluti hujus materia & substratum. Entitatem actus moralis in eo sitam constat quod sit quædam operatio vitalis & libera, nec enim alij actus morales habentur, quam qui vitaliter & liberè fiunt, quia sublatâ libertate non stat nec meritum nec demeritum, nec laus nec vituperium, nec bonum nec malum, saltem morale. Verum in quo moralitas propriè sita sit, non omnes conveniunt. Aliqui eam cum libertate confundunt quasi nihil addat supra illam: Alij solâ denominationem extrinsecam addere censent: Alij esse merum ens rationis. Verum prima sententia materiam moralitatis confundit cum ipsa moralitate: Vt enim notat D. Thomas in proce-
mio

Quæst. IV. Art. I. *Quid sit moralitas, &c.* 193
mio Ethicæ, quemadmodum ordo artificialis
consistit in dispositione, quam ratio inducit in
materia externa; ita ordo moralis situs est in
dispositione quam ratio facit in actibus volun-
tatis. Vnde sicut lapides, ligna, ferrum, aut aliud
huiusmodi quod arte disponitur, est solum ma-
teria artificiositatis, ita & actus voluntatis ob
libertatem tractabiles à ratione, non sunt ipsa
moralitas, sed illius subjectum & materia. Secun-
da verò & tertia sententia cum in aliis deficiant,
tum in hoc, quod non satis dignè sentiunt de
moralitate. Vnde iis relictis.

Dico primò: moralitas formaliter consistit in
ordine, quem ratio facit in actibus liberis, eos
disponendo conformiter, vel difformiter ad re-
gulas morum: seu, in respectu transcendentali,
quam actus voluntatis dicit ad objectum suum,
non præcisè sumptum, sed ut regulis morum
subjectum.

Uterque modus exprimendi conclusionem in
idem redit: non enim aliter ratio ordinat actum
voluntatis, quam mediante objecto, quate-
nus scilicet intellectus regulando objectum
in quod voluntas fertur, facit ut & ipse actus
voluntatis sit regulatus. Vnde ordo quem in-
tellectus facit in actu voluntatis, est idem ac
ille respectus transcendentalis ipsius actus vo-
luntatis ad objectum suum ut regulatum. D.
Thomas primo modo expressit moralitatem in
procemio Ethicæ cum dixit ordinem, quem ra-
tio facit in actu voluntatis, pertinere ad Philo-
sophiam moralem. Secundo verò modo eam
explicat 1. 2. quæst. 18. art. 8. dum ait, *actus hu-
manus qui dicitur moralis habet spem ab objecto
relato ad principium humanorum actuum, quod
est ratio.*

Probatur autem conclusio. Primò: idem est distinctivum ac constitutivum: Sed moralitas distinguitur in bonitatem & malitiam per respectum conformitatis & difformitatis ad regulas morum; ergo moralitas consistit in tali respectu.

Secundò, eodem modo proportionaliter loquendum est de entitate ac de moralitate actûs humani: Atqui actus humanus desumit suam entitatem ex tēdentia in objectum suum in ordine entitativo consideratum; ergo debet desumere suam moralitatem ab illo in ordine morali sumpto, id est ad regulas morum comparato. Minor certa est: actus enim specificantur per objecta, ut etiam ostendimus in Physica p. 4. q. 1. art. ultimo. Major autem ex eo constare videtur, quod moralitas fundetur in entitate actûs, tanquam modus quidem ei superaditus, ac veluti quædam ipsius proprietas

Tertiò demùm Moralitas semper solet explicari per modum cujusdam commensurationis: unde boni vocantur *recti*; & mali, *perversi, obliqui, iniqui*: Sed commensuratio, rectitudo, perversitas, obliquitas significant quendam respectum rei ad suam regulam; ergo signum est moralitatem desumi a respectu ad regulas morales.

Dico secundò: Moralitas essentialiter & adquatè dividitur in bonitatem & malitiam.

Probatur prima pars illam scilicet divisionem esse essentialem: Moralitas in communi debet dividi per aliquas differentias essentialis: Vt qui nullæ videntur magis essentialis, quam bonum & malum, siquidem moribus per se primò competit bonitas & malitia; ergo bonitas & malitia sunt differentie essentialis: Vnde D. Thomas 3. contra Gentes cap. 9. *Bonum, inquit, & malum in moralibus ponuntur specifica differentia.*

Confirmatur Moralitas, ut jam ostendimus, essentialiter consistit in respectu ad objectum pro-
ut subjacet regulis morum: Atqui objectum ut
subjacet regulis morum dividitur in bonum &
malum, seu in conforme & difforme illis regulis
ergo etiam moralitas.

Secunda etiam pars, hanc scilicet divisionem
esse adæquatam, suadetur: Nam inter illa duo
membra nihil cadit medium; ergo adæquatè
dividunt moralitatem. Probatur antecedens: Si
quid enim caderet medium, maximè actus in-
differens: Atqui talis actus non constituit spe-
ciem moralitatis; ergo nihil cadit medium in-
ter præfata membra. Major constat: Declaratur
minor: nam ex D. Thoma 1. 2. q. 18. art. 8. Intran-
sum actus dicitur indifferens, in quantum non in-
cludit aliquid pertinens ad ordinem rationis: At-
qui quod non includit aliquid pertinens ad or-
dinem rationis, non est species moralitatis, cum
tota sita sit in ordine ad objectum ut subjectum
rationi regulanti, ergo, &c.

ARTICVLVS SECVNDVS.

*Detur-ne actus indifferens tam secundum spe-
ciem quam in diuiduo.*

Licet superiori articulo ostenderimus indiffe-
rentiam non esse moralitatis speciem, sed
potius abstractionem à moralitate, super est ta-
men discutiendum an omnes actus ita sub bo-
no & malo contineantur, ut nullus detur ac
utroque abstrahens, proindeque indifferens.
Verum quia actus possunt dupliciter confide-
rari, vel præcisè secundum se & quasi in actu

signato, seu secundum suam speciem vel quatenus hinc & nunc fiunt in actu exercito, cum tali intentione ac in talibus circumstantiis, seu in individuo, ideo difficultas resolvi debet de illis utroque modo sumptis.

Dico primum: dantur plures actus secundum speciem indifferentes.

Conclusio est D. Thomæ 1. 2. q. 18. art. 8. & probari evidenter potest ejus ratione: Actus habet bonitatem & malitiam ex conformitate, vel difformitate ad regulas morum: Sed plures actus sunt, qui secundum se & in specie sua considerati, nec conformitatem nec difformitatem habent regulas morum, ut ambulare, saltare, comedere, loqui, &c. ergo dantur plures actus, qui secundum se nec boni, nec mali sunt, sed indifferentes ad utrumque.

Dico: secundò nullus actus individuo, seu prout fit hinc & nunc, est indifferens; sed necessario debet vel bene vel male fieri, proindeque esse vel bonus, vel malus.

Conclusio, quam expressè docet D. Thomas pluribus in locis, præcipuè 1. 2. quaest. 18. art. 9. & cum in eo innumerati alii contra Scotum, intelligenda est de solis actibus deliberatis, seu qui procedunt ab homine deliberante ac sibi finem præstituentem; non verò de illis qui procedunt ex sola imaginatione, vel appetitûs sensitivi imaginationem sequentis impetu, ratione nec jubente, nec satis adverteente, sed permissivè se habente, ut sunt fricare manus, caput scalpere, spuerè, tussire, membra corporis variè disponere, &c. De his enim certum est esse indifferentes, quamvis si ratio eos nimis luxuriantes negligat corrige, possint denegare in leviuscula peccata; quia licet

non teneamur hæc omnia deliberatè facere, at-
tamen tenemur aliquem modum etiam in his
corporis motibus imponere. Conclusio sic ex-
plicata probari in primis posset innumeris au-
thoritatibus Patrum, quibus brevitatis gratiâ
omissis.

Probatum primò autoritate ipsius Christi
Domini Matthæi 12. dicentis; *Quoniam omne
verbum otiosum, quod locuti fuerint homines
reddent rationem de eo in die iudicij*; Quod
ponderans Tertullianus lib. de patientia; *Tra-
ditum est*, inquit, *doctrina Christi, manere
nos omnis vani & supervacanei verbi reatum.*
Si ergo nec ipsa verba otiosa, id est, ut expli-
cari solet ex Patribus, ad nullum bonum finem
ordinata, indifferentia sunt, sed mala, quibus
erit actus indifferens.

Respondebis ejusmodi facta quæ vocantur *in-
differentia*, non esse otiosa, quia non carent ra-
tione justæ necessitatis: fiunt enim propter na-
turæ commoditatem, ut dum deliberatè ambu-
lamus cubito nitimur, sedemus, &c. hæc sunt qui-
dem indifferentia, qui non videntur laudabi-
lia aut vituperabilia, non sunt tamen otiosa, quia
fiunt ad recreandum corpus.

Sed contra: Nam si fiunt propter naturæ
commoditatem, absque excessu, sunt bona &
honestæ; ergo nulla responsio. Probatum ante-
cedens: Vt enim dicit D. Thomas 1. 2. q. 18. ar. 9.
ad 3. *Hoc ipsum quod aliquis agit ordinatè ad
subsantiationem vel quietem corporis ad bonum
virtutis ordinatur in eo, qui corpus suum ordi-
nat ad bonum virtutis.*

Dices aliquando ejusmodi facta de se indiffe-
rentia referuntur ad solam corporis voluptatem
ut odorum receptio, pulchrarum rerum inspe-

ctio, &c. & tamen ista non videntur mala; superest ergo ut sint indifferentia.

Sed contra: Nam dupliciter intelligi potest hominem agere propter voluptatem: Primò, ita ut in sua actione bonum honestum excludat, nihil aliud intendendo, nisi sensibilibiter delectari. Secundò, ita ut voluptatem secundum regulam rationis taxet, eam sumendo ad recreandum corpus, ne sit spiritui grave, aut postea sit aptius ad munera virtutis, voluptates enim sensibiles, ut notat D. Thomas, sunt remedia & solatia quadantenus necessaria ad vitam transigendam. Si hoc secundo modo agatur propter voluptatem, patet actionem fore bonam & honestam: Quamvis enim delectatio sensibilis laudabilius prætermitatur propter amorem Dei, attamen & laudabiliter, imò aliquando necessariò percipitur, propter recreationem ac solatium corporis. Si verò primo modo propter voluptatem agatur, nihil in ea quærendo nisi ipsam, actio est mala. Nam secundum solo sensu præditarum est, in sensibili voluptate requiescere, eo quod voluptas sit bonum proprium appetitûs sensibilis. At verò rationalis natura non habet pro fine voluptatem quæ sensum delectat, sed honestatem, quæ rationi convenit. Et ideo dum agit propter solam voluptatem, etiamsi aliunde non agat contra honestatem, deficit à proprio fine, & ad brutale bonum inordinatè se curvat & deprimat.

Replicabis: Ergo tota vita hominum est perpetua peccatorum textura, quoties enim propter solam delectationem agimus, nihil de honestate cogitantes.

Respondeo primò non magnum inconve-

niens esse, si concedatur hæc peccatorum leviorum multiplicitas: cum Scriptura Proverb. cap. 24. insinuet etiam exquisitè justos sæpius cadere.

Respondeo secundò negando consequentiam: Non etiam minùs rigidæ conscientiæ homines sufficientem curam plerumque adhibere solent, ut delectationi honestè indulgeant. Ad hoc enim satis est ut ex modo agendi modestiæ temperantiæque limites hæc solatia non excedant, ac debito loco, tempore, & modo sumantur: hoc ipso enim regulata censentur & honesta, tanquam à ratione temporata.

Probaturn secundò conclusio ratione D. Thomæ; Quidquid deliberatè fit, vel ordinatur in debitum honestumque finem, vel non: Si ordinetur, est bonum; nisi ordinetur, est malum: Ergo quidquid deliberatè fit, est bonum vel malum, proindeque nihil indifferens. Major patet: Ordinari enim in debitum finem, & non ordinari in illum, sunt contradictoria, inter quæ nihil cadit medium. Minor verò probatur: Et in primis quod si ordinetur in debitum honestumque finem, fit bonum, de se patet. Quod verò nisi ordinetur, fit malum, suadetur: Malum est, quod deficit ab ordine rationis: Sed actio non ordinata in debitum finem, deficit ab ordine rationis: ergo est mala. Major patet: Minor verò ex eo constat, quod ordo rationis in eo consistit, ut cuilibet debitus finis præstituatur.

Respondebis primò: Malum esse quod deficit ab ordine rationis, qui sibi debetur; non verò si careat ordine rationis sibi non debito: Plures autem esse leviores actiones, quibus ordo rationis non debetur, quæque proinde

malæ non sunt, licet illo careant.

Sed contra: Homo debet ordinem rationis omnibus suis actionibus, quas deliberatè facit; Ergo nulla responsio. Probatum antecedens: Unicuique debetur ordo proprius, à quo si deficiat, erit malum in suo genere; ut artificiale carens ordine artis, & naturale carens ordine naturæ, censentur in suo genere mala: Sed omnis actio deliberata est actio rationalis; ergo ei debetur ordo rationis, proindeque finis rationalis.

Dices secundò: Rationem posse ordinare actum in finem indifferentem, proindeque illum in sua indifferentia relinquere.

Sed contra primò: Cum enim nihil finalizare possit, nisi sub ratione boni, necesse est huiusmodi finem ad quem refertur actus, esse bonum vel secundum sensum, vel secundum rationem, seu vel apparenter, vel vere: Si primum, rediet actionem malum & deordinatam, quia, ut jam dictum est, dedecet creaturam rationalem torpere ac requiescere in bono sensibili: si secundum, actio erit bona & honesta; ergo nullatenus indifferens.

Contra secundò: Finis ille indifferens, si nullatenus sit bonus, aut in bonum ordinatus, saltem erit otiosus: Atqui, ut jam dictum est, actus otiosus est malus moraliter; ergo, &c. Probatum major; nam ex D. Gregorio à D. Thoma relato 1. 2. quæst. 18. art. 9. *Otiosum est quod utilitate rectitudinis, aut ratione iuste necessitatis, aut pia utilitatis caret*: Atqui finis ille prorsus indifferens, est talis, ut de se patet: Ergo, &c.

Objectiones præcipuæ insinuatæ sunt ac solutæ referendo refutandoque responsiones adversa-

Quæst. IV. Art. II. *Detur ne actus, &c.* 201
riorum. Solùm triplex superest : Prima desumitur ex illo vulgato Hieronymi, *Bonum est continetia, malum luxuria; inter utrumque indifferens ambulare, sperere, &c.* Secundò, nullum est præceptum referendi omnes actiones ad finem honestum ; ergo licet non referantur, non sunt malæ. Tertiò, nulla species est cujus aliquod individuum non extet : Sed sunt quidam actus ex specie sua indifferentes ; ut dictum est, ergo debent dari individua talium actuum, seu actus in dividuo indifferentes.

Respondeo ad primum, D. Hieronymum explicandum esse de his actionibus secundum se sumptis, abstrahendo ab intentione : Nam certum est quod ambulare propter bonam intentionem, est bonum. Quia ergo ejusmodi actiones, quas Hieronymus indifferentes vocat, fiunt semper ex intentione vel ordinata vel inordinata, necesse est ut bene vel malè fiant ; proindeque bonæ vel malæ sint, non ex sua specie, sed ex suo fine.

Respondeo ad secundum, hominem adstringi præcepto naturali ad rationabiliter vivendum, & ad vitandam otiositatem ; proindeque ad præstituendum bonum rationalemque finem actionibus, quas agit deliberatè & cum intentione finis.

Respondeo ad tertium distinguendo majorem : Nulla est species cujus individuum non extet, cum ea abstractione, quam dici species, nego : sine tali abstractione, concedo. Et concessâ minore distinguo pariter consequentiam ; ergo debeat dari individua istorum actuum indifferentium, in quibus sit talis abstractio à bonitate & malitia, propter quam dicuntur, *indifferentes*, nego ; sine tali abstra-

ctione, & cum determinatione ad bonitatem vel malitiam, concedo. Species enim plerumque abstrahit à variis, & est ad illa indifferens, ad quæ tamen individua non possunt se indifferenter habere: sicut species humana abstrahit ab omni colore, albo, nigro, fusco, &c. & tamen necesse est ejus individua ad aliquem colorem determinari, nec ullus datur homo, qui non sit, vel albus, vel niger, vel fuscus, &c.

ARTICVLVS TERTIVS,

De regulis morum humanorum. Vbi etiam de conscientia & lege.

CVM ex dictis constet moralitatem consistere in commensuratione actûs liberi cum aliqua regula, cui si concordet, bonus erit; à qua si discordet, pravus reputabitur, superest ut aliquid dicamus de ejusmodi regula.

Dico primò: Prima & remota regula humanorum actuam est lex æterna, quæ proinde fons est & prima origo totius honestatis ac bonitatis moralis. Ita D. Thomas 1. 2. q. 19. art. 4.

Per legem æternam intelligimus ideam ordinis, Univerſi, quam Deus in mente sua præconcepit ab æterno. Quemadmodum enim architectus, cui cura totius ædificij incumbit, format ideam, quam omnes inferiores ministri præ oculis habere debent & servare pro suo quisque modulo, ut rectè agant, à qua si recedant, deficient, sic supremus mundi opifex & rector per suam sapientiam determinavit ideam ordinis regimine Univerſi servandi, secundùm quam

Quæst. IV. Art. III. *De regulis Morum.* 203
& ipse semper agit, & omnes creaturæ agere debent, præcipuè verò rationales, quæ sunt præcipua Universi portio; à qua dum receditur peccatum est. Vnde peccatum definitur à D. Augustino, *quod est contra legem æternam.*

Probatur conclusio ratione D. Thomæ: In unoquoque genere, primum est mensura & regula cæterorum; sicut videmus primum motum, scilicet primi mobilis, esse mensuram aliorum motuum, primam passionem, scilicet amorem, esse mensuram aliarum; primam virtutem scilicet Charitatem, esse mensuram cæterarum, &c. Atqui Divina ratio & ordo ab illa præconceptus, qui *lex æterna* dicitur, præcedunt omnem aliam rationem & intellectualem ordinem, tanquam fons suos rivulos; ergo sunt primæ regulæ omnis alterius rationis & ordinis, proindeque omnis moralitatis. Vnde bonitas actionum præcipuè censi debet ex commensuratione ad talem legem; eaque verè bona, recta, honestaque habenda sunt, quæ illi concordant, quantumvis rationi humanæ primâ fronte inepta videantur. Nam sæpe hæc æterna lex eligit, quæ hominibus absurda videntur: Vt dum æternæ salutis viam reposuit in adoratione hominis crucifixi, in contemptis amore, in ultronea paupertate, honoris famæque fugâ, spontaneâ laboris tolerantia, &c. Ea verò mala censenda sunt quæ huic legi addversantur, quantumvis secundum humanam opinionem recta & admirabilia videantur. Vnde tota illa politica humanæ solertia, quæ adeo scitè rerum publicarum momenta procurat, pacis amorumque negotia astutissimè administrat, regnorum conservationi, amplitudini, felicitati ac

dilationi providentissimè invigilat; imò quidquid virtutis admirabilioris specimen aliquod præ se fert, nisi huic legi consonum sit, secundum Deum & veritatem mera stultitia est & iniquitas facio virtutis larvata.

Dico secundò: Proxima immediataque moralitatis regula est ratio dictans voluntati quid sit bonum quidve malum, Conclusio est D. Thomæ 1. 2. quæst. 71. art. 6. *Regula, inquit, voluntatis humana est duplex; una propinqua & homogenea, scilicet humana ratio: alia verò est prima regula, scilicet lex aeterna, qua est quasi ratio Dei.*

Probatum autem advertendo discrimen quod est inter creaturas racionales & irracionales: Nam creaturæ irracionales non se regunt, sed ab Authore naturæ reguntur, ideoque in se operis sui regulam habere non debent, sed in mente Authoris sui tantum supponere, sicut regula dirigens sagittam in scopum non est in sagitta, sed in sagittante. At verò creatura rationalis, sicut homo, habet jus regendi se actusque suos benè vel malè ordinandi. Cùm igitur omnis ordo sit secundum aliquam regulam in mente ordinantis existentem, ut ordo artificialis secundum regulas artis quæ sunt in intellectu artificis; ordo politicus, secundum regulas in mente principis conceptas, &c. debuit homini inseri aliqua regula, quæ se regeret, & actus suos bene ordinare posset. Et hæc regula est ratio, quæ, ut inquit D. Thomas 1. 2. quæst. 19. art. 4. ad 3. *Derivatur à lege aeterna tanquam propria ejus imago.* Vnde cùm Psalmista Psalm. 4. dixisset, *Sacrificate sacrificium justitia,* id est, bona opera; postea quasi obijciendo addit, *Multi dicunt;*

Quæst. IV. Art. III. De regulis Morum. 205
quis ostendit nobis bona? Cui objectioni respon-
det, *Signatum est super nos lumen vultus tui
Domine: quasi diceret, inquit D. Thomas 1.2.
quæst. 19. art. 4. Lumen rationis, quod in nobis
est, in tantum potest ostendere nobis bona, in-
quantum est lumen vultus tui, id est, à vultu
tuo derivatum.*

Dices: Præter illas duas morum regulas dan-
tur plures aliæ, scilicet leges, tum Ecclesiasticæ,
tum Civiles: Et præterea conscientia maximè
regulat actuum moralitatem; ergo insufficiens
est præfata divisio.

Respondeo leges ejusmodi & conscientiam
comprehendi sub duabus regulis à nobis assigna-
tis: Conscientia enim nihil aliud est quam
ratio actu dictans quid fugiendum sit, quidve
prosequendum cæteræ verò leges nihil aliud
sunt quam quædam æternæ legis participatio-
nes, ac determinationes rationis principis qui
communitati præst. Verùm occasione illius ob-
jectionis.

Quæri potest primò, Quid sit conscientia?

Respondeo conscientiam variè à Patribus
describi: Origenes eam vocat, *Spiritum cor-
rectorem, & pedagogum anima sociatum, quo
separatur à malis & adhaeret bonis: Basilius
Naturale judicatorium: Damascenus, Lumen
intellectus nostri, supple, practici.* Verùm ex-
actiùs defini potest ex D. Thoma 1. p. quæst. 79.
art 13. Iudicium intellectus, quo quis appli-
cat suam scientiam practicam ad actum par-
ticularem; unde *consentia* dicitur, quasi *cum
alio scientia.* Cùm enim, ut jam dictum est,
ratio dictans sit regula morum, in ratione duo
considerari possunt: Primò universalis noti-
tia principiorum practicorum; & hæc dicitur

Synderesis : Secundò applicatio illius generalis
notitiæ ad actum particularem ; & hæc dicitur
conscientia.

Huic tribuuntur varia munera, scilicet *testificari, ligare, instigare, excusare, accusare,*
seu *remordere*. Quorum omnium ratio est,
quod applicatio scientiæ practicæ ad actum
possit tripliciter fieri. Vno modo per modum
interioris convictionis, inquantum interiùs ag-
noscimus nos aliquid egisse, & sic conscientia
dicitur *testificari & convincere*. Alio modo per
modum iudicii agendorum discernentis hone-
stum à turpis ; & hoc modo conscientia di-
citur *instigare* dictando quid agere oport-
teat, & *ligare* proponendo id ad quod agen-
dum obligamur. Postremò demum applicatur
scientia operi, inquantum ea quæ turbulentè
egimus, ad tranquillum rationis tribunal exa-
minanda revocamus ; & hoc modo conscientia
dicitur *excusare*, si id quod factum est bene
factum interiùs iudicemus ; *accusare* verò &
remordere, si dissonum lumini rationis depre-
hendatur.

Conscientiæ sic explicatæ septem præcipui
status distingui solent à Theologis, scilicet
conscientia Recta, Prava, Probabilis, Dubia,
Certa, Serupulosa, & Erronea. Conscientia
recta est, quæ debitè iudicat de honestate
actionum secundùm rationis sincerum incor-
ruptumque lumen & principia, Et hæc est sem-
per principium boni actûs. Conscientia pra-
va est, quæ iudicat de agendis secundùm pas-
sionis, aut voluntatis malè affectæ ac per ma-
liciam corruptæ libitum & gustam ; & ista
semper est principium mali actûs. Probabilis
est, quæ iudicat de agendis secundùm princ-

pia verosimilia, ut sunt autoritas aliquorum
 Doctorum, exempla virorum timoratorum,
 rationes quadantenus suadentes: retinendo
 tamen formidinem partis oppositæ; quod tri-
 pliciter fieri potest: Primò, ita ut probabili-
 tas major sit de pravitate actûs quàm de ho-
 nestate: Secundò è contra, ita ut sit major
 probabilitas de honestate illius quàm de pravi-
 tate: Tertiò ita ut æqualis sit utrimque proba-
 bilitas. Receptum est conscientiam probabilem
 posse esse boni actûs regulam si probabilitas
 inclinât in honestatem actûs quàm in ejus pra-
 vilitatem; quia cum de agendis rarò habere pos-
 simus exquisitam certitudinem, satis est ut ve-
 rosimilia sectemur. Verùm an probabilitate
 utrinque æquali, vel etiam in condemnatio-
 nem actûs magis vergente, nihilominus ad eum
 procedere possimus, determinando esse nobis
 licitum in tali casu, eo quod probabilis illa bo-
 nitas eum eliminat à pravitate, res est quam pro-
 merito expensendam sibi reservant Theologi.
 Solum dixisse hîc sufficiat? Non videri virum
 sincere bonum ac rectum, qui has probabili-
 tatis umbras avidius sectatur, quo laxius vivat:
 Quique actum non prætermittit, quem gra-
 vissimæ rationes condemnant, etsi non ita evi-
 dentes sint, quin aliquem excusationis locum
 relinquunt. En tutam hac in parte regulam,
 quam præscribit Apostolus 1. ad Thessalum. 5.
*Omnia probate, seu ut est in Græco, explo-
 rate: Quod bonum est tenete; Ab omni spe-
 cie mala abstinete vos.* Conscientia dubia est,
 quæ inter duo iudicia opposita fluctuat, nec
 habet quo se determinet: & hæc non potest
 esse regula boni actûs, eo quod proponat vo-
 luntati actum manifestè periculosum, à quo

proinde prudentia iudicat abstinendum. Conscientia certa est, quæ sic adhæret iudicio honestatis actûs, ut nullam habeat formidinem de eius pravitate; idque vel quia evidenter de rei agendæ bonitate convincitur; & tunc dicitur *certitudo physica*; vel si rei agendæ bonitas non sit ita certa & evidens, saltem ponderatis ponderandis certò concludit licitè posse elici talem actum; & hæc dicitur *certitudo prudentialis* seu *moralis*. Conscientia scrupulosa est, quæ levibus fundamentis ut magni momenti rationibus morosius adhærens, iis in iudicio agendorum, fugiendorumque nititur, præcipue vero fugiendorum. Conscientia demùm erronea est, quæ ex falsis principiis format dictamen de agendis, & ipsum tanquam certissimam bene agendi regulam proponit: ut si gentilis firmiter tenens Iovem esse Deum, ex hoc certò concludat ipsum esse adorandum. Hæc obligat quidem, adeo ut ille peccet, qui contra illam agit, attamen non excusat in his quæ juxta illam fiunt, nisi error sit invincibilis.

Quæri secundò potest, Quid sit lex?

Respondeo ex D. Thoma 1. 2. q. 90. Legem posse definiiri, Ordinem rationis ad bonum commune ab eo qui præest communitati promulgatam. Et quidem dicitur, *ordinatio rationis*, quia ordinare & est proprium legis, & ad rationem spectat. Additur, *ad bonum commune*, quia ordo particularium bonorum in eo situs est, ut bene se habeant ad commune, sicut pars ad suum totum, & ideo lex non regula agibilia particularia, nisi in ordine ad bonum commune. Dicitur *ab eo qui præest communitati*, quia ordinare, & procurare bonum commune, quod sit per legem, spectat ad eum qui præest,

Quæst. IV. Art. III. De regulis Morum. 209
& curam communitatis habet. Additur demum,
promulgata, quia mensura non imponitur, nisi
quando mensuratis applicatur; lex autem appli-
catur, quando subditis intimatur & promulga-
tur: & ideo promulgatio est de ratione legis,
sine qua non obligat subditos.

Lex sic definita dividitur in legem æternam,
legem naturalem, legem humanam, legem Di-
vinam. Quid sit lex æterna dictum est initio
articuli. Lex naturalis est impressio divini lu-
minis in creatura rationali, seu lumen illud à
divino lumine participatum, quo quisque in
communi discernit honestum à turpi: Hæc lex
neramini deest, ideoque per illam Ioan. 1. dici-
tur Deus, *illuminare omnem hominem venien-
tem in hunc mundum*. Aliquando tamen vel
ignorantiæ tenebris, vel criminibus, vel malâ
consuetudine, vel pravâ educatione & institu-
tione, ita corrumpitur homo, ut non extincto
quidem, velato tamen naturali lumine, putet
bonum malum, & malum bonum. Hæc lex
prohibet omne turpe, & præcipit omne bo-
num; estque fons omnium politicarum le-
gum, consuetudinum justarum, & totius hu-
mani juris.


Lex humana est ordinatio rerum agendarum
in mente principis præconcepta, & multitudini
promulgata. Hæc omnino necessaria est ad san-
ciendam publicam tranquillitatem, quæ stare
non posset nisi humana societas alicui potestati
subesset, quæ per leges malos frænaret, bonos
dirigeret, omnibus provideret. Isidorus descri-
bit omnes humanæ legis conditionis dum ait
lib. 5. Etym. cap. 21. *Erit lex honesta, justa
possibilis, secundum naturam, secundum con-
suetudinem patriæ, loco temporisque conveniens*

necessaria, utilis; manifeste quoque, ne aliquid per obscuritatem in captione contineat; nullo privato commodo, sed pro communi utilitate civium scripta. Dividitur autem præcipuè in jus gentium, & jus civile. Jus gentium est quo utuntur omnes gentes, quasi sub naturæ rationisque autoritate viventes. Jus verò civile, quod quælibet respublica suis præscripsit.

Lex Divina est ordinatio à Deo constituta, rerum agendarum à populo fideli, ad placendum Deo & consequendam supernaturalem felicitatem. Omnes enim homines, ut associantur in prosecutione veræ felicitatis, constituunt quandam rempublicam, cujus princeps est Deus à quo proinde ordinati debent ea quæ ad regendam talem rempublicam conveniunt. Hæc lex dividitur in Veterem & Novam, seu in legem scriptam, & legem gratiæ. Lex vetus seu scripta versabatur circa figuras futuræ redemptionis: Lex verò nova, seu gratiæ, non figuras, sed apertam salutis viam continet.

Actus legis quatuor enumerantur, scilicet præcipere bona, vetare mala, permittere indifferentia, punire transgressores. Sed de his hæc hactenus. Videri potest D. Thom. 1. 2. à q. 90. ad 109. ex quo hæc pauca desumpsimus.





QVÆSTIO QVINTA.

De Virtutibus in communi.

CVM celebris sit divisio virtutis in Intellectuali, quæ residet in intellectu, eumque perficit ad attingendam veritatem; & Moralem, quæ perficit appetitum circa bonum, de intellectualibus aliquid dictum in Metaphysica, hæc Morales duntaxat paucis attingemus: inter quas complectimur & prudentiam, quia quamvis in intellectu sit eumque ad attingendum verum perficiat, & ob id inter intellectuales censi possit, attamen ad morales etiam maxime pertinet, quatenus fundatur in bona dispositione appetitus circa fines agendorum, perficitque intellectum ad bene judicandum de agilibus. Quæ verò de virtutibus in communi dicenda occurrunt duobus complectimur articulis: In primò explicabimus quid & quotuplex sit moralis virtus. In secundo agemus de contrario virtutis, scilicet vitio.

ARTICVLVS PRIMVS.

Quid & quotuplex sit virtus moralis, & quâ ratione ingenretur in nobis habitus virtutis.

QVatuor virtutis moralis definitiones cui possunt ex Aristotele. Prima habetur 2.

Erhisor. cap. 6. ubi definit virtutem. *Habitu* qui bonum facit habentem & opus ejus reddit bonum. In ea habitus est genus, ceteræ particulæ distinguunt virtutem moralem ab aliis habitibus; hujus enim proprium est reddere hominem simpliciter bonum, & actus ejus omni ex parte perfectus, ut patebit ex dicendis.

Secunda habetur ibidem, ubi describit virtutem moralem, *Habitu electionum in mediocritate consistentem, definitâ ratione quoad nos, prout determinaverit ipse prudens*: Cujus definitionis sensus est virtutem moralem esse habitum rectificantem electiones, id est, inclinantem appetitum ad eligendum bonum rationi conforme; proindeque in mediocritate situm est, quia excessus & defectus sunt contra rationem, ideòque ad vitium pertinet: unde virtus debet versari circa mediocria. Additur, *definitâ ratione quoad nos, prout prudens determinaverit*, ut intelligamus hanc mediocritatem attendi debere per respectum ad eligentem; ita ut quisque id eligat, quod sibi secundum rationem congruit, nec plus nec minus, prout prudentia dictaverit, cujus est ponderare eligibilia, & quid congruat aut dedecet determinare.

Tertia definitio habetur lib. 3. Physic. cap. 3. ubi virtus dicitur, *Dispositio perfecti ad optimum*, sumendo scilicet paulò latius dispositionem, prout etiam habitum comprehendit. Hæc definitio paucis verbis eruditè aperit naturam virtutis. Virtus enim propriè est qualitas perficiens potentiam ad actus optimos, quorum sit capax: sicque aptè dicitur *dispositio perfecti*, id est, potentiæ, quæ dum habet virtutem, perfecta est, *ad optimum*, id est, ad actus

suos opinio modo faciendos. Hæc verò definitio quamvis quadantenus omni virtuti aptari possit; quippè cum omnis perficiat potentiam ad actum optimè faciendum, attamen magis propriè morali virtuti competit, quæ sola reddit actum omni ex parte optimum. Nam cæteræ virtutes dant quidem facultatem bene agendi, sed non dant bonum usum illius facultatis, ideòque non omni ex parte faciunt bonum actum: Ut scientia dat facultatem bene operandi circa verum, sed non rectificat usum illius bonæ facultatis; unde vir doctus potest abuti suâ scientia in malum. At verò virtus moralis rectificat ipsum usum: Facit enim ut bene utamur facultatibus quæ in nobis sunt. Unde sola propriè disponit ad optimum, id est, ad actum & ex parte facultatis & ex parte usûs bonum. Hujus verò radicalis ratio à D. Thoma traditur ex eo quod per voluntatem & appetitum utamur iis, quæ in nostra potestate sunt: Voluntas enim applicat omnes alias facultates. Cum ergo virtus moralis rectificet appetitum, non solum dat facultatem bene agendi sed etiam bonum usum omnium facultatum quæ in nobis sunt. Ideòque homo non dicitur simpliciter & perfectè bonus ac optimus propter alias virtutes, ut quia doctus est, petitus artifex, &c. sed solum propter virtutes morales.

Quarta definitio, quæ videtur aliis virtutibus etiã convenire; desumitur ex I. de cælo, cap. II. ubi virtus definitur, *Ultimum potentia*, id est, perfectissimus status ad quem potentia pervenire possit respectu sui actûs. Verùm, *ultimum potentia* non convenit soli virtuti, sed frequenter etiam usurpatur pro ipso virtutis objecto, quatenus objectum perfe-

ctissimum, ad quod conatus potentiae assurgere possit, dicitur *ultimum potentia*. Sed quamvis hæc definitiones præclare aperiant naturam virtutis moralis, ad uberiorem ejus explicationem.

Dico primò. Virtus moralis potest præterea definiri, bona qualitas mentis, quâ rectè vivitur, & nullus malè utitur. Ita definit virtutem Augustinus, & post ipsum D. Thomas 1.2. q. 55. art. 4.

Explicatur: *Qualitas* tenet locum generis, non quidem proximè, virtus enim pertinet ad primam qualitatis speciem, scilicet habitum, ut ad proximum genus, sed remoti: *Bona* incipit distinguere virtutem à malis habitibus *Mentis* explicat subjectum virtutis, & sumitur paulo satius pro omni eo quod est particeps rationis, id est, pro intellectu, voluntate, imò appetitu sensitivo qui participativè dici potest *rationalis* quatenus fulgor directioque rationis etiam usque ad ipsum descendit. *Particulæ quâ rectè vivitur* exprimunt finem virtutis, qui est hominis vitam rectificare. Demum additur, *quâ nemo malè utitur*, quia proprium moralis virtutis munus est dare bonum ulum eorum quæ in nostra potestate sunt, modo supra explicato in referenda tertia definitione Aristotelis.

Ex hac definitione patet subjectum virtutis moralis esse, tum intellectum practicum, quia est prima regula rectè vivendi; tum voluntatem, quia, ut inquit Augustinus, ea est per quam bene vel malè vivitur; tum demum appetitum sensitivum, quia multum confert ad bene vel malè vivendum: quippe cum mirum in modum trahat voluntatem, cique in bonis aut malis affectibus collaboret. Membra verò exteriora non sunt subjectum virtutis, quia cum

Quæst. V. Art. I. *Quid & quotuplex, &c.* 215
obediant ad nutum appetitui, sufficit habere
appetitum rectum, ut illis bene utamur.

Dico secundò: Virtus moralis dividitur in
quatuor generales partes, quæ sunt Pruden-
tia, Iustitia, Temperantia, & Fortitudo. Un-
de solent vocari *Cardinales*, eo quod non
solùm principes sint, minores tanquam sibi
subditas continentes, sed etiam his veluti qua-
tuor cardinibus omnis bona honestaque vita
vertatur.

Probatur bonitas huius divisionis dupliciter:
Primò ex parte subjecti moralis virtutis: Qua-
tuor enim potentia sunt quibus rectè vivitur,
scilicet intellectus, qui est prima bene vivendi
regula, voluntas, appetitus concupiscibilis, &
appetitus irascibilis; ergo debent dari quatuor
generales virtutes his quatuor potentiis cor-
respondentes, scilicet Prudentia, quæ rectificat
intellectum ad bene regendam regulandamque
vitam; Iustitia, quæ rectificat voluntatem cir-
ca bonum alienum (nam circa bonum proprium
non eget virtute, quia & illud ardentissimè ap-
petit, nec in illius amore excedit, nisi quando
propter ipsum turbat alienum;) Temperantia
quæ rectificat appetitum concupiscibilem, ut
bene moderatèque se habeat circa bonum sen-
sibile; Fortitudo demum quæ rectificat partem
irascibilem circa bonum & malum arduum, ne
aut ignaviâ nimîâ succumbat, aut inordinatâ
temeritate insurgat & sese erigat.

Secundò suadetur bonitas illius divisionis ex
parte objecti virtutis moralis: Virtus enim mo-
ralis respicit bonum secundum regulas morum
taxatum: Tale autem bonum considerari po-
test. Primò ut est in suo fonte, id est, ut di-
ctatur à ratione, & hoc modo pertinet ad pri-

dentiam: Secundò, ut applicatur operationibus voluntatis; & sic respicitur à justitia. Tertiò, ut descendit ad moderandas passiones concupiscibilis; & sic respicitur à temperantia. Quartò demùm, ut etiam se extendit ad regulandos impetus partis irascibilis, & sub hac ratione spectat ad fortitudinem; ergo rectè adæquatèque dividitur virtus moralis in has quatuor generales species, sub quibus aliæ omnes continentur, ut sequenti quæstiones ampliùs declarabitur.

Quantùm ad generationem habitûs virtuosæ moralis, cùm receptissimum sit illum innasci, formari, ac confirmari per frequentiam actuum, attamen non ita facilè declaratur modus istius formationis. Vnde ut res scitu dignissima radicitus explicetur, Advertendum ex D. Thoma 1. 2. quæst. 51. art. 2. & quæst. de virt. in communi, art. 9. agentium quædam habere solùm in se principium activum sui actûs, sicut in igne est solùm activum principium calefactionis, & in his non habet locum generatio habitûs, & inde est quod res naturales non possunt aliquid consuescere, vel disuescere, ut dicitur in 2. Ethicor. Alia verò habent in se simul principium activum & passivum sui actûs, quatenus immediatum elicativum principium non prorumpit in actum, nisi ut motum ab alio altiori existente etiam in eodem agente. Et in his habet locum formatio habitûs, inquantum à principio altiori movente derivatur in principium inferius aliqua impressio habitualiter permanens & facilitans ad peragenda quæ facit ex motione superioris: sicut videre est in manu, quæ quia scribit ut mota ab intellectu & voluntate, arte dirigente, ideo

susceptiva

Quæst. V. Art. I. *Quid & quotuplex &c.* 217
susceptiva est cujusdam impressionis ab illis
principiis eam moventibus derivatæ, quâ fit
habilior ad scribendum. Manifestum est autem
quod respectu actuum seu intellectûs, seu appe-
titûs, est in homine duplex principium, unum
activum, & aliud passivum. In primis enim cum
distinxerimus in fine Physicæ duplicem intel-
lectum, agentem & passibilem, passibilis non
exit in actum, nisi quatenus mediantibus spe-
ciebus sibi impressis movetur ac perficitur ab in-
tellectu agente: similiter voluntas non pro-
rumpit in actum suum, nisi mota ab intellectu
dirigente ac regulante. Appetitus verò irascibi-
lis & concupiscibilis natus est moveri à volun-
tate eâque mediante, ab intellectu. Vnde in his
omnibus potentiis gigni possunt habitus, qua-
tenus motio superioris imprimatur in inferiori
moto, ac stabiliter in eo manet, firmaturque
in habitum.

Verùm cum ex illa D. Thomæ doctrina præ-
clare ac radicitus elucescat habituum omnium
formatio, ut cum eodem quæst. cit. de virtu-
tibus speciatim declarem cujuslibet habitus
intellectualis scilicet ac moralis, propriam ge-
nerationem, observandum est discrimen inter
actum intellectûs & appetitûs & motionem in-
tellectûs passibilis ab intellectu agente, & ap-
petitûs ab intellectu. Actio enim intellectûs fit
per assimilationem intellectûs cum re intellecta,
moveturque intellectûs passibilis ab intellectu
agente, quatenus ab illo illi imprimuntur spe-
cies quibus intelligat, ac objecta manifestentur.
Vnde virtus intellectualis fit, quatenus species
illæ, notionesque per illas formatæ permanen-
ter firmantur in intellectu passibili, qui non
fugaci facileque debili impressione hos cha-

raçteres excipere natus est, sed eos semel impressos stabili, perennique tenacitate conservat: Quippe experienciâ constat notiones, quas de rebus antea nobis ignotis semel formamus, vel per alienam instructionem, vel per propriam ratiocinationem, non fugaci labilique fulgore statim evanescere, sed altâ mente reponi, ad eò ut quotiescunque illius rei cogitatio incidere, in eam intellectus feratur, non ut ignotam, sicut antea, sed ut in rem claram sibi que jam manifestam. Hæc stabilis tenaxque impressio in intellectu passibili conservata vocatur *virtus intellectualis*: ex quo obiter intelligitur, has virtutes intellectualis in instanti ac unico actu formari, eo quod species, notionesque semel impressæ intellectui stabiliter in eo figantur.

At verò actio appetitûs in appetibili fit per modum inclinationis: movetque intellectus appetitum, quatenus eum ad aliquid inclinat: Quamquam enim appetitus ex propria sui ratione feratur ad bonum, attamen ex se indifferens est ad tendendum in illud vel istud bonum, & ad ipsum ordinatè vel in ordinatè prosequendum; ideoque expectat intellectum proponentem bonum in quod pendat, & determinantem ac regulantem modum tendendi, sicque appetitus dicitur determinari ac regulari per rationem, tanquam per proprium movens. Quemadmodum ergo tenera arbor de se indifferens ut incurvetur ad dextram vel ad sinistram, & ob id expectans manum agricolæ flectentis, cum multoties inclinata fuerit in unam partem, determinatur tandem ad hoc ut sponte suâ in eam vergat, sicque transiens illa motio firmatur in dispositionem constantem: Ita quoque appetitus de se indifferens ad ho-

Quæst. V. Art. I. *Quid & quotuplex, &c.* 219
nestum vel turpe, cum multoties à ratione regulante inclinatus determinatusque fuerit ad bonum honestum in aliqua materia, pura justitiæ, motio illa regulativa transiens, ex assuetudine figitur firmaturque in dispositionem stabilem ac in appetitu permanentem; ita ut qui prius extrinsecè solum & cum difficultate flectebatur ad bonum ordinatè prosequendum, novâ illâ dispositione contractâ faciliè, jucundè, fortiterque in illud propendat. Hæc stabilis constansque dispositio vocatur *virtus moralis*. Ex quo patet virtutem moralem formari, fieri ac augeri per frequentes actus, eo quod fiat per assuetudinem, ad quam requiritur actuum frequentatio; illamque nihil aliud esse, quam *dispositionem, seu formam aliquam sigillatam impressamque in vi appetitiva à ratione regulante*, ut loquitur D. Thomas quæst. cit. de virt. art. 9. seu pronitatem contractam roboratamque ex frequenti rationis regulantis motione, quâ appetitus ex se indifferens determinatur ad bonum honestum. Vnde talis virtus, generaliterque omnis moralis habitus dicitur, *altera natura*, quia in unum determinatè inclinat quemadmodum & natura, ut loco mox citato interpretatur D. Thomas.

ARTICVLVS SECVNDVS.

De contrario virtutis, scilicet vitio.

ET si ea quæ de vitio dici possunt, quadam-
tenus intelligi possunt ex his quæ circa vir-
tutem dicuntur, quippe cum unum contrarium
per aliud innotescat, non pigebit tamen uberio-

ris doctrinæ gratiâ quædam breviter attingere circa vitiorum nâturam, divisionem, causas, & actum, qui propriè *peccatum* dicitur.

Dico primò: Vitium rectè definitur; Mala qualitas mentis, quâ malè vivitur, & nemo bene utitur.

Hæc definitio satis cõstat ex dictis circa virtutis definitionem: Sicut enim virtutis proprium munus est dare bonum usum & vitæ nostræ cursum dirigere, ita & vitii proprium est, inclinare ad malè utendum facultatibus nostris, ac vitæ nostræ ordinem corrumpere. Definiri præterea potest vitium, Dispositio imperfecti ad pessimum: Vitium enim significat dispositionem potentiæ corruptæ ac malè se habentis, estque veluti quædam spiritualis ægritudo, inclinaturque ad peccaminosum actum, qui est pessimus.

Ex hac definitione colligitur omne vitium esse contra naturam hominis, non mdò quia est corruptio quædam ægritudoque animi, cujus potentias à debito statu dimovet ac pervertit; sed etiam quia est contra rationem, quâ homines sumus, & à brutis distinguimur.

Dico secundò: Vitia dividi possunt non secus ac virtutes, in quatuor generalia, Imprudentiam scilicet, Injustitiam, Intemperatiam, & Vitium contra fortitudinem, quod generico nomine carere videtur.

Conclusio probari potest, tum quia contrariorum sicut est eadem ratio, ita & idem proportionaliter divisionis modus: Tum ex parte subiecti vitii, quod est quadruplex, non secus ac virtutis; intellectus scilicet, voluntas, appetitus concupiscibilis, & appetitus irascibilis: Tum demum ex parte objecti; Vitium enim cum

habeat pro objecto bonum deordinatum, corrumpit bonum rationis: Tale autem bonum potest quadrupliciter turbari ac corrumpi. Primò ut est in fonte suo scilicet in intellectu & circa hoc versatur imprudentia: Secundò est involuntate derivatum, & talis corruptio fit per injustitiam: Tertiò ut extenditur ad regendos partis concupiscibilis affectus, & sic turbatur per intemperantiam: Quartò demum ut moderatur passiones irascibilis; & sic destruitur per vitium fortitudini oppositum.

Præter hanc partitionem dividi potest vitium. Primò in illud quod consistit in defectu, & illud quod consistit in excessu. Cum enim virtus medium teneat, omnis recessus à medio est vitiosus. Dupliciter autem recedi potest à medio, primò per excessum, ut si quis plus comedat quam oporteat: Secundò per defectum ut si quis minus de cibo sumat, quam exigat recta ratio.

Secundò vitium, dividi potest in vitium spirituale, & vitium corporale. Objectum enim vitii est bonum deordinatum: Ex bonis autem deordinatis quædam possidentur modo aliquo spirituali ut fama, gloria, honor scientiæ, &c. Alia verò possidentur & delectant per corporeum contractum, ut voluptates gulæ, & actus. Vitia spiritualia sunt, quæ bona primi generis deordinatè tendunt: vitia verò corporalia, quæ versantur inordinatè circa bona secundi generis.

Tertiò demum ex vitiis quædam dicuntur *radices aliorum* ut cupiditas, quam Paulus vocat *radicem omnium malorum*; eo quod, ut peregregiè notat D. Thomas, sicut radix trahit & suggerit alimentum toti arbori, sic cupiditas colligèdo divitias præbet nutrimentum toti

arbori iniquitatis. Quædam verò dicuntur *capitalia*, eo quod sicut caput influit vitam, motum, vigoremque aliis membris, & ipsa ducit ac dirigit, ita quoque ista vitia influant in alia, & ipsa veluti ducant. Sic superbia est initium & origo omnis peccati, eo quod omne peccatum consistat in eo quod homo se subtrahat à subjectione Dei, propriamque voluntatem divinæ anteponat, quod est sine dubio summæ superbiæ: Similiter avaritia, luxuria, gula, pigritia, ira & invidia, ducunt, fovent, reguntque agmen vitiorum, & ideo *vitia capitalia* vocantur.

Causæ vitiorum, cum sint variæ, omnes possunt ad duas classes reduci, extrinsecas scilicet & intrinsecas. Causæ vitii extrinsecæ sunt, in primis malignus quidam genius tentans, instigans & concupiscentiam inflammans. Secundò occasiones & objecta sollicitantia. Tertiò pravi homines, qui verbis, factis, exemplisque alios ad iniquitatem trahunt. Causæ verò interiores vitiorum sunt, in primis ignorantia, quæ extinguit lumen rationis dirigentis, sicque nos innumeris offendiculis exponit, non secus ac si quis lucernam extinguere homini in obscuro, lubrico, periculosoque tramite gradienti. Secundò malitia ipsius voluntatis, quæ habens intentionem corruptam circa finem, facile peccat circa media. Tertiò, passio quæ sollicitat voluntatem & excæcat rationem. Quartò demum, præcedens peccatum, quod nisi per poenitentiam deleatur, suo pondere ad alia trahit.

Peccatum est propriè actus à vitioso habitu elicitus, & definitur à D. Augustino, *Dictum vel factum vel concupitum contra legem æternam*. Dividi posset eodem modo ac vitium cu-


jus proles est : Sed præterea varias speciales divisiones habet. Primò enim dividi potest in mortale & veniale, inter quæ id discriminis assignat D. Thomas, quod mortale corrumpat vitæ spiritualis primum principium, scilicet ordinem in finem ultimum : Veniale verò duntaxat peccet contra media, retinendo tamen intentionem & ordinem finis ultimi. Siquidem in peccato mortali homo præfert creaturam Deo, in veniali verò, licet semper Deum omnibus præferat, attamen aliis non ita omnino utitur sicut ordo finis ultimi exigeret, in quantum vel illis morosius adhæret vel negligentius incumbit, vel aliquo alio modo minùs ordinatè ad illa se habet.

Secundò dividitur in peccatum cordis, oris & operis, non quidem ut in tres species, sed ut in tres veluti gradus quibus acceditur ad consummationem actûs vitiosi, qui primò corde concipitur, secundò ore exprimitur, tertio perficitur opere : Ut ira primò concipitur corde, secundò contumeliosis verbis se prodit, tertio usque ad facta injuriosa procedit. Annotat verò D. Augustinus lib. 12. de Trinit. peccatum in corde tribus quoque gradibus perfici, nam primò cogitatione inchoatur, delectatione nutritur, consensu completur.

Tertio dividi potest in peccatum contra Deum, contra proximum & contra seipsum. Peccatum enim turbat ordinem rationis. Triplex autem est ordo in homine, ad Deum, ad seipsum, & ad proximum. Peccata quæ lædunt ordinem, quo homo immediatè respicit Deum, ut blasphemia, sacrilegium, &c. dicuntur esse contra Deum. Peccata quæ turbant ordinem, quem homo tenere debet in propriis bonis, dicuntur peccata hominis in seipsum ; ut gula,

luxuria, &c. Peccata demum quæ lædunt ordinem erga proximum observandum, dicuntur esse in proximum ut homicidium, furtum, &c. Atamen quia ordo quem homo habet ad seipsum & ad proximum continetur sub ordine ad Deum, ideo omne peccatum est contra Deum.

Porro in calce articuli, ut deformitas peccati profundius innotescat, non pigebit annotare octo præcipuè modus quibus peccatum est contra Deum. Primò ergo Deum offendit, ut supremum legislatorem, ejus Præcepta contemnendo, & debitam obedientiam denegando. Secundò ut iustissimum judicem, cujus iudicium non formidat, & indignationem audacissimè provocat. Tertio ut testem fidelissimum, non reverendo ejus præsentiam & in oculis ipsius malè agendo. Quarto ut summum bonum, ei vilem satisfactionem proponendo. Quintò ut amicum & benefactorem ipsi odium pro amore, injurias pro beneficiis rependendo, imò ejus beneficia convertendo in instrumenta injuriæ, quod est ingratitude culmen. Sextò ut supremum dominum, contra ejus legitimum dominium protervè rebellando. Septimò ut primum principium à quo deficit & sese subtrahit. Octavò demum, ut ultimum finem & vitæ nostræ terminum, ab eo aberrando ac sponte recedendo, sibi que cum insigni ejus contumelia finem ultimum in creatura præstituendo.



QVÆSTIO SEXTA,

De Virtutibus in particulari.

TS I numerosissima sit virtutum familia, eam tamen ita dige. it. distribuitque D. Thomas, ut omnes omnino virtutes morales reducat ad quatuor illas principes, quas *Cardinales* vocatas supra memoravimus. Neque enim in moralibus virtutibus ulla esse videtur, quæ non sit alicujus ex quatuor cardinalibus, vel species sub ea tanquam sub suo genere contenta; vel pars integralis, concurrens scilicet ad actum ejus perficiendum; vel demum ut vocat D. Thomas *pars potentialis*, principali scilicet adjuncta, non secus ac potentia suæ essentialis, ut per eam minùs principales actus perficiantur; sicut essentia per se quod præcipuum est immediatè præstat, alia verò per suas potentias perficit. Unde in hac quaestione has quatuor virtutes præcipuas quatuor articulis breviter attingendas suscipimus, in quibus etiam de adjunctis, integranibusque virtutibus dicetur, deque earum speciebus, ut sic omnium moralium virtutum seriem aliquatenus delibemus. Adjungemus præterea quintum Articulum de connexionione virtutum, cujus discussionem huc usque distulimus, quia vix intelligi poterat, nisi præmissâ virtutum in particulari notitiâ.

ARTICVLVS PRIMVS.

De prudentia, & virtutibus sub ea contentis.

Prudentiæ lux agendorum, ars rectè vivendi, voluntatis oculus, cæterarum virtutum dux, fons, caput, norma, princeps, definitur à Platone, *Scientiæ felicitatis effectrix*, eo quod ad hunc scopum attingendum omnes actiones dirigat; à Cicerone verò dicitur, *Rerum expetendarum scientia*, (sumendo scilicet, sicut & in priori definitione, *scientiam* non strictè, sed latè, pro quacumque certa & infallibili noticia eo quod hujus virtutis munus sit discernere quid eligi debeat, quidve repudiari. Aristoteles 6. Ethic. cap. 5. aptè similè illam definit, *Rectam rationem agibilem*, id est virtutem rectificantem intellectum ad bene se habendum circa agibilia, seu eligibilia, coincidunt enim. Quippe cum intellectus sit regula & dux appetitûs, ut bene hoc munere fungatur, rectèque se habeat ad judicandum de his ad quæ appetitus fertur, & ea quæ decent ac expediunt præcipiat, eget aliquâ virtute, quæ *Prudentia* nuncupatur.

Ex hac prudentiæ definitione quædam ad pleniorè ejus notitiàm deduci possunt. Primò, principium quo prudentia nititur, esse rectam finis intentionem. Prudentia enim negotiatur circa agibilia & eligibilia, in quibus finis se habet sicut principium in speculabilibus; Vnde sicut conclusionem cognitio præsupponit cognitionem primorum principiorum & in ea fun-

datur; ita tota prudentialis negotiatio circa agibilia fundatur in appetitu recto finis, cui agenda commensurat; ideoque appetitu circa finem corrupto impossibile est subsistere prudentiam, sed necesse est ut degeneret in malignam quandam astutiam. Et quia in humanis ultimus totius vitæ finis est aliorum mensura quamvis ille qui ad aliquem particularem finem bene ratiocinatur, ut ad victoriam, dicatur aliquo qualiter & secundum quid prudens, scilicet in bellicis; attamen ut quis sit simpliciter prudens, necesse est ut bene se habeat circa finem ultimum vitæ, ac rectè ratio cinetur de rebus agendis per ordinem ad ipsum.

Secundò deducitur, Prudentiam non hæere in universalibus, sed maximè respice singularia: Vnde qui vacat sublimiorum, universaliumque rerum cognitioni, sapiens quidem habetur, non tamen prudens, nisi ad singularia descendat, ut observat Aristoteles 6. Ethic. cap. 7. Hujus verò ratio est, tum quia prudentia perficit rationem practicam ad regulandas actiones: de ratione autem regulæ est ut applicetur regulandis; ideoque ad prudentiam maximè pertinet applicatio rationis ad singulas actiones. Tum etiam quia prudentia versatur circa agibilia: Actio autem est in singularibus; & ideo singularibus maximè attendit prudentialis consideratio.

Verùm cum virtus certa infallibilisque esse debeat, & aliunde singularia sint maximè incerta; dubitari posset, quâ ratione prudentia possit certò & infallibiliter objectum suum attingere, si versetur circa singularia. Sed id facile patebit advertendo, quod licet ratio vix possit certò & infallibiliter attingere quid verum sit in

rebus singularibus ; potest tamen certis & infallibilibus regulis discernere quid in quolibet particulari negotio , quantum volueris incerto ac dubio , agere debeat homo ut secundum virtutem in illo se gerat , vitiique deformitatem vitet. Prudentia non quærit quid verum sit in ipsis rebus particularibus , imò pleiunquæ vir prudens quantum ad hoc errat ; sed solum quid amplectendum sit , omnibus expensis secundum exigentiam rei , loci , personæ , temporis &c. Et quantum ad hoc prudentia est certa & infallibilis.

Tertiò infertur proprium prudentiæ actum esse *Præcipere* seu *Imperare*. Cum enim rectificet rationem practicam , debet illam perducere ad id quod est perfectum ultimum in ratione practica : hoc verò est præcipere seu imperare. Imperium enim statim infert executionem , quæ est finis rationis practicæ ; ideoque cæteris rationis practicæ actus , scilicet consultare ac de consultatis rectè judicare , censentur imperfecti & steriles nisi per efficax imperium applicentur ad opus. Unde præclare notat D. Thomas perfectionem artis consistere in judicando , prudentiæ vero in præcipiendo. *Et ideo* , inquit S. Doctor 2.2. quæst. 47. art. 8. *reputatur melior artifex , qui volens peccat in arte , quasi habens rectum iudicium* , (quod tamen sequi non curat ;) *quam qui peccat nolens , quod procedit ex defectu iudicii. Sed in prudentia est è converso : imprudentior enim est qui volens peccat , quasi deficiens in principali actu prudentiæ , qui est præcipere , quam qui peccat nolens.*

Quartò deducitur prudentiam aliis virtutibus medium præstituire. Quamquam enim omnis virtus moralis ex se inclinât ad mediû in sua pro-

participantis, sicut nutritivum & sensitivum dicuntur partes animæ, cujus virtutem inter se dividunt & inadæquatè participant, omnes hi partium modi in qualibet virtute cardinali distingui possunt, sicque triplex partium genus ei attribui. Uno modo, ad similitudinem partium integralium; non quod ipsa virtus sit aliquid in se compositum, est enim quælibet virtus una simplexque qualitas, sed ita ut illæ dicantur partes integrales virtutis alicujus principalioris, quas necesse est concurrere ad perfectum illius actum, & sine quibus mancum defectuosumque censetur opus talis virtutis. Alio modo ad instar specierum sub ea tanquam sub suo genere contentarum; nam, ut dictum est in Logica, genus est totum aliquod commune, cujus partes sunt species ei subjectæ. Tertio ad instar partium potentialium, ita ut partes potentiales alicujus principalioris virtutis dicantur aliæ virtutes cum ea connexæ, illique adjunctæ, quæ ordinantur ad aliquos secundarios actus vel materias, in quibus ratio principalis virtutis plenè, perfectè, exactèque non reperitur, quæque proinde totam ejus potentiam non adæquant, sed solum aliquam illius particulam sibi vendicant, sicut nutritivam non adæquat totam virtutem animæ vegetativæ, sed solum aliquid illius sibi assumit. Hoc ita constituto in hoc, §. quæritur quot & quales sint partes integrales prudentiæ.

Dico primò: Partes integrales prudentiæ sunt octo, scilicet, Ratio, Intellectus, Circumspectio, Providentia, Docilitas, Cautio Memoria, & Solertia, seu Eustochia. Has omnes recenset D. Thomas 1. 2. quæst. 48. art. 1. sex quidem primas ex Macrobio, septimam ex Tullio,

oſtavam ex Aristotele : Quorum octo quinque pertinent ad prudentiam quatenus est cognoscitiva, scilicet memoria, ratio, intellectus, docilitas & solertia : Alia verò tria pertinent ad eam, secundum quod est præceptiva, scilicet Circumspectio, Providentia, & Cautio.

Conclusio non posset luculentiùs declarari quàm ipsis D. Thomæ verbis, qui hujus diversitatis rationem ex eo assignat, *Quod circa cognitionem* (practicam & actus moralis regulativam) *tria sunt consideranda. Primò quidem ipsa cognitio, qua si sit præteritorum, est memoria; si autem presentium sive contingentium, sive necessariorum, vocatur intellectus. Secundò ipsa cognitionis acquisitio, qua fit vel per disciplinam; dicendo scilicet ab alio) & ad hoc pertinet docilitas: vel per inventionem (inquirendo scilicet per seipsum) & ad hoc pertinet eustochia, qua est bona conjecturatio. Hujus autem pars, ut dicitur 6. Ethic. est solertia, qua est velox conjecturatio mediæ, ut dicitur 1. Post. Tertiò considerandus est usus cognitionis, secundum quod scilicet ex cognitis aliquis procedit ad alia cognoscenda vel judicanda, & hoc pertinet ad rationem. Ratio autem ad hoc quod rectè præcipiat, tria debet habere. Primò quidem ut ordinet aliquid accommodatam ad finem; & hoc pertinet ad providentiam. Secundò, ut attendat circumstantias negotii: quod pertinet ad circumspectionem. Tertiò, ut vitet impedimenta, quod pertinet ad cautionem. Ergo aptissime assignantur hæc octo partes integrales prudentiæ, de quibus ut quidpiam sigillatim ex Angelico Doctore dicamus.*

Memoria hic sumitur, non pro potentia

memorativa nude sumpta, sed instructa pluribus experimentis, quæ circa negotia præterita facta sunt, vel ab aliis audita, quibus magnopere adjuvatur prudentialis consultatio, quatenus ex his futura conjectamus. Cùm enim, ut ait Aristoteles 6. Ethic. oporteat principia conclusionibus proportionata esse, & ex talibus talia concludere; per experimentum negotiorum quid in pluribus eveniat discimus, sicque de agendis meliùs judicamus. Sed egregiè observat D. Thomas 2. 2. quæst. 49. art. 1. quod cùm, ex Tullio lib. 3. Rhetor. memoria non solum à natura perficiatur, sed etiam habeat plurimum artis & industriæ, Quatuor sunt, verbis ejus utor, per quæ homo proficit in benè memorando. Quorum primum est, ut eorum quæ vult memorari, quasdam similitudines assumat, convenientes, nec tamen omnino consuetas, quia ea quæ sunt inconsuetamagis admiramur, & sic in eis animus magis & vehementius detinetur. Ex quo fit quod eorû quæ in pueritia vidimus, magis memoremur. Ideò autè necessaria est hujusmodi similitudinum vel imaginum adinventio quia intentiones simplices & spirituales faciliùs ex animo elabuntur, nisi quibusdam similitudinibus corporalibus quasi alligentur, quia humana cognitio potentior est circa sensibilia. Secundo oportet, ut homo ea quæ vult memoriter retinere ordinatè disponat, ut ex uno memorato (quali deducente apra compage ac concatenatione rerum sese excipientium) facile ad aliud procedatur. Vnde Aristoteles dicit lib. de Mem. cap. 3. A locis videmur reminisci aliquando. Causa autem est, quia velociter ab alio in aliud veniunt. Tertiò oportet ut homo sollicitudinem apponat, & affectum adhibeat ad ea quæ vult me-

Quæst. IV. Art. I De Prudent. & virt. &c. 233
morari; quia quanto aliquid magis fuerit im-
pressum animo, tãto minus elabitur. Vnde Tul-
lius dicit in sua Rhetorica, quod sollicitudo cõ-
servat integras simulacrorum figuras. Quarto
oportet quod ea frequenter meditemur, qua vo-
lumus memorari. Vnde Philosophus dicit. lib. de
Mem. cap. 3. quod meditationes salvant memo-
riam, quia ut ibidẽ dicitur, consuetudo est qua-
si natura. Hæc ille appositè omnino.

Intellectus sumitur hic, non pro potentia in-
tellectiva, nec pro habitu quo principia univer-
salia per se nota, tum speculabilia, tum pra-
ctica, tenemus; sed pro evidenti ac penetrativa
notitia singularis negotij circa quod versatur
electio. Cùm enim prudentiam concludat ali-
quid singulare agibile, non sufficit intellectus
universalium principiorum, quæ tenet locum
majoris, sed præterea necesse est habere cog-
nitionem singularis negotij, quod in consultatio-
nem vocatur, ut si loco minoris. Et hæc cog-
nitio dicitur *intellectus*, quomodo etiam qui
probè tenet aliquod particulare factum solet
dici *intelligens in illo*.

Docilitas est, quã aliquis fit alienæ instructio-
nis benè susceptivus; ideoque importat & af-
fectum & promptitudinem ad discendum. Hæc
ad prudentiam summè necessaria est, quia
cùm prudentia versetur circa agibilia, in qui-
bus sunt infinitæ diversitates, quæ non pos-
sunt satis ab uno perspicui, homo ad illam eget
ab aliis erudiri: præcipuè à senibus, quos tem-
pus & experientia in agilibus doctos fecere.
Vnde ut ait Aristoteles 6. Ethic. cap. 12. Opor-
tet attendere expertorum, & seniorum, & pru-
dentium, in demonstrabilibus enuntiationibus &
opinionibus, non minùs quàm demonstrationibus.

234 *Tertiae partis Philosophia*
propter experientiam enim vident principia.
Hoc autem pertinet ad docilitatem.

Solertia seu custodia (pro eodem enim hinc usurpantur, quamvis aliquatenus differant) definitur, Facultas subito reperiendi quod expedit. Unde ad prudentiale iudicium maxime necessaria est ; praecipue quia plerumque negotia non relinquunt copiam diuturnae consultationis nec patiuntur, ut aliorum consilium requiramus.

Ex solertia derivatur sollicitudo, sollicitus enim est quasi solers citus. Unde sollicitudo importat, supra solertiam, quandam exequendi promptitudinem ; quae etiam ad prudentiam spectat. Ut enim dicit Aristoteles 6. Ethic. cap. 9. *Oportet operari quidem velociter consiliata, consilium autem tarde.* Sed cum sollicitudo sit adeo commendabilis, nec virtutes inter se pugnent, paradoxum videtur, id quod dicit Aristoteles 4. Ethic. cap. 3. *Quod ad magnanimum pertinet pigrum esse & otiosum,* quod tamen capitaliter sollicitudini opponitur. Verum praclare D. Thomas id explicat dicendo, quod *magnanimus dicitur piger & otiosus, non quia de nullo sit sollicitus, sed quia non est superflue sollicitus de multis, sed confidit in his, in quibus confidendum est, & circa illa non superflue sollicitatur.* Superfluitas enim timoris & diffidentia facit superfluitatem sollicitudinis. Unde intantum magnanimitas excludit nimiam sollicitudinem, inquantum excludit timorem & diffidentiam.

Ratio sumitur hic, non pro facultate inferendi unum ex alio, sed pro quadam illius facultatis perfectione circa agibilia, seu pro bono illius usu.

Providentia quendam futurorum prospectum

Quæst. VI. Art. I. *De Prudent. § virt. Sc. 235*
importat: est enim *providere* quasi *proculvide-*
re. Et hæc ad prudentiam necessaria est, quia
cùm prudentia in finem assequendum omnia di-
rigat, id est, præsentia agibilia in futurum, debet
& futurorum prospectum habere.

Circumspectio dicit attentionem quandam
vigilantem ad observanda omnia, quæ nego-
tium circumstant, & collationem illorum ad ea
quæ in finem ordinantur, ne quid ex necessariis
operi desit.

Cautio denique veluti excubias agit, ad præ-
cavenda mala quæ operi admisceri possunt, &
vitanda pericula, quæ rem turbare, vel ex re-
consequi possunt.

§. II.

*De partibus subjectivis prudentiæ, seu de illius
speciebus.*

Partes subjectivæ prudentiæ sunt quædam
specialiores virtutes, quæ sub generali ra-
tione prudentiæ continentur, ut species sub suo
genere, de quibus proinde prudentia essentialiter
& directè prædicatur, ut animal de nove &
Icône. Pro illarum explicatione.

Dico primò: Prudentia dividitur tanquam in
suas partes subjectivas, seu propriè dictas species
in prudentiam, quâ quis regit seipsum, & pru-
dentiam quâ quis multitudinem regit, seu in
prudentiam monasticam, id est, privatam, per-
sonalem, ac quasi solitariam, & in prudentiam
gubernatricem moderatricem cujusdam cor-
poris politici ex plarium conventu conflati,
eius cura nobis incumbit.

Declaratur bonitas divisionis: Cùm enim

prudencia sit recta ratio agibilium, ibi diversæ sunt species prudentiæ, ubi diversa sunt formaliter agibilia: Atqui agibilia circa privatam personam & circa multitudinem sunt diversa: ergo pertinent ad diversas species prudentiæ. Major patet: Probatur minor. Cùm enim agibilium ratio desumatur ex fine, sicut conclusionum ratio ex principiis, agibilia in diversos fines ordinata sunt formaliter diversa, sicut conclusiones ex diversis principiis illatæ sunt diversæ formaliter: Atqui agibilia circa propriam personam, quæ pertinent ad monasticam prudentiam, habent pro fine bonum propriæ personæ, seu privatum; Agibilia verò circa communitatem, quæ respicit prudentiam gubernatrix, habent pro fine bonum publicum totius communitatis: ergo sunt formaliter diversa.

Dices: Virtus propriè dicta debet versari circa bonum proprium, ut faciat bonum habentem: Atqui prudentia illa gubernatrix non quærit bonum proprium, imò propter commune negligit proprium, ut videre est in optimis principibus & magistratibus; ergo nō est virtus propriè dicta, nec proinde species prudentiæ.

Respondeo cum D. Thoma 2. 2. quæst. 47. art. 10. ad 2. *Quod ille qui quærit bonum commune ex consequenti etiam quærit bonum suum, propter duo. Primò quidem, quia bonum proprium non potest esse sine bono cōmuni, vel familia, vel civitatis, vel regni. Unde Valerius Maximus de Antiquis Romanis dicit, quod malebant esse pauperes in divite imperio, quàm divites in paupere imperio. Secūdo quia homo, cū sit pars domus, vel civitatis, oportet quod cōsideret, quid sit sibi bonum ex hoc, quod est pru-*

Quæst. VI. Art. I. De Prudent. & vir. Sc. 237
*dens, circa bonum multitudinis. Bona enim dis-
positio partium accipitur secundum habitudi-
nem ad totum; quia ut Augustinus dicit lib. 3.
Confess. cap. 8. Turpis est omnis pars suo toti
non conveniens vel non congruens.*

Dico secundò: Prudentia gubernatrix seu mo-
deratrix communitatis, dividitur in œconomi-
cam, politicam, & militarem.

Declaratur divisio. Cùm enim gubernatrix
prudentia respiciat regimen multitudinis, distin-
guenda est secundum varias species socialis mul-
titudinis, & fines diversos in quos tendit:
Atqui triplex est species multitudinis, triplex-
que finis propter quem convenit; ergo & tri-
plex distingui debet prudentia gubernatrix. De-
claratur minor: Est enim in primis multitu-
do adunata ad constituendam familiam, &
ad convivendum, cuius finis est, vel edu-
catio liberorum, vel paulò generalius, paci-
ficus, tranquillisque convictus, nec dissidiis
domesticis turbatus, nec necessariorum inopiã
molestus, nec possessionum malã administratio-
ne in brevi dissipandus: & ad hanc multitudi-
nem regendam, illumque finem procurandum
datur prudentia œconomica, cujus est filios
ritè educare, servis bene uti, possessiones con-
servare, quaestui legitimo studere. Est autem alia
multitudo, non hominum sub uno tecto con-
victuque associatorum, sed plurium familia-
rum convenientium sub iisdem legibus ad con-
stituendam civitatem vel regnum, cujus finis
est pax tranquillitasque publica: Et ad hanc
multitudinem regendam ac in pace servan-
dam datur prudentia politica. Est demum aliud
multitudinis genus ad unum particulare ne-
gorium, scilicet victoriam, congregatã; & hu-

jus multitudinis regula est prudentia militaris. Prudentia politica dividi præterea potest in architectonicam & politicam simpliciter dictam. Prudentia architectonica est, quâ, qui præest, regit multitudinem; possetque subdividi in monarchicam, aristocraticam, & democraticam, juxta tres celebres regiminû formas; in quarum prima unius est qui cæteris omnibus imperat; in secunda optimates supremum regiminis clavum tenent; in tertia populus seipsum regit. Prudentia verò politica simpliciter dicta est, quâ civis pro sua virili parte collaborat principi, seque disponit quatenus est membrum reipublicæ in ordine ad bonum publicum; seu quâ aliis rectè convivit in ordine ad bonum publicum.

§. III.

De partibus potentialibus prudentia seu de virtutibus ei adjunctis.

PArs potentialis sumitur hîc, non pro correlativo totius potentialis, de quo diximus in Logica minori; sed secundum analogiam ad divisionem virtutis rei in quasdam potentias essentialiæ adjunctas, in quibus in adæquate reperitur, sicut supra dictum est. §. I. Unde virtutes illæ dicuntur *partes potentiales prudentiæ*, quæ illi adjunguntur ac ministrant in quibusdam actibus minùs principalibus, nec plenè rationem prudentiæ assequuntur, sicut subjectivæ. Pro quarum explicatione.

Dico Tres sunt partes potentiales prudentiæ, seu virtutes adjunctæ ut ei inserviant ad actus minùs principales circa materiam prudentialem,

Quæst. VI. Art. I. De Prudent. & virt. & c. 239
scilicet Eubulia, Synesis & Gnome. Ita D. Tho-
mas 2. 2. q. 51.

Declaratur conclusio. Ratio practica, quæ di-
rigitur per prudentiam, tres actus habet circa
agibilia, scilicet consilium de agendis; iudi-
cium de consiliariis; imperium applicans con-
siliata ad executionem: quorum trium actuum,
ut patet, imperium est principalior; ergo ne-
cesse est prudentiam quidem immediate respi-
cere imperium, ut actum principaliorem; ha-
bere verò virtutes sibi adjunctas, quæ immédia-
tè procurent alios duos actus minùs principa-
les, consilium scilicet & iudicium. Virtus quæ
rectificat consilium, dicitur à Græcis εὐβουλία
eubulia, id est latinè *bene consiliativa*, seu *bo-
na consultatio*, cui opponitur πωροπυλία *panur-
gia*, quasi latinè *calliditas*, *vafrities*, seu
astutia, quæ malignis consiliis procurat asse-
ctionem finis. Quæ verò rectificat iudicium
circa consiliata, duplex est: Altera enim de con-
siliatis iudicat secundum communes leges; &
hæc dicitur οὐρεως *synesis*, à verbo οὐρευω,
quod est latinè *intelligere*, seu *bene sentire*, aut
secundum alios *sensate discernere*. Unde inquit
D. Thomas. *secundum synosim dicuntur aliqui
syneti, id est sensati, vel eusyneti, id est, homi-
nes boni sensus*. Huic opponitur Αουτιλία, *Aly-
nesia*, id est *stoliditas* ac *stultitia*. Altera demum
de consiliatis, in quibus leges communes de-
ficiunt, iudicat secundum altiora principia:
sunt enim quandoque casus insoliti, quos aut
lex non attingit; aut sit attingat, patitur ta-
men exceptionem de illis, propter aliquid cir-
cunstans, & ideo necesse est recurrere ad al-
tiora principia, ut de illis rectum feratur iudi-
cium. Virtus quæ id præstat dicitur γνάμη *gnome*

quæ licet apud Græcos sonet simplicem *sententiam*, ex usu tamen sumitur pro aliqua iudicij excellentia, importatque quandam animi sublimem perspicacitatem altioribus attendentem.

Eubulia, ut de singulis quidpiam dicatur, duobus maximè corrumpitur, malo fine, vel malis mediis. Ut enim ait D. Thomas 2.2. quæst. 51. art. 1. ad 2. *Non est bonum consilium, siue aliquis malum finem in consiliando præstituat, siue etiam ad bonum finem malas vias adinveniat, sicut etiam in speculativis non est bona ratio, siue aliquis falsum concludat, siue etiam concludat verum ex falsis, quia non utitur convenienti medio.* Requiritur insuper ad hanc virtutem, non solum adinventio solersque excogitatio eorum quæ sunt opportuna ad finem, sed etiam aliarum circumstantiarum accessus, scilicet tempus congruum, ut nec nimis tardè, nec præcipiti velocitate consultatio fiat, modus consiliandi, ut scilicet firmum constansque sit consilium, &c.

Synesis, cum sit arbitra & ponderatrix consiliatorum, est maximi momenti in agendis; quippe cum multi sint bene consiliativi, qui tamen de consiliatis in ventisque nesciunt rectè iudicare: Sicut etiam in speculativis quidam solerter sagaciterque inquirunt, eo quod ratio eorum prompta sit ad discurrendum circa diversa propter excellentiam imaginationis diversa phantasmata facilè aptèque formantis; qui tamen non pellent iudicio discernente, & quid cuique congruat appositè dictante, propter defectum intellectûs, qui maximè provenit ex mala sensus communis dispositione, ut notat D. Thomas 2.2. quæst. 51. art. 3. ad hanc verò virtutem tria maximè requiruntur. Primò recta virtutis

Quæst. IV. Art. I. De Prudent. & virt. & c. 241
virtutis cognoscitivæ dispositio, ad recipiendas
res ut sunt in seipsis: Hæc enim comparatur
speculo, quod si fuerit rectè dispositum, species
rerum fideliter reddit; si autem malè dispona-
tur, omnia subversa distortaque repræsentat,
Secundò, ut animus non sit falsis pravisque ju-
diciis præoccupatus, sed veris & rectis imbutus.
Quartò demum ut appetitus non sit vitiis depra-
vatus nam, de eligibilibus maximè judicamus
secundùm appetitus dispositionem; Quippe,
inquit Aristoteles, *Qualis unusquisque, est talis
ei finis videtur.*

Gnome, cum easdem requirat dispositiones
ac synesis, insuper exigit quandam animi judi-
ciique sublimiorem perspicacitatem, quæ non
solùm intentionem legis penetret, ut videat in
quibus casibus ab ea sit aliquando recedendum,
propter quasdam speciales circumstantias, sed
etiam sublimiora juris principia comprehendat,
ut juxta ipsa de illis casualibus possit aptè de-
cernere.

ARTICVLVS PRIMVS.

De iustitia, & virtutibus sub ea contentis.

Iustitia inter virtutes post prudentiam pri-
mum sibi locum vendicat. Hæc rerum publi-
carum genitrix, custos, ac moderatrix existit,
legum optimarum parens, perpetuum humanæ
societatis vinculum, malorum domitrix, bono-
rum præsidium, injuriarum propulsatrix, dis-
cordiarum arbitra, civitatum anima, humano-
rum bonorum æqua dispensatrix, & ut uno ver-
bo dicam, publicus quidam pacis, tranquillitatis,

totiusque publici boni thesaurus, ex quo cuiuslibet, quod sibi congruit tribuitur. Vnde illius elogium est apud Aristotelem lib. 5. Ethic. *Quod sit praeclarissima virtutum, & neque Hesperus, neque Lucifer sit adeo admirabilis: cuius, ut inquit Cicero 1. offic. tanta vis est, ut ne illi quidem, qui maleficio & scelere pascuntur, possint sine ulla illius particula vivere. Nam qui eorum culpam, qui una latrocinantur, furatur aliquid aut etiam eripit, is sibi, ne in latrocinio quidem relinquat locum. Ille autem qui Atchipirata dicitur, nisi aequaliter pradam dissipat, aut occidetur, aut a sociis relinquetur.*

Sumitur autem aliquando iustitia, praecipue in sacris literis, paulò latiùs pro omni virtute, ita ut *vir iustus* idem sit ac omnium virtutum doctoribus instructus: Cujus quidem acceptionis ratio est, quia sicut in omni vitio quippiam iniustitiae reperitur, quatenus vel Deo, vel proximo, vel etiam nobis aliquid debitum subtrahitur, indebitum tribuitur: ita quoque in omni virtute aliquid iustitiae relucet, quatenus per eam unicuique, quod æquum est tribuitur; aut secundum quod omnis virtus in adæquatione cum rationis regula consistit, quæ æquatio, iustitia quaedam est, secundum quod *iustum* idem est ac *adæquatum*. Sed magis proprie sumpta iustitia speciem quandam virtutis constituit, cujus est æqualitatem inter personas diversas, aut inter personam & aliquid gerens munus personæ, constituere, quæque proinde semper est ad alterum.

Hoc modo sumpta iustitia definitur, *Constans & perpetua voluntas ius suum unicuique tribuens*; quæ definitio à Juristis desumpta est, reduciturque à D. Thoma ad hanc exactiorem formam,

Quæst. IV. Art. I. De Iustitia, & vir. &c. 243
Iustitia est habitus, secundum quem aliquis cõ-
stanti & perpetuâ volûtate jus suû unicuique
tribuit. Habitus tenet locû generis, ceteræ verò
particulæ proprios caractares iustitiæ expri-
munt. Hæc enim in hoc tota versatur, ut unicui-
que quod suum est, rependat. Verùm ut huic de-
finitioni ac iustitiæ notioni major lux afferatur.

Ex hac definitione habetur primò iustitiæ ob-
jectum formale esse Ius; materiam verò, res il-
las in quibus jus constituitur, putà venditiones,
emptiones, distributiones, &c. Sumitur autem
jus tripliciter. Primò regulativè, pro lege de-
terminatè, quid ex iustitia unicuique tribuen-
dum sit; & sic sumptum jus dividitur in *possi-
vum, naturale divinum, humanum, civile,
canonicum, &c.* Secundò sumitur jus quasi
fundamentaliter, pro potestate in lege funda-
tâ, quâ nobis aliquid vendicamus; & sic sum-
ptum describitur, *Legitima potestas ad rem ob-
tinendam, vel ad aliquam functionē, aut quasi
functionem, cujus violatio constituit injuriam.*
Tertiò sumitur jus formaliter & propriè, provt
idem est ac *iustam, seu æquale ad alterum.*
Quamvis autem his tribus modis sumptum jus
pertineat ad iustitiam, attamen primo modo
pertinet ut regula; secundo modo, ut condi-
tio sine qua non; tertio verò modo ut proprium
objectum. Iustitia enim facit æqualitatem ad al-
terum, quæ æqualitas regulatur à lege, & fun-
datur in potestate quâ aliquis sibi rem debitam,
id est suam, facit.

Habetur secundò, medium iustitiæ esse, non
solum medium rationis, sed etiam medium rei.
Mediam autem rationis, dicimus adæquationem
rei cum ratione; medium verò rei, adæquatio-
nem rei cum re. Primum ergo medium faciunt

cæteræ virtutes morales, adæquando operationem regulæ rationis, nec curando an res rei adæquetur; ut temperantia non curat an res quibus vescimur, sint aut inter se, aut ad alterum adæquata, sed quod ipsa comestio sit adæquata rationi. At verò justitia, non solum attendit medium rationis, ut scilicet operatio fiat adæquata rationi, sed etiam medium rerum, puta æqualitatem dati & accepti.

His circa justitiam declaratis, ad pleniorum illius explicationem superest, ut singulas ejus partes, scilicet integrales, subjectivas, & potentiales sigillatim attingamus.

§. I.

*De partibus integralibus justitiæ, nec non de
eiusdem speciebus, seu partibus
subjectivis.*

Partes integrales & subjectivas justitiæ sub uno titulo comprehendimus eo quod pauca admodum de primis dicenda occurrant. Duplex igitur assignatur pars integralis justitiæ, scilicet declinare à malo, & facere bonum. Verum observandum quod bonum & malum sumuntur aliquando in communi & generaliter; & hoc modo facere bonum & declinare à malo, non sunt partes integrales justitiæ, sed ad omnem virtutem pertinent; sed aliquando bonum & malum specialius sumuntur, prout sunt ad alterum; sub qua ratione aliquis dicitur *maleficus*, eo quod injustè malum alteri inferat, aut *beneficus*, eo quod bonum alteri procuret; & hoc modo facere bonum, & declinare à malo, quatenus scilicet sunt ad alterum, sunt partes integrales justitiæ.

Hujus verò divisionis ratio est, quia partes, integrales alicujus virtutis sunt, quæ ad integritatem illius actûs faciunt: Actus autem justitiæ, ut patet ex ejus definitione, est, unicuique ius suum tribuere, seu medium æqualitatemque ad alterum facere. Manifestum est autem ad hoc ut æqualitas ad alterum perfectè statuatur, duo concurrere debere: Primò ut bonum fiat, seu ut quod alicui debetur tribuatur: Secundò ut arceantur nociva & injuriosa, quibus bonum illud jam constitutum violaretur; ergo partes integrales justitiæ sunt, & bona facere, & mala arce- cere. His circa partes integrales justitiæ sic expeditis, ut liberaliùs partes ejus subjectivas; seu species sub justitia in communi tâquam sub suo genere contentas, expendamus.

Dico primò: Iustitia universaliter sumpta dividitur in commutativam, distributivam, & legalem tanquam in species suas seu partes subjectivas. Prima est, partis ad partem; secunda, totius ad partes; tertia, partium ad totum.

Declaratur conclusio: Cum enim proprium justitiæ munus sit, æqualitatem inter aliquos constituere ut scilicet unusquisque alteri reddat, quod ipsi debetur, juxta diversas habitudines eorum, inter quæ ponitur æqualitas, diversæ statuendæ sunt species, justitiæ: Atqui hujusmodi habitudo est tantùm, triplex; ergo triplex quoque statuenda est species justitiæ. Declaratur minor: Cum enim homines constituent inter societatem aliquam politicam, quæ est quoddam corpus morale, triplex est habitudo inter homines, non secus ac inter membra corporis naturalis: Primò enim homo dicitur habitudinem ad alium hominem, tanquam ad compartem corporis politici, cui tenetur

rependere quod suum est; & hoc respicit justitia commutativa, cujus est statuere æqualitatem inter duos æquales homines in venditionibus, emptionibus, commutationibus, à quibus & nomen traxit, contractibus, cæterisque officiis, quibus pars parti obligatur. Secundò respublica, seu corpus illud politicum ex hominibus tanquam membris constitutum, dicit habitudinem ad suas singulas partes, quibus debet aliquid rependere pro cujusque conditione, largiendo per magistratus & eos qui reipublicæ præsunt de publicis bonis unicuique pro meritis; & hoc respicit distributiva justitia ad quam spectat æqualitatem facere in distributione dignitatum, honorum, bonorumque communium. Tertiò tandem qualibet hujus politici corporis pars dicit habitudinem reciprocam ad totum, cui aliquid vicissim debet, ut scilicet talem se illi exhibeat pro sua virili parte, qualem decet & bono totius convenit; & hoc respicit legalis justitia, cujus est æqualitatem statuere in officiis quæ bonus civis impendere tenetur erga rempublicam.

Cæterum, licet omnes istæ species justitiæ respiciant æqualitatem, artamen non eodem modo illam constituunt. Nam justitia quidem commutativa respicit & cõstituit æqualitatem quasi quantitatum, seu, ut vocant, *Arithmeticam*, quæ in hoc consistit ut tantum detur quantum acceptum est, v.g. si quis tres nummos mutuò accepit, tres nummos creditori rependere teneatur. Cùm enim hæc justitia sit inter partes, quæ sunt omnino inter se æquales, non est alia ratio cur una det alteri, nisi quia accepit ab ea, vel quod illius est retinet, ideòque tantam quantitatem reddere debet, quantam accepit, in quo

Quæst. IV. Art. I. De Iustitia, & vir. &c. 247
consistit æqualitas quantitativa. At verò iustitia
distributiva non attendit æqualitatem quantita-
rum, sed æqualitatem proportionum, seu, vt
vocant *Geometricam*, quæ in eo sita est, ut uni-
cuique detur juxta merita, seu ut seruetur eadem
proportio inter præmia data, quæ est inter me-
rita accipientium: ut si habenti sex gradus
meritorium dentur tres nummi, habenti duo-
decim gradus meriti, dentur sex nummi: Ea-
dem enim est proportio trium ad sex, quæ sex
ad duodecim. Hujus verò modi procedendi in
iustitia distributiva ratio est, quia ratio dandi
est habitudo partium ad totum: Vnde cum non
omnes partes eandem habitudinem dicant ad
totum, sed quædam sint in eo principales,
non omnes idem debent recipere à toto, sed
quælibet juxta dignitatis meritique sui pro-
portionem. Iustitia verò legalis attendit ad
æqualitatem aliquam ex utraque prædicta tem-
peratam: quatenus enim quælibet pars dat to-
ti, v.g. quilibet civitati, juxta proportionem
virium suarum, quæ non in omnibus eadem
sunt, videtur servare æqualitatem proportio-
nis: Sed quatenus quælibet pars in reddendo
toti non debet attendere quid reddat alia, nec
proinde debet servare proportionem inter id
quod alia dat, & id quod ipsa rependit, sed
quælibet nulla habitâ ratione aliarum dare de-
bet quantum potest & ab ea exigitur, sic vide-
tur esse quædam æqualitas quantitatem, seu
Arithmetica.

Dico secundò: Legalis iustitia dividitur in
legalem iustitiam specialiter dictam, & epi-
kiam: seu in eam quæ in operationibus ad ver-
ba legis attendit, & eam quæ ubi lex deficit
propter speciales quasdam circumstantias à

legiflatore non præuifas, omiffis verbis legis attendit legiflatoris intentioni.

Declaratur conclusio : Cùm enim iuftitia legalis id procuret ut qualibet pars tribuat toti quod debet fecundùm leges, aliquando debitum illud reè regulatur vel verba legis, ut fieri folet in cafibus ordinariis; & refpectu hujus debiti reddendi locum habet iuftitia legalis fimpliciter dicta. Aliquando tamen quidam cafus infoliti & à legiflatore non præuifi occurrunt, in quibus fi verba legis feruarentur, apertè iretur & contra bonum commune quod eft finis legis, & contra mentem legiflatoris : V. g. lex eft, ne laicus facra vafa contrectet, quæ fi ad literam feruaretur dum furentes Hæretici irrumpunt in Ecclefiam, nullo alio præfente nifi laico, fine dubio iretur contra bonum à legiflatore intentum, fcilicet myfteriorum reuerentiam. Ad hos cafus ordinatur fublimior quædam iuftitiæ fpecies à Græcis dicta *ἐπιεικία* *epiikia*, Latini *Æquitatem* reddunt, cujus munus eft in aliis infolitibus, prætermiffis legis verbis, quid juxta legiflatoris intentionem æquum fit ftatuere : Et hæc iuftitiæ fpecies dirigitur per gnomen, quam fuperiùs diximus, non iudicare de agendis fecundùm leges communes, fed fecundùm altiora principia.

Verùm non pigebit hîc monere, hanc iuftitiæ partem, ne deficiat, egere magnâ difcretionem, perfpicacitate, ac fublimitate iudicij non fecus ac de gnome fupra diximus : & quod præcipuum eft, diligenter cavendum, ne ob aliquod particulare bonum legis præceptum dimittatur. Cùm enim legis exacta literalifque obferuatio fit magnum publicumque bonum,

non debet ob quamcumque utilitatem prætermitti, præcipue ob privatum commodum; sed solum ob insignem evidentemque causam; eo quod nempe non possit observari sine præjudicio boni à legislatore magis intenti. Unde peccavit Saül contra epiikiam, prætermittendo exactam literalemque executionem mandati, quo jubebatur interficere omnes Amalecitas, rege ad pompam triumphi, & gregibus ad sacrificium reservatis. Melior enim erat exacta obedientia quam sacrificium, & triumphi apparatus. At verò David esuriens usus epiikia, sine culpa panes propositionis comedit, quos tamen lex solis sacerdotibus ad cibum permittebat: Quia vita hominis est majus bonum, magisque à Deo legislator intentum, quam ceremonialis observantia.

§. II.

De partibus potentialibus justitiæ seu de virtutibus ei adjunctis.

Numerosus virtutum comitatus adjungitur justitiæ. Cùm enim ejus sit æqualitatem constituere in operationibus ad alterum, plures actiones sunt in quibus hæc æqualitas exacte observari nequit, quæ proinde non ab ipsa justitiâ, sed à virtutibus ei adjunctis regulantur. De illis ergo ut speciatim aliquid attingamus.

Dico: Virtutes quæ adjunguntur justitiæ, quæque proinde partes ejus potentiales habentur, sunt octo, scilicet, religio, Pietas, Observantia, Veritas seu veracitas, Gratitude, Justitiâ vindicativa, Liberalitas, Amicitia,

Ita D. Thomas 2. 2. quæst. 80.

Declaratur conclusio ex D. Thoma ibidem. Virtutes adjunctæ justitiæ sunt, quæ cum aliquatenus cum ea conveniant, in quantum sunt ad alterum, deficiunt tamen à perfecta ratione illius: Atqui octo enumeratæ virtutes, etsi cum justitia conveniant, quatenus sunt ad alterum, ac rectificant voluntatis operationes in reddendo debito alteri, ut de se patet; deficiunt tamen à perfecta ratione illius; ergo sunt habendæ pro adjunctis justitiæ. Declaratur minor: Cum enim ratio justitiæ in eo sita sit, ut reddatur alteri secundum æqualitatem quod ipsi debetur, dupliciter virtus ad alterum potest à justitiæ ratione deficere, uno modo ex parte æqualitatis, quam non exactè facit, alio modo ex parte debiti, quod non est rigorosum & perfectum. Virtutes quæ deficiunt à rigorosa justitia ex parte æqualitatis sunt, in primis Religio, quæ solvit quidem debitum Deo, sed non æquale. Secundo Pietas, quæ debitum cultum parentibus rependit quidem, non ita tamen exsolvit, quin semper remaneamus obligati, ut dicit Aristoteles 8. Ethic. cap. 16. Tertiò Observantia, quæ virtuti dignitatique in altero existenti debitam reverentiam exhibet, sed non plenè ad æqualitatem attingit, quia, ut inquit D. Thomas ex Aristotele 4. Ethic. cap. 3. *Non potest secundum æquale præmium recompensari ab homine virtus.*

Ex parte verò debiti eæ virtutes deficiunt à rigorosa justitia, quæ reddunt alteri id quod ipsi debetur, non quidem debito rigoroso ac legali, ad quod scilicet reddendum lex ipsa compellat, sed debito quodam morali & in sola

Quæst. VI. Art. II. De *justitia & virtutib.* 251
honestate morum fundato. In quo quidem debito duplex est gradus: Quoddam enim debitum ita est ad honestatem servandam necessarium, ut sine eo talis honestas esse non possit: & ad hoc debitum reddendum ex parte debentis ordinatur Veritas seu veracitas, quâ quis se talem in dictis & factis exhibet aliis, qualis est. Ex parte verò ejus cui debetur ordinatur duæ virtutes; scilicet Gratitude, seu gratia, quâ vicem rependimus pro acceptis beneficiis; & Vindictio, quâ pro malis illatis servato legitimo ordine pœna auctori infligitur. Est autem aliud debitum morale minus necessarium, sine quo morum honestas stare potest; & ad hoc reddendum duplex ordinatur virtus, Amicitiam scilicet quâ dictis factive quis se alteri gratiosum amabilemque exhibet; & Liberalitas quâ ultrò bona sua aliis moderatè largitur. De his omnibus, ut verbo dicamus.

In primis Religio à *relegendo* dicta, ut ait Cicero, eo quod ea quæ sunt Divini cultus relegat & inculcet; vel secundùm Augustinum à *religendo*, quod per eam religamus Deum quem per peccatum amiseramus; vel tandem, ut etiam deducit idem Augustinus à *religando*, eo quod nos uni vero Deo liget ac iungat; Definitur à Cicerone, *Virtus quæ superiori cuidam natura, (quam divinam vocant) curam ceremoniamque vel cultum affert.* Seu meliùs secundùm Theologos, quæ debitum cultum Deo tribui, tanquam primò rerum omnium principio. Cultum, inquam, cum quadam submissione ac propriæ dependentiæ potestatione, tum interioribus actibus, tum exterioribus signis. Hujus virtutis actus sunt, primò *Devotio*, quæ est quadam promptitudo &

alacritas voluntatis ad ea quæ Dei sunt ac ad ipsius cultum spectant. Secundò Oratio, quæ est petitio decentium à Deo, seu desiderij coram Deo explicatio, ad aliquid ab eo imperandum. Tertiò Adoratio, quæ est honor externo corporis gestu exhibitus. Quartò Oblatio, quæ res sensibiles Diuino cultui mancipat, cuius sacrificium quædam species est, superadditque simplici oblationi immutationem rei quæ offertur, ad protestandum Dei in omnia summum dominium. Quintò Votum, quod propriè significat non solùm simplex propositum, sed promissionem quâ homo se Deo ad aliquid præstandum obligat. Sextò Iuramentum, quod est invocatio Divini testimonij, seu attestatio Divini nominis ad fidem faciendam. Septimò tandem, Laus Divini nominis, quæ per sermonem Dei excellentiam dilucidat.

Pietas definitur à D. Augustino lib. 83. qq. quæst. 83. ex Cicerone, *Virtus per quam sanguine conjunctis, patriæque benevolis officium & diligens tribuitur cultus*: Unde primò respicit patrem & matrem, tanquam conjunctiores, Secundò patriam quæ nos parentesque continet. Tertiò consanguineos, quibus ratione parentum jungimur.

Observantiam definit ex eodem Cicerone Augustinus, *Virtutem, quam homines aliqua dignitate antecellentes, cultu quodam & honore dignamur*. Hæc inter virtutes maximè necessaria ad seruandum subordinationem inter homines, in primis quidem respicit personas, quæ vobis ex officio præsent, scilicet superiores; sed præterea extenditur ad omnes, virtute sapientiâ, dignitate, aut alienâ aliâ dote veneratione dignâ insignes. Comprehendit autem

varios gradus, pro merito personarum quas respicit, sed præcipuè obedientiam respectu superiorum, quæ nos ad eorum implenda mandata exactos efficit.

Veritas, seu veracitas, est virtus, quâ nos tales dictis, factisque exhibemus, quales reipsa sumus. Hæc virtus non modo ad humanum convictum omnium necessaria est, cum sine illa nulla fides stare possit, sed etiam adeo efficax ad conciliandum aliorum amorem, ut præclare annotauerit Aristoteles Rhetor. 2. cap. 4. eos qui vitia sua ingenuè fatentur, nos amare.

Gratitudo definitur ex Cicerone, Virtus in qua amicitiarum & officiorum alterius memoria remunerandique voluntas continetur. Hujus virtutis tria munera recenset D. Thomas; primum est beneficium agnoscere; secundum pro eo gratias agere; tertium retribuere loco & tempore pro facultate recipientis.

Vindicatio definitur à Cicerone, *Virtus per quam vis aut iniuria, & quidquid obscurum est, defendendo, aut ulciscendo propulsatur.* Hæc virtus magnâ cautelâ indiget, cum ab ea in vitium facilis lubricusque sit gradus. Ejus enim munus est modum statuere in rependendis iniuriis; quæ repensio in primis si fiat animo nocendi alteri, etiam qui injustè nobis nocuit, manifestè est contra charitatem, cujus est velle ac procurare bonum, etiam inimicis. Præterea si fiat propriâ privataque authoritate, est vitiosa; quia vindictæ executionem Deus sibi reservavit, juxta illud, *Mihi vindicta & ego retribuam*, & ideo non pertinet ad priuatas personas, sed ad ipsum Deum, & ad eos qui locum Dei tenens in republica, apud quos residet publica authoritas, quinque ob id

gladium portant, ut ait Apostolus. Vnde hujus virtutis objectum est vindicta à legitimo iudice requisita, non animo nocendi, sed vel studio repetendi honorem iniuste ablatum, vel amore illius honestatis, quæ splendet in punitione malefactoris, cui per se convenit & debetur pœna, sicut benefactori gratia; ut sic servetur ordo, in quantum qui per culpam ab ordine recti prolapsus est, ad illum per pœnam suo modo revocetur. Attamen quemadmodum virginitas conjugali continentia præstat, ita & condonatio injuriæ præ virtute vindicationis longè commendatur. Non enim tenemur injuriarum propriarum ultionem prosequi, ideoque ad exemplum Salvatoris eas ultro remittere laudabilius est, si nihil exinde mali emergat.

Liberalitas est virtus, quâ homo fit pecuniarum, aliarumque rerum pecuniâ æstimabilium bene profusus. Quippe in tali largitione excessus esse potest vel nimia parcitate, vel immoderata prodigalitate, ideoque ut decenter fiat, eget virtute liberalitatis. Ad hanc virtutem tres cautiones exigit Cicero: Prima est, *Ne obsit benignitas, & iis ipsis, quibus benignè videbitur fieri, & ceteris.* Secunda, *Ne benignitas major sit quam facultas.* Tertia, *Ut beneficium non sine delectu tribuatur.* Ut enim ait Ennius.

Benefacta malè locata; malefacta arbitror.

Amicitia sumitur dupliciter, primò strictè pro affectu quodam benevolo ad alios, qui est cum reciprocatione. Secundò latius pro affabilitate, quâ aliquis in exteriori conversatione ad omnes sese amicabiliter habet. Primo modo sumpta amicitia videtur magis aliquid consequens virtutem, quàm virtus, ut dicit D. Thomas

Quæst. VI. Art. II. De Iustit. & Virt. Spe. 153

2. 2. q. 13. art. 3. ad 1. eo quod, ut ipse ait ibidem, *Non habet rationem laudabilis & honesti nisi ex objecto, secundum quod scilicet fundatur super honestatem virtutum.* At vero secundo modo sumpta amicitia constituit specialem virtutem. *Cum enim, ut ait D. Thom. 2. 2. q. 114. art. 1. Virtus ordinetur ad bonum, ubi occurrit specialis ratio boni, ibi oportet esse specialem virtutem. Bonum autem in ordine consistit. Oportet autem hominem convenienter ad alios homines ordinari in communi conversatione, tam in factis, quam in dictis, ut scilicet ad unumquemque se habeat ut decet. Et ideo oportet esse quandam specialem virtutem, qua hanc convenientiam ordinis observet. Et hac vocatur amicitia, seu affabilitas.*

ARTICVLVS TERTIVS,

De Temperantia & virtutibus sub ea contentis.

VT prudentia rationem in agendis regit, iustitia voluntatem in operationibus ad alterum perficit, sic temperantia illam partem appetitus nostri, quæ *concupiscibilis* dicitur, moderatur. Vnde ordinem ipsarum potentiarum secuti postquam de duabus primis virtutibus egimus, nunc dicendum de temperantia, ac de fortitudine deinceps articulo sequenti.

Hujus autem virtutis elogia nemo unquam omnia complectetur. Hæc optima generis humani comensalis est, corporis & animæ salus, honestatis dignitatisque hominis supra pecudes vindex, delectationum noxiarum rigida propulsatrix, innocentium vero æqua dispensatrix.

& veluti sal, quo conditæ sapiunt & à putredine præservantur, passionum importunissimarum domitrix; In qua, ut ait. Ambrosius 1. offic. cap. 43. *maximè honesti cura, decorisque consideratio spectatur & queritur*; quàm Græci Σοφροσύνη *Sophrosynem*, quasi *servatricem Prudentiæ* appellat, unde ab Homero expressiùs dicitur *ὡς ἀφρονείης Salva prudentia*; à Pythagora verò, *Robur animæ*; à Socrate, *Fundamentum virtutis*, à Platone, *Omnium bonorum ornamentum*. Dupliciter autem sumi potest: Primò paulò latiùs pro quadam animi mederatione actiones omnes ad quandam temperiem reducente; & sic non una virtus est, sed modus quidam in omni virtute imbibitus. Secundò specialiter, pro illo habitu quo temperatè nos habemus in usu delectabilium sensibilem, & sic specialem virtutem constituit inter alias cardinales repositam; sicque sumpta.

Definitur temperantia à Cicerone lib. 2. de Invent. *Rationis in libidinem, atque alios non rectos impetus animi* (quâ parte scilicet rapitur ad sensibiles voluptates) *firma & moderata dominatio*. Paulò latiùs verò 5. Tusculan. *Moderatrix omnium commotionum*. Ab Aristotele verò definitur 3. Ethic. cap. 13. *Mediocritas in voluptatibus corporalibus*; seu, Virtus secundùm quam modus ponitur in perceptione voluptatum corporalium, id est, ad corporis conservationem pertinentium, quales sunt voluptates tactûs & gustûs. Vt enim ibidem observat Aristoteles, cùm duo genera sint delectationum, quatenus quædam ad animum pertinent, ut honoris cupiditas, discendi studium; quædam verò ad corpus, ut aviditas cibi &

Quaest. VI. Art. III. De temper. & virtut. 257
potus, primæ delectationis ad temperantiam
propriè non attinet, sed solùm secundæ, scilicet
corporales ac sensibiles. Imò in ipsis corporali-
bus ac sensibilibus, cum quædam sint in quibus
aliquid spiritualitatis relucet, quæque proinde
soli homini propriæ sunt, ut delectatio quæ per-
cipitur ex florum pulchrarumque rerum aspectu
ex musico concentu, ex suavitate odorum; hæ
non pertinent rectè ac primariò ad temperan-
tiam, sed solùm illæ quæ purè corporeæ sunt,
quæque corporeo contactu percipiuntur, nobis-
que cum pedibus communes sunt, scilicet vo-
luptates gustûs & tactûs, quas idem Aristoteles
vocat, *serviles & belluinas*.

Verùm pro luculentiori hujus virtutis expli-
catione, aliquid de partibus ejus tum integra-
libus, tum subjectivis; tum potentialibus est
attingendum.

§. I.

*De partibus integralibus & subjectivis
Temperantia.*

VT à partibus integralibus temperantiæ in-
cipiamus, duplicem assignat D. Thomas,
verecundiam scilicet & honestatem. Verecun-
dia ex Damasceno; est timor turpis actûs con-
fusionisque ex illo provenientis. Non est pro-
priè virtus, sed potius quædam passio, bona
tamen ac laudabilis, eo quod timere turpitu-
dinem, exprobrationemque eam consequen-
tem, est bonum; eo quod fundetur in amore
boni honesti. Vnde verecundia non cadit,
nec in pessimos, nec in optimos: in pessimos
quidem quia turpia non amplius apprehen-

dunt ut mala, nec proinde ex illis afficiuntur timore; in optimos verò, quia cum longe sint ab omni actu turpi, nihil in se habent, de quo verecundentur.

Honestas sumitur dupliciter: Primò objectivè, pro ipsa scilicet pulchritudine ac formalitate spirituali rei petita ex commensuratione ad regulas rationis, in quo sensu D. August. lib. 83. qq. 9. 30. dicit, *Honestatem voco intelligibilem pulchritudinem*. Cujus vim incredibilem ad incendendos animos celebrans Cicero lib. 2. Tull. Sumus, inquit, *naturâ studiosissimi, appetentissimisque honestatis: Cujus si quasi lumen aliquod aspexerimus, nihil est quod ut eo potiamur, non parati simus & ferre & perpeti*. Hoc modo sumpta honestas, non est pars temperantiæ, sed omnis virtutis objectum: Secundo formaliter pro amore talis pulchritudinis spiritualis; & sic sumpta specialiter pertinet ad temperantiam, ut pars ejus integralis.

Ratio autem cur verecundia & honestas ponantur partes integrales temperantiæ, reddi potest ex Divo Thoma 2. 2. quest. 143. art. 1. *Quia Temperantia inter virtutes vindicat sibi quemdam decorem, & vitia intemperantia maximè turpitudinem habent*. Vnde ut animus perfectè firmetur in hujus virtutis actu, necesse est ut turpitudinem exprobrationemque refugiat, quod fit per verecundiam, que proinde; ut ait Ambrosius lib. de officiis, cap. 45. *Iacit fundamenta temperantiæ; decorem verò pulchritudinemque spirituales in moderatione corporalium voluptatum, ut si dus quoddam in tenebris, præclariùs fulgentem amet & amplectatur, quod fit per honestatem*.

Partes subjectivæ temperantiæ, seu species ejus, quatuor enumerantur, scilicet Abstinencia, Sobrietas, Castitas & Pudicitia.

Ratio hujus divisionis est ex eodem D. Thoma, quia species alicujus virtutis attenduntur juxta diversitatem formalem materiæ circa quâ versatur. Est autem Temperantia circa illas delectationes sensibiles, quæ ad naturæ conservationem pertinent, quæ dividuntur in duo genera: Quædam enim ordinantur ad conservationem individui per nutrimentum; & in his quantum ad cibum est abstinencia, quantum verò ad potum, sobrietas. Quædam vero ordinantur ad conservationem speciei per generationem, & in his quantum ad principalem actum: est castitas; quantum verò ad quosdam actus præambulos, aut circumstantes, ut sunt oscula, tactus, amplexus, aspectus libidinis incentivi, est pudicitia. De his ut speciatim quippiam dicamus.

Abstinencia est virtus moderatrix cupiditatum voluptatumque, quæ circa esculenta versantur. Ad quam verò mensuram taxetur hic modus in cibis constituendus, luculenter explicat Augustinus lib. de moribus Ecclesiæ cap. 11. his verbis, *Habet vir temperans in hujusmodi rebus vitæ regulam in utroque testamento firmatam; ne eorum nihil diligat, nihil per se appetendum putet; sed ad vitæ hujus, atque officiorum necessitatem quantum satis est usurper utentis modestiam, non amantis affectu.* Eth. 10. Confess. cap. 31. *Hoc me, inquit, docuisti, ut quemadmodum medicamenta, sic alimenta sumpturus accedam.*

Sobrietas est virtus moderatrix affectûs & usûs cujuscunque potûs inebriare valentis. Ad

hanc enim virtutem spectat, non solum valetudini corporis consulere in moderatione talis potus, sed specialiter mentis serenitati præcavere.

Si autem quæras cur sobrietas censeatur specialis virtus ac abstinencia distincta, cum cibus & potus eodem modo delectent ac nutriant? Respondeo cum D. Thoma 2. 2. quæst. 149. art. 1. quia ubi est speciale bonum rationis, ibi specialis constitui debet virtus illius boni custos. Cum igitur potus inebrians speciali modo aliis alimentis minimè communi bonum rationis perturbet, eius organum subvertendo, ideo specialem exigit virtutem, à qua ejus usus temperetur.

Castitas est virtus moderatrix illius concupiscentiæ, quæ est circa actum propagandæ speciei destinatum. Hæc virtus tantò excellentior est ac pulchrior, quantò ille affectus est insolentior, fortior, ac rationis minus audiens. In illa enim ob id præclarius elucet, ordo, vigor, imperiumque rationis supra insanientem appetitum. Dividitur autem in castitatem specialiter dictam & virginitatē. Castitas specialiter dicta est quæ solum coërcet impetum ad delectationes illas illicitas, licitas verò moderatur ut fiant sine modo, tempore, aliisque servandis servatis: Potestque dividi in Iuvenilem, quæ legitimas nuptias expectat, Conjugalem, quæ nuptiis moderatè utitur, & Vidualem, quæ pro illo statu se continet, At verò Virginitas est heroica quædam castitas, ita concupiscentiam domans, ut ne licitarum quidem voluptatum experiētiam voluntariam ei concedat; ut sic abdicatis omnibus carnis illecebris ac delectationibus, curisque ex illis consequentibus, Divinis commodius, libe-

rius, expeditiusque animus vacet. Vnde ad virtutem castitatis tria requiruntur: Primò integritas corporis, omnis voluntariæ delectationis quæ ex actu generationis causatur expers. Secundò propositum mentis ab hac delectatione perpetuò abstinere se eligentis: Tertiò bonus finis, propter quem talis carentia, quæ de se nullam honestatem dicit, eligatur. Vnde Augustinus lib. de Virginit. c. 8. *Nec nos, inquit, hoc in virginibus prædicamus, quod virgines sunt,* (id est fecunditatem omnem abdicant, spontaneamque sterilitatem corporis eligunt) *sed quod Deo dicat a piâ continentia virgines sunt,* id est in finem religionis & divini cultus à nuptiis se abstinere.

Pudicitia est virtus moderatrix quorundam actuum minus principalium ad prædictam concupiscentiam pertinentium, ut sunt oscula, tactus, aspectus, amplexus, sermones lascivi, &c. Non est tamen juxta D. Thomam specialis virtus à castitate distincta, sed solum eandem castitatem exprimens, quatenus versatur circa circumstantias aliquas. Siquidem omnes illi actus libidinosi antecedentes ac concomitantes principaliorem, eadem regulâ, ob eundem finem, ac eodem modo à ratione coërcentur. Dicitur autem pudicitia à pudore, eo quod his actibus, etiam dum licite fiunt, honestus animus maxime verecundetur, tum quod minus rationi subjaceant, tum quod in eis homo ad conditionem buto, tum proximius accedat.

§. II.

De partibus potentialibus Temperantia, seu de virtutibus ei adiunctis.

CVM proprius character virtutis temperantia sit appetitum refrenare ac coërcere, ne prorumpat immoderatè in hæc sensibilia bona in quæ propendet, principalis quidem virtus, quæ nomine *Temperantia* intelligitur, id, quod in hac materia præcipuum est ac difficilimum, sibi moderandum assumit; tanquam proprium objectum, & delectationes scilicet ad individui conservationem & speciei propagationem pertinentes, quarum ad trahendum affectum turbendamque rationem insignis est vehementia: Quæ verò virtutes affectuum nostrorum impetum minùs ex se vehementem coërcent ac moderantur, habentur pro partibus potentialibus temperantia, seu pro virtutibus ei adiunctis.

Hæ verò virtutes adjunctæ tres enumerari possunt, scilicet *Continentia*, *Manluetudo*, *Modestia*. Cujus divisionis ratio est, quod cum temperantia versetur circa difficiliore motus appetitûs retinendos, eæ virtutes tanquam minùs principales ei adjunguntur; quæ moderationem adhibent in aliqua minùs difficili materia, & appetitum prorumpentem in quadam bona minùs efficacia ad ipsum rapiendum, refrænant. Hoc verò tripliciter contingit: Vno modo in ipsis motibus voluntatis commotæ ex impetu passionis; nam propter connexionem voluntas nata est moveri ac sollicitari motibus appetitûs sensitivi: & ad hæc ponitur conti-

uentia, ex qua fit, ut licet homo immoderatas
 passiones patiat, voluntas tamen non vincatur.
 Alio modo in motibus appetitus paulo ve-
 hementioribus ac rationem conturbantibus,
 quales sunt motus iræ, appetitusque vindictæ;
 qui licet non ita diurni, importuni, & ille-
 cebrosi sint ac motus libidinosi, subito ta-
 men impetu rationem obnubilant, volunta-
 temque fortiter impellunt; & pro his mode-
 randis ponitur Mansuetudo. Tertio modo
 hæc refrenatio fieri potest in motibus pacatioribus,
 ac rationi vicinioribus, quales sunt
 amor excellentiæ, gestus corporis, &c. &
 pro his ponitur Modestia, quæ hîc paulo ge-
 neralius usurpatur pro moderatione cuiuscum-
 que motus sive interioris sive exterioris, in
 quo & vehementia minor existit, & cum ratio-
 ne major connexio relucet. De his sigillatim
 dicamus.

Continentia hîc sumitur, non generaliter
 pro retractione appetitus ab eo omni, in quod
 immoderatè tendit; nec pro virtute appetitum
 à libidinosi delectationibus coercente, quo
 pacto concidit cum castitate; sed specialiter
 pro habitu residente in voluntate, eamque ad-
 versus passionum insurgentium impetus ita
 obfirmante, ut quantumvis intumescant, non
 trahatur ab illis in pravum consensum. Hæc
 non censetur perfecta, sed solum dimidiata
 virtus: Quia virtutis est opus perfectum fa-
 cere, quod tamen continentia non facit: Hæc
 enim obfirmat quidem voluntatem contra re-
 bellantes passionum motus, non tamen eos ne
 immoderatè insurgant, coercere sufficit; ideo-
 que non plenè subijcit appetitum rationi, sed
 solum ex duobus principiis quæ concurrunt ad

actum, principalius, scilicet voluntatem, in officio continet; minus principale verò insanire permittit.

Manfuetudo est virtus iræ moderatrix. Verum quia in ira duo sunt, motus iræ, ac vindicta inflicta, hæc virtus duas sub se continet, alteram quæ interiorum iræ motum moderatur, & ad illam redigit mediocritatem, quæ rationi congruit; & hæc retinet nomen commune mansuetudinis, vocaturque præterea *Mittitas* seu *Lenitas*. Alteram verò, quæ externam vindictam seu pœnam ob injuriam infligendam temperat quantum iustitia sinit, vocaturque *Clementia*. Hanc definit Seneca, *Temperantiam animi in potestate ulciscendi, seu, Moderationem aliquid ex pœna debita remittentem. Quod, inquit D. Thomas, 2. 2. q. 157. art. 3. ad 3. provenit ex quadam dulcedine affectûs, quâ quis abhorret omne illud, quod potest alium contristare.*

Modestia, provt hîc paulò latiùs sumitur, definiri potest, Virtus quâ quis in moribus internis & externis, exteriorique apparatu modicum conditioni suæ consonum tenet. Vnde dicitur *modestus*, quasi *modum tenens*, aut *in modo stans*. Dividi autem potest in Humilitatem, Studiositatem, Modestiam morum, Eutrapeliam, & Modestiam cultûs. Hujus divisionis ratio est, quia ea in quibus moderandis mediocris tantum difficultas existit, quæque proinde ponuntur objectum modestiæ, sunt quatuor: Primum est motus animi ad quandam excellentiam; & circa illud ponitur Humilitas, cujus est ita moderari appetitum, ut in affectu amoreque excellentiæ suæ sortem non excedat: Secundum est, desiderium eorum quæ pertinent ad

Quæst. VI. Art. III. *De temper. virt. Sc. 265*
ad cognitionem; & circa illud ponitur studiositas, quæ opponitur curiositati, efficitque ut appetitus moderatè se habeat in discendo: Tertium autem pertinet ad corporales motus & actiones, ut scilicet decenter & honestè fiant, tam in his quæ seriò, quam in his quæ ludo aguntur. Pro seriis ponitur Modestia morum, cujus est debitam gravitatem apponere gestibus, nutibus, aliisque motibus exterioribus; pro ludicris verò ponitur Eutrapelia, cujus est temperatam festivitatem lepiditatemque miscere in ludis, jocis, aliisque quæ relaxandi animi gratia fiunt: Quartum demum pertinet ad exteriorum cultum & apparatus; & circa illud versatur modestia cultus, cujus est in exteriori ornatu modum statuere, ut & fastus vitetur, & decorum tamen observetur.

ARTICULUS IV.

D: fortitudine, virtutibusque sub illa contentis.

Superest ut de fortitudine dicamus, quæ irasibilem appetitum perficit, ac rationi commensurat. Hæc virtus, licet nobis ordinem potentiarum observatibus ultimo reponatur loco, dignitate tamen temperantiam antecedit; quippe cum sit Heroium propria dos, ac precipuum decus, oppressorum opitulatrix publici boni munimentum, virtutum omnium

armigera, *quarum*, inquit Valerius Maximus lib. 3. c. 2. *ponderosissima vis, & efficacissimi la-*
certi in fortitudine consistunt.

Definitur à Cicerone 2. de Invent. *Conside-*
rata periculorum susceptio & laborum perpeſſio,
Vel ut habet 4. Tulcul. *Scientia perferendarum*
verum; seu, Affectio animi in patiendo ac perfe-
rendo summa legi parens sive timore; vel ut idem
ibidem habet ex Chryſippo, *Constitutio stabilis*
judicii, in iis rebus, quae formidolosa videntur,
subeundis & repellendis. Ab Aristotele verò 7.
Ethicorum cap. 9. *Mediocritas inter timorem &*
prudentiam constituta, id est, Virtus quae in
metu & audacia moderandis posita est. Quae
admodum enim temperantiae est appetitûs impe-
tum, quo in bona sensibilia irruit frenare, & ad
mediocritatem reducere; sic proprius fortitudi-
nis caracter est, cum in malis arduis ac periculis
ita confirmare, ut non succumbat, nec à bono
rationis recedat, sed prout recta ratio jubet, se-
se habeat.

Huic virtuti duo actus assignantur, *aggredi* sci-
licet & *sustinere.* Primus admirabilior, splendi-
dior honorabiliorque videtur; sed secundus ut
difficilior sic, praestantior est, & in quo verae ger-
manaeque virtutis opera impensius adhibetur.
Ratio est, quia aggressio iræ audaciaeque stimu-
lis incitatur, & excellentiae cujusdam, quae in hoc
actu relucet, illecebris nutritur, & spe victoriae
confortatur, ne deficiat ab ipso verò periculo
satis reprimatur ne immoderato impetu nimia-
que animositate irruat. At verò in sustinendo
animus his omnibus solatiis subsidiisque destitu-
tus solâ virtutis firmitate, ne succumbat, fulci-
tur; solo boni honesti amore stabilitur, solo ra-

Quæst. VI. Art. IV. De Fortitud. vir. Sc. 267
tionis vigore erigitur. Adde præterea quod ag-
gressio fit repentino impetu, respicitque malum
absens; perperissio verò durabili conatu cum præ-
sente malo luctatur.

Quantùm ad partes fortitudinis, nullæ subie-
ctivæ illi assignantur, sed ipsa censetur species
atoma, eo quod circa materiam admodum spe-
cialem versetur, id est, circa mortis pericula ad-
eunda maximosque dolores sustinendos. Partes
verò quasi integrales quatuor habet, scilicet Ma-
gnanimitatem, Magnificentiam, Patientiam &
Perseverantiam. Cum enim duos actus habeat,
scilicet aggredi animosè, & constanter sustine-
re, ut primus integrè perfectèque fiat, duo re-
quiruntur, scilicet magnitudo quædam animi,
quam præstat Magnanimitas, & magnorum ex-
terna executio, quæ pertinet ad Magnificentiam.
Ut verò mala perfectè sustineantur, duo etiam
concurrere debent: Primò ut animus magnitu-
dine mali non frangatur; & hoc pertinet ad Pa-
tientiam: Secundò ut diuturnitate ejusdem mali
non fatigetur; & hoc pertinet ad Perseverantiam.

Porro eadem virtutes prædictæ, quæ dum at-
tingunt materiam fortitudini propriam, versan-
turque circa gravissima pericula, habentur quasi
partes integrales fortitudinis, inquantum versan-
tur circa pericula minoris momenti, sunt distin-
ctæ virtutes, fortitudini adjectæ tanquam par-
tes ejus potentiales. Vnde ut de illis quidpiam
speciatim dicamus.

Magnanimitas, ut ex ipsa voce patet, est quæ-
dam animi magnitudo, & quasi dilatatio, seu ex-
tensio ad magna & ardua; ideoque definiiri po-
test. Virtus inclinans ad magna & heroica in om-
ni genere virtutum. Vnde idem obiectum, quod

ut bonum ad specialem virtutem attinet, sub ratione magni, ardui, sublimisque ad magnanimitatem trahi potest. Imò quia honorabilia quaecunque ad virtutem attinent, ideo non in solis virtutibus, sed in aliis honorabilibus rebus, quæ vel virtutis materia esse possunt, ut dignitates ac functiones; vel ejusdem virtutis quadantenus præmia sunt, ut honor, fama, gloria, &c. magnitudinem convenientem operari pertinet ad magnanimitatem.

Hujus verò virtutis characteres & munia cum præclare describat Aristoteles 4. Ethicorum cap. 7. & 8. non abs re fuerit quædam ex illo hic apponere. Primus ergo magnanimi character est, *Dignum se magnis existimare*, supposito tamen merito, alioquin, ut observat Aristoteles, non magnanimitas erit, sed stoliditas. Secundus, *Magnis honoribus, & qui à viris probis deferuntur, moderatè delectari: illos verò qui à vulgo, & ob res parvas deferuntur, contemnere*: quippe cum sint infra ejus meritum. Tertius, *In prosperis & adversis æquanimem ac moderatum se præbere*: Magnanimus enim de celsitudine animi sui utriusque fortunæ vicissitudines, tanquam de cælo nubes, despicit, pro indeque illis non movetur. Quartus est, *Queribundum ac supplicem non esse*: Hoc enim dejecti oppressitque indicium est. Quintus, *Accepta beneficia cumulatiùs reddere*: Nam magnanimus dare mavult quàm accipere, quia illud melius majusque est. Sextus, *Vix quemquam rogare*: Tam quia paucis eget, eaque quæ ab hominibus dari possunt, non magni facit: Tum quia non vult aliis debere. Septimus, *Ad magnos magnum se præbere; erga mediocres verò*

Quæst. VI. Art. IV. De fortitud. vir. &c. 269
moderatum, ut Deum scilicet imitetur, qui hu-
milia respicit, & alta à longè cognoscit. Octa-
vus est, in amore & odio, dictis & factis apertum
esse: Timentis enim est & de claritate honesta-
teque illorum quæ agit diffidentis, latere velle.
Nonus est, Non meminisse malorum & injuria-
rum. Quippe inquit Aristoteles, Viri magnanimi
non est memorem esse, præsertim verò malorum,
sed ea potius pro nihilo putare. Decimus est,
Non multis se ingerere, sed cessatorem & cun-
ctatorem esse nisi ubi de magnis agitur: Magna-
nimus enim studet magnis, quæ rata sunt. Unde-
cimus, Non facile admirari; enim ei magnum
est. Duodecimus, Motum tardum habere, vocem
gravem, orationem stabilem ac sedatam. Neque
enim, inquit Aristoteles, festinare solet is, qui
paucis rebus studet, neque vehementer conten-
dit, cui nihil magnum esse videtur; propter hæc
causas autem & vox acuta, & color ingressus
esse solet.

Si verò quæras, quâ ratione stare possint hæc
omnia cum virtute humilitatis, cui è diametro
videntur oppo. ii? Respondeo ex D. Thoma 2. 2.
q. 129. a. 5. Quod in homine invenitur aliquid
magnum quod ex dono Dei possidet, & aliquis
defectus qui competit ei ex infirmitate natura.
Magnanimitas ergo facit, quod homo se magnis
significet, secundum considerationem donorum,
quæ possidet ex Deo. Sicut si habet magnam vir-
tutem animi, magnanimitas facit quod ad per-
fecta virtutis opera tendat. Et similiter di-
cendum de usu cuiuslibet alterius doni, puta
scientiæ, vel exterioris fortune. Humilitas au-
tem facit quod homo seipsum parvi pendat
secundum considerationem propriis defectus.

Similiter magnanimitas contemnit alios secundum quod deficiunt à donis Dei: non enim tantum eos appetitur, quod pro eis aliquid indecens faciat. Sed humilitas alios honorat, & superiores aestimat, in quantum in eis aliquid inspicit de donis Dei. Ex quo concludit, quod magnanimitas & humilitas non sunt contraria, quamvis in contraria tendere videantur, quia procedunt secundum diversam considerationem.

Ex hac S. Thomæ doctrina haberi potest has duas virtutes, Magnanimitatem & Humilitatem, etsi è diametro opponi videantur, mirum in modum tamen consentire, haberique posse ut duos polos quibus vita præclara & optima verti debet. Nempe dum recogitamus, quam ex nobis nihil sumus, quamque nihil nobis debeatur, innasci debet affectus quidam modestus, ex quo ut ex fonte quodam effunditur moderatio in omnia vitæ officia, quo de manu Dei læti & grati suscipimus etiam minima beneficia, quo leviter & placidè subtractionem eorum ferimus, quo sorte nostrâ contenti vivimus, quo ferocientem arrogantiam radicitus extirpamus. Sed rursus cum in mentem venit ad quam magna nos vocaverit Deus, quam capacem & amplum animum nobis indiderit, quam modica sint hæc peritura comparatione bonorum æternorum ad quæ geniti sumus, emergit alius quidam excelsus ac splendidus affectus, ex quo ut proprio fonte effunditur quidquid germanæ magnitudinis splendet in actionibus, quo humana despiciamus, ad ampla & illustria erigimur, fervilis abiectique animi labem expungimus, in omnibus nos Deo Patre dignos Filios exhibere conamur.

Magnificentia, ut ipsum nomen sonat, est ma-

X

Quæst. VI. Art. IV. De fortitud. virt. & c. 272
gnarum rerum factiva. Vnde differt à magnanimitate, quod ista quidem animum ita obfirmet ut tendat constanter ad ardua & sublimia, illa verò ipsum roboret in executione magnarum rerum. Cicero eam definit lib 2. de Invent. *Rerum magnarum & excelzarum cum animi ampla quadam & splendida propositioe cogitatio, atque (quod ei principalius competit) administratio.* Porrò cum res illæ exteriores splendide ac magnæ sine magnis sumptibus constare nequeant, magnificentia versatur circa magnos sumptus, roboratque animum ne metu impensarum in executione deficiat.

Patientiam definit Cicero *Honestatis aut utilitatis causâ rerum arduarum ac difficilium voluntaria & diuturna perpassio.* Hujus enim virtutis munus est sic obfirmare animum, ut in rebus molestis perpetuandis non succumbat nec nimium deiiciatur, aut à bono rationis recedat. Verum cum dilatio magni boni affligat animum, eique molesta sit, expectatio quoque bonorum futurorum ad patientiam attinet, quæ ob id etiam longanimitas nuncupatur.

Perseverantia definitur, *In ratione bene considerata stabilis & perpetua permansio.* Cum enim animus non solum gravitate molestiarum frangatur, sed etiam diuturnitate cujuscuque ardui fatigetur, præcipuè quia & ipse instabilis est ac vicissitudinis amans, eget quadam virtute quâ roboretur ac stabiliatur in arduis diuturnis. & hæc est perseverantia.

ARTICULUS V.

De connexione virtutum.

Primates illæ quatuor virtutes, quæ à nobis singulis articulis explicatæ sunt, aliquando sumantur ac Authoribus pro quibusdam generalibus conditionibus ad quodcumque perfectum virtutis opus cõcurrentibus, ita ut discretio pertineat ad prudentiam, rectitudo ad justitiã, moderatio ad temperantiam, firmitas animi ad fortitudinem. Et in hoc sensu manifestum est, illas virtutes esse connexas, tum quia perfectum virtutis opus debet esse discretum, rectum, moderatum & stabile: tum etiam quia firmitas animi non habet laudem, rationemque virtutis, si sit sine moderatione, rectitudine, & discretione. Et eadem ratio est de aliis. Sed præterea ædem virtutes sumi solent magis propriè pro specialibus habitus, quorum quilibet sibi propriam vindicat objectum, circa quod affectum rectificet. De virtutibus illis hoc modo sumptis egimus precedentibus articulis, & nunc de iisdem quaeritur utrum sit coanexas, ita ut una sine altera non possit haberi.

Sed observandum quod virtus in duplici statu haberi potest, perfecto scilicet, & imperfecto. Virtus in statu imperfecto dicit aliquam inclinationem in nobis existentem ad opus aliquod de genere bonorum faciendum, sive talis inclinatio sit à natura, sive ex assuetudine: sed quæ in-

clinatio sit vel dabilis & crebris obnoxia tentationibus; vel fortis quidem, sed per prudentiam, quæ est virtutum moralium anima, non satis regulata. Exemplum primi est in eo, qui incipit virtutem colere; Talis enim post unum, aut alterum actum, sentit quidem in se inchoari virtutis habitum, sed qui adhuc tener est, & ad plenæ virtutis maturitatem non attingit. Exemplum secundi est in eo, qui vel naturali pronitate, vel longâ assuetudine in bono cujusdam virtutis solidatus, prudentiæ discretionem hunc affectum non regit: Id videre est in Paulo nondum à Christo vocato, qui Mosaicæ legis observationibus bonis & piis imbutus, summo religionis zelo eas propugnabat, & bene: postea verò propalato Evangelio culpabilis ignorantia tenebris involutus, amisso prudentiæ regimine, laudabilem zelum in perniciosum furorem commutavit. Virtus in statu perfecto est, quæ utraque istâ dote præstat, perfectâ scilicet subiectione ad prudentiam, & stabili firmitate contra omnes tentationes; seu, ut definit D. Thomas, *quæ inclinatur in bonum opus bene agendum.* His prænotatis pro resolutione difficultatis.

Dico: Virtutes morales in statu quidem imperfecto non conectuntur invicem; bene tamen in statu perfecto.

Prima pars conceditur ab omnibus, & manifestè patet. Videmus enim etiam in hominibus perfectissimis aliquod imperfectæ virtutis vestigium relucere; eumque qui iniustus est, aliquando temperarum se præbere in voluntatibus, vel fortem in periculis.

Secunda verò & præcipua pars receptissima semper doctrina fuit, tum apud Patres Ecclesiæ, tum apud antiquos Philosophos, licet eam Scotus negaverit. Probari autem potest primò auctoritate : Tum D. Ambrosii super Lucam c. 6. *Connexa, inquit sibi sunt, concatenatæque virtutes, ita ut qui unam habeat, plures habere videatur*, Tum August. 5. de Trinit. cap. 4. *Virtutes, inquit, quæ sunt in anima humana, nullo modo separantur ab invicem*. Tum Greg. 21. Mor. dicentis, *Quòd una virtus sine aliis aut omnino nulla est, aut imperfecta*. Vnde Cicero 2. Tuscul. *Si unam, inquit, virtutem confessus ex te non habere, nullam necesse est te habiturum*.

Probatur prætereà ratione D. Thomæ 1. 2. q. 65. art. 1. *Perfecta virtus esse nequit sine perfecta prudentia : Se perfecta prudentia secum importat omnes virtutes morales; ergo virtutes morales invicem ita connexæ sunt, ut una sine omnibus perfectè haberi non possit*. Maior patet : Nam prudentia est regula virtutis moralis, quæ dicitur, *Habitus electivus prout prudentia dicitur*, quæ proinde remotà omnis bona inclinatio imperfecta est ut patet in zelo Pauli ante conversionem, in generositate Alexandri, in constantia quorundam Hæreticorum. Minor verò probatur : principium, quo fundamentaliter nititur perfecta prudentia est appetitus perfectè reificatus circa fines : Sed appetitus non potest esse perfectè reificatus circa fines, nisi adsint omnes virtutes morales ; ergo nec perfectam fundare prudentiam. Minor patet : Nam omnes virtutes concurunt ad integram

appetitus rectitudinem, qui proinde claudicat si unica deficiat. Major verò declaratur: Prudentia enim, ut supra dictum fuit, est recta ratio agibilium: Atqui ratio non potest esse recta circa agibilia, nisi appetitus sit rectè affectus circa fines; ergo prudentia fundamentaliter nititur appetitu perfectè rectificato circa fines. Declaratur minor: Quia agibilia seu eligibilia dependent ab intentione finis, sicut in speculativis conclusiones dependent à principiis; nam sicut adhæremus conclusionibus propter principia, ita & eligimus agibilia propter intentionem finis, ergo sicut ratio non potest rectè se habere circa conclusiones, nisi intellectus bene se habeat circa principia, ita & in practicis eadem ratio recta esse non potest circa agibilia per prudentiam, nisi appetitus bene se habeat circa fines per alias virtutes, quæ rectificant eius intentionem, quælibet circa proprium bonum.

Responderi potest cum Scoto prudentiam non esse unicum habitum, sed plures partiales: Vnde potest esse prudentia particularis perfecta circa castitatem sine prudentia circa materiam iustitiæ.

Sed contra: Nam (præterquam quod falsum est habitum prudentiæ multiplicari, iuxta multiplicationem materiæ aliarum virtutum) quælibet virtus perfecta necessariò exigit prudentiam fundatam in appetitu circa omnem materiam moralem rectificato; ergo nulla responsio. Probatur antecedens: Iudicium enim prudentiale circa materiam cuiuscumque virtutis potest corrumpi à quocumque pravo affectu; ergo

ut tale iudicium sit perfectum, virtusque per ipsum regulata censeatur perfecta, debet supponere appetitum omni ex parte rectum. Consequentia patet: Nam perfecta virtus debet excludere omne corruptivum, & regulari per iudicium perfectum, Antecedens verò probatur, tum ratione, tum inductione. Ratione quidem Quia materiae morales sunt ita inter se connexae, ut frequentissimè invicem concurrant, defectusque unius redundet in aliam: Inductione verò; sic enim videmus mitem ex libidine fieri crudelem; ut David mitissimus ob amorem Bethsabet maritum eius neci exposuit: Sic quotidie iudex circa iustitiam bene effectus, sed pecuniarum avidus, à recto iudicio muneribus deturbatur; unde munera dicuntur excæcare oculos sapientum: Sic mulier pudica, sed ambitiosa, metu infamiae potest effici adultera, patet in Lucretia, quæ, teste Livio, mortis metu non fracta, timore infamiae victa consensit adulterio: Sic fortis, sed voluptuosus, potest emolliiri voluptatum illecebris, ut patet in Annibale, quem non Romana virtus, sed Campana deliciae fregerunt. Et apud Poetas Hercules ipse Omphalæ Lydiorum reginæ amore captus fertur eius iussu lanificio dedisse operam, & qui mundi terror fuerat, istius mulierculæ indignationem formidasset. Ergo ut prudentia sufficiat ad perfectè regulandam quamlibet virtutem, det fundari in appetitu omni ex parte recto, & contra cuiuslibet vitii impugnationes obfirmato; sicut urbs, ut si perfectè securata, debet claudi muris nulla ex parte hostibus apertis.

Objicies primò ; Impossibile est , ut homini occurrant objecta omnium virtutum; ergo impossibile est , ut omnes acquirat ; proindeque si connexæ sunt , nullam perfectè habere potest. Probatur antecedens in paupere cui non occurrit objectum liberalitatis & magnificentiæ : In felice, cui nullum paciëntiæ objectum sese offert : In innocente , cui pœnitentiæ materia non superpetit , &c.

Respondeo cum D. Thoma materiam præcipuarum virtutum & omni statu communium facile nobis occurrere: imò sæpe in unico negotio virtutum principalium objecta conglobari possunt. Quantum verò ad illas virtutes , quarum materia non occurrit nisi in certo statu vel sufficiunt actus conditionati ad eas, quantum necesse est ut cætera perfectæ sint; acquirendas vel certè ad id satis est ipsa dispositio subiecti , quatenus aliquis in omni materia virtutum proprio statui congruentium versatus, modico exercitio alias excellentiori statui convenientes acquireret, si ad illum statum transferretur, (illud enim habere videmur , quod in promptu est, ut habeamus;) vel demum si tales virtutes statui alicujus repugnent , ut virginitas conjugato innocentie lapsu, &c. hæc non intelliguntur cum aliis formaliter connexæ.

Instabis : Potest homo unam virtutem studiosè colere , v.g. castitatem ergo eam perfectè acquireret sine aliis.

Respondeo illam virtutem tandiu imperfectam fore , quandiu de erunt aliæ , propter rationem jam dictam ; quia scilicet poterit corrumpi per tentationes aliorum vitiorum: Vt pa-

ret in muliere casta, sed avara, quæ à castitatis bono pecuniæ aviditate retrahi potest.

Urgebis ; Ergo virtutes debent simul acquiri.

Respondeo simul acquiri, non quantum ad substantiam, sed quantum ad statum: In quantum scilicet appetitus circa cæteras bene affectus, dum circa ultimam rectè disponitur, in aliis ex consequenti perficitur ; sicut urbs muris optimis clausa, sed ex una parte aperta, fit perfectè securus, dum ille aditus occluditur.

Objicies secundò : Sequeretur ex illa sententia prudentiam simul esse priorem & posteriorem omnibus aliis virtutibus : Atqui hoc dici non potest ; ergo. Probaturs sequela : Nam virtus perfecta supponeret prudentiam perfectam, & prudentia perfecta supponeret alias virtutes perfectas.

Respondeo, Prudentiam actualem, seu, ut loquitur Caietanus, *in fieri*, præcedere omnes alios habitus virtuosos ; habitum verò prudentiæ seu *prudentiam in facto esse* præcedi ab aliis habitibus virtuosis. Nam ex naturali lumine synderesis, & innato amore honestatis, formatur prudentiale iudicium, quo regulantur actus appetitus, à quibus generantur virtutes morales. Deinde verò postquam appetitus habitualiter rectificatus est, fit capax fundandæ prudentiæ perfectæ, cuius proinde habitus ultimus omnium perficitur.

Objicies tertio : Nec scientiæ, nec artes, nec vitia sunt connexa ; ergo nec virtutes morales.

Respondeo negando paritatem : Vitia enim sunt defectus rationis, defectus autem non sunt

Quaest. VI. Art. V. De connex. virtutum. 279
connexi, sed plerumque inter se oppositi, ut
patet in avaritia, & prodigalitate. Scientiæ verò
& artes sunt circa materias disparatas, & in una
simplici mensura non conjunctas, ideoque sepa-
ratim haberi possunt.

Sed de virtutibus, ac de morali doctrina, qua-
tenus lumine naturali constare potest hactenus
satis: Nunc pergendum ad ultimam Philosophiæ
nostræ partem.

FINIS MORALIS.




QVARTA PARS
 PHILOSOPHIÆ,
 METAPHYSICA.
 PRÆFATIO.

S EQUIT methodum à D. Thoma
 & Aristotele commendatam, hanc
 Philosophiæ partem ultimo loco
 tradendam reservavimus; tum
 quia totius Philosophiæ culmen & apex est, ad
 quam proinde homo ritè non ascendit, nisi aliis
 partibus emèsis: Tum quia in illa quadantenus
 consistit huius vitæ felicitas naturalis, cum Deû
 contempletur; felicitas autem, cum sit omnium
 finis, ultima obtinetur; Tum demum quia hæc
 sciëntia respicit obiectum abstractissimum, proin-
 deque ultimo loco contemplandum. Cùm enim
 omnis scientia respiciat aliquod ens tãquã pro-
 prium obiectum, cetera quidem occupantur circa
 etiã magis particularia, Metaphysica verò subli-
 miori volatu respicit ens in tota sua latitudine
 id est, rationes omni etiã, sive creato, sive increato
 sive materialis, sive spirituali communes. Unde
 vocatur Metaphysica, id est, transnaturalis, co-

quod non intra natura & motus limiter se continet, ut Physica, sed habeat obiectum transcendens sensibiles mutationes & materiam, scilicet Ens in cōmuni. Cū verò ens principaliter dicatur de ente reali, & secundariò tantum de ente rationis, quod est veluti umbra entis realis, Metaphysica respicit quidem ens reale ut obiectum proprium, secundariò tamen se extendit etiam ad ens rationis.

Hanc autē Philosophia partem, licet vastissimam, concludemus intra limites satis angustos, id est, intra sex quæstiones. Prima erit de ente secundum se: Secunda de proprietatibus entis, scilicet Vno, Vero, Boni: Tertia de substantiis spiritualibus, scilicet Deo, de Angelis, & de anima separata: Quarta de concursu Dei cum causis secundis: Quinta de accidentibus spiritualibus, præcipuè de scientia: Sexta demum de umbra entis realis scilicet ente rationis. Ratio huius brevitatis est, quia quæ fusuus in hac Philosophia parte tractari possent, partim Logica præoccupavit, partim in diversis universa Philosophia locis explicata sunt, partim etiam Theologia reservantur.



QVÆSTIO PRIMA,

De Ente secundum se.

CIRCA in communi considerari potest, Primò quid, & quotuplex sit: Secundò quomodo inferiora respiciat, an univoce, vel analogicè: Tertio quomodo componatur ex essentia & existentia: Quarto demum quid sit substantia; suppositum & persona. Unde hanc quæstionem dividimus in quatuor articulos, Primus erit de quidditate, & variis divisionibus entis: Secundus de univocatione vel analogia entis respectu inferiorum: Tertius an essentia & existentia distinguantur in ente creato: Quartus demum de substantia, supposito & persona.

ARTICVLVS PRIMVS.

Quid & quotuplex sit Ens, & quomodo sit primum cognitum.

CVM primum principium cuiuslibet scientiae sit definitio eius obiecti, statim in limine Metaphysicae quaeritur, quid sit ens. Haec quaestio non est admodum obscura, quia nihil est notius ente in comamuni, quamvis subtiliores disputationes, quas circa ipsum docti movent sint difficillimae. Per ens igitur omnes intelligunt *id quod est*, ens enim dicitur ab *esse*. Vnde D. Thomas in ipsum definit, *Cuius actus est esse*: Quippe unū quodque eo modo dicitur ens, quo habet *esse*: si solum habeat possibiliter, est ens possibile; si actu, est ens actuale. Hac descriptione entis praesupposita facile deduci possunt variae illius divisiones. Vnde

Dividitur primò ens in ens reale, & ens rationis. Eorum enim quae sunt, alia existunt in rerum natura, ut homo & lapis; & haec dicuntur *entia realia*: alia verò sunt tantum in apprehensione intellectus; & haec dicuntur *entia rationis*, ut syllogismus, & propositio.

Dividitur secundò ens reale in increatum, & creatum, seu in Creatorem, & Creaturam. Eorum enim quae sunt in rerum natura, quaedam sunt ab alio, ut homo & planta, & generaliter omne quod non est à seipso. Cum verò impossibile sit omnia esse ab alio, necessariò devenien-

dum est ad aliquid quod sit per se & à se ipso eiusmodi ens vocatur, *Deus*, qui cum cæteris omnibus det *esse*, à nullo ipsum recipit, sed à se ipso habet, imò est ipsum *esse*, Vnde dicitur, *ens per essentiam*, cum creaturæ solùm dicantur *entia per participationem*: sicuti lux est visibilis per se ipsam, cum colores sint solùm visibiles inquantum participant de luce.

Tertio, Ens creatum dividitur in substantiam & accidens. Eorum enim, quæ participant *esse*, & à Deo producta sunt, quædam habent *esse* in seipsis, ut homo & lapis: quædam vero habent *esse* in alio, ut virtus & pulchritudo. Quæ habent *esse* in seipsis vocantur *substantia*, quæ habent *esse* in seipsis ^{aliis} vocantur *accidentia*. Hæc verò accidentia dividuntur in novem prædicamenta, de quibus egimus in Logica.

Quarto, Ens reale dividitur in ens necessarium, & ens contingens. Eorum enim, quæ habent *esse* quædam ita sunt, ut non possint non esse: Hæc dicuntur *necessaria*. Quædam verò ita habent *esse* ut tamen possint ipsum perdere: ista dicuntur *contingentia*. Quia verò omnis creatura, saltem per voluntatem Dei, potest annihilari, & amittere suum *esse*, ideo omnis creatura est contingens absolute loquendo, & solus Deus est ens necessarium. Attamen cum Deus sit optimus, suæque dona communicet sine pœnitentia, ut ait Apostolus, ideo etiam opera divina, quantum est ex parte Dei, sunt æterna. Vnde inter creaturas etiam quædam possunt dici *necessaria*, inquantum à solo Deo dependent, qui eas indefectibiliter conservat; eiusmodi sunt angeli & anima rationalis, & demùm quidquid à Deo immediate conservatur.

Quaest. I. Art. I. *Quid & quotupl. sit ens, &c.* 285

Quintò, Ens reale dividitur in spirituale & materiale. Eorum enim quæ sunt, quædam habent *esse* in materia, ut terra & planta; quædam verò habent *esse* sine ullo materiæ commercio, ut Deus, & Angeli, Anima rationalis mediat inter utraque; duos enim status habet, alterum in materia, alterum sine materia. Hæc sunt frequentiores Entis divisiones, ad quas alia revocari possunt.

Quantum ad tituli partem alteram, ens in tantum dicitur primum cognitum, in quantum prima notio, quam intellectus format de qualibet re ipsa notio entis, seu quod talis res ut ens. Ut enim arguit D. Thomas 1. part. quaest. 85. art. 3. intellectus nolter cognoscendo procedit de potentia ad actum, ideoque debet incipere à communioribus, confusioribus, & imperfectissimis, procedendo ad distinctiores & perfectiores notiones, ut dicitur 1. Phys. text. 3. Sed notio entis est omnium confusissima & imperfectissima (cognoscere enim quod res sit ens, & adhuc ignorare, quale sit ens, est rudis & confusissima cognitio;) ergo cognitio entis est prima, quæ sit in intellectu.

Id confirmari potest ex eo quod omnis alia cognitio supponat notionem entis; nam impossibile est intelligere rem esse tale, vel tale ens, nisi intelligamus eam esse ens; ergo notio entis est omnium prima. Adde experientiam, qua sentimus nos de omnibus rebus, quas aliquo modo cognoscimus, statim certos esse, quod sint entia; sed sæpe ignorare, qualia sint entia: ut omnes certi sunt lucem esse ens, sed quidam dubitant, utrum sit substantia, vel accidens; ergo cognitio entis præcedit omnes alias.

Hic tamen diligenter observandum est, nos posse habere duplicem entis notitiam; alteram scientificam, penetrando scilicet ipsa entis principia, divisiones, proprietates, & distinctionem à formalitatibus particularium entium, alteram imperfectam & rudem, quâ solum intelligimus ipsam entitatem confuse, & ut distinctam à nihilo. Dum ergo D. Thomas dicit ens esse primum à nobis cognitum, loquitur de cognitione illa rudi & imperfecta, quâ omnes etiam maximè rudes intelligunt quid sit ens, ipsamque distinguunt à non ente. Cæterùm prima illa cognitio scientifica entis non pertinet nisi ad sapientes, unde in illa occupatur Metaphysica omnium scientiarum sublimissima. Et in hoc sensu dixit Aristot. 1. Metaph. *Universalis esse maximè difficilia ad intelligendum*; id est, notione scientifica & principiorum, causarum, proprietatumque penetrativa.

ARTICVLVS II.

Vtrum ens sit univocum, vel potius analogum respectu suorum inferiorum.

Diximus in Logica, Univoca esse, quorum nomen commune est, & ratio per nomen significata est simpliciter in omnibus eadem: Analoga verò, quorum nomen quidem est commune, sed ratio per nomen significata non est simpliciter eadem in omnibus, sed solum secundum, quid est, per quandam veluti pro-

Qu. I. Art. II. *Quid & quotupl. sit ens, &c.* 287
portionem. Hoc posito quaeritur, utrum ens sit
univocum ad sua inferiora, vel potius duntaxat
analogum.

Et in primis, quod non sit univocum ad ens
rationis, & ens reale, constat ferè apud omnes;
quia ens rationis nō habet nisi aliquod *esse* um-
bratile & diminutum. Solū difficultas est res-
pectu Dei & creaturarum; substantiæ, & acci-
dentis Scotus tenet ~~ea~~ esse univocum, at hæc
omnia negat D. Thomas & communiter alii,
etiam extra D. Thomæ scholam.

Dico primò: Ens non dicitur univocè de Deo
& creaturis, sed solū analogicè. Ita D. Tho-
mas 1. part. quaest. 13. art. 5. & infinitis aliis
in locis.

Probatum primò conclusio eius ratione: Effe-
ctus non adæquans virtutem suæ causæ: nō cō-
venit univocè cum illa: Sed ens creatum est ef-
fectus entis increati non adæquans eius virtutē
ergo non convenit cum eo univocè. Maior cer-
ta est: Cū enim effectus non adæquat virtutē;
suæ causæ, non recipit eius similitudinem, nisi
diversimodè, & secundū modum longè in-
feriorem, quod est contra leges univoco-
rum, quæ debent eodem modo participare
rationem communem, in qua sunt univoca:
Minor verò probatur: Virtus Dei est infinita,
ens verò creatum est finitum secundū omnes
formalitates; ergo non adæquat virtutem suæ
causæ.

Respondebis, ex eo quod ens creatum non
adæquet virtutem suæ causæ, scilicet entis in-
creati, solū sequi creaturam non convenire
cum Creatore secundū rationes particulares;

attamen posse nihilominus convenire secundum universalissimam entis rationem.

Sed contra, Creatura non adæquat suam causam etiam in ipsa ratione entis; ergo etiam secundum rationem entis non conveniunt univocè. Probatur antecedens: Umbra, & imperfecta participatio, levissimumque vestigium essendi non adæquat totam entis plenitudinem & veritatem, etiam in essendo: Sed ens creatum comparatum enti divino non est nisi aliqua huius verissimi entis umbra, imperfecta participatio verissimi entis umbra, imperfecta participatio, & aliquale vestigium; ergo ipsi non adæquatur, etiam secundum rationem entis. Maior videtur certa ex terminis, Minor verò sæpe inculcatur à Scriptura Patribus & Theologis, imò ipsis antiquis philosophis. Nam Plato, ut refert Augustinus lib. 8. de Civit. cap. 12. dicit, *solum Deum esse simpliciter, eo quod omnes perfectiones contineat*: Et Dionysius, creaturam quidem existere, sed Deum superexistere: Imò in scriptura Deus dicitur *ipsum ens* Exodi 3. *Ego sum qui sum*: At verò creatura coram Deo dicitur *non ens*: Quod pereleganter ponderans. Isaias c. 40. *Omnes gentes, inquit, quasi non sunt sic sunt coram eo, & quasi nihilum & inane reputatae sunt ei*: Ergo creatura respectu Dei non est nisi umbra, tenuis participatio, & leve vestigium entis increati.

Probatur secundo alia D. Thomæ ratione: Quidquid prædicatur de aliquibus secundum idem nomen, & non secundum eandem rationem, non prædicatur de illis univocè: Sed ens, licet prædicetur de Deo & creaturis secundum idem nomen, non tamen prædicatur secundum eandem

Quæst. I. Art. II. *Utrum ens sit univocum.* 28
Eandem rationem ; ergo non prædicatur de illis
univocè probatur minor : Nam ratio entis de-
sumitur ab *esse* : Atqui *esse* non convenit eodem
modo Deo & creaturis ; ergo etiam ratio entis
non predicatur de Deo eodem modo ac de crea-
turis. Declaratur minor : Nam modus essendi
Dei est , ut sit ipsum *esse* purissimum , irrecep-
tum , infinitum , à se ipso , immensum , ater-
num , independens , in sua simplicitate omnes
perfectiones essentialiter importans : Modus ve-
rò essendi creaturæ est , ut sit per existentiam à
sua essentia distinctam , sitque ens per participa-
tionem ; limitationem , dependentiam & per
infinitarum perfectionum exclusionem ac nega-
tionem ; ita ut , sicut optimè notat Plato , Deus
sit tantum *esse* nihil habens de non *esse* , etiam
annotavit D. Thomas c. 5. de eute & essentia. At
verò creatura plus habeat de non *esse* , quàm de
esse , fuit enim nihil per totam aternitatem , &
dum existit , constat ex infinitis non *esse* , ut homo
habet quidem *esse* humanum , sed habet infinita
non *esse* , ut non esse , Angelum , non esse solem ,
non esse cælum , &c. Unde creatura (si nomen su-
matur à principaliori) deberet potius dici non
ens , quam ens : ideoque merito Propheta supra re-
latus dicit creaturas esse *quasi non sint* , & *quasi*
nihilum & inane , Deus verò solus , ut supra no-
tatum est , dicitur propriè *ens ego sum qui sum* . seu
ut vertunt Septuaginta , *ego sum ipse ens* *ἐγώ*
εἰμι ὄν . Ergo Deus & creatura non habent *esse*
eodem modo , sed longè diverso .

Dices : Non est contra leges univocatio-
nis , ut gradus communis participetur diversi-
modè : nam animal longè diverso modo est
in homine , ac in verme , aut in alio bruto à
Philos. R. P. G. Pars IV. N

est enim in homine cum dote rationalitatis, in bruto verò sine tali dote, & in verme cum infinitis imperfectionibus.

Respondeo quod licet diversitas, quæ non refunditur in ipsam rationem communem sed solum attenditur secundum differentias adventitias, non tollat univocationem; attamen diversitas, quæ attenditur secundum rationem communem penitus tollit univocationem. Cum igitur homo & vermis non differant in ratione communi animalis, quippe cum eodem modo sentiant, totumque discrimen sit penes differentias addititias rationi communi, nihil mirum rationem communem manere in illis univocam. At verò Deus & creatura non solum differunt per differentias adventitias rationi entis, sed etiam in ipsa ratione entis, quæ est in illis diversa, in quantum in Deo reperitur per essentialitatem & secundum veritatem, in creatura verò non nisi per participationem & umbraticè; illèque dicitur propriè *ens*, quia est ipsum *esse* subsistens; illa verò diminutè, quia solum participat *esse*.

Probatum tertiò alia ratione: Illa non conveniunt univocè in aliqua ratione, quorum unum participat talem rationem cum essentiali dependentia ab alio: sed creature participant rationem entis cum essentiali dependentia à Deo; ergo non conveniunt univocè cum illo in ratione entis. Minor certa est: Nam entitatis creature est essentialiter participatio divinæ entitatis, à qua dependet, ut à sua origine, suoque exemplari. Major verò declaratur: ut enim de ratione univocorum est, ut ratio communis æqualiter descendat ad omnia particularia; ergo contra

Quæst. I. Art. II. *Utrum ens sit univocum.* 291
rationem eorum est, ut essentialiter unum dependen-
deat ab alio : hoc ipso enim quod in sua essen-
tia includit hanc dependentiam, quam aliud non
includit, non se habet eodem essentiali modo ad
rationem communem.

Confirmatur ex D. Thoma : Si ens esset uni-
vocum ad Deum & creaturam, esset genus ad
utrumque quod est expressè contra Aristotelem,
siquidem verè esset natura communis Deo &
creaturis, quæ contraheretur per finitatem & in-
finitatem tanquam per differentias. Adde etiam
quod plus distat Deus à creaturis, quàm creatu-
ræ distent ab invicem : Sed propter distantiam
unius creaturæ ab alia, tollitur univocatio, v. g.
inter hominem verum, & hominem pictum; er-
go inter Deum & creaturam non datur uni-
vocatio.

Ex his infertur cum D. Thoma 1. part. quæst.
13. art. 5. nihil esse univocum Deo, & creaturis:
Quia eadem rationes, quæ probant rationem
entis non esse univocam Deo & creaturis, idem
suadent de aliis perfectionibus. Unde quidquid
dicitur de Deo & creaturis, ut Sapientia, Justi-
tia, Prudentia, &c. longè alio superiori mo-
do convenit altissimæ illi entitati ac conveniat
creaturis. Hinc est quod Dionysius dedignatur
vocare Deum nostris nominibus, dicitque
non esse propriè *bonum*, sed *super bonum*,
nec propriè *sapientem*, sed *super sapientem*,
&c.

Dico secundò : Ens non est etiam univocum
respectu substantiæ & accidentis. Ita tenent
omnes suprà citati contra Scotum.

Probatum primò Conclusio : Tum iisdem fe-
rè rationibus, quas supra pro præcedenti adduxi-

nus: Substantia enim & accidens non participant eodem modo, sed diversimodè, Substantia quidem simpliciter, accidens verò secundum quid: Substantia per prius, accidens verò per posterius: Substantia sine dependentia & ordine ad accidens, accidens verò cum dependentia & ordine ad substantiam. Tum etiam ratione speciali: Nā contra rationem univocorum est, ut unum definiatur per aliud: Sed accidens definitur per substantiam, dicitur enim *entis ens*, id est substantia; ergo non convenit univocè cum illa.

Probatur secundò ratione universalis pro utraque conclusione: Univoca sunt, quæ contrahuntur per differentias extra rationem communem positas; analogæ verò sunt, quæ determinantur per varios modos participandi rationem communem: Atqui ens non potest contrahi per differentias extra rationem entis positas, sed solum per diversos modos essendi; ergo non est univocum. Major est D. Thomæ in 1. dist. 22. quæst. 1. art. 3. ad 2. & patet ex definitione univocorum: Quippe definiuntur quorum nomen est commune, & ratio æqualiter est in omnibus; unde non differunt in ipsa ratione communi, quasi diversimodè illam participant, sed solum per aliquid adventitium rationi communi: Ut animal non differt in homine & bruto secundum diversum modum essendi in utroque (homo enim & brutum eodem modo participant rationem animalis, & ejus proprietates, ut sentire, dormire, comedere, &c.) sed solum differt per adventitias differentias, scilicet rationalitatem & irrationalitatem, Minor verò probatur: Differentiæ propriè dictæ debent esse extra rationem communem: Sed nulla differen-

tia potest esse extra rationem entis; ergo ens non potest habere differentias. Probatur minor: Nam ejusmodi differentia vel esset aliquid, vel nihil: Si nihil, profectò non est differentia entis; si aliquid, non est extra rationem entis, ut patet: ergo ens non habet differentias extra se. Unde si contrahatur ad Deum & creaturam, ad accidens & substantiam, hoc non fit per differentias ei super aditas, sed per varios modos habendi rationem entis: Deus enim est ipsum esse purissimum & plenitudo essendi, creatura verò est quædam illius participatio & tenue vestigium; & in creaturis substantia est simpliciter ens, accidens verò secundum quid, seu modus entis.

Responderi potest cum Scoto; ens formaliter non includi in ultimis differentiis; alias enim illæ differentiae convenirent & disconvenirent; disconvenirent, quia differentiae sunt, convenirent quia essent entia.

Sed contra: Nam, ut arguit Cajetanus de ente & essentia, cap. 4. proprietates entis conveniunt per se ultimis differentiis, ergo etiam conceptus entis includitur in illis. Consequentia patet; nam ex Aristotele primo Posteriorum; in quo sunt proprietates debet esse etiam essentia, seu subjectam, quia sunt illius individua comites: Antecedens etiam videtur certum, nam etiam ultima differentia est una & vera. Neque verò inconveniens est, ut differentiae illæ conveniant analogicè: quia nihil est tam diversum, ut non conveniat analogicè cum aliis in ratione entis: nihil enim potest subterfugere ens, aliàs esse nihil purum.

Dico tertio: Ens est analogum suis inferiori-

bus, tum analogia attributionis, tum analogia proportionalitatis. Conclusio est satis communis.

Et in primis, quod ens sit analogum, patet ex dictis. Cùm enim non sit nomen purè æquivocum, sed à consilio impositum ad significandam rationem communem essendi, & aliunde demonstravimus non esse univocum, restat ut sit analogum.

Quòd verò sit analogum analogia attributionis, probatur: Analogia attributionis sunt, quarum unum participat rationem communem cum habitudine ad aliud principalius, ut medicina dicitur *sana* per habitudinem ad hominem, quem curat: Atqui creatura participat rationem entis cum habitudine ad Deum, cuius est participatio, & accidens cum habitudine ad substantiam, cuius est modificatio, ergo ens est analogum analogia attributionis.

Quòd verò sit etiam analogum analogiâ proportionalitatis, probatur: Analogia proportionalitatis sunt, quæ se habent ad rationem communem cum quadam proportione, sicut Leo, & Ludovicus X I V. in ratione *regis* analogantur, quia proportionaliter se habent ad excellendum inter res sui generis, in quantum sicut Ludovicus XIV. dignitate præstat supra reliquos Gallos, ita quoque Leo suo modo præeminet inter omnes feras, ideoque dicitur *rex ferarum*, sicut ille dicitur *rex hominum*: Sed Deus & creatura, substantia & accidens, se habent cum quadam proportionalitate ad rationem entis, sicut enim Deus dicitur *ens*, quia est ipsum *esse*, ita creatura dicitur *ens*, quia participat *esse*, & sicut substantia se habet ad *esse* sim-

Quæst. I. Art. II. *Vtrum ens sit univocum.* 295.
pliciter, ita & accidens ad esse secundum quid,
ergo ens est analogum analogia proportiona-
litate.

Objicies primò contra utramque priorem
conclusionem : Quod dicit unum conceptum
præcisum ab inferioribus, est univocum (univo-
cum enim est *quasi unius vocis, & unius con-
ceptus* :) Sed ens dicit unicum conceptum ab
inferioribus præcisum : ergo est univocum.
Probat minor : Ille conceptus est unus præci-
sus ab inferioribus, de quo possumus esse cer-
ti, dum adhuc sumus de inferioribus incerti :
Sed possumus esse certi rem aliquam esse ens,
& incerti utrum sit accidens, vel substantia;
ergo ens dicit unum conceptum præcisum ab
inferioribus. Declaratur minor ; Antiqui enim
erant certi animam & lucem esse entia, sed
dubitabant utrum essent substantiæ, vel acci-
dentia.

Respondeo primò distinguendo majorem ;
Univocum est, quod dicit conceptam ab inferio-
ribus præcisum, & ad illa æqualiter descenden-
tem, concedo ; & inæqualiter ad illa descenden-
tem, nego : Ad hoc enim ut conceptus sit
univocus, necesse est illum ita præcindi ab in-
ferioribus, ut etiam ad illa æqualiter descendat,
ipsisque eodem modo conveniat : si enim inæ-
qualiter conveniat, tollitur univocatio. Vnde
quantumvis sanum dicere videatur unum cõce-
ptum, scilicet *id, quod respicit sanitatem*, quia
tamen aliter applicatur Medicinæ, & aliter ani-
mali, non est univocum. Patet autem quod ens,
licet quadantenus dicere videatur unum conce-
ptum confusissimum distinctiones inferiorum.

non explicantem, sed conglobantem, scilicet, *id quod habet esse*, attamen non descendit æqualiter ad Deum & creaturam, ad substantiam & accidens: Deus enim est ens per plenitudinem, & est ipsum esse, creatura verò est ens per participationem: substantia est ens simpliciter, & accidens modus entis.

Respondeo secundò cum Caietano Op. de analogia entis cap. 4. distinguendo minorem: Ens dicit unicum conceptum præcisum ab inferioribus præcissione distinctâ & perfectâ, nego; confusa & indeterminata, concedo. Non enim ens significat aliquam formalitatem perfectè præcisam à constitutivo differentiali Dei & creaturæ, substantiæ & accidentis, ita ut ex illa formalitate, & ratione differentiali divinitatis v.g. formetur conceptus tertius, sicut ex animalitate & rationalitate fit conceptus hominis: Si quidem & ipsa differentia divinitatis est ens, sicut & quidquid est in Deo: Vnde à nullo, quod fit in Deo aut creatura, potest perfectè præscindi ratio entis: sed solùm imperfectè, in quantum significat omnem quidditatem Dei & creaturarum (quæ inter se simpliciter differunt) ut invicem proportionantur secundùm esse, ex qua proportionatione sortiuntur nomen entis: Sicut, *sanum*, solùm exprimit id, quod respicit sanitatem, prout proportionatur in tali respectu sanitatis. Vnde sicut sanum est analogum, quia solùm significat sua inferiora ut proportionata in respicienda sanitate, ita ens est analogum, quia solùm significat sua inferiora ut proportionata in habenda ratione entis.

Ad probationem, respondeo, ut possimus esse certi, quod aliqua res sit ens, & incerti quale sit

Quaest. I. Art. II. *Vtrum ens sit univocum.* 297
ens, solum requiri quod conceptus entis non significet explicatè & determinatè ipsa inferiora, & modos quos in illis habet, quamvis significet illa in confuso & indeterminatè. Unde quidam Scotista meritò deridet hoc argumentum suorum Confratrum; quia, inquit, si canis marinus, & canis terrestris essent in sacco, & unus moveretur, certè essemus canem moveri, incerti tamen quisnam esset canis ille, marinus, an terrestris: Et tamen propterea nemo dicit conceptum canis esse univocum marino, & terrestri est enim purè æquivocus; ergo quod possumus esse certi de ratione communi, dum adhuc sumus incerti de inferioribus eius, non arguit eius univocationem.

Instabis: Si in conceptu entis includerentur inferiora, etiam implicitè & in confuso, de quocumque prædicaretur ens, prædicarentur inferiora, scilicet Deus & creatura, substantia & accidens: Consequens est falsum; ergo & antecedens. Probatur sequela: Cùm prædicatur aliquid de alio simul prædicatur omnia inclusa in illo; ergo si inferiora includerentur in ente, de quocumque diceretur ens, dicerentur & inferiora, unde omne ens esset Deus creatura, &c.

Respondeo distinguendo maiorem: Si ens includeret inferiora determinatè & quasi copulativè, concedo; indeterminatè & quasi disiunctivè nego: Ens autem non includit inferiora determinatè & coniunctivè, ita ut ad rationem entis requirantur omnia inferiora; sed solum indeterminatè & quasi disiunctivè, in quantum significat aliquem modum essendi, quisquis ille sit. Cùm verò descendit ad inferiora, modus ille essendi

qui erat indeterminatus, determinatur alius in Deo, alius in creaturâ, alius in accidente, alius in substantia.

Objicies secundò: perfectè cognoscimus Deum secundùm gradum entis; ergo perfectè convenit cum creaturis in gradu entis. Antecedens patet: Nam demonstrativè probamus esse divinum cum suis perfectionibus; ergo perfectè ipsum cognoscimus: Quæ enim perfectior cognitio esse potest, quàm quæ enim perfectior cognitio esse potest, quàm quæ habetur per demonstrationem? Probatur verò consequentia: Gradus entis divini non cognoscitur à nobis nisi per creaturas; ergo si perfectè cognoscatur debet perfectè convenire cum creaturis.

Respondeo distinguendo antecedens: Perfectè cognoscimus Deum secundùm gradum entis quantum ad certitudinem cognitionis, concedo; quantum ad penetrationem illius gradus, nego. Quamvis enim scientia, quam habemus de Deo, sit certissima; non tamen perfectè penetrat ens divinum, & modum quo esse convenit Deo, nisi fortè per negationem, in quantum cognoscimus Deum longè sublimiori modo esse ens, quam sint creaturæ.

Instabis: Si conceptus entis non sit univocus Deo & creaturis, nullo modo potest à nobis concipiens divinum: Consequens est falsum; ergo & antecedens. Probatur sequela: Omnis conceptus, à qui nobis intelligitur, debet relucere in phantasmate creaturarum: Sed si creatura non conveniat univocè cum Deo in ratione entis, ens divinum non reluceret in phantasmate creaturarum; ergo non posset à nobis ullo modo intelligi. Probatur minor: Quod nullo modo

Quæst. I. Art. III. *Utrum ens sit univocum.* 299
continetur in creatura, non relucet in phantasmate creaturæ: Sed si ens non esset univocum, ratio entis divini ullo modo contineretur in creatura; ergo, &c. Probatur minor: Vel enim contineretur formaliter, sicut gradus animalis in homine, & hoc non, quia in ratione entis Deus & creatura non assimilantur formaliter; Vel virtualiter; & hoc non, quia causa non continetur virtualiter in suo effectu.

Respondeo negando sequelam. Ad probationem, nego minorem. Ad eius probationem, nego etiam minorem. Ad cuius probationem, respondeo, ens divinum relucere & contineri in phantasmate creaturæ participativè, tanquam in effectu proprio quidem, sed tamen non univoco. Unde sicut ratio causæ cognoscitur per effectum & participationem suam, ita quoque ratio entis divini, quamvis eminentior, cognoscitur ex ente creato.

Objicies tertio: Obiectum scientiæ debet esse univocum: Sed ens est obiectum Metaphysicæ, ergo est univocum. Probatur maior: Nam definitio obiecti est medium ad demonstrandas proprietates: Sed medium demonstrandas debet esse univocum, ergo definitio obiecti scientiæ debet univocè convenire, ac proinde obiectum ipsum esse univocum. Probatur minor: Quia medium debet esse perfectè unum, & ideo defectu unitatis terminus æquivocus non potest esse medium demonstrationis: Atqui terminus & definitio analogæ non sunt unum perfectè, ergo non possunt esse medium demonstrationis.

Respondeo negando maiorem absolutè: Nam

de analogis potest dari una scientia, in quantum conveniunt in una ratione analogica, & possunt ostendi per eadem principia. Sic Medicina est non solum de homine sano, sed etiam de herbis sanis, de urinis, de pulsu, &c. Ad probationem, nego minorem. Ad eius probationem distinguo majorem: Medium demonstrationis debet esse perfecte unum, unitate excludente æquivocationem, concedo; unitate includente univocationem, nego. Quod enim unitas analogica sufficiat ad medium demonstrationis, luce clarius patet in hac demonstratione: Principium in creatis est prius principiato: Sed fons est principium rivi; ergo est prius rivo: & tamen constat, *Principium* esse terminum analogum. Millæ aliæ sunt demonstrationes optimæ, quæ constant medio analogo.

Quæres, quare ens dicatur transcendens, & quid sit transcendens?

Respondeo transcendens esse, quod imbitur in omni formalitate rei, de qua prædicatur, ita ut nihil sit in tali re, de quo dici non possit. Ens autem, cum sit prædicatum universalissimum, imbitur in omnibus rei formalitatibus, ita ut nihil sit in ea, quod non sit ens: Vt in homine nihil est quod fugiat rationem entis. Nam animalitas est ens, rationalitas est ens, &c. Non modo autem ens est transcendens, sed etiam eius proprietates, scilicet unitas, veritas, & bonitas, sunt transcendentales, sicut & quædam vocabula, quæ convertuntur cum ente, scilicet *res* & *aliquid*: nulla enim differentia invenitur in rebus, quæ non sit ens, vera, bona, una, res, & aliquid.

Observandum tamen est ex Caietano de ente.

Quaest. I. Art. III. De distinctione essentia, 307
& essentia cap. 4. ita transcendentia, scilicet
ens, unum, verum, bonum, res, & aliquid, non
importare alium gradum, seu aliam quidditatem
à gradibus, seu naturis eorum, quibus attri-
buuntur. Cum enim dico, ens homo, unus ho-
mo, bonus homo, verus homo, res homo, ali-
quid homo, nullum alium gradum ab humanitate
significo, sed illam solum diversi modis explico:
Siquidem *Ens* significat humanitatem, prout ha-
bet esse; *Vnum* illam exprimit, prout non est di-
uisa in se actualiter; *Bonum* prout est perfectiva
appetitûs, id est, potest illum terminare; *Verum*
prout potest terminare intellectum, *Res* prout
ponit entitatem in rerum natura non fictam, sed
realem; *aliquid* prout est aliud quid à cæteris.

ARTICVLVS III.

De distinctione essentia & existentia.

Celebris est hæc difficultas, & una ex funda-
mentalibus in doctrina D. Thomæ: Quæ
proinde, ut clarè proponatur, quantum patitur
conditio subtilissimæ & abstractissimæ materias,
Recolendum est quòd, ut diximus in principio
ens est quod habet esse, id est, existentiam: Vn-
de in ente duo, saltem ratione, distinguuntur,
scilicet id quod habet esse, & ipsum esse. Il-
lud, quod habet esse dicitur *essentia*; seu *quid-
ditas*, seu *natura*, hæc enim omnia pro eodem
communiter sumuntur à Metaphysicis & Lo-
gicis; unde essentia definitur, Potentia ad

essendum. Ipsum autem actuale exercitium essendi vocatur *existentia*, seu *esse*, & solet definiri, actualitas, quâ res sistitur extra nihilum & causas, seu Ultima entis actualitas, seu, ut nos in initio Physicæ definivimus, Rei extra causa & nihilum sistencia.

Quærimus utrum talis actualitas essendi sit distincta ab essentia & quidditate. Fatentur omnes in entibus creatis distingui saltem per rationem: Possimus enim concipere quidditatem & essentiam, nihil concipiendo de existentia. Imò omnes scientiæ considerant rerum essentias ab existentia præcisas. Solum dubium est, utrum distinguatur secundum rem. Negant plures extra D. Thomæ scholam; Thomistæ verò, & plures alii cum D. Thoma tenent essentiam in creaturis distingui realiter ab existentia: Scotus medium iter tenet, scilicet existentiam distingui ab essentia distinctione suâ formali ex natura rei.

Dico primò: In ente increato, scilicet Deo, existentia & essentia nullo modo distinguuntur, saltem realiter. Ita omnes cum D. Thoma 1. part. quæst. 3. art. 4.

Probat: Deus est ipsum *esse* purissimum, seu ipsa existentia subsistens; ergo non distinguitur à suo *esse*, seu existentia. Deinde si essentia Dei esset distincta ab ejus existentia, compararetur ad ipsam ut potentia ad actum, ac proinde Deus realiter componeretur ex actu & potentia, nec esset actus purus. Idque ut mittam alias quamplurimas rationes.

Dico secundò: In omni ente creato essentia realiter distinguitur, ab existentia: ita ut essentia sit potentia determinata ad essendum, existentia

Quæ.I.Art.III. De distinctione essentia. 303
verò sit actus receptus in tali potentia, modo à
nobis explicato in prima parte Phys. disp. 1. q. 1.
art. 3.

Antequam probetur Conclusio, paulò uberiùs
explicanda nobis est; præcipuè cum in illa res
se habeat ut in principiis, quæ explicatione po-
tius quàm probatione suadentur. Igitur ut clarè
proponatur, Solum Deum Optimum Maximum
habemus ut ens simplex & purum in actualitate
essendi, quod proinde minimè sit constitutum ex
potentia essendi & actu essendi; sed sit ipsum esse
purissimum ac subsistens. Caterùm id nulli enti
finito & creato concedimus; proindeque nullum
habemus ut purum & simplex, sed ut composi-
tum, & ut potentialitati permixtum. Vnde in om-
ni ente creato duo ut ita dicam essendi elementa
distinguiamus, quorum unū se habeat ut inchoa-
tio & fundamentum essendi, nempe potentia &
capacitas receptiva ipsius, esse aliud verò ut cõ-
plementum & ultima perfectio essendi, nempe
actus essendi. Et quidem in entibus creatis sub-
stantiali mutationi obnoxiiis hæc duo principia
essendi concedenda esse, luce clariùs demonstra-
vimus in Physica, ostendimusque eorum essen-
tiam constitui ex duabus rebus, nempe ex poten-
tia versatili in diversas entis species nempe ma-
teriâ; & ex actu determinativo ad unam essendi
rationem nempe formâ. Caterùm cum ibidem
annotaverimus esse quasdam formas quæ solæ
subsistere valent, ac integræ essentiæ ratione ha-
bere, ut Angeli, manifestum est in illis locum
non habere compositionem illam ex potentia es-
sentiali & actu essentiali, sed illorum essentiam
esse simplicem: At rursus, cum pro comperto
habeamus, nullum ens creatum posse esse actum

simplicem & purum; necesse est etiam in illis rationem entis componi ex aliquo essendi actu aliquave potentia; proindeque eorum essentiam non esse ipsam ultimam essendi actualitatem, quam nomine *existentia*, seu *esse* exprimimus, sed comparari ad illam ut potentiam ad suum actum; sicque distingui in illis essentiam ab *existentia*. Conclusio etsi hac solâ explicatione satis perspicua effecta sit, variis tamen argumentis confirmanda est.

Probat^{ur} ergo primò authoritate Scripturæ, Patrum & Conciliorum dicentium soli Deo convenire quod sit suum *esse*, seu ipsum *esse*: Vnde nomen illud retragrammaton scilicet יהוה *jehovah*, quod habetur ut propriissimum Dei nomen, significat ipsum *esse*; nam derivatur à verbo Hebræo substantivo היה *hajab*, seu היה *havab*, quod significat *esse*; ergo ceteræ creaturæ non sunt suum *esse*; proindeque earum essentia distinguitur ab *esse* seu *existentia*.

Probat^{ur} secundò rationibus D. Thomæ: Nam de eius mente dubitari non potest, cum perpetuò inculcet in aliis entibus præter Deum *esse* & essentiam distingui: Vnde 1. part. quæst. 54. art. 3. *In omni ente creato, inquit, essentia differt à suo esse, & ad ipsum comparatur, ut potentia ad actum.* Et Opusc. 48. tract. de substantia, cap. 2. dicit, *esse essentia, & esse actualis existentia distinguuntur realiter, ut dua diversa res*; quod ibidem probat: Et Opusc. 15. cap. 8. *Esse rei non est nec forma eius nec materia, sed aliquid ad veniens rei per formam.* Cùm igitur constet de eius mente, solùm superest, ut id rationibus eius probetur, quarum prima sic proponitur.

Quod recipitur in essentia tanquam actus in sua potentia, realiter distinguitur ab essentia: Sed omnis existentia creaturae recipitur in eius essentia tanquam actus in sua potentia, ergo realiter distinguitur ab ea. Maior est nota, nam nihil potest recipere seipsum. Minor verò probatur, tum ex communi modo loquendi, quo solemus dicere *creaturas recipere à Deo esse, seu existentiam*: Tum etiam ratione: Nam existentia creata non potest esse irrecepta, ergo debet recipi in essentia tanquam in propria potentia. Consequentia patet: non enim assignari potest aliud subiectum, in quo recipiatur existentia, præter essentiam, quæ etiam idcirco dicitur *potentia, seu subiectum essendi*. Antecedens verò probatur: Existentia irrecepta est actus purus: Sed existentia creaturae non est actus purus: ergo non est irrecepta. Minor est certissima, solus enim Deus est actus purus. Maior verò declaratur: Actus purus est, qui nulli potentia permiscetur: Sed existentia irrecepta nulli potentia permiscetur; ergo est actus purus. Maior patet: Nam actus amittit puritatem, in quantum admiscetur potentia. Minor verò probatur: Actus miscetur potentia, vel quia est actus alicuius potentia, vel quia est in potentia ad ulteriorem actum: Sed existentia irrecepta non est actus alicuius potentia, cum in illa non recipiatur, nec ordinatur ad ulteriorem actum, cum sit actus ultimus in linea entis, ergo existentia irrecepta est actus purus, seu ipsum esse purum, à se subsistens, & incompositum.

Respondebis, existentiam substantia creaturae

non esse actum purum, quia licet non recipiatur in aliquo, recipit tamen aliquid, scilicet substantiam.

Sed contra: Nam in primis responsio est aperte contra D. Thom. qui perpetuo inculcat *esse*, seu existentiam, non comparari ad alia sicut recipiens ad receptum, sed sicut receptum ad recipiens, ideoque ipsum vocat, *actualitatem omnium verum, etiam formarum* 1. part. q. 3. art. 4. & q. 4. art. 1. ad 3. Est etiam contra rationem; nam existentia est ultima essendi actualitas; ergo non potest recipere aliam actualitatem. Consequenter patet: Probatur antecedens: Existentia est veluti extra nihilum & causas existentia: Atqui res non censetur sibi extra nihilum & causas, nisi quando habent ultimam essendi actualitatem; ergo existentia est ultima essendi actualitas; ergo existentia est ultima essendi actualitas. Adde demum cum Ioanne à S. Thoma in Phys. 1. part. quæst. 7. art. 1. personam, seu suppositum esse id, quod recipit existentiam; suppositum enim est quod generatur, id est, ducitur ad *esse*; ergo substantia non recipitur in existentia, sed e contra.

Confirmatur magis præcedens ratio: Nam, ut inculcat D. Thomas pluribus in locis, ut 1. part. quæst. 54. art. 1. & 1. contra Gentes cap. 42. *Esse abstractum & subsistens*, seu quod idem est, existentia irrecepta est unica & infinita: Sed existentia creature non est unica, nec infinita, ergo non est irrecepta. Minor constat. Probatur maior ex eodem D. Thoma 1. part. quæst. 7. art. 1. & de ente & essentia, cap. 5. Nam actus limitatur & multiplicatur in quantum recipitur in potentia (& ideo forma Angelica, quia non est recepta in materia, non multiplicatur, sed est unica in sua

Quæst. I. Art. III. De distinctione essentia. 307
specie; & Plato, qui ponebat hominem irrece-
ptum in materia, ponebat ipsum unicū, qui cau-
saret cæteros in materia receptos;) ergo esse, seu
existentia irrecepta erit unica & inmutata in li-
nea essendi.

Cæterum ut intelligantur hæc profundissima
D. Thomæ principia, scilicet *actū multiplicari,*
& limitari per potentiā, in qua recipitur, & *à*
qua si sit liber, erit infinitus, & unicus; quæ prin-
cipia licet videantur plerisque mysteria, attamē
D. Thomæ adeo certa & clara visa sunt, ut illis
perpetuò uratur ad demonstrandam Divinā uni-
tatem & infinitatem, & 1. part. quæst. 75. art. 7.
dixerit, *non posse intelligi aliquam formam se-*
paratam (id est, in potentia irreceptam) *esse*
nisi unam in specie. Ut, inquam, intelligantur
hæc sublimissima & verè Angelica dogmata, No-
ta, quod in rerum natura sunt duo extrema, sci-
licet actus purus, id est, Deus, in quo reperitur
tota plenitudo essendi; & potentia pura, scilicet
materia, in qua est tota vacuitas essendi, quam
ideo Augustinus vocat, *propè nihilū,* quod ni-
hil habeat de ente, nisi potentiam essendi, sicut
tenebrosum nihil habet de luce nisi potentiam
recipiendæ lucis. Vnde quātò magis aliquid ac-
cedit ad potentiā, ipsique immergitur, tantò ma-
gis finitur, minuitur, imperficitur, & quasi anni-
hilatur, proindeque multiplicatur, quia *quæ sūt*
unita in superioribus, sunt multiplicata in infe-
rioribus. E cōtra vero quātò magis actus rece-
dit à potentia, tantò magis accedit ad Deū, qui
est plenitudo essendi, ideoq; magis perficitur &
dilatatur, & consequenter adunatur, quia *quæ*
sunt dispersa in inferioribus, sūt unita in supe-
rioribus. Vnde sicut potentia deprimi actum, ita

quoque eum multiplicat & limitat. Et ideo si
 314 aliquis actus liber ab omni potèntialitate & ma-
 teria, erit expers limitationis & multiplicatis,
 Vnde D. Thomas optimè dicit, actum irrecep-
 tum esse unicū & infinitū: Quod quidem prin-
 cipium ita certum habet, ut videatur illud acce-
 pisse ab Angelis; ideoque perpetuò tanquam
 evidentissimum inculcat.

Confirmatur secundò: Existentia non recepta
 in essentia nihil habet sibi conjunctum, præter
 suum *esse*. Sed omnis existentia creata habet ali-
 quid sibi adjunctū præter suum *esse*, scilicet plu-
 ra accidentia, ut albedinem, quantitatem, &c.
 ergo omnis existentia creata est recepta in sua
 essentia. Minor Patet. Probatur major: Non
 potest concipi aliquid conjungi existentia, nisi
 vel quia recipitur in illa: vel quia recipitur
 cum illa in aliquo subiecto: Atqui nihil potest
 recipi in existentia, eum ipsa sit ultima actua-
 litas rei; nec recipi cum illa in aliquo tertio
 subiecto, si ejusmodi existentia sit irrecepta,
 ergo existentia irrecepta non potest habere
 aliquid sibi conjunctum præter suum *esse*. Vn-
 de Boëtius dixit, quòd id quòd habet existen-
 tiam (id est essentia) potest recipere aliquid
 cum suo *esse*, scilicet formas accidentales, sed
 ipsum *esse*, seu existentia, nihil aliud potest reci-
 pere.

Confirmatur tertio: Nulla creatura potest
 esse sua ultima actualitas: Sed si essentia non di-
 stingeretur ab existentia creaturae, esset ultima
 essendi actualitas, ergo distinguitur. Maior est
 S. Thomæ atque ex eo constat, quod id entificare
 sibi suam ultimam actualitatē est proprius cha-
 racter actus puri. Minor verò est perinde certa:

Et enim existentia est ultima essendi actualitas & mera; ergo essentia quæ est idem cum existentia identificat sibi ultimam essendi actualitatem; unde non est ens compositum & potentiale, sed ipsum esse simplex & purum.

Addi demum potest ratio Theologica: Quæ separantur, realiter distinguuntur: Sed existentia in Christo separata est ab essentia Christi, scilicet humanitate; ergo realiter distinguuntur. Maior patet: Probatur minor: Humanitas Christi non existit per existentiam creatam, sed per existentiam Verbi Divini; ergo fuit realiter separata ab existentia sua. Probatur antecedens auctoritate 6. Synodi dicentis in Epist. Sopronii, *Humanitas Christi in Verbo, & non in se ipsa, habuit existentiam unam.* Hanc rationem fuis prosequuntur Theologi in tractatu de Incarnatione.

Obiicies primò: Existentia non potest recipi in essentia; ergo non distinguitur ab ea. Probatur antecedens: Existentia non potest recipi in nihilo: Sed essentia exclusâ existentia est nihilum, ergo existentia non potest recipi in illa.

Respondeo negando antecedens. Ad probationem, respondeo, concessâ maiore, distinguendo minorem: Essentia precisâ existentia est nihil nihilitate existentia, concedo, nihilitate essentia, nego, Cum enim distinguamus in ente duo principia constitutiva, scilicet essentiam & existentiam, seclusâ existentia, essentia non est aliquid existens, ideoque potest dici nihil nihilitate existentia, sicut materia seclusâ forma non est aliquid actu: Attamen sicut materia precisâ formâ habet realitatem essen-

tiæ potentialis; ita quoque essentia præcisâ existentiâ habet realitatem propriam, quamvis non existentem ex se ipsa, sed solum potentem existere, seu quæ sit subiectum existentia.

Instabis: Quod non est extra causas, est purum nihil: Sed essentia præcisâ existentiâ non est extra causas; ergo est purum nihil. Probat minor: Existentiâ est extra causas sistentia; ergo essentia præcisâ existentiâ non est extra causas.

Respondeo primò concessâ maiore distinguendo minorem: Essentia præcisâ existentiâ non est extra causas completè & ultimè, concedo; non est extra causas, inchoativè & incompletè, nego. Eodem modo intelligenda est hæc distinctio, quo in Physica dicebamus, materiam præcisâ formâ esse extra causas inchoativè.

Respondeo secundò aliâ distinctione: Essentia ut præcisa ab existentiâ non est extra causas, ut præcisa præcissione realis separationis, concedo ut præcisa præcissione solum distinctionis, nego. Explicatur; Essentia potest dupliciter præcinderè ab existentiâ: Primò præcissione separationis, ita ut realiter destituatur omni existentiâ: Secundò præcissione distinctionis realis, quatenus licet sit sub existentiâ, attamen sumitur ut res distincta ab illa, ~~tanquam sumitur ut res distincta ab illa, tanquam~~ a sua actualitate. Primo modo sumpta essentia non est extra causas, nec potest esse in rerum natura, sicut nec materia separata ab omni forma. Secundo verò modo sumpta dicit aliquid in re & extra causas, subiectum scilicet participans actualitatem essendi.

Urgebis, Ergo secundum nos essentia cõfundi-

Quæst. I. Art. III. De distinctione essentia. 317
dicitur cum materia prima. Probatur consequentia. Materia prima est potentia essendi : Sed etiam secundum nos essentia est potentia essendi : ergo invicem utramque confundimus.

Respondeo negando consequentiam. Ad probationem respondeo materiam esse puram potentiam, non solum in linea existentia, sed etiam in linea essentia, quia ex se non est determinata ad certam essentia speciem, sed determinatur per formam, quæ est actus essentia. Sed rursus compositum ex materia & actu illo essentiali, scilicet formâ, quod dicitur *essentia*, comparatur ad existentiam tanquam ad suam ultimam actualitatem. Et ideo forma dicitur *actus primus*; at verò existentia *actus ultimus*, *ultimaque actualitas*. Vnde, ut ait S. Thomas quæst. de Spiritual. creat. art. 1. *in rebus compositis est considerare duplicem actum & duplicem potentiam. Nam primo materia est ut potentia respectu forma, & forma est actus ejus. Et iterum natura, seu essentia, composita ex materia & forma est ut potentia respectu esse, seu existentia, in quantum est susceptiva ejus.* Vnde in corporeis substantiis duplex est compositio, altera essentia & existentia ad constituendum ens perfectum : At verò in substantiis spiritualibus est tantum unica, nempe essentia & existentia.

Objicies secundò : Existentia creata, sicut & alia res, propriam habet essentiam : Sed non distinguitur realiter à propria existentia, alias existentia daretur existentia in infinitum : ergo saltem aliqua essentia creata non distinguitur à sua existentia.

Respondeo, dum dicimus essentiam creaturam distinguere ab existentia, nos loqui, non quidem de ipsa essentia existentia, sed de essentiis aliarum rerum, quæ participant existentiam, puta hominis, Angeli, &c. Sicut enim omne agens creatum agit per actionem distinctam, actio vero ut agat non eget aliâ actione, sed suo modo agit per seipsum, ita & omne creatum quod existit, eget existentia à se distinctâ quâ fiat existens, attamen ipsa existentia, quâ res existunt, non eget aliâ existentia, sed per se ipsam suo modo existentia, sed per se ipsam suo modo existit.

Obiicies tertio: Quæ non possunt separari, non distinguuntur: Sed existentia non potest separari ab essentia; ergo non distinguuntur.

Respondeo primò, maiorem esse falsam: Plura enim distinguuntur, quæ separari non possunt, ut materia non potest separari ab omni forma.

Respondeo secundò, etiam de facto existentiam posse separari ab essentia: Nam in Christo essentia, seu humanitas fuit realiter separata à sua existentia, cuius loco subrogata est existentia Verbi, ut iam dictum fuit.

ARTICVLVS IV.

De Subsistentia, Suppositio, & Persona.

Substantia completa differt ab accidentibus, & Sentibus incompletis, quòd sit sui ipsius, in se subsistens & terminata. At verò accidentia non sunt sui ipsius, sed alterius, scilicet subjecti; & partes sunt sui totius. Vnde si substantia completa: v. g. homo, aliquid operetur, operatio tribuitur ipsi. At verò si accidens, vel pars hominis agat, v. g. si musica causet cantum, & manus percutiat. nec manus, nec musica dicuntur agere, sed homo per musicam, & per manum: Manus enim & musica non sunt sui ipsius: sed hominis. Hæc perfectio, per quam substantia ita completur, ut sistat in se ipsa, fitque sui ipsius, & non alterius, dicitur *subsistentia*, quasi *in se ipso sistentia*. Circa illam tria sunt explicanda: Primò quid sit, quidve suppositum, & persona: Secundò quomodo distinguatur à natura, seu essentia: Tertiò quomodo distinguatur ab existentia.

Dico primò: Subsistentia est actualitas, quæ natura ita sustentatur in se ipsa, ut non egeat communicari alteri ad essendum & operandum Dicitur in primis, *actualitas*, per quod convenit cum aliis perfectionibus. Cæteræ verò particulæ tenent locum differentie; proprius enim character subsistentiæ est reddere naturam in se sustentatam, & terminatam, ita ut non indigeat

alteri communicari ut sit & operetur. Dico, *non indigeat*, quia natura Divina, quamvis sit subsistens in se ipsa, est tamen ulterius communicabilis tribus personis, non quidem ex necessitate, sed ex infinita fecunditate.

Facilius fortè potest exponi hæc definitio, dicendo, subsistentiam esse, quâ sit, ut natura sit sui ipsius, & non alterius. Vnde quidquid agit natura subsistens, non alteri, sed sibi operatur. Et ideo, quia natura humana Christi fuit spoliata illâ perfectione, & loco propriæ subsistentiæ fuit subrogata subsistentia Verbi, natura illa non erat sui ipsius, sed erat natura Verbi, nec sibi operabatur, sed Verbo Divino. Vnde quidquid aut egit, aut passa est, id totum attribuitur Verbo agenti per illam.

Suppositum autem est concretum subsistentiæ, sicut vivens est concretum vitæ. Persona verò nihil aliud significat, quàm ipsum suppositum, non cuiusque naturæ, sed intellectualis: non enim dicimus personam equi, aut lapidis, sed personam vel Divinam, vel Angelicam, vel humanam. Vnde persona nihil addit supra suppositum, nisi aliquam dignitatem & excellentiam petitam ex natura intellectuali. Quod autem Latini vocant *personam & suppositum*, Græci dicunt, *Hypostasis*.

Dico secundò: Subsistentia est quid positivum realiter distinctum à natura, seu essentia.


Probatur conclusio, quæ est communis. Et in primis quòd subsistentia sit quid positivum, quamvis videatur negare Scotus, tamen suadetur: Nam subsistentia significat quandam perfectionem & actualitatem. Quòd enim natura sit sui ipsius, & non indigeat altero sustentante, est

Quæst. I. Art. IV. De *subsist. suppos. & pers.* 315
maxima perfectio ; ergo subsistentia exprimit
aliquid positivum. Vnde sancti Doctores dicunt
Verbum Divinum non assumpsisse subsistentiam
naturæ humanæ, sed eam consumpsisse & loco
ejus Divinam subsistentiam subrogasse, quod
dici non posset de purâ negatione.

Secunda verò pars, scilicet subsistentiam reali-
ter distingui à natura, probatur ex incarnatione,
in qua subsistentia naturæ humanæ fuit realiter
separata à natura humana ; ergo distinguuntur
ab invicem.

Quantum ad tertium quæsitum, divisi sunt Au-
thores, etiam Thomistæ. Quidam dicunt subsi-
stentiam & existentiam solum virtualiter distin-
gui, & esse duo munera unius entitatis, quæ qua-
tenus sistit naturam, & eam ita terminat, ut non
sit alterius, nec alteri communicabilis, vocatur
subsistentia. Quatenus verò ultimatè complet
rem ipsam, & eam ponit extra causas, dicitur
existentia. Quidam verò dicunt esse duas mo-
dalitates ejusdem rei. Quidam demum tenent
esse duas actualitates realiter distinctas. Hæ
omnes opiniones sua possunt habere fundamen-
ta etiam in doctrina D. Thomæ. Cæterum prima
id commodi habet, quod faciliè explicat distin-
ctionem existentia ab essentia : Si enim existen-
tia & subsistentia sunt idem, luce clariùs constat
distingui ab essentia ; quia doctrina Ecclesiæ tra-
dit, subsistentiam in incarnatione fuisse separa-
tam à natura humana, proindèque ab illa distin-
gui. Attamen tertia sententia videtur confor-
mior. D. Thomæ, qui sæpè dicit, suppositum, id
est, subsistentiam cum natura, recipere existen-
tiam. Deinde existentia præcisè dicit ultimam
actualitatem essendi, ideoque communis est tam

accidentibus, quàm substantiis. At verò substantiæ est perfectio conveniens tantum substantiis completis, & illas distinguens ab accidentibus; unde videtur esse actualitas longè diversæ rationis ab existentia. At de his parcius; Quippe substantiæ notitia ut maximè peti solet ex fontibus fidei, nempe Trinitatis & Incarnationis, ita jure remittitur ad Theologos; Eam delibasse nobis sufficiat.



QVÆSTIO II.

De Proprietatibus Entis, scilicet Unitate, Veritate & Bonitate.



CUM ens sit id quod habet esse, manifestum est ipsum esse unum, verum, bonum. Omne enim, quod est, habet unum esse, verum est esse, & bonum est esse. Habet quidem unum esse, aliàs non esset ens, sed multitudo entium. Verum est esse, quia hoc ipso, quod est, potest terminare veram cognitionem & actionem intellectûs, cujus objectum est veritas. Et demum bonum est esse, quia bonum est, quod appetitur: omne autem ens naturaliter appetit esse. Et præterea omne quod est, voluntati primæ causæ (scilicet Dei) conformatur; aliàs non esset, si prima causa ipsum ut bonum non appro-

barer, juxta illud Sapient. 11. *Quomodo aliquid permanere posse, nisi tu voluisses?* De illis tribus entis proprietatibus agemus singulis articulis, adiciemusque specialem de distinctione; si tamen primò admonuerimus non esse proprietates physicas, id est, realiter ab ente distinctas, sed solùm quaedam notiones, quæ omni enti tribui solent, ideoque dicuntur *proprietates attributales virtuales, & notionales.*

ARTICVLVS PRIMVS.

De Unitate.

VNum dicitur, Ens indivisum in se, & divisum à quolibet alio: cum autem quodlibet ens tandiu sit quandiu est unum, & amittat rationem entis, quando amittit unitatem, ut patet in homine, qui desinit esse, quando partes ejus non unijuntur, ideo unum nihil addit supra ens, sed solùm n exprimit entitatem cum negotiatione divisionis. Circa unitatem sic explicatam tria quaerimus: Primò in quo consistat principalius, an in negatione divisionis, an in entitate ut connotante indivisionem: Secundò quotuplex sit: Tertid unde sumatur unitas & multiplicatio rerum.

Dico primò: Vnum essentialiter significat entitatem ut connotat negationem divisionis. Vnde significat aliquid positivum in recto, negationem verò in obliquo.

Probatur facilè ex definitione Vnius, quâ

dicitur, Ens indivisum in se, & divisum ab alio :
Et unitas dicitur, entitas indivisa, ergo prima-
riò, principaliter & in recto significat entitatem
positivam, indirectè verò & de connotato nega-
tionem divisionis.

Confirmatur: Proprietas entis, cùm sit aliquid
positivum & convertibile, cum ente, non potest
significare primariò & principaliter solam ne-
gationem; ergo debet principaliter significare
ipsam entitatem ut connotat negationem divi-
sionis.

Dico secundò: Unitas præcipuè videtur esse
triplex, scilicet generica, specifica, & purè nu-
merica.

Declaratur: Cùm enim unum significet ens
indivisum, tot erunt unitates, quot sunt divi-
siones. Res autem præcipuè dividuntur ab invicem
vel genere, ut lapis ab homine: vel specie, ut
leo ab equo: vel numero, ut Petrus à Paulo; ergo
tres erunt unitates, quarum quæ negat divi-
sionem generis, dicitur *generica*; quæ negat divi-
sionem numericam, dicitur *numerica*, seu *in-
dividualis*.

Circa unitatem genericam & specificam nihil
speciale occurrit. Solùm advertendum est, nisi
accedat unitas individualis, non esse à parte rei
perfectas unitates, sed solùm negationes diversita-
tis, ut dictum est in Logica.

Circa unitatem numericam; gravis difficultas
est, unde oriatur unitas & multiplicatio purè nu-
merica, seu quæ sit causa, cur in rebus quædam
intra eandem speciem solo numero differant, &
multiplicentur.

Dico tertio: Unitas, & multiplicatio purè nu-

numerica substantiarum oritur ex materia quantitatem connotante. Ita Thomistæ omnes contra Scotum.

Probatur conclusio primò, autoritate Aristotelis, qui expressè docet lib. 12. Metaph. cap. 8. *Ea, quæ sunt multa numero, habere materiam.* Ex quo infert primum motorem numero non multiplicari, quia caret materia. Ex Plato, qui posuit ideas separatas à materia, dixit ob eam causam eas non multiplicari numero, sed distingui specie. D. Thomæ autoritates non refero, quia de ejus mente nemo dubitare potest.

Probatur secundò ratione desumptâ ex eodem D. Thoma: Vnitas, & multiplicatio materialis debet oriri à materia; ideò enim dicitur *materialis*: Sed unitas & multiplicatio numerica est materialis; ergo oritur ex materia. Probatur minor. Tum quia unitas, quæ petitur à forma, sicut & multiplicatio, constituit formalem & specificam diversitatem; ergo unitas purè numerica non potest esse nisi materialis: Tum præcipuè quia multiplicatio in partes ejusdem rationis est multiplicatio materialis: Sed multiplicatio numerica fit in partes ejusdem rationis; ergo est materialis. Minor patet: Ea enim censentur purè numerica distingui & multiplicari, quæ cum sint ejusdem rationis (id est, similis essentiæ) solâ divisione distinguuntur, ut duæ guttæ aquæ, duo ignes, &c. Major verò probatur: Nam essentialiter materiæ convenit habere partes ejusdem rationis; est enim radix quantitatis cujus essentialè munus est distribuere substantiam in partes ejusdem rationis; ergo materiæ proprium est dividj in partes ejusdem rationis; ideòque si com-

petat formæ, hoc oritur ex communione, quæ
habet cum materia.

Confirmari præterea potest conclusio : Primò
aliâ ratione D. Thomæ : Ab eo radicaliter oritur
multiplicatio numerica, quod est ratio cur for-
ma aliqua sit multiplicabilis numericè : Sed ra-
tio cur planta v. g. sit multiplicabilis numericè
est materia ; ergo, &c. Probatur minor : Nam
actus est multiplicabilis propter potentiam in-
qua recipitur, ut abundè ostensum est suprâ q. 1.
art. 1. Atqui potentia in qua recipitur forma est
materia prima ; ergo forma habet à materia pri-
ma quod sit multiplicabilis.

Secundò : Infima distinctionum & unitatum
sumi debet ab eo quod est infimum in rebus : Sed
unitas & distinctio numerica est infima omnium ;
ergo debet sumi, à materia quæ est in rebus in-
fima. Præcipuè quia distinctio numerica funda-
tur in divisione quantitativa, quæ originatur à
materia.

Tertiò demum accedit experientia, qua vide-
mus nos ubi primùm abstrahimus id quod est
formale in rebus ab eo quod est materiale in eis,
ut quando definimus quidditatem hominis, cir-
culi, trianguli, &c. hoc ipso abstrahere rem ab
omni multiplicitate numerica & individuali :
unde omnium individuorum non datur nisi una
communis definitio ; ergo signum est multipli-
citatem numericam oriri à materia.

Ex his infertur res purè spirituales, seu for-
mas in materia nullatenus receptas, quales sunt
angeli, nullo modo posse multiplicari numericè,
proindèque unicum individuum possibile esse in
talibus speciebus, in quo individuo natura spe-

cifica tota subsistit. Remotâ enim causâ necesse est ut effectus removeatur. Cùm igitur in his naturis non sit materia, quam probavimus esse causam multitudinis numericæ, necesse est, ut & omnis multitudo purè numerica procul ab illis exulter.

Obiicies primò : Quilibet Angelus est unus numero; ergo unitas numerica non petitur à materia, quæ non est in Angelis.

Respondeo in Angelis licet sit unitas numerica, non esse tamen unitatem purè numericam, quâ scilicet unus Angelus distinguatur ab alio solo numero intra eandem speciem. Tenemus enim cum D. Thoma in qualibet specie dari & possibilem esse unum tantum numero Angelum. Vnde argumentum nihil efficit contra conclusionem, quæ est de unitate purè numerica.

Instabis : Animæ rationales differunt & multiplicantur etiam solo numero; & tamen non habent materiam; ergo materia, saltem in illis, non est causa multiplicationis numericæ.

Respondeo animas rationales, quamvis possint esse sine materia, essentialiter tamen destinari ad materiam, cui proinde proportionari debent; quia *quidquid recipitur, ad modum recipientis recipitur.* Vnde solo numero sunt multiplicabiles, sicut aliæ formæ in materia receptibiles non quidem ex materia, quam in se habeant, sed ex ipsa habitudine ad materiam.

Urgebis : Unitas & distinctio numerica debent desumi ab aliquo principio intrinseco : Sed anima separata intrinsecè non habent materiam; ergo non desumit unitatem & distinctionem numericam à materia.

Respondeo distinguendo majorem: Unitas numerica debet desumi à principio intrinseco, proximè, concedo; radicaliter, nego. Licet enim id, per quod res immediatè sortitur unitatem numericam, debeat esse ipsi intrinsecum; attamen illud potest rursus dependere ab aliquo extrinseco, ad quod essentialiter destinatur. Unde anima separata proximè quidem individuatur à propria entitate: Sed tamen quòd illa entitas sit distincta solo numero, habet ex hoc quod sit receptibilis in materia, quæ est prima parens distinctionis numericæ; seu ex comparatione ad materiam, tanquam ad proprium receptivum.

Obijcies secundò: Hæcceitas individuatur substantias; ergo non est quærenda ulterior ratio unitatis individualis.

Respondeo hæcceitatem esse ipsam differentiam individualem: Sed rursus de illa quæritur, unde habeat, quòd sit multiplicabilis numericè, id est, cur plures hæcceitates possint reperiri intra eandem speciem. Unde Scotus nihil dicit ad quæstionem, dum ait, hæcceitatem individuare substantias.

Instabis: Omnis differentia desumitur à forma: Sed unitas individualis est aliqua differentia, ergo desumitur à forma.

Respondeo distinguendo majorem: Omnis differentia formalis, & quæ est per modum diversitatis, concedo; omnis differentia materialis, & quæ est solùm per modum quasi quantitativæ divisionis, nego: Nam sicut forma est radix diversitatis, ita materia est radix divisionis. Unde sicut diversitas specifica sumitur à forma, ita distinctio numerica sumitur à materia.

Obijcies, tertio: Eadem materia pertinere po-

test ad plura individua, ergo non est principium unitatis numericæ.

Respondeo distinguendo antecedens: Eadem materia materialiter sumpta, concedo; eadem materia formaliter sumpta, nego. Materia sumitur materialiter dum sumitur præcisè secundum suam entitatem, quam constat posse successivè pertinere ad plura individua. Materia verò sumitur formaliter, quando ejus entitas consideratur ut substans tali actioni; & connotans talem numero quantitatem. Sic autem sumpta materia non potest pertinere ad plura individua.

Dico quartò: Accidentia desumunt suam unitatem & multiplicationem numericam à subiecto formaliter sumpto, id est, prout subest tali actioni agentis, à quo recipit ipsum accidens, talique durationi, &c.

Probatur conclusio: Tum quia subiectum tenet locum materiæ respectu formæ accidentalis; ergo debet eam individuare. Tum quia forma multiplicatur per suum receptivum. Sed forma accidentalis recipitur in suo subiecto; ergo ab illo desumit multiplicationem & limitationem numericam.

Obijcies: Accidens separatum à subiecto, adhuc est unum numero, ut patet in mysterio Eucharistiæ; ergo non individuatur à subiecto.

Respondeo accidens separatum semper retinere habitudinem ad subiectum, ac proinde potest individuari ab illo, sicut dicebamus animam rationalem individuari à corpore, ad quod dicit habitudinem.

ARTICVLVS II.

*De distinctione, ubi celebris difficultas
agitur circa modum, quo gradus
metaphysici ab invicem distinguun-
tur.*

QUæ in titulo discutienda suscipimus, etsi à pluribus præmaturè tractentur in Logica, oportunius tamen visum est huc usque differre. Cum enim eadem scientia sit de contrariis, explicatâ unitate congruè agetur de distinctione. Et quia præcipua difficultas, quæ circa distinctionem agitur, ea est quam celebrem Scotus fecit, de distinctione graduum metaphysicorum, (id est, illarum formalitatum, quas gradatim in qualibet re distinguimus, ut in Petro formalitatem rationalis, animalis, viventis, substantiæ, &c.) ideò de illa dicendum est operosius; idque totum tribus paragraphis. In primo referentur varia distinctionum genera. In secundo statuetur sententia D. Thomæ circa distinctionem graduum metaphysicorum. In tertio solventur objectiones.

§. I.

De variis distinctionum generibus.

VNitas & distinctio sequitur ens, ut sæpe repetit S. Thomas: in quantum enim res aliqua distinguitur ab alia, in quantum non est idem cum illa. Vnde sequitur distinctionem esse duplicem; realem scilicet & rationis. Res enim una potest non esse alia, vel de facto à parte rei; & hæc est distinctio realis, in quantum scilicet sunt duæ res. à parte rei, ut Petrus & Paulus: vel per considerationem intellectus, in quantum rem in se unicam in varios conceptus distinguimus: & hæc dicitur distinctio rationis.

Distinctio realis est triplex: Major, minor, & virtualis. Distinctio realis major est distinctio rei à re: sic Petrus distinguitur à Ioanne, anima à corpore. Distinctio realis minor est distinctio rei à modo quo afficitur, id est à tenuissimis quibusdam entitatibus; quæ proprie non obtinent nomen rei propter suam exiguitatem, atque adeo dicuntur *modi*: Sic Petrus distinguitur à sua sessione; linea à sua obliquitate. Hæc distinctio solet etiam dici *modalis*. Distinctio virtualis non est tam distinctio, quam fundamentum distinctionis: & est in illa re, quæ unica in se æquivalet pluribus; ideoque præbet fundamentum; ut eam distinctis actibus cognoscamus, diversasque in ea formalitates distinguamus; Sic nummus aureus habet quidem unicum valorem, scilicet librarum sex circiter, attamen ille unicus valor æquivalet duplici

valori duorum numerorum argenteorum ; ideoque possumus illum distinguere in duos valores partiales. Similiter anima hominis est quidem in se unica , at tamen præstat quidquid præstant animæ plantarum & pecudum : diciturque ob id virtualiter multiplex ; ideoque potest distingui per intellectum in tres gradus vegetativum , sensitivum , & rationalem.

Hanc distinctionem virtuales Scotus non putat sufficere ; & ideo aliam ejus loco subrogat , quam vocat *Distinctionem formalem actualem ex natura rei* , quæ sit , non quidem inter rem & rem , aut rem & modum , sed inter duas formalitates ejusdem rei ; ut inter animalitatem & rationalitatem , quarum una ante omnem mentis operationem non sit formaliter altera , neque de intrinseco constitutivo alterius , quamvis utraque non sit nisi unica res ; sicuti in lapide triangulati tres anguli sunt unus & idem lapis ; & in fabuloso Iano bifronte duæ erant facies , sed unum caput.

Dicit igitur Scotus , hanc distinctionem , quamvis sit actualiter in rebus , non tamen esse realem , quia non est distinctio rerum , sed solum formalitatum , quæ adeo proprie dicenda sit *formalis*. Hanc verò liberaliter concedit in omnibus rebus , etiam in attributis divinis , adeo ut in una simplici re & entitate integrum formalitatum exercitum aliquando excitet ex quibus aggregetur : unde definit essentiam divinam per *Cumulum perfectionum & formalitatum*.

Quantum ad distinctionem rationis , triplex quoque assignari potest : Major , minor , & minima. Distinctio rationis major est , dum ratio

nostra entitatem virtuales multiplicem distinguit in varios conceptus perfectè distinctos, quorum unus nullos modo includitur in alio; ut dum distinguimus humanitatem, in animalitatem, & rationalitatem, nam conceptus animalitatis nullo modo continet actu conceptum rationalitatis, ideoque attribui potest rebus etiam irratiabilibus. Distinctio rationis minor est; cum intellectus rem eandem distinguit in varios conceptus, quorum unus explicitè quidem non continet alium, id est, ipsum formaliter non exprimit; implicitè tamen ipsum involvit & includit: ut dum distinguimus in eate verum, & bonum; & unum; siquidem conceptus boni continetur implicitè in conceptu veri, nam omne bonum est verum. Distinctio rationis minima est, dum absque ullo fundamento ex solo beneplacito, vel ex infirmitate sua, intellectus dividit rem unicam in varios conceptus, ut si quis distinguat vestimentum ab indumento, & voluntatem divinam à suâ volitione. His præsuppositis, ut ad distinctionem graduum metaphysicorum redeamus.

Duplex est sententia: Prima Scoti, qui vult tales gradus, v. g. animalitatem & rationalitatem in homine, distingui actualiter ante opus intellectus, distinctione illa quam vocat *formalem ex natura rei*, ita ut, licet concedat in homine animalitatem & rationalitatem esse eandem rem, velit tamen esse duas formalitates actu & de facto independentes ab intellectu. Scorum sequuntur ejus discipuli: sed deserunt communiter alij, ut hac in parte de illo dixeris, quod de Imaële dictum est: *Manus eius contra omnes, & manus omnium contra eum.*

Secunda sententia est D. Thomæ & communiter aliorum, qui tenent gradus illos distingui quidem actualiter per intellectum: ante operationem verò intellectus solùm fundamentaliter & virtualiter; quatenus scilicet eadem simplex formalitas, licet in se una, quia tamen æquivaleret pluribus, præbet occasionem intellectui distinguendi in ea varios conceptus; quibus non correspondet in re nisi unica simplex entitas diversimodè concepta; sicut in circulo, diversis lineis à circumferentia ductis correspondet idem centrale punctum virtualiter solùm multiplex. Ut hæc scientia stabilietur.

§. II.

Statuitur scientia Thomistarum, gradus scilicet metaphysicos esse tantùm virtualiter distinctos ante opus intellectus.

Dico primò: Non datur distinctio actualis formalis Scoti inter formalitates ejusdem rei, sed distinctio unius entitatis in varias formalitates & varios conceptus objectivos fit ab intellectu. Ita D. Thomas in hac re adeo clarus, ut nihil necesse sit testimonia adducere.

Probatur conclusio unicâ, sed efficaci ratione. Distinctio illa non est necessaria; ergo nec admittenda. Probatur antecedens: Distinctio virtualis potest facere quicquid facit distinctio illa Scotica; ergo non est necessaria, Probatur antecedens tum ratione, tum inductione: Ratione quidem ex Cajetano de ante & esse quæst. 12. in fine: Quod æquivaleret alteri potest facere,

quidquid alterum faceret, si adesset: Sed distinctio virtualis æquivalet actuali; ergo potest facere quidquid distinctio actualis faceret, si adesset. Major aperta est: Sic enim nummus aureus facit quidquid facerent duo argentei, si adessent, sic punctum in centro positum, quia est virtualiter multiplex, potest terminare varias lineas æquè ac si essent varia puncta. Minor verò manifesta est, ideo enim dicitur *distinctio virtualis*, quia per illam res æquivalet pluribus realiter distinctis.

Probatum etiam inductione. Tria sunt, quæ Scotus tribuit suæ distinctioni formali actuali, & propter quæ illam necessariam putat: Primò, ut de unica re possint verificari contradictoriæ propositiones. Secundò, ut possit terminare diversos conceptus. Tertio, ut possit definiri diversis definitionibus: Sed hæc omnia præstare potest sola distinctio virtualis, ergo, &c. Probatum minor: Nam hoc ipso, quod res sit virtualiter multiplex, secundum unam partem ejus, ut ita dicam, virtualitatis potest aliquid verificari de illa, quod non verificatur secundum aliam, ac proinde sufficit ad verificanda contradictoria: Sic in nummo aureo, licet sit unus valor sex librarum, potest dici, quod nummus ille aureus, quatenus continet valorem unius argentei, non sufficit ad solvendum debitum quatuor librarum, bene tamen quatenus excedit argenteum. Vnde D. Thomas 7. de potentia, a. 1. ad 5. *De illo, inquit, quod est idem secundum rem, sed ratione differens, nihil prohibet prædicari contradictorie, ut dicit Aristoteles 3. Physicorum; sicut patet quod idem punctum res differens solum ratione est principium & finis.*

Et secundum quod est principium non est finis,
 Et è contrario. Deinde, quod etiam distinctio
 virtualis sufficiat ad terminandos diversos con-
 ceptus & varias definitiones adhuc apertius pa-
 ret. Hoc ipso enim, quod una res æquivaler plu-
 ribus, potest concipi & defini præcisè secun-
 dum quod æquivaler uni, & deinde præcisè se-
 cundum quod æquivaler alteri. Et rogo Scotistas,
 si re ipsa nolint esse, saltem fingant in rerum na-
 tura existere formalitatem in se quidem unicam
 & simplicem, quæ tamen idem præstet quod
 plures, id est sit æquivalenter multiplex: An-
 nona continuò palàm erit de ea diversimodè con-
 siderata posse predicari contradictoria, posse
 formari plures conceptus inadæquatos, posse
 demum constitui plures definitiones eam sub
 illa diversâ consideratione diversè explican-
 tes? Ergo virtualis distinctio ad hæc tria suf-
 ficat.

Dico secundò: Gradus metaphysici non di-
 stinguuntur actu in re ante opus intellectus, sed
 tantum virtualiter: Vnde tota illorum distinctio
 actualis fit ab intellectu distribuyente eandem en-
 titatem virtualiter multiplicem in diversas for-
 malitates, v.g. hominem in animalitatem & ra-
 tionalitatem.

Conclusio posset probari ratione jam facta:
 Si enim non datur distinctio Scoti, gradus quo-
 que illi non possunt distingui tali distinctioe,
 sed præterea.

Probatum ratione fundamentali: Gradus me-
 taphysici sunt una & eadem formalitas virtuali-
 ter tantum multiplex; ergo non distinguuntur
 actu, sed solum virtualiter. Probatum antee-
 dens: Cum enim formalitas sit effectus formæ,

oportet illam proportionari & adæquari formæ, à qua procedit. Unde sic argumentor. Eodem modo loquendum est de formalitatibus & de formis, à quibus procedunt: Atqui forma à qua procedunt gradus metaphysici, ut anima rationalis in homine, non est ex pluribus animabus: tertia anima, sed unica simplex, virtualiter solum multiplex; ergo etiam humanitas in homine non est tertia formalitas composita ex pluribus partialibus, animalitate scilicet & rationalitate, sed unica simplex virtualiter tantum multiplex.

Declaratur amplius dissipando inanem Scoti subtilitatem. Ecquid enim tandem sibi vult per *formalitatem*, quo nomine imperitos hoc toto in negotio deludit? Planè apud æquos nominum æstimatores *formalitas* id ipsum est in abstracto, quod *forma* in concreto: Cùm igitur, ut explicuimus 1. Phys. q. 3. a. 1. forma sit qua res determinatur ad certam essendi rationem, formalitas, nihil aliud est, quàm determinatio rei ad propriam essendi rationem: ac proinde ubi est unica res determinata ad unum essendi modum, est unica quoque non modò forma, sed etiam formalitas illi formæ proportionata: Nisi velimus relicta soliditate rerum evanescere in inanitates & abstractionum abstractiones. Deinde sicut forma est res, ita & formalitas est realitas; vana ergo subtilitas est inducere in formis distinctionem formalem non realem, seu formalitatum & non realitatum. Sicut igitur unius entis est una forma æquivalens pluribus, ita & una formalitas æquivalens pluribus.

Illustratur illud totum ex S. Thoma 1. part. q. 76. a. 3. Rerum enim species differunt secundum

dum perfectum, & minus perfectum, sicut in rerum ordine, animata sunt perfectiora inanimatis, animalia plantis, & homo animalibus: unde Aristoteles comparat rerum species numeris & figuris, in quibus perfectior continet imperfectiorem, & excedit. Sicut ergo pentagonum continet trigonum, & numerus senarius continet ternarium, ita humanitas continet animalitatem & vegetabilitatem, non quidem per aggregationem, ut cumulus lapides, sed per æquivalentiam, ut nummus aureus argenteos; quæ enim sunt distincta in inferioribus, adunantur in superioribus. Unde in homine eadem simplex formalitas est radix discurrendi, sentiendi, & vivendi: At tamen intellectus noster, qui distinguit illa, quæ sunt unum, apprehendit illam simplicem formalitatem præcisè quatenus est principium sentiendi; & sic eam vocat *animalitatem*, formatque gradum animalis: deinde illam concipit, ut est principium ratiocinandi, sicque eam vocat *rationalitatem*, quamvis hæc omnia sint una & eadem entitas solum virtualiter multiplex. Idem dicunt Theologi de attributis divinis: quòd scilicet Deus est una simplicissima entitas, imò una in re formalitas, quæ tamen æquivalet infinitis. Unde ratio nostra concipiens illam quatenus punit, vocat *justitiam*; quatenus parcit, vocat *misericordiam*; quatenus providet Univerſo, vocat *providentiam*; &c. Quamvis in re, ut ait S. Thomas 1. p. q. 13. a. 4. ad 2. *Omnibus illis rationibus respondeat unum quid simplex s per omnia hujusmodi multipliciter & imperfectè representatum.*

§. III.

Solvuntur Objectiones.

Objicies primò cum Scoto: Animalitas, etiam nominis, distinguitur actu ante mentis operationem ab ejus rationalitate; ergo datur distinctio actualis formalis inter gradus metaphysicos. Consequentia patet: Probatur antecedens: Illa sunt distincta actu re, de quibus verificantur contradictoria: Sed de animalitate, & rationalitate verificantur contradictoria, ergo distincta sunt actu in re. Minor patet: Nam de animalitate dicitur, quod est principium ^{ratio} ratiocinandi; de rationalitate, quod non est principium sentiendi, quæ sunt contradictoria. Major verò probatur: Contradictoria non possunt verificari de uno & eodem; ergo illa, de quibus verificantur contradictoria, non possunt esse actu ideam; ergo debent esse actu distincta.

Respondeo negando antecedens: Ad probationem nego majorem: Ad cujus probationem distinguo antecedens: Non possunt verificari contradictoria de uno & eodem tam secundum rem, quam secundum rationem, concedo; de uno & eodem secundum rem, multiplicitate tamen secundum rationem, nego. Solutio est D. Thomæ loco citato in probatione primæ conclusionis. Vel alio modo: Contradictoria non possunt verificari de uno & eodem virtualiter multiplicitate, nego; non virtualiter multiplicitate, concedo. Ut enim diximus, de uno & eodem nummo aureo dicitur, quod si sumatur

prout continet tantum valorem trium librarum, non sufficit ad solvendum debitum; At verò ut continet valorem sex librarum, sufficit: *sufficere autem & non sufficere* sunt contradictoria. Similiter de eodem puncto dicitur, quod, quatenus incipit lineam, non est finis, quatenus verò finit aliam est finis; ergo patet quod de uno & eodem virtualiter multiplici possunt verificari duo contradictoria.

Instabis: Animalitas hominis formaliter sumpta est ejusdem rationis ac animalitas leonis: Sed animalitas leonis ex natura sua distinguitur à rationalitate; ergo etiam & animalitas hominis.

Respondeo primò, argumentum nimis probare, nempe non solùm formalem, sed etiam realiter diversa à rationalitate.

Respondeo secundò distinguendo majorem: Animalitas hominis est ejusdem rationis ac animalitas leonis, quantum ad munera quæ illi competunt, secundùm quod dicitur animalitas, concedo, quantum ad alia quæ ipsi conveniunt ratione eminentiæ hominis supra leonem, nego. Id est, formalitas illa, quam in homine vocamus *animalitatem*, continet quidquid est in animalitate leonis, est enim radix sentiendi, dormiendi, vigilandi, manducandi, &c. Attamen in homine habet plura munera, quæ non habet in leone, scilicet quòd sit etiam principium ratiocinandi, secundùm quod munus dicitur *rationalitas*: & ideo quantum ad hoc, quod est excludere rationalitatem, non est ejusdem rationis in homine & leone.

Urgebis: Ergo falso dicitur, quod animalit-

Quæst. II. Art. II. De distinctione, &c. 335
tas in homine non est principium ratiocinan-
di, si unica formalitas est quæ sentit & ratioci-
natur.

Respondeo negando consequentiam. Licet enim in homine sit unica formalitas quæ sentit, ratiocinaturq; attamen intellectus potest illam concipere præcisè, ut est principium sentiendi, & sic eam vocat *animalitatem*: & præcisè, ut est principium ratiocinandi, & sic eam vocat *rationalitatem*. Pater autem, quòd præcisè ut est principium sentiendi non est principium ratiocinandi: & ideo merito dici potest, quòd animalitas non est formaliter rationalitas, quia exprimit tantùm humanitatem, ut est principium sentiendi, & non prout est principium ratiocinandi.

Dices: Etiam in homine animalitas est natura diversa à rationalitate, ergo distinguuntur ab invicem. Probatur antecedens: Quæ habent diversas definitiones essentielles, sunt diversa: Sed animalitas & rationalitas, etiam in homine, habent diversas definitiones, ergo sunt diversa. Minor certa est: Nam animalitas definitur, principium sentiendi, rationalitas verò, principium ratiocinandi. Major verò probatur: Definitio explicat naturam rei, ergo ubi sunt distinctæ definitiones, sunt etiam distinctæ nature.

Respondeo negando antecedens: Ad probationem distinguo majorem: Quæ habent diversas definitiones essentielles sunt diversa, vel actu, vel æquivalenter, concedo, actu semper, nego: Quòd enim æquivaleret pluribus potest facere quidquid facerent plura, si adessent, ac proinde diversis nominibus exprimi, diversis defini-

tionibus explicari, & diversis conceptibus attingi.

Replicabis: Vbi sunt diversæ operationes, ibi debent esse diversa principia talium operationum: Sed animalitas & rationalitas sunt principia diversarum operationum: ergo sunt inter se diversa. Major videtur certa: Quia principia cognoscuntur per suos effectus, suasque operationes, sicut arbor per suos fructus. Minor verò constat: Nam animalitas est principium sentiendi, & rationalitas principium ratiocinandi: Sensire autem, ratiocinariq̄ sunt diversæ operationes:

Respondeo solutione sapiùs data; ubi sunt diversæ operationes, sunt diversa principia, diversitate actuali, nego; diversitate virtuali, concedo. Nam sicut idem truncus sufficit ad varios ramos, ita idem principium virtualiter tantum multiplex ad varias operationes.

Obijcies secundò & simul instabis contra datam solutionem. Ea, per quorum unum res convenit cum aliis, & per aliud differt ab illis, non sunt unum & idem. Sed per animalitatem homo convenit cum brutis, per rationalitatem verò differt ab illis; ergo non sunt unum & idem.

Respondeo primò, argumentum nimis probare: Probaret enim nullam dari simplicem formalitatem: quia nihil adeo simplex est, quod aliquo modo non conveniat cum aliis rebus, & aliquo modo non differat ab illis. Vnde, si per idem res non potest convenire & disconvenire, sequitur etiam simplicissimam formalitatem esse distinguendam in alias duas, & utramque iterum in alias duas, & sic in infinitum.

Respondeo

Respondeo secundò, præter solutiones jam datas, quæ huic argumento aptari possent, distinguendo majorem: Ea, per quorum unum res convenit cum aliis, & per aliud differt ab illis, non sunt unum & idem, eodem modo sumptum, concedo; diversimodè sumptum, nego. Nam eadem simplex entitas, quatenus sumitur uno modo, potest convenire cum aliis, & quatenus sumitur alio modo, potest ab illis differre. Sic igitur humanitas sumpta ut est principium sentiendi, convenit cum brutis: sumpta verò ut est principium ratiocinandi, differt ab illis.

Objicies tertio: De ratione partis est ut à comparte distinguatur: Sed animalitas & rationalitas sunt partes naturæ humanæ; ergo ab invicem distinguuntur.

Respondeo concessa majore, distinguendo minorem; Animalitas & rationalitas sunt partes naturæ humanæ; partes realiter, nego; partes secundum rationem, concedo. Ut enim dicit D. Thomas, ex animali & rationali componitur homo, non sicut ex duabus rebus aut formalitatibus tertia res vel formalitas; sed sicut ex duobus conceptibus tertius conceptus: Vnde non distinguuntur secundum rem, sed solum secundum rationem & conceptum.

Instabis: Partes metaphysicæ sunt reales: Sed animalitas & rationalitas sunt partes metaphysicæ hominis: ergo sunt reales.

Respondeo distinguendo majorem; sunt reales quantum ad entitatem, concedo; quantum ad distinctionem, nego: Id est, partes metaphysicæ dicunt quidem aliquam naturam realem, sed

tamen non exigunt, ut illa natura realis sit secundum rem divisa in utramque partem, sed sufficit dividi per intellectum.

Urgebis: Si animalitas & rationalitas sunt unica formalitas à parte rei, quid igitur nos eam concipimus per modum compositi metaphysici ex animalitate & rationalitate, & non potius per modum cujusdam simplicis entitatis utriusque æquivalentis.

Respondeo, id fieri propter conditionem intellectus nostri, qui non percipit intuitivè rerum essentias, sed solum ex effectibus sensibilibus eas colligit: Vnde si ex una essentia plures procedant effectus, plures quoque de illa format notiones, quas postea componit ad invicem, illaque compositio dicitur *metaphysica*. Sed Angelus, qui videt intuitivè verbi gratia, humanitatem, videt etiam illam esse unicam simplicem formalitatem virtualiter tantum multiplicem, quatenus cum sit una, duo tamen munera præstat, scilicet sentire, & ratiocinari.

Objicies ultimò: Illa distinguuntur actu, quorum unum non est actu aliud: Sed animalitas in homine non est actu rationalitas; ergo distinguuntur actu. Major est certa: In quantum enim unum distinguitur ab alio in quantum non est illud. Minor verò probatur: Animalitas non est actu id, quod ipsa negat: Atqui animalitas negat rationalitatem, ergo non est formaliter rationalitas. Probatur minor: Id, quod convenit negat id quod non convenit: sed animalitas in homine est id quod convenit cum bruto; ergo negat rationalitatem, quæ est id, quod non convenit cum bruto.

Respondeo primò, argumentum evidenter nimis probare: Probaret enim nihil in mundo esse simplex: quia nihil est, quod cum aliis aliquo modo non conveniat, & aliquo modo non differat.

Respondeo secundò negando minorem. Ad probationem, nego minorem; Ad cujus probationem distinguo majorem; Id quod convenit negat id quod non convenit, absolutè & in ipso subjecto quod comparatur, nego; respectivè saltem & in termino, ad quem fit comparatio, concedo; Et ad minorem, Animalitas est id, quod convenit, cum brutis, & rationalitas id quod differt, concedo; & ad consequentiam; ergo animalitas negat rationalitatem, absolutè & in ipsa humanitate, nego; respectivè & in bruto, cui humanitas comparatur, concedo.

Explicatur solutio: Ut aliquid dicatur conveniens & non conveniens alteri, non est necesse ut id in quo convenit, excludat id in quo non convenit in utroque extremo comparisonis, sed satis est ut neget in termino comparisonis, v.g. ut homo conveniat cum brutis per animalitatem, & ab illis disconveniat per rationalitatem, non est necesse ut animalitas in ipso homine distinguatur à rationalitate, ipsamque neget & excludat, sed satis est ut talis negatio & exclusio se teneat ex parte ipsius bruti, seu in bruto sit animalitas sine rationalitate, proindeque negans & excludens rationalitatem. Hoc enim ipso, quòd in bruto est animalitas sine rationalitate, quantumvis in homine eadem res, imò eadem formalitas sit & rationalitas & animalitas, attamen illa simplex & unica hominis formalitas negabit convenientiam cum bruto,

quatenus deest bruto rationalitas; & tamen dicitur cum eo convenientiam, quatenus in eo reperitur animalitas.

Ratio autem radicalis hujus solutionis est: quia prædicata respectiva, cum sint ad alterum, distinctionem & oppositionem desumunt per ordinem ad alterum. Cum igitur *esse conveniens* & *non esse conveniens* sint prædicata respectiva, eorum oppositio non emendicatur semper ex distinctione & oppositione, quæ sit in utroque extremo comparationis, sed solum in termino: & ideo ut idem eidem dicatur conveniens & non conveniens, non requiritur aliqua distinctio in illo, sed satis est ut ea quæ in illo sunt identificata, in alio, cui comparatur, sint divisa; seu, ut unum sit sine alio in termino comparationis.

Respondeo tertio, posse huic objectioni adaptari solutionem toties datam: id quod convenit negat id quod non convenit, negat actu semper, nego, virtualiter, concedo. Hoc enim ipso quod in homine animalitas & rationalitas sunt eadem formalitas virtualiter multiplex, secundum unam virtualitatem negat convenientiam; quam dicit secundum aliam: Ut enim sæpius diximus, distinctio virtualis, cum æquivalet actuali, idem facit, quod ista faceret, si adesset.

ARTICVLVS III.

De Veritate.

Celebris est divisio veritatis in formalem, & transcendentalem. Veritas transcendentalis est ipsa rei entitas, ut conformabilis intellectui. Nam sicut in coloribus visibilitas importat entitatem coloris ut attingibilem à potentia visiva; ita in entibus veritas transcendentalis significat quidditatem rerum ut attingibilem ab intellectu. Veritas verò formalis dicitur, Adæquatio cognitionis cum re cognita. Vnde intellectus dicitur *verus*, quatenus concordat cum rebus cognitis, ita ut ea cognoscat esse id, quod sunt. Circa utramque veritatem tria quærimus. Primò in quo consistat veritas transcendentalis. Secundò in qua mentis operatione, sit veritas formalis. Tertiò quænam sit prior, an veritas rerum: an veritas intellectus.

Dico primò: Veritas transcendentalis est ipsa rerum entitas prout dicit ordinem ad intellectum (præcipuè divinum.)

Declaratur conclusio: Et in primis quòd veritas transcendentalis non sit aliquid distinctum ab ente, patet; hoc ipso enim quod res est, verum est ipsam esse: unde non est vera per aliud quàm per se ipsam. Quod autem veritas transcendentalis sit entitas rei non præcisè, sed ut dicit ordinem ad intellectum, constat: Nam verum per se primò competit intellectui à quo

derivatur ad res, ut probat D. Thomas 1. p. quæst. 16. art. 1. Quod demum veritas attendatur principaliter per ordinem ad intellectum divinum, constat: Tum quia intellectus divinus est prima regula aliorum: Tum quia res dependent ab intellectu divino ut à sua mensura & principio. Unde, ut advertit D. Thomas, in tantum dicuntur veræ, in quantum concordant cum id eis, quas habet divinus intellectus de ipsis: ut lapis dicitur verus lapis, quia assequitur propriam lapidis naturam secundum præcognitionem divini intellectus.

Dico secundò: Veritas formalis propriè sumpta non est in prima mentis operatione scilicet apprehensione; sed in secunda solùm, scilicet iudicio affirmante vel negante. Ita D. Thomas 1. p. q. 16. art. 2. ubi notat, veritatem posse dupliciter esse in intellectu, primò materialiter tanquam in re vera; secundò formaliter tanquam in cognoscente, & exprimente ipsam veritatem. Primo modo veritas est in omni operatione intellectus, imò in ipsis operationibus sensuum, in quantum scilicet eorum cognitio conformatur rei cognitæ: Sed secundo modo veritas non est nisi in intellectu iudicante.

Probatur conclusio: Veritas formaliter ut cognita est in ea operatione, quæ cognoscit & exprimit conformitatem intellectus cum re cognita: Sed sola secunda operatio, scilicet iudicium cognoscit & exprimit conformitatem intellectus cum re cognita; ergo veritas ut cognita formaliter est solùm in illa operatione, quæ cognoscit hanc conformitatem. Minor verò probatur: Sola secunda mentis operatio iudicat re

se habere sicut cognoscitur; ergo proprium eius est cognoscere conformitatem rei cum intellectu, ipsamque exprimere per enunciationem, proindeque in ea solum reperitur veritas vel falsitas formaliter sumpta.

Dico tertio: Veritas intellectus divini est prior, quam veritas rerum: attamen veritas rerum est prior, quam veritas intellectus humani.

Probatur conclusio ratione D. Thomae: Intellectus divinus est mensura entitatis & veritatis rerum, quae dicuntur verae, quatenus concordant divinae cognitioni, divinisque ideis; ergo veritas est prius in intellectu divino, quam in ipsis rebus naturalibus. At verò res naturales sunt mensura veritatis nostrorum conceptuum: qui in tantum dicuntur veri, in quantum concordant cum ipsis rebus. Ut enim dicit Aristoteles. *Ex eo quod res est, vel non est, propositio dicitur vera vel falsa*; ergo veritas rerum est prior, quam veritas intellectus nostri.

De falsitate nihil dicendum occurrit; cum enim sit opposita veritati, facile colligitur eam consistere in difformitate intellectus & rei cognitae; ita ut si res deficiat ab intellectu, à quo regulatur & originatur, dicatur *falsa*: v.g. si dum fabricatur moneta, deficiat à regulis monetae, non servando materiam, quam intellectus principis praescripsit, dicitur *falsa moneta*. Et si quaedam res naturales deficere possent ab idea, quam habet de ipsis intellectus divinus, dicerentur *falsa res*. Vnde peccata, quia non concordant ordini intellectus divini, dicuntur *mendacia, & falsitates*; sicut bona opera, quia concordant intellectui divino & regulis ab eo

præscriptis, dicuntur *veritates*. Si autem intellectus à quo non dependent res, sed qui dependet à rebus, qualis est intellectus humanus, non concordat cum ipsis rebus, dicitur *falsus intellectus*, ut si iudicet, Petrum ægrotare, quando non ægrotat, aut Antipodas non dari, qui tamen dantur.

ARTICVLVS IV.

De Bonitate.

Bonitas definitur ab Aristotele, *Quam omnia appetunt*. Quæ definitio non sic accipienda est, ut nihil sit bonum, nisi ab omnibus appetatur; sed quia quidquid appetitur, quatenus appetitur, bonum est. Vnde quia omnia appetunt *esse*, ideo ens dicitur bonum. Circa bonum tria querimus. Primò quid sit. Secundò quotuplex sit. Tertiò quibus conveniat.

Dico primò: Bonum est ipsum ens, prout dicit ordinem conformitatis ad voluntatem, præcipuè divinam, Ita definiunt omnes.

Et in primis quod bonum sit ipsum ens, patet: Nam quodlibet ens, in quantum est ens, est bonum; ideoque appetit suam conservationem. Deficit autem à bonitate, in quantum deficit à sua entitate. Quod verò ens sit bonum, ut dicit conformitatem ad appetitum, constat: Quia bonum idem est ac appetibile, quod sine dubio importat respectum ad volun-

ratem. Sed quia divina voluntas est regula cæterarum, quæ intantum dicuntur bonæ, in quantum concordant cum divina, ideo ens dicitur bonum per ordinem ad voluntatem, præcipuè divinam.

Dico secundò: Bonum dividitur in transcendens, & morale. Declaratur? Ea enim quæ appetuntur, quatenus appetuntur præcisè, sunt bona transcendentaliter; quatenus verò appetuntur conformiter ad aliquam regulam, cui subiicitur voluntas appetentis, dicuntur bona moraliter. Vnde bonum transcendens, est ipsa rei entitas præcisè, ut movere potest appetitum. At verò bonitas moralis est ipsa conformitas rei cum regulis morum; scilicet lege æterna, & recta ratione distante quomodo, & quantum quælibet res sit appetenda, de qua in Morali dictum est.

Dividitur præterea bonum in Vtile, Honestum, & Dlectabile. Ea enim quæ appetuntur à natura rationali, vel quæriuntur, ut serviant alteri, sicut medicina sanitati: & hæc dicuntur *utilia*, vel propter se ipsa, & hæc dicuntur, *honesta*, honestum enim est, quod propter se est appetibile à natura rationali, & rationabiliter appetente. Vnde definitur ab Aristotele lib. 1. Rhet. cap. 9. *Quod cum per se eligibile sit, laudabile est*; à Cicero verò lib. 2. de finib. *Quod tale est ut detracta omni utilitate, sine ullis premiis fructibusque, per se ipsum possit jure laudari*; nempe præcisè quia decet, & congruit rationi ac legibus ab ea constitutis. Demum quatenus quietant appetitum per sui fruitionem; dicuntur *delectabilia*; nam delectatio est quies in bono possessio.

Quia tamen appetitus irrationabiliter agens in quibusdam iucunde quiescit, quæ minimè honesta sunt, ideo delectabile latius patet quàm honestum.

Dico tertio: Bonum convenit rebus in ordine ad existentiam. Unde res non dicuntur bonæ, nisi ut dicunt ordinem ad existendum: ideoque possibile, præcisè ut possibile non sunt bona.


Probatur conclusio, quæ est communior inter authores: Bonum enim est, quod perficit appetitum: Sed appetitus non perficitur à rebus, nisi quatenus possidentur & existunt; ergo res non sunt bonæ, nisi per ordinem ad existentiam. Major patet. Minor probatur, tum ratione, tum inductione. Ratione quidem, quia in hoc differt intellectus à voluntate, quod intellectus trahat res ad se, ideoque abstrahit eas ab existentia quam habent in se; at verò voluntas trahitur ad res ipsas, ideoque tendit in eas, ut in se existentes. Inductione etiam idem suadetur: Voluntas enim avari, v. g. non perficitur à divitiis nisi possessis & existentibus. Nec infirmus juvatur à sanitate, nisi quatenus eam realiter possidet; unde voluntas non amat sanitatem & divitias ut possibile præcisè, sed ut acquirendas, ac proinde in ordine ad existentiam.

Confirmatur conclusio: Tum quia bonum habet rationem finis: Sed finis dicit ordinem ad existentiam: movet enim ad sui assecutionem, quæ assecutio non est sine existentia, ergo, &c. Tum etiam quia voluntas movet ad executionem intellectus verò movet solùm specificativè. Unde id, quod terminat intellectum, debet solùm esse specificatum; sed id, quod movet & ter-

minat voluntatem, debet cadere sub executionem, ac proinde dicere ordinem ad existentiam.

Circa malum, cum sit oppositum bono, sequitur ipsum esse duplex, scilicet morale & transcendente. Malum transcendente est privatio entitatis debitæ, ut sit oculus desit homini, si pes, si sanitas, si virtus, &c. hujusmodi privatio dicitur *malum transcendente*. Malum verò morale consistit in deformitate ad regulas morum, ut si homo occidat innocentem si rapiat aliena, hujusmodi actio est malum morale, quia discordat à regulis morum, scilicet recta ratione, tum divina tum humana. Vtrum autem illa deformitas sit respectus positivus, vel pura privatio, non est præsentis loci disputare, sed id ex professo discutitur à Theologis. Dividi præterea potest malum in nocivum, quod opponitur utili; turpe, quod opponitur honesto, & dolorificum, quod opponitur delectabili, de quibus omnibus speciatim dicere non est necesse.





QVÆSTIO III.

*De Ente Spirituali scilicet Deo,
Angelis, & Anima
separata.*



AD Metaphysicam pertinet de rebus
spiritualibus disputare : Quia ta-
men Theologia in his rebus tota
occupatur, ideo parcius hic attingi
solent. Primum autem ens spiri-
tuale, à quo dependent omnia tum spiritualia,
tum corporalia, est Deus, cujus ministri sunt
Angeli, quos ideo Plato vocat *secundarias &*
diminutas divinitates. Anima verò rationalis est
imago Dei, & Angelorum post separationem à
corpore sociæ. Vnde in primo articulo agemus
de existentia Dei : In secundo de divinis attri-
butis : In tertio de Angelis : In quarto de anima
separata.

ARTICVLVS PRIMVS

De Existentia Dei.

DEUS est ens à seipso, à quo proinde cætera dependent & procedunt, & in quo consequenter reperitur tota essendi plenitudo, ut in primo fonte. Dari autem ejusmodi ens omnes nationes fuerunt, dum ipsum adorant, invocant, & certis ritibus colunt, qui cultus dicitur *Religio*. Imò ipsa natura fundamentalem hanc veritatem inseruit menti, quam ideo vocat Cicero, *Anticipationem naturæ, quia sine no doctore sine more, sine lege omnibus nota est*. Hanc tamen cognitionem quædam gentes immani stupiditate & feritate ad bruta declinantes in seipsis opprimunt; & in ipsis politionibus populis quidam impietate propriâ excæcati ita obruunt, ut sibi persuadeant non dari Deum impietatis ultorem, ne illum timere cogantur. Sed magnum divinitatis testimonium est, ut ejus notitia non nisi cum humanitate & virtute ab hominibus exuatur. Dubitari solum potest, utrum existentia Dei, ut mentibus nostris naturaliter indita est, sic rationibus quoque demonstrari possit, iisque ita efficacibus, ut convincant intellectum rectè depositum.

Dico: existentia Dei naturaliter demonstrari potest. Ita tenuère famosiores antiquitatis Philosophi, & tenere debent omnes Catholici, cum

dicat Apostolus, *invisibilia Dei per ea, qua facta sunt, intelligi*: Et reprehendantur Sapient. 13. *Qui de his, qua videntur bona, non potuerunt intelligere eum, qui est; nec operibus attendentes cognoverunt quis esset artifex*:

Conclusio non aliâ viâ meliùs stabiliri potest, quàm tantisper attingendo demonstrationes, quæ naturali lumine haberi possunt de Dei existentia. Porro eæ reduci solent ad quinque capita, juxta quique præcipua attributa, sub quibus Divinitas nobis innotescit. Hæc sunt, ratio primi motoris immobilis, ratio primæ causæ, ratio entis necessarij, item entis perfectissimi, & demum ratio supremi Mundi Gubernatoris. Si demonstremus esse in mundo naturam aliquam has quinque dotes obtinentem, res confecta est, tenetur demonstrata Divinitas: Imò si vel una ex iis probè stabilietur, statim cæteræ consequentur: Neque enim esse potest primus motor immobilis, quin statim sit prima causa; nec prima causa, quin sit à se necessariò, &c. Agè igitur hæc præclarissima rationis humanæ de Divinitate testimoniæ tantisper attingamus, quibus addemus aliqua confirmationes, ac postremò confutationem objectionum, quibus Athei conantur tam fulgida lumina obscurare,

§. I.

Demonstratur existentia Dei sub ratione primi Motoris immobilis.

Nemini dubium est, & nos & ea quæ circa nos sunt, mutationi obnoxia esse; id est, non uniformiter perseverare in suo esse, sed ab uno essendi modo ad alium transire. Ex hoc notissimo phænomeno, cui tota Physica incumbit, quodque unicum est omnium quæ in natura conspiciuntur, exploratissimum, hoc pacto erui potest existentia primi Motoris immobilis.

Datur in natura fons & principium omnium mutationum, quæ in rebus cernuntur: Sed fons ille debet esse Primus Motor immobilis; ergo datur Primus Motor immobilis. Major est certas: Cùm enim videamus ad oculum mutationes illas procedere ab una re in aliam, ut ab anima procedit motus in manum, à manu in baculum, à baculo in lapidem, &c. necesse est istius ut ita dicam torrentis quo cuncta abripiuntur, extare fontem & causam; cum etiam per se notum sit nihil fieri sine causa. Minor verò, in qua totum negotium positum est, duo dicit, fontem illum debere esse primum aliquod movens; & præterea, primum illud movens debere esse immobile, quibus semel demonstratis, res omnino confecta censebitur.

Probatum ergo prima pars: In moventibus & motis, seu quod idem est, in mutantibus & mutatis, non potest procedi in infinitum; ergo fons motus & mutationis necessariò collocandus est in aliquo primo movente. Consequentia patet:

ex terminis; quippe illud in quo fititur processus est primum movens. Antecedens probatur tripliciter. Primum, in moventibus motis subtracto primo medium non movet; Et enim non movet nisi quia movetur, id est quia supponit aliquid prius à quo motum sit. Atqui si procederetur in infinitum, omnia essent moventia mota, & nullum haberet simpliciter rationem primi moventis; ergo nunquam movere possent; ergo extra totam collectionem moventium motorum oportet esse aliquid moveas non motum ab alio, id est primum movens. Et certè si tota collectio sit mota ab alio, vitari nequit, quin, si nihil aliud sit præter collectionem, dicatur mota ab eo quod non est.

Secundò: Causa instrumentalis non movet nisi mota à principali, ut pote cum de eius ratione sit ut agat in virtute principalis: Sed si procedatur in infinitum in moventibus motis, omnia erunt instrumenta motus, & nulla eius principalis causa; ergo impossibile est ut procedatur in infinitum in moventibus motis, ita ut non assignetur extra illa aliquid per se movens principaliter. Declaratur minor: Et enim, id quod movet motum, se habet in motu ut instrumentum eius à quo movetur ut moveat; ergo si omnia sint moventia mota, & nullum movens ab alio non motum, omnia erunt instrumenta, & nulla causa principalis.

Tertiò demum: Movens motum non se habet nisi ut medium, & ut canalis deferens motum, & magis ut mobile quàm ut movens; ergo vel assignandus erit fons motus à quo primò deriver in illos quasi canales, & respectu cuius tota illa multitudo se habeat ut unum mobile; vel fa-

tendum esse aliquod mobile quod movetur sine motore, & canalem qui fluat sine fonte in illum influente; quæ tam repugnant, quàm; ut vulgè aiunt, esse baculum sine extremis, & montem sine valle.

Dici tantùm posset, Aristotelem admittendo generationes ab æterno, debuisse admittere processum in infinitum in generantibus genitis.

Sed facilè responderetur, Aristotelis positionem nihil obstare ratiociniis jam factis, quippe quorum vis posita est, non in eo ut esse nequeant infinita generantia genita, & moventia mota, sed in eo ut præter illam multitudinem seu finitara seu infinitam moventium motorum oporteat esse aliquem fontem motûs, qui ab alio illū non accipiat, & huic multitudini communicet. Et certè si repugnat esse unū aut duo moventia mota, quin statim sit aliquid præter illa, à quo moveantur; à fortiori repugnat esse infinita moventia mota, nisi præter illa sit aliquid aliud à quo infinita illa multitudo constituatur in motu, excite- turque illud, ut ita dicam, commercium quod est in accipiendo & dando motum. Vnde confugiendo ad infinita moventia mota Athæi non vitant necessitatem primi motoris, sed magis commendant motûs ab eo derivati efficaciam, quod poterit in infinita propagari.

Probatum verò secunda pars minoris principalis, nempe primum illum motorem deberet esse immutabilem. Omne quod mutatur ab alio mutatur: Sed primus ille motor ab alio mutari nequit, ergo est prorsus immutabilis. Minor patet ex terminis: neque enim esset primus motor.

si priorem supponeret, à quo mutaretur. Maior verò à nobis demonstrata fuit in fine Physicæ: Et præterea manifesta est tum experienciâ, quâ videmus mobilia quiescere, donec aliquid in ex motum excitet: Tum communi animi notionem, quâ notum habemus, inter movens & mobile esse relationem & subiectionem, quatenus id quod mutatur dependere censetur à suo motore; patet autem non esse relationem, dependentiam, ac subiectionem eiusdem ad seipsum: Cum demum ex ipsis fontibus mutationis; Et enim per se subiectum mutationis est potentia privata actu, ac verò per se causa, efficiens mutationis est actus. Patet autem quod privatio actûs non potest esse per se, actus & causa efficiens actûs, aliàs non esse efficeret esse; ergo necessario distingui debet movens à mobili, seu causa efficiens mutationis ab eius subiecto.

Atque exinde confutata manet responsio quæ petit posset ex fontibus Scoti; nempe in eo quod mutatur posse esse virtutem mutationis causativam, ut in pipere est virtus causativa caloris: Ut enim se habeat hac in parte opinio Scoti, non enervat vim nostri argumenti; quippe semper oportet illam virtutem esse re ipsa distinctam à subiecto quo transmutat. Unde vel illa virtus, quæ supponitur primus fons mutationum, est etiam per se mutabilis vel non; si non est mutabilis, iam tenemus id quod quarimus, nempe motorem immutabilem, solùmque discutiendum supererit, an illa virtus Primo motrix immobilis sit accidens vel substantia, subsistens vel recepta, &c. Si autem illa virtus motrix sit rursus mutabilis, iam oportebit eam comparari

ad aliam priorem ut subiectum transmutabile ad suum transmutativum.

Vnicum effugium superesse potest Atheis adversus efficacissimum hecce ratiocinium: Nempe illud quidem satis demonstrare inesse rebus fontem quendam motûs ac mutationum: At illum non esse Deum, sed aut naturam, at vult Plinius; aut elementa, ut vel Empedocles, aut, quod proprium semper fuit Philosophorum Atheizantium perfugium, Atomos seu particula infinitas in infinito spatio ab æterno & in æternum innatâ sibi vi agitata.

Sed facilè excluduntur ab hoc effugio: In primis enim *natura* vacuum & inane nomen est, nisi determinetur ad aliquam primam naturam moventem immotam: Elementa verò, cum ipsa mutationi ac generationi obnoxia sint, aliundeque constet ex iam dictis oportere primum fontem mutationum esse immutabilem, manifestè non possunt esse prima moventia. Porto atomi, præter quàm quod sunt magna fabula, etsi darentur, ad summum haberent rationem materiæ, ut lapides respectu domûs. Unde præterea oporteret addere causam effetricem ac moventem illam materiam: Ut meritò Tullius reprehenderit ineptum philosophandi modum Epicuri, qui cum positis infinitis atomis immensam materiam quasi collegerit ad fabricam mundi, causam efficientem præcipuam prætermisit.

Replicari posset, in Atomis duo esse, molem & gravitatem; quæ duo ita se habent invicem, ut moles quidem sit quasi materia patiens, gravitas vero quasi primum æternumque hujus materiæ principium movens.

Sed facile confutatur: Et enim gratis admiffa æternâ gravitate atomorum, hæc esse non poffet primus fons omnium mutationum. Primò, quia cum gravitas fit virtus inhærens fubftantiæ atomorum, non poteft esse illis immutabilior, proindeque nec prima virtus movens immobilis. Secundò, quia cum fubjectum ex fe nequeat fe reducere in actum, oportet assignare caufam, quæ ab æterno fecit ut fubftantia atomi quæ ex fe est fubjectum capax gravitatis, effet actu gravis. Tertiò demum, quia oportet primam virtutem motricem esse fontem omnium motuum, quos in mundo cernimus. Quis autem adeo deliriat, ut fibi perfuadeat vitam, fenfum, appetitum, rationem, libertatem, ariofque tam præclaros motus quos in nobis experimur, oriri ex illa cæca, ftupida mortuaque gravitate? Furor est perfectò, furor, negato Deo vi-vo & vero, quem natura inspirat, ratio demonftrat, totus mundus prædicat, hæc portenta chimerarum loco ejus fubftituere, illisque abfurdiffimis principiis vitam, mentem, fapientiam, omnia bona accepta referre. At impiiffimis hominibus hæc pcena debebatur, ut qui optimum patrem ac principem agnofcere recufant, tam vilibus primis principiis fefturpiter fubiiciant.

§. II.

*Demonstratur existentia Dei sub ratione primæ
causæ, entis necessarij, entis perfectissimi,
supremi moderatoris Vniuersi.*

SECUNDA demonstratio existentia Dei petita ex
ratione primæ causæ hoc pacto cõfici potest.
Manifestum est in rerum natura quædam effici,
cùm antea non essent, id est accipere esse ab alio,
nempe à sua causa effectrice. Et enim nobismet
conscii sumus, nos non semper fuisse, sed ab ali-
quo præexistente accepisse esse; quod & idem
meritò sentire possumus de alijs vilioribus ani-
mâ nostrâ, nempe tellure, aqua, igne, imò astris
ipsis ac cælis, quippe cùm hæc sint imperfe-
ctiora mente & ratione in nobis ab aliquibus an-
nis exortâ & vigente. Atqui impossibile est omnia
accepisse esse ab alio, ita ut nihil in mundo sit à
se; ergo deveniendum est ad primam causam in-
causatam, quæque sit prima origo essendi. Ma-
jor patet: Minor ita demonstratur. Quæ ha-
bent esse ab alio, non sunt nisi sit illud aliud à
quo habent esse: Sed si omnia sint ab alio, non
est illud aliud à quo omnia dicuntur esse; ergo si
omnia essent ab alio, reipsa nihil esset. Major
nota est. Minor declaratur; etenim non est aliud
ab omnibus; non enim diceret *omnia*, si aliud
supponeret præter illa, ergo si omnia sunt ab
alio, sunt ab eo quod non est, seu non est id à quo
supponuntur esse.

Responderi solet nomine Atheorum, omnia
quidem divisivè sumpta esse ab alio, non tamen
collectivè, ut omnes homines singularim sumptos

esse quidem ab alio, ut Roboam à Salomone, Salomonem à Davide, Davidem à Iesse, Iesse ab Obed, & sic in infinitum procedendo versùs æternitatem; cæterùm ipsum genus humanum à nulla alia causa extra se positâ esse causatum, quia nunquam cœpit.

Sed hæc responsio puerile est effugium, ad quod antiqui illi Philolophi, etiam si quid Deum negavere, non recurrebant; quippe qui omnino persuasum habere, necessariò admittendum esse in rebus aliquem primum essendi fontem. Primò, quia tota collectio entium ab alio, seu effectuum, est eiusdem rationis ac singula, nihilque illis addit quàm numerum: Pater autem quod numerus effectuum non excludit causam, sed quantò magis multiplicantur effectus, tantò magis multiplicatur necessitas causæ; ergo si intelligi nequit unus effectus sine causa, ita nec à fortiori infinita collectio effectuum. Secundò, quod ex sui ratione dicit non esse, nunquam incipiet esse, nisi sit aliquid extra illud à quo esse accipiat: Sed ex sui ratio collectio entium ab alio dicit ex se non esse, non enim dicuntur *entia ab alio*, nisi quia ex se non habent quo sint; ergo supponit causam à qua acceperit esse. Tertiò, difficilius est esse per totam æternitatem quam per annum: Sed ea quæ sunt ab alio hoc anno, nunquam fuissent, nisi fuisset aliquid extra illa à quo accipere esse; ergo à fortiori collectio entium ab alio esse non potuit per totam æternitatem, quia fuerit extra illam causa aliqua æterna dans illi non modò esse, sed etiam perennem illam essendi successionem. Sicque luce clarius demonstratum manet admittendam esse causam essendi æternam, à qua sint quæ sunt ab alio. Quod ratiocinium duobus verbis

complexus est Propheta regius; *Scitote*, inquit, *quoniam Dominus ipse est Deus; ipse fecit nos & non ipsi nos.* Quasi diceret, ut nos nobis esse non dedimus, ita nec ullus unquam hominum: Vade quærendus est aliquis generis nostri Dominus, cui acceptum esse & nos & quinque fuere homines, debeamus: Quique ob id sit Deus noster.

Tertia Demonstratio petita ex dote entis necessarii sic breviter conficitur. Impossibile est ut omnia sint contingentia, cum enim contingens sit quod possibile est non esse, possibile esset nihil fuisse, imò nihil esse potuisset, quia quod possibile est esse, non potest sibi dare esse; ergo oportet dari in natura immobilem essendi basim, cui necessariò competat esse: Imò quæ sit ipsum esse subsistens; non enim ei necessariò & à se competeret esse, si esset solum subjectum essendi & non ipsum esse, quia omnis essendi potentia ab alio existente in actu debet habere esse.

Antiqui Athei videntur ad id respondisse, necessariam illam æternamque essendi basim non aliam esse quàm materiam. Verùm cum materia non sit nisi essendi potentia, saltem formaliter in quantum est materia; nisi corresponderet æternæ materiæ æterna quoque causa efficiens ac dans illi esse, non esset ab æterno nisi æterna quædam essendi privatio. Unde hac in parte peccarunt æperitissimè contra prima Philosophiæ fundamenta materiam sine causa effectrice sibi proportionata inducentes.

Quarta Demonstratio petita ex ante infinitè perfectio ita proponi potest. Cum in rebus aliæ aliis perfectiores sint in essendo, ut animalia plæ-

eis, homines animalibus, oportet rem omnium perfectissimam dari, aliàs fieret processus in infinitum in perfectione essendi; imò sic daretur infinita res perfecta, quamvis ad eam numerando perveniri non posset. Sed res illa perfectissima est Deus, quippe id sibi volunt omnes qui *Deum* nominant, ergo datur Deus. Et confirmatur: Etenim cum ea quæ possunt esse non sint possibilia nisi quatenus continentur in existentibus, res perfectissima omnium non est aliquid merè possibile, sed necessario debet esse existens.

Neque dicas, rem perfectissimam non esse aliquam unam, sed totam rerum summam: Etenim quia in ipsa summa una res est perfectior alià, oportet ut gradatio perveniat ad unam in summa perfectissimam.

Quinta demum eaque illustrissima demonstratio petitur ex ratione supremi gubernatoris. Hæc dos præcipua est Divinitatis, adeo ut cæteris concessis, illâ solâ negatâ, negetur Deus. Quapropter Athei censeri debent illi omnes, qui etiam admittant primum fontem motûs, primam causam, ens necessarium ac perfectissimum, negant tamen illud esse intellectu præditum ac regere naturam, ut Epicurei, & ex Antiquis naturalistis non pauci. Cæterum ut hæc demonstratio magni momenti est ita non tam humano ratiocinio, quàm publico totius naturæ testimonio constat. Quippe per se notum est, iis effectibus præesse summam perfectamque rationem moderatricem, in quibus relucet omnes agentis perfectissimè intelligentis ac sapientissimè universa disponentis characteres; Aliàs enim, quod absurdum est retribueretur effectibus causa, à qua se

se totis abhorrent, & denegaretur illa conata ac germana, quam se totis exigunt: Atqui in dispositione mundi ac effectibus naturæ relucet omnes agentis propter finem characteres; ergo mundo & naturæ præsidet causa agens propter finem, id est sapientissima & intelligentissima. Minor, in qua sola est difficultas, fuit à nobis satis luculenter demonstrata in Physica agendo de causa finali, ut nihil necesse sit jam satis inculcata repetere. Vide ibi dicta.

§. III.

Adduntur quædam confirmationes, & solvunturque objectiones Authorum.

PRæter has quinque illustres demonstrationes, existentia Dei potest aliis rationibus confirmari; sed quas brevitatis causas indicasse sufficiat.

Prima petitur ex consensu omnium ætatum, ac nationum mundi ac veluti communi conspiratione in agnoscenda colendaque Divinitate. Ecquæ enim tanta vis colligat tot homines, tum in aliis dissentientes, in hac sententia, coëgitque etiam sapientissimos & independentiæ avidissimos, ut Divinitatis dominium sponte, constanter, lætique agnoscerent, si totum chimæricum esset? Planè ea alia non fuit, quam ipsius Authoris naturæ Dei, qui sui notionem omnibus inservit, ut totius vitæ rationalis præcipuum fundamentum.

Secunda petit, potest ex ipsa anima nostra, quam sentimus ratione, sensu, libertateque præditam esse, divinumque aliquid respirare, ac corporibus naturaliter præeminere; imò dum illi

jungitur, præ fidere ac dominari, nec tamen prorsus independentem esse, sed alicui subijci, qui & eam effecerit, & corpori alligavit, & legibus quibusdam astringerit, &c. Quis igitur est author hujus animæ? Quis eam corpori huic morali præfecit? Quis alligavit? Quis etiam repugnantem coërcet? Quis ei corpus aptavit? Quis subjecit? Quis utrique utriusque tantum amorem inspiravit? An agens irrationale ac corporeum? At ipsa naturaliter præminet corporibus, repugnatque irrationale rationali essendi, vivendique, atque omnium perfectionum principium esse. Agnoscamus igitur Patrem illum spirituum, & rationis fontem, eumque non mortuum ac irrationalem, sed perfectissimè vivum ac intelligentem.

Tertia repeti potest ex analogia mundi cum homine. Quippe sapientissimè celebrarunt Antiqui, hominem esse mundi quoddam compendium. Ut igitur anima præest corpori, & ratione suâ illud regit; ita par est æstimare totam hanc molem corporum in unum universum ut plura membra in unum corpus adunatam subesse alicui universali rationi: Neque enim ratio nostra regens corpus tot tamque insignibus indiciis se prodit extrinsecus, ac ratio illa suprema regens mundum. Quippe nimium felices sumus, si in componendis nostris negotiis, mundi naturæque ordinem vel à longè possimus imitari.

Quarta demum, ne plura accumulæm, repeti potest ex illis ipsis, qui Deum ignorant aut negant. Quippe primi sunt homines stupidi, ac tantum non belluini: Nam inter omnes politiores populos Divinitatis notitia & cultus semper florere. Secundi verò sunt homines aut atabiliōsi

& quodam furoris æstro correpti, qui immanem hanc impietatem ut non vulgatis ingenij audaciam affectant; Aut facinorosi ac perditissimæ conscientiæ, qui ut omne humanum divinumque jus liberiùs violent, extirpatis cæteris æqui ac boni columinibus, hoc postremum totius bonæ vitæ fundamentum in corde suo subvertere nituntur; Aut scioli quidam reipsa inepti, sed usque ad insaniam superbi, ac præfidentes, quibus heroicum quoddam facinus videtur certissima quæque audacissimè pernegare; Aut voluptuosi ac vitæ molliæ perditæ, quorum mens sepulta in carne & sanguine nihil divinum potest sapere: Aut demum scurræ ac ridiculi nebulones, nullius frugi, nullius nisi ad malignas nugas ingenij, toti ad seria & optima quæque facetiis corrupenda geniti. Ex hac hominum colluvie, ex his humani generis approbriis emergunt. Athei: Qui omnes sublato negatoque Deo, malignè exultant ut de quodam egregio facinore, instat seditiosorum civium optimo principe ac reipublicæ parente obruncato.

His omnibus addi possent illustres confirmationes ex ordine gratiæ petitiæ. Sed hoc genus argumenti totum Theologicum est, à quo proinde libenter abstinemus; quippe cum ad veritatem tam apertam demonstrandam ea pauca quæ de fontibus naturæ de promptissimis, sint sufficientissima. Nunc ad objectiones pergamus. Quamquam infirmæ admodum sunt; quæque nullam aliam vim habent, quàm vel in audacia proponentium qui ut suas fabulas confidentissimè divendunt, ita quidquid suæ perfidiæ adversatur, pertinacissimè inficiantur; vel certè in imbecillitate audientium, qui innatâ quadam cordis hu-

mani improbitate, cum in veris ac optimis dogmatibus non nisi multis argumentorum arietationibus defigi valeant, minimo probabilitatis flatu in prærupta falsitatum ac malignatum opinionum facile abripiuntur. Sed ut se habent hæ objectiones, referendæ nobis sunt ac refutandæ.

Igitur objici potest primò: Res tanti momenti, ut est Deus, non debet induci in rerum natura sine gravissimo fundamento: Malè enim confuleretur libertati hominum, si tantus tanque timendus Dominus eorum cervicibus gratis imponeretur. Atqui rationes quæ Deum probant, esto sint efficaces, nos tamen omnino convincentes sunt, quippe videntur solvi posse; ergo non videtur admittendus.

Secundò, si extaret Deus summè bonus, nihil malè fieret; non enim summè bonus est qui mala impedire non vult, aut non potest: Atqui plurima mala fiunt; ergo non datur Deus summè bonus.

Tertiò; nemo prudens patitur sibi à subditis irrogari injuriam, si prohibere possit: Sed ab impiis & blasphemis videmus impunè irrogari injuriam Deo; ergo videtur non existere Deus qui illos coercere possit.

Quartò videmus res humanas pessimè administrari, malos prosperè agere, bonos opprimi, seductores & hypocritas suum virus latè diffundere, simplices & veraces contemni, &c. ergo videtur non esset Deus, qui hæc curet.

Quintò; si esset Deus, curaret utique homines, neque proinde sineret eos tot arumnis miserè conficci: ergo nullus esse videtur.

Sextò, verus Deus veto suo culti provideret,

ac proinde tot religiones erroneas non permitteret. Atqui innumeræ sunt inter se pugnantes, ac genus humanum miserum in modum discerpentes; ergo aut Deus non est, aut certè homines non curat.

Hæ similisque fursuris argumentationes sunt quas Athei jactare solent ut invictas demonstrationes. At quis sanæ mentis non videt puerilia ratiocinia esse, quæque comparatione gravissimarum rationum quibus stabilitur existentia Divinitatis, nullius proflus momenti habeantur. Atque ut in singulis, quàm facilè confutari possint, ostendamus.

Respondeo ad primam, in primis nullam veritatem, etiam earum quibus homines maximè confidunt, tot tamque validis argumentis stabiliri, ac divinitatis existentiam. Sed nihil mirum, Atheos eorum vim minimè sentire, quippe qui nihil magis cordi habent, quàm ut ab oculis amoliantur motiva quibus ad Deum reduci possent: cùm è contra toti sint in exaggerandis iis quæ suæ perfidiæ tantisper favent. Addo tamen præterea hominem bonum ac minimè protervum etsi essent, minùs quàm sunt, valida, debere iis libenter acquiescere, quia Deus non est aliquid gravè & onerosum, ut illi ineptè calumniantur, sed optima ac convenientissima res quæ cogitati ac optari possit, proindèque digna quam omnes boni cupiant existere. Sed radix totius mali est, quod Athei, cùm sint pessimi, optimi principis potestatem ac censuram reformidant, ut rei iudicem quantumvis bonum: Atque idcirco nullum non moliuntur lapidem ut illum recusent. Quàm meliùs foret, ut omnes boni esse satageremus, atque tales in quibus nemo bonus quidquã vale-

ret reprehendere ! Planè tunc sentiremus Deum non esse formidabilem Dominum , quem nobis expediat non esse, sed magis optimum patrem, quem totis votis nobis præesse cupiamus. Qui sunt huiusmodi , facile agnoscunt quàm validis argumenti stabilita sit Dei existentia.

Respondeo ad secundum , Decere summum bonum, ut ea mala non impediatur, ex quibus majora bona redundant. Unde nihil mirum, si Deus licèt optimus non omnia mala tollat. ne majora bona impediatur ; Præcipuè quia ita fert conditio rerum, ab originale nihilum.

Respondeo ad tertium , Dei sapientiam decere ut unumquodque regatur juxta suam conditionem. Cùm igitur homo ex naturæ suæ conditione sit liber libertate defectivâ, oportuit ut tantisper sibi permitteretur, suaque frueretur libertate, etiam si illa esset aliquando abusurus in contemptum Dei. Non enim contemptus ille nocet Deo: sed magis suo tempore punitus ejus justitiam commendabit.

Ad Quartum respondeo, res humanas plerumque malè administrari , quia administrantur ratione humanâ . quæ plerumque deficit ; sed corrigetur suo tempore à ratione divina. Neque interim præjudicium fit bonis , quia injuriæ ipsæ transeunt illis in illustrem materiam virtutis. Unde non sunt jacturæ , sed semina copiosâ messe suo tempore compensanda.

Ad Quintum respondeo ; admodum ingratum esse, qui videre nolit quanta bona hominibus largita sit divina benignitas. Quod si quibusdam malis permixta sint, ea ferè omnia proficiscuntur ex malignitate hominum divinis beneficiis ac suâ liberalitate abutentium ad sese mutuò devoran-

Quæst. III. Art. I. *De existentia Dei.* 367
dum ac divexandum. Sed ecce Epicuræos in hac
parte sibi egregiè contradicentes; Quippe ex
una parte celebrant misérias humanas ad elimi-
nandam Divinitatis providentiam; cùm aliunde
jactitent nemini malè esse, nisi propter suam
insipientiam, naturamque nobis bonorum plus-
quam satis semper tribuere ad bene beateque vi-
dendum.

Ad sextum respondeo Deum satis providisse
cultu suo; tam per lumen naturale, quod nos
Dei agnoscendi amandique continuò admonet;
tum per specialem instructionem, quam primis
parentibus commisit posteritati tradendam, at-
que identidem collapsam restauravit. Sed homi-
num sœcordia & malitia in causa est tot errorum
utrumque lumen extinguentium, quatenus alij
quidem seducere gestiunt, alij verò seduci. Quam
pruriginem, ut docet Theologia & confirmat ex-
perientia, malus quidam genius inflammat. Unde
ex eo argumento nihil quidem adversùs Dei
providentiam colligi debet, sed tantùm conje-
ctandi locus datur, genus humanum scelere
quodam in omnes vulgato iram Dei potuisse
provocare, atque idcirco propriæ nequitiae ac
malorum geniorum potestati esse permissum. Sed
hæc de re plusquam satis.

ARTICVLVS II.

*De Attributis Dei, ac potissimum de
Deo creatore.*

Demonstratâ Dei existentîâ ac positâ communi illâ Divinitatis notione, quâ omnes intelligunt nomine *Dei* Ens à se, quod iis omnibus quæ sunt, est ut fons & principium essendi, facile deduci possunt ejus attributa: Atque ut rem, quam pro merito expendunt Theologi, tantisper solùm, & ut aiunt, crassâ Minervâ delibemus.

In primis, cum tantopere celebraverimus actum & potentiam ut cõstitutiva entis, sequitur manifestè Deum esse actum purissimum, plenissimamque essendi actualitatem nullâ potentialitate dilutam. Quippe cum in compositis ex actu & potentia essendi, & oporteat potentiam reductam fuisse ad actum essendi ab aliquo existente in actu; non enim est seipsa reducta esse potest, cum magis ex seipsa dicat privationem actûs cum capacitate illum ab alio recipiendi: ergo primum essendi principium, scilicet Deus, non potest esse per constitutionem potentia & actûs; sed per omnimodam actualitatem.

Secundò sequitur Deum esse unicum & infinitum: Quia actus non finitur & multiplicatur nisi per potentiam, in qua recipitur, ut supra ostensum est: ergo si esse divinum est actus irreceptus, erit unicus & infinitus.

Tertiò sequitur Deum esse immutabilem: Omnis enim mutatio supponit potentiam ad terminum mutationis, & etiam supponit causam mutantem & moventem: Deus autem nec est in potentia ad aliquid, nec subjacet causæ à qua moveri possit.

Quartò sequitur Deum esse æternum: Quia æternitas est mensura entis omni ex parte immutabilis.

Quintò sequitur Deum esse immaterialem & spiritualem: Est enim actu purus, ac proinde omnis materialitatis expertus.

Sextò sequitur Deum esse intellectu & voluntate præditum: Quia istæ perfectiones conveniunt substantiis spiritualibus: ergo sicut Deus est maximè spiritualis, ita & maximè intellectualis.

Sequitur septimò Deum esse libertate præditum, proindeque omnia liberè producere: Quia libertas est proprietas voluntatis.

Sequitur octavò Deum esse summè bonum: Quia continet in se plenitudinem omnium perfectionum, quas communicat creaturis.

Sequitur nonò Deum esse omnipotentem: Quia cum contineat totam essendi plenitudinem, omnia potest intra lineam entis. Non potest tamen contradictoria, quia contradictio destruit ens.

Sequitur decimò Deum esse immensum, & ubique præsentem, ac omnia cognoscentem: Cum enim si omnium causa, necesse est, ut ubique sit præsens, & omnia cognoscat, sicut peritus artifex cognoscit sua artefacta. Verùm iis leviter delibatis, solum tantisper dicendum de emanatione rerum à Deo: Quippe de qua idem

tidem mentio nobis incidit in decursu Philosophiæ.

Igitur cum omnes, qui Deum agnoverint, illum semper habuerint ut omnium aliorum causam & Dominum, non omnes tamen eodem modo intellexerint hanc rerum à Deo emanationem. Quippe alij, cum non satis caperent immensam Dei potestatem, putaverint huic emanationi præsupponendam esse materiam, quam proinde æternam habuere, & ex qua Deus cuncta conficeret: Alij verò è contra non modò Deo, sed etiam aliis rebus potestatem attribuere producendi aliquid ex nihilo. Ut utrumque confutetur.

Dico primò: Deus creavit omnia, etiam materiam primam. Conclusio est de fide.

Probatum ratione D. Thomæ. Causa universalis entis debet producere omnia, quæ sunt sub linea entis participati: Sed Deus est causa universalissima entis; ergo debet causare omnia, quæ sunt sub linea entis. Atqui materiam primam comprehenditur sub linea entis, est enim potentia ad essendum; ergo non solum omnia alia, sed etiam materia prima est causata à Deo.

Confirmatur: Tum quia Deus est universalior causa, quam cætera entia ab ipso producta; ergo debet minus præsupponere, quam ipsa. Atqui cætera entia solum præsupponunt materiam primam, ex quas suos effectus producunt, ergo Deus non debet illam supponere. Tum quia Deus producit entia immaterialia, ut Angelos, qui non producuntur ex aliqua materia, sed ex nihilo; ergo potest elucere suos effectus de nihilo, ac proinde causare totum id, quod est in rebus, etiam materiam primam.

Dico secundò: Nulla creatura potest creare per

modum causæ principalis. Ita D. Thomas 1. part. quæst. 45. art. 5.

Probatur conclusio ejus ratione: Nulla creatura potest respicere ens sub universalissima ratione entis: Atqui causa creans debet respicere ens sub universalissima ratione entis: ergo nulla creatura potest creare. Minor constat: Nam causa creans nihil supponit de ente, ergo debet respicere universalissimam rationem entis comprehendentem omnes essendi modos. Major verò declaratur: Etenim ens sub universalissima ratione entis est effectus proprius Dei, oportet enim universalissimæ causæ assignare universalissimum effectum.

Dico tertio: Creatura non potest esse instrumentum physicum ad creationem. Ita expressè D. Thomas 1. part. quæst. 45. art. 5.

Probatur conclusio ratione D. Thomæ: Intantum aliqua causa cooperatur instrumentaliter alteri, in quantum per aliquam actionem sibi propriam attingit subjectum, circa quod operatur causa principalis: Atqui nulla creatura potest habere actionem attingentem subjectum ipsius creationis, ergo non potest instrumentaliter creare. Minor constat: quia creatio non supponit subjectum. Major verò declaratur: Si enim instrumentum non ageret per actionem sibi propriam circa tale subjectum, non posset dici instrumentum, sed tantum medium.

Confirmatur utraque conclusio. Nulla virtus eductiva est ullo modo creativa, ut patet ex terminis, creativum enim est quod agit ex nihilo, eductivum verò quod agit ex præsupposito subjecto: Atqui omnis virtus recepta in creatura est eductiva: ergo nullo modo est creativa. Declaratur minor ex D. Thoma 1. p. q. 45. art. 3. ad 1.

Cum enim omnis virtus quæ est in creatura sit participata ab aliquo subjecto, nihil amplius facere potest, nisi ut subjectum aliquid participet: Atqui facere ut subjectum aliquid participet, est educere, ergo, &c.

Objicies primò, ex Augustino tractatu 72. in Ioannem, *Majus opus est ut ex impio justus fiat, quam creare calum & terram*: Sed creatura potest esse instrumentum physicum justificationis impij; ergo & creationis. Secundò ad creationem non requiritur virtus infinita; ergo sufficere potest virtus creata. Probatur antecedens: effectus creationis est finitus; ergo non exigit virtutem infinitam.

Respondeo ad primum cum D. Thom. 1. 2. q. 113. art. 9. distinguendo majorem: Justificatio est majus opus, quam creatio, quantum ad substantiam operis, concedo; quantum ad modum productionis, nego. Quamvis enim gratia, per quam justificamur, sic dignissima creaturarum, quia tamen sit ex præsupposito subjecto, quantum ad modum fiendi non est tantum opus, nec requirit tantam virtutem, quantum exigit productio minutæ creaturæ ex nihilo.

Ad secundum nego antecedens. Ad probationem, distinguo antecedens: Effectus creationis est finitus, materialiter & entitativè, concedo; formaliter & in ratione effectûs, nego. Quamvis enim res creata sit finita, v. g. musca; attamen cum fiat per creationem, debet terminare virtutem respicientem ens sub universalissima ratione entis, ideoque infinitam: Vnde etiam musca sub ratione entis creati est effectus exigens virtutem infinitam. Adde præterea ex D. Thom. 1. part. quæst. 45. art. 5. ad 3. *Quod si tantò major*

Quæst. IV. Art. III. *Virum Deus de potent. 377*
virtus requiritur in agente, quanto potentia
est magis remota ab actu, oportet quod virtus
agentis ex nulla presupposita potentia, quale
agens est creans, sit infinita, quia nulla est
proportio nullius potentia ad aliquam poten-
tiam, quam presupponit virtus agentis natura-
lis, sicut non entis ad ens. Unde effectus creatio-
nis ex modo finiendi est infinitus.

ARTICVLVS III.

De Angelis.

Angelos vocat Dionysius, *Mundissima di-*
uinitatis specula, eo quod in illis diuinæ
cognitionis claritas, ut solis fulgor in speculo re-
splendeat. Nulla ferè natio est, quæ non noverit
Angelos, quamvis cæca gentilitas eos cum Deo
confunderet, Deosque vocaret, ex quo Idololatria
pullulavit, quæ adorabat simulachra malis An-
gelis dicata. Circa Angelos disputant Theologi,
Metaphysicus verò solum quædam faciliora præ-
libat, scilicet an dentur, quomodo intelligant,
& invicem loquantur, & ad corpora se habeant.
Pro quorum explicatione.

Dico primò: Dantur in Vniuerso substantiæ
incorporeæ, quæ dicuntur *Angeli*. Conclusio est
contra quosdam Antiquos, qui vel negabant dari
spiritus, ut Sadducæi & Epicuræi, vel dicebant
omnem spiritum esse receptum in corpore, exce-
pto Deo. Unde dabant corpora etiam Angelis.

quamvis subtiliora. Pro qua sententiâ referuntur quidam ex sacris Ecclesiæ Doctoribus.

Probatum tamen conclusio, quæ modò est doctrina Ecclesiæ: Omne agens intendit perfectè assimilare sibi effectum suum quantum ejus conditio patitur. Sed mundis non assimilaretur perfectè Deo, nisi darentur Angeli; ergo dantur. Major patet, præcipuè de Deo, qui condidit mundum, ut in illo repræsenteretur. Minor verò probatur: Tunc opus censetur perfectè simile agenti, quando imitatur ipsum secundum id, per quod agit: Sed Deus causat mundum per modum agentis intellectualis & incorporei; ergo debent dari in mundo creaturæ incorporeæ & intellectuales, quæ repræs. nent Deum quantum ad spiritualitatem & incorporeitatem omnimodam.

Si verò dicas dari animam rationalem, quæ hanc Dei spiritualitatem satis repræs. nent, contra instatur: Nam anima rationalis est solum imperfectè incorporea & spiritualis, siquidem emendicat cognitionem intellectivam à sensibus, & est capax informandi corpus; ergo præter ipsam dari debent in mundo substantiæ perfectè spirituales & intellectuales. Probatum consequentia, ut enim acutè ait Cajetanus, natura est magis sollicita de rebus perfectis, quàm de imperfectis. Unde si produxit substantiam spiritualement imperfectam, à fortiori debuit producere aliquam perfectè spiritualement.

Confirmatur: Tum quia cùm videamus esse res purè corporeas, ut arbores; & alias partim corporeas, partim spirituales, ut homines; debent etiam dari res purè spirituales, scilicet Angeli. Tum quia plures Angelorum effectus legimus in

historiis : constat enim homines correptos fuisse ab huiusmodi spiritibus , ita ut per aëra rotarentur : linguis , quas nunquam didicerant , loquerentur res absentes manifestarent , &c. quæ omnia fieri non possunt à spiritibus illis separatis , qui dominantur corporibus ; ergo dantur huiusmodi spiritus incorporei.

Dico secundò : Angeli intelligunt per species à Deo infusas , in quibus res omnes naturales clarissimè cognoscunt. Vnde non discurrunt , sed in illis speciebus omnem veritatem , cuius sunt capaces intuentur. Loquantur verò invicem per directionem conceptuum , in quantum scilicet unus Angelus vult cogitationem suam innotescere alteri , hoc ipso enim dat ei jus in suum secretum , sicque fit ut talis cogitatio incipiat relucere in ejus speciebus.

Prima pars patet : Cum enim non habeant sensus corporeos , quibus colligant species rerum , sicut anima rationalis , necesse est ut illas recipiant ab eo , sub quo immediatè collocantur , & à quo immediatè receperunt intellectum suum , proindeque species intelligibiles , quibus perficitur.

Secunda verò sequitur ex prima : Si enim recipiant species à Deo , in quibus vident veritatem , non indigent inquirere illam per discursum , sicut homo , qui ex rebus notis infert ignotas.

Tertia tandem pars ex eo collegitur , quod inter Angelos debeat dari communicatio cognitionis , sicut & inter homines , aliàs non possent invicem conservari , nec proinde societate instituire. Non apparet autem alius modus expeditior communicandi conceptus inter substantias purè spirituales , nisi per directionem voluntatis , quatenus unus Angelus vult suam cogitationem

innouescere alteri, sicque dat illi veluti jus in sua secreta.

Dico tertio: Angeli præsumt corporibus omnibus, sibi que formare possunt corpora aërea; in quibus licet non exercent opera vitæ, attamen omnia quæ rebus vitalibus competunt, exercere possunt secundum apparentiam.

Prima pars probatur. Cum enim mundus sit ordinatissimus, oportet ut inferiora obediant superioribus; unde sicut corpus animatum subiacet animæ, à qua movetur, ita omne corpus subiacet Angelis tanquam sublimioribus spiritibus, ut ab illis possit moveri, prout ipsis placuerit. Nec subjacent modò Angelis corpora, sed etiam ob eandem, quam diximus, rationem gubernantur ab illis. Vnde Augustinus lib. 8. 3. 99. dicit *quod unaquaque res visibilis in hoc mundo habet Angelicam potestatem sibi præpositam.* Et Gregorius 4. dialog. quod in hoc mundo visibili nihil nisi per creaturam invisibilem disponi potest.

Secunda verò pars constat ex Scripturis & Historiis, sequiturque ex præcedenti; si enim Angelus præest corporibus, quid obstat quominus aërem, v.g. possit movere, ad densare, figurare, & ad natum formare.

Tertia verò pars ex eo constat, quod opera vitæ necessariò exigunt formam vitalem: Angeli autem non possunt esse formæ vitales corporum, unde nequeunt exercere opera vitæ, nisi secundum apparentiam; juxta illud Raphaëlis ad Tobiam, *Videbar vobiscum manducare, & bibere: sed ego cibo invisibili, & potu qui ab hominibus videri non potest, utor.*

ARTICVLVS IV.

De Anima separata.

CVM anima rationalis sit immortalis, & corpori suo superstes, necesse est illam duplicem habere statum, conjunctionis scilicet cum corpore, & separationis ab illo. De primo statu agit Physicus de secundo verò agere pertinet ad Metaphysicum. Cæterùm quamvis de illo statu plura fides doceat, pauca tamen ratio investigare potest, quæ, ut explicentur unicâ conclusione.

Dico primò: Anima separata retinet intellectum & voluntatem. Secundò non tamen potest intelligere per solas species, quas secum tulit ex hac vita. Tertio, sed intelligit per species à Deo sibi infusas. Quarto, & illæ species infusæ complent eas, quas secum detulit ex hac vita, ita ut quantò plura noverit in hac vita, tantò etiam plura cognoscat in altera. Quintò, in illis verò speciebus cognoscit etiam singularia, quæ gessit, dum viveret (unde Lucæ 16. dives Epulo recordabatur fratrum suorum in inferno,) cognoscit etiam Angelos. Sextò demum, non tamen cognoscit quæ aguntur in hoc mundo, saltem naturaliter, sed tantùm si Deus voluerit revelare. Tota conclusio desumpta est ex D. Thoma 1. part. quæst. 89.

Probatur prima pars : Quia intellectus & voluntas non dependent à corpore, sunt enim potentiaë spirituales : ergo remanent sine corpore in anima separata. Cæteræ tamen potentiaë communes brutis non manent in anima separata, nisi radicaliter, quia subiectantur in composito & organis corporeis.


Probatur secunda pars : Quia species, quas anima habet in hac vita, dependent à phantasmatis, ita ut nihil repræsentent nisi per conversionem ad phantasmata : Vnde quantumvis docti nihil possunt intelligere turbatâ imaginatione : ergo tales species non sufficiunt animæ separatæ ad cognoscendum, cum in ea non sit imaginatio.

Probatur etiam tertia pars : Nam anima separata ingreditur conditionem Angelorum, sicut anima conjuncta corpori ingreditur conditionem animalium : ergo sicut anima conjuncta corpori acquirit species per sensus sicut & animalia, ita quoque separata à corpore debet acquirere species à Deo, sicut Angeli.

Probatur quarta pars : Deus debet perficere unumquodque juxta suam conditionem : ergo naturaliter loquendo infundit animæ separatæ species repræsentantes ea, quæ gessit in hac vita, & quæ ad ipsam pertinuerunt, & etiam substantia separatas, scilicet Angelos, cum quibus conversari debet in altera vita : Per quod etiam patet quinta pars.

Demum probatur sexta pars : Quia species illæ solùm repræsentant ea, quæ scire debet anima, illa verò, quæ geruntur in hoc sæculo non pertinent amplius ad animam separatam, quæ

Quæst. I V. *De Deo promotore*, Sc. 379
est extra hoc sæculum. Attramen species angeli-
cæ repræsentant ea, quæ geruntur in hoc mun-
do, quia naturaliter Angeli sunt Ministri Dei
ad gubernationem mundi: Vnde scire debent
ea, quæ geruntur in hoc mundo, utpotè ad il-
lorum ministerium pertinentia, quod non com-
petit animæ separatæ.



QVÆSTIO IV.

*De Deo promotore: Seu, de influxu
causæ primæ in causas
secundas.*



V M superius dictum sit de Deo
creatore deque notabilioribus sub-
stantiis ab eo immediatè produ-
ctis, in quibus ejus imago lucu-
lentius expressa relucet, tunc di-
cendum de modo, quo influit in causas à se pre-
ductas, maximè in voluntatem substantiarum
spiritualium, quam cum apud omnes constet,
non modo à Deo moveri, sed etiam præveniri
(licet de modo quo prævenitur sit controversia)
ideo quæstionem hanc merito inscribimus, *De
Deo Promotore*. Ut verò celeberrima his tempo-
ribus difficultas accuratiùs expendatur, & ea
quæ veritati lucem aut robur afferre possunt,
clarè & distinctè tradantur, rem omnem octo ar-

ticulis ita comprehendemus, ut nos quantum fieri poterit, intra proprias, id est naturalis ordinis, metas contineamus, remissis iis, quæ ad supernaturalem gratiæ ordinem spectant ad Theologos. In primo igitur articulo statum questionis & sententias referemus. In secundo terminos, quorum frequens est in hac difficultate usus, explicabimus. In tertio queremus, possitne absolutè Deus causas secundas physicè præmovere. In quarto utrum de facto præmoveat & applicet, ubi sententiam D. Thomæ omni argumentorum genere stabiliemus. In quinto, quomodo Deus moveat voluntatem quantum ad actum peccati. In sexto solventur Adversariorum objectiones. In septimo explicabitur concordia libertatis cum divina præmotione. In octavo demum ostendetur sententiam Thomistarum circa Dei motionem omnium remotissimam esse à sententia hæreticorum: Imò è diametro eis oppositam esse, eorumque sacrilega fundamenta radicitus extirpare.



ARTICVLVS PRIMVS.

*Aperitur status quæstionis, & Authorum
sententiæ referuntur.*

Causas secundas egere Dei influxu ad agendum nemo negare potest, cum ipsa Scriptura expressè dicat, Deum operari in omnibus, & effectus tum naturæ, tum voluntatis ipsi attribuat: Vt Iob. 10. *Manus tua, Domine, fecerunt me*: Et Isaïæ 26. *Omnia opera nostra operatus es nobis, Domine*: Et ipse Deus in alio Propheta, *Faciam*, inquit, *ut in præceptis meis ambuletis*: Et demum D. Paulus 1. ad Corinth. 12. de Deo, *Omnia*, inquit, *operatur in omnibus*. Vnde necesse est admittere, Deum in omni agente operari. Durandus tamen in 2. dist. 1. quæst. 5. tenet hunc Dei influxum non esse immediatum, nec distinctum à creatione, quâ dedit omnibus facultates operatrices, & à conservatione, qua res ipsas & earum virtutes activas conservat. Hæc tamen sententia reiicitur ab omnibus, qui præter actionem creativam & conservativam admittunt alium influxum, quo Deus operetur cum ipsis creaturis. Nam (præterquam quod id satis expressè innuit Scriptura) causæ creatæ non possunt ita emancipari à Deo, quin etiam ad actu agendum indigeant aliquo eius influxu. Vnde cum influxus creans & conservans sit solum ad esse & non ad agere, præter ipsum oportet alium dari qui sit ad operandum. Quod etiam luculentius infra

constabit iis omnibus argumentis, quibus necessitas divinæ præmotionis statuetur, Sed ingens controversia est, quomodo se habeat huiusmodi influxus ad actionem creaturæ, utrum scilicet sit physicus & prævius, applicans creaturam ad agendum; an verò sit solum simultaneous, cooperans creaturæ agenti; seu consistens in quadam associatione influxuum, ita ut Deus dicatur influere in effectum, in quantum influxus Dei & influxus creaturæ associantur ad producendum unum eundemque effectum.

Molina in libro à se edito circa annum 1588. cui titulus est, *Concordia*, & in Commentariis supra quæstionem 19. Primæ partis, aliisque in locis tenet Deum causas secundas physicè & intrinsecè non movere, nec ad agendum effectivè applicare, aliquidve prævium physicum influere, sed omnem activum Dei concursum consistere in quadam conjunctione influxuum, in quantum scilicet virtus Dei virtus creaturæ associantur ad producendum unum effectum, cujus sunt partiales causæ, non quidem partialitate effectus, quasi eius, quod agitur, partem Deus efficiat, partem creatura; sed partialitate causalitatis, quia nec influxus Dei solus sufficit, nec solus creaturæ influxus, sed uterque exigitur. Unde Deum & creaturam dicit se habere respectu effectus producti, sicut duos homines trahentes simul unam navim, aut idem pondus, ad quod neutrius virtus sola sufficit, portantes. Ecce verba eius 1. part. q. 19. art. 8. disput. 6. *Quo fit ut concursus Dei generalis non sit influxus Dei in causam secundam, quasi illa prius eo mota agat & producat effectum suum, sed immediate cum causa in illius: actionem & effectum, &c.* Et in

Quæst. IV. Art. I. *Aperiaturs status, &c.* 383
sine disputationis, *Cum dicimus*, inquit, *neque*
Deum per concursum universalem, neque causas
secundas, esse integras, sed partiales causas ef-
fectuum, intelligendum id est de partialitate
causa, ut vocant, non verò de partialitate effe-
ctus. Totus quippe effectus & à Deo est, & à
causis secundis, sed neque à Deo, neque à cau-
sis secundis ut à tota causa, sed ut à parte cau-
sa, qua simul exigit concursum & influxum
alterius, non secus ac cum duo trahunt navim,
totus motus proficiscitur ab unoquoque trahen-
tium, &c.

Ex quo patet juxta Molinæ ac eius sectatorum
sententiam duo manifestè sequi circa concursum
causæ primæ cum secundis. Primum est quod
propriè physiceque loquendo causa prima non
facit ut causa secunda faciat, sed potiùs facit
cum causa secunda facit; ideoque si res suis no-
minibus exprimantur, Deus non est in singulis
creaturarum actionibus physicus motor agen-
tium, sed cooperator; nec dux actionis, sed so-
cius; nec primus virtutum activarum applicator,
sed simultaneus adiutor. Non enim juxta hanc
sententiam activè movet causas ad agendum,
quod formale motoris causarum munus est, sed
ipsis agentibus cooperatur. Neque virtutes acti-
vas sibi subditas physicè applicat ad actionem,
ultimum agendi vigorem, complementum, ac
exercitium illis influendo, sed ipsis ex parte sua
influentibus influxum suum coniungit & associat
ut effectus perfectè sequatur, qui ut sine illis esse
non poterat, ita per illas solas produci nequibat,
quod sine dubio non ducis applicantis officium
est, sed locii adjuvantis.

Secundum quod ex illa sententia sequitur, est

creaturam magis propriè determinare & applicare Deum, quam ab eo determinari & applicari. Cùm enim duo eidem operi simultaneè collaborant, quorum unus ad agendum pro sua parte semper expeditus, paratus, promptusque est, suamque operam alteri sic offert, ut nihil ampliùs ad agendum expectetur, nisi ut iste acceptet, suumque influxum impendat, sicque alium ex otioso efficacem reddat; quis, inquam, ex his duobus dicendus est alterum determinare & applicare? Ille profectò cujus nutus expectabatur, qui propriè cooperationis suspensione remoram actioni adhibeat, qui demum socium suum otiosum, expectabundum, & quasi pendulum actu agentem reddidit, id quod ultimò ad agendum deerat, quoque in alterius potestate non erat impendendo. Atqui apud authores hujus sententiæ res ita constituuntur, ut velint Deum ex parte sua suum partialem concursum continuè creaturis offerre; semperque quantum in se est, paratum, expeditumque esse ad cooperandum, sed expectare creaturæ nutum, consensum, & cooperationem, ut de facto agat: Imò quod magis ad rem facit, putant concursum divinum offerri creaturis indiscriminatim ad omnia, & de se indifferens cùm sit & vagus ac indeterminatis, à creaturis flecti ad hoc genus, ad hunc modum, ad hanc rationem actionis & effectus; cum tamen nolint Deum pari jure indifferenter creaturam flectere ac determinare; ergo propriè loquendo in ordine physico & efficientiæ propriè dictæ, creatura Deum potius determinat, quàm ab eo determinetur, juxta ejusmodi opinionem.

Verùm cùm jus applicandi ac determinandi
creaturam

Quæst. IV. Art. I. *Aperitur status, &c.* 385
creaturam in ordine physico ac efficientiæ propriè dictæ Deo denegent, ut aliquatenus suam mitigent sententiam, præter concursum simultaneum, qui pertinet ad genus causæ activæ, admittunt motiones morales, etiam prævias, tum exteriores, ut sunt prædicationes, exempla bonorum, occasiones opportunæ, &c. tum interiores, ut sunt sanctæ cogitationes, illustrationes, &c. quibus Deus moraliter alliciat, moveat excitetque causas libras & cognitione præditas, quæ solæ hocce genere motionis sunt capaces. Sed illud non prætereundum, has motiones morales nihil speciale Deo vindicare, cum non modò boni Angeli, sed etiam dæmones voluntatem moraliter movere possint: sed de his in discussione difficultatis ampliùs.

Altiùs de Deo divinaque motione sentiunt Thomistæ, docentes cum tota antiquitate, primatibus Theologis & Philosophis, præcipuisque orbis Academiis, Deum non solum cooperari creaturis, causasque liberas ad bene agendum moralibus motibus excitare, sed etiam agentia omnia physicè, activè prævièque applicare & movere ad omnes & singulas actiones. Unde veluti cor membris omnibus vitam, motum & efficaciam inspirat, cujus influxu subtracto omnes vitæ facultates in paralyfim incidunt, ita quoque divina Providentia toti orbi, & omnibus causis agentibus vim & efficaciam inspirat, applicando virtutes activas per quemdam impulsum prævium, physicum, & intrinsicum, quem si Deus subtraheret, omnes illæ virtutes languescerent, ut jure in sacris Ecclesiæ hymnis dictus sit, *Rerum tenax vigor*. Hunc impulsum vocant *Promotionem Physicam*, Mo-

tionem, quidem, quia omnes creaturæ illam ad agendum moventur, *Præviā* verò; quia omnes actiones naturaliter præcedit; *Physicā* demum, quia non consistit in illis excitationibus & persuasionibus, quibus etiam homo hominem movere potest, & boni Angeli suos clientes ad virtutem interius excitant, sed in subministratio-
ne interioris virtutis, & activa applicatione, sicut magis infra constabit. Solet etiam vocari, *Prædeterminatio physica*, quod per illam virtus activa creaturæ ex indifferenti & otiosa reducat-
tur ad actum determinatum.

ARTICVLVS II.

Quid sit concursus simultaneus : Quid præmotio physica ; Quid motio moralis.

Frequens est horum vocabulorum usus in hac quæstione. Vnde ne eorum ignorantia tenebras quæstioni offundat, & Andabatarum more quasi clausis oculis de ignotis pugnemus, statim in ipso limine constituendum est quid hæc vocabula significant.

Concursus simultaneus est influxus per quem Deus causis secundis cooperatur, in quantum cum illis eundem effectum producit: illudque idem quod creatura, producit tanquam causa inferior ac limitator, ipse quoque attingit & producit tanquam causa superior & universalior. Vnde concursus ille non movet nec applicat intrinsecè causam creatam,

imò non recipitur in illa, sed tantum in effectu; ideoque per illum Deus nihil intrinsecè ponit in agentibus creatis, nec propriè facit ut faciant, sed solum ipsis ex se agentibus cooperatur. Est præterea talis concursus de se indifferens ad producendum vel non producendum effectum, & ad istud potius quàm aliud ponendum; ideoque ut efficax sit, & hunc potius, quàm alium effectum producat, expectat creaturæ cooperationem; cui etiam sic se attemperat & accomodat, ut cum igne ignem, cum planta plantam, cum volente volitionem, cum nolente nolitionem, cum alio aliud efficiat. Unde ex eo ratio reddi non potest, nec cur creatura agat potius quàm non agat; nec cur istud potius quàm aliud efficiat.

Præmotio physica est influxus causæ primæ receptus, non quidem immediatè in effectibus, sed in causis secundis, quo Deus ipsis actualem efficacitatem inspirat, quo eas movet & applicat, non solum objectivè ac moraliter, alluciendo & suadendo; sed etiam physicè & activè, interiùs inclinando, applicando, determinando, ac ultimam illam activitatem, ad quam statim sequitur actio; influendo: & ideo dicitur, *Motio physica*. Sed quia motio & applicatio virtutis activæ ad agendum est priùs natura quàm ipsa actio, sicut omnia via est prior suo termino, & omnis causa suo effectui, ideo motio illa dicitur, *prævia motio*, seu *præmotio*, quam ritè comparaveris illis impulsui, quo voluntas movet potentias sibi subditas, (si tamen aliquid activè influendo moueat) quo anima vivificat organa vitalia; quo cælum & sidera mo-

vent arbores ad fructificandum; quo manus movet baculum, & artifex securim, licet ista omnia exempla non ex omni parte quadrent. Unde per illum influxum Deus activè propriè facit ut creatura faciat, redditque illam à se dependentem, non ut concausam concausæ, sed ut secundum agens primo agenti, & ut causam subditam ac inferiorem superiori, à qua applicatur ac determinatur, cui proinde non solum effectum suum debet, sed etiam propriam suam in productione effectus cooperationem.

Motio tandem moralis est invitatio quædam objectiva nihil imprimens voluntati, sed solum eam metaphoricè movens & trahens per modum allicientis suadendo, illustrando, deprecando, comminando, præcipiendo, consulendo, &c. quomodo ait Poëta,

— *trahit sua quemque voluptas,*

& alius, *Corrumunt bonos mores colloquia prava.* Unde solæ creaturæ cognitione præditæ sunt capaces illius motionis: nec enim ignis, v. g. vel arbor minis, aut precibus, aut blanditiis moveri possunt, ut patet; cum tamen ista moveant hominem. Imò aliquando bruta animalia istis moventur, inquantum cognitione aliquali prædita sunt.

Ex his habes definitiones & discrimina triplicis illius motionis. Definitiones quidem: Nam motio moralis est, propositio objecti, vel occasionum, vel motivorum ad agendum invitantium, sive talis propositio interius fiat inspirando, sive exterius sensibilia objecta, quibus voluntas sollicitari nata est, offerendo. Concur-

Quæst. IV. Art. II. *Quid sit concursus, &c.* 389
fus simultaneus est influxus, quo Deus non agit
in causam secundam ut agat, sed agit in effe-
ctum simul cum causa secunda, cum scilicet at-
tingendo sub altioribus & universalioribus for-
malitatibus, dum creatura illum sub limitationi-
bus attingit, Præmotio autem physica est influ-
xus, quo Deus præviè, activè & intrinsecè ap-
plicat causam secundam ad agendum.

Discrimina verò: Nam motio moralis solum
invitat ad agendum, physica verò intrinsecè &
activè applicat ad agendum. Concursus autem
simultaneus creaturæ agenti cooperatur. Prima
moveret solum objectivè per modum finis allicien-
do. Secunda moveret effectivè per modum agen-
tis applicando. Concursus verò simultaneus se
habet solum per modum concausæ cooperan-
do & adjuvando. Movere moraliter possunt om-
nes creaturæ, præcipuè verò Angeli boni bona
inspirando, Angeli mali tentando, homines
persuadendo. Movere physicè, præcipuè vo-
luntatem, soli Deo proprium est, qui solus om-
nes virtutes activas in manu sua habet, volun-
tatiq; illabitur ac præest tanquam ejus Au-
thor, conservator, ac moderator. Concurre-
re verò physicè, etsi speciali modo conveniat
Deo, attamen & suo modo creaturis potest com-
petere.

Res omnis sensibili exemplo declarari potest
Pictor dum præcipit discipulo, ut pingat, est
motio moralis. Si apprehensam ejus manum si-
mul cum penicillo moveat & applicet ad pin-
gendum, est motio prævia physica. Si demum
ipsi cooperando difficiliora tabellæ lineamenta
perficiat simul cum discipulus faciliora expe-

dit, erit concursus simultaneus. Ita quoque Deus dum bonum præcipit, suadet, consulit voluntati, eamque præmiis & pœnis excitat ad agendum, sive per suos prædicatores, sive per pias actiones, sive per interiores illustrationes, est motio moralis. Dum voluntatem interiùs & activè applicat, movet, & inclinât ad amplectendum bonum, est motio physica: Dum nobis agentibus cooperatur, altiores formalitates operis attingendo, quæ nostram virtutem superant, est concursus simultaneus.

Verùm circa duo postrema, concursum scilicet simultaneum & præmotionem physicam, quæri potest, primò an nùm semel admisâ præmotione superfluat concursus simultaneus, proindeque illi qui tenent præmotionem physicam, negare debeant dari concursum simultaneum ab ea distinctum, ut potè inutilem?

Respondeo concursum simultaneum probè explicatum debere ab omnibus admitti, etiam ab iis qui præterea ponunt præmotionem physicam. Ratio est, quia non solùm causæ secundæ dependent à Deo ut primo motore & applicatore omnium virtutum activarum, sed etiam quæcumque in rerum natura fiunt ab eo immediatè fiunt, ut à prima causa, quæ tamen non excludit causalitatem agentium creatorum. Vnde non solùm admitti debet divinus quidam influxus in causas secundas, quo ad agendum moveantur ac applicentur, qui ipse, ut infra dicetur ampliùs, est ipsissima præmotio, sed præterea necessarius est alius, quo Deus tanquam prima causa immediatè influat in effectum, ipsum attingendo sub altiori quadam formalitate.

Quæst. IV. Art. II. *Quid sit concursus, &c.* 371
soli primæ causæ correspondenti, dum agens
creatum illum attingit sub inferiori formalita-
te sibi propria; & hic influxus est concursus
simultaneus. Quamquam astem hi duo influxus
communiter comprehendi soleant ab Authori-
bus, præcipuè antiquis; sub communi vocabu-
lo *Divini concursus Et influxus*, attamen re-
ipsa distincti sunt ac diverſi: quia prævius reci-
pitur in causa secunda, quàm applicat ad agen-
dum, simultaneus verò in effectu, quem produ-
cit saltem eo modo quo recipi dicitur. Sed de
hoc infra. Primus cessat cessante causalitate
agentis creati, secundus perseverat quan-
tu manet effectus productus, & ut in productione rei
habet munus influxus effectivi, sic ea in *esse*
perseverante habet munus influxus conservativi.
Primus nihil de effectu attingit, quod & agens
creatum non attingat, quia eatenus effectum
attingit, quatenus causam secundam ad illum
attingendum complet, determinat, actuat, ap-
plicat. At verò secundus quasdam formalitates
in effectu attingit, quæ à causa creata non attin-
gantur, quales sunt eæ, quæ primæ causæ ita
singulariter; Respondent, ut ab inferioribus ne-
queant respici. Ejusmodi est in primis materia
prima in rebus corporeis, quæ à solo Deo im-
mediatè creatur, & licet deinceps conservetur
eâdem actione, qua & composita genita ex il-
la, attamen non conservatur per illam actio-
nem ut procedentem ex influxu causarum se-
cundarum, sed ut procedentem ex concursu
Dei, qui est proprius author ac conservator ma-
teriæ, & præterea *esse* absolutè ac simpliciter
sumptum in omnibus rebus est immediatè à di-

vino concursu. Ut enim profundè advertit D. Thomas 2. part. quæst. 45. art. 5. ad 1. & 3. contra Gent. cap. 66. causæ creatæ non producant *esse* absolute, sed solum ipsum applicant ad hoc subjectum. Vnde *esse* rerum ut productum absolute soli concursui divino correspondet, ut verò eductum de tali subjecto correspondet virtuti agentium creatorum, à Deo tamen motorum. Et ideo solus Deus est immediata causa cur res sint, agentia verò creata sunt causæ cur res ab ipsis productæ taliter esse participant. Vnde annotante eodem S. Doctore præsupponunt semper subjectum capax tali & tali modo participandi *esse*, & de quo possint illud educere.

Dixi autem expressè in responsione *concursum simultaneum probè explicatum ab omnibus admitti debere*; quia ut à Molina ejusque Affectis explicari solet, ita ut scilicet sit quidam influxus partialis & dependens à creatura, non solum non est necessarius, sed etiam indignus qui primæ causæ adscribatur. Et quidem partialis esse non potest, nam oportet Deum in ratione primæ causæ totum effectum attingere, cum nihil in eo sit, quod ejus causalitatem subterfugere possit: unde influxus ille quo effectum attingit, est totalis in suo ordine; proindeque, ut ait D. Thomas 3. contra Gentes cap. 70. *Non sic idem effectus causa naturali & divina virtuti attribuitur, quasi partim à Deo, partim ab agente naturali fiat, sed totus est ab utroque, secundum alium & alium modum: sicut idem effectus totus attribuitur instrumento, & principali agenti etiam totus.* Vnde

Quæst. VI. Art. II. *Quid sit concursus, &c.* 373
Opuscul. 1. cap. 23. rejicit expressè exemplum
Molinæ comparantis concursum Dei & creaturæ
duobus portantibus idem pondus, vel tra-
hentibus eandem navim, ut videas Adversarios
longissimè hac in re D. Thom. mente aberrare.
Concursus præterea Dei nequaquam dicendus
est dependere à creatura cui cooperatur, tum
quia contra ordinem est ut superior quatenus su-
perior dependeat ab inferiori; concursus autem
ille est Dei agentis ad modum causæ superioris:
Tum etiam quia, ut arguit Ioannes à S. Tho-
mas ex Angelico Præceptore 3. contra Gentes
cap. 70. licet influxus Dei non producat effe-
ctum sine causa secunda, attamen hoc ipsum non
est ex insufficientia & indigentia, sed ex abun-
dantia & redundantia ipsius in creaturam à qua
participatur; ergo ex hoc non dependet à
creatura, sed solum eam à se dependentem con-
stituit.

Verùm rogabis secundò, Qua ratione fieri
possit ut effectus qui est totaliter à Deo sit etiam
à creatura & quomodo si influxus Dei sufficit ad
productionem effectus, cooperatio creaturæ non
sit superflua.

Respondeo breviter ex D. Thoma loco jam
citato, quia alio & alio modo respicitur à Deo
& à creatura: à creatura quidè ut ab agente pro-
prio, & sub ratione particularis talis entis; à Deo
verò ut à causa universalissima rerum, & sub ra-
tione entis absolutè ac simpliciter. Unde sicut
idem effectus totaliter attribuitur & causæ princi-
pali & instrumento, ita poterit sub diversa quoque
ratione attribui causæ primæ & secundæ; maxi-
mè quia causalitas unius ordinis non impedit, nec

excludit causalitatem alterius, quamvis sit totalis in suo ordine. Id totum exemplo maximè sensibili declarari potest in tecto domus, quod portatur & à parietibus tanquam à proprio ac particulari suo fulcimento, & præterea à tellure, tanquam generali omnium corporum basi, ita ut quodlibet ex illis duobus sit totalis ratio in suo ordine. Quemadmodum ergo terra, licet sit sufficiens & totalis omnium gravium basis, eaque proinde sustineat, non impedit tamen quin supra ipsam unum corpus aliud sustineat, sed potius simul cum eo concurrat ad talem sustentationem; ita Deus licet sit sufficiens & totalis causa totius entis, proindeque totum ens ex se profundat, attamen non impedit quin in entibus à se productis unum dependeat ab alio tanquam à causa proxima, sed potius id ipsum, facit concurrente cum propriis ac secundis causis ad productionem effectuum.



ARTICVLVS III.

Possit. ne Deus de potentia absoluta causas secundas tum liberas, tum necessaria, physicè præmovere & applicare ad agendum.

Proposito difficultatis statu, explicatisque terminis, ut gradatim accedamus ad eius decisionem, in hoc articulo quærimus, an Deus de potentia absoluta possit applicare ac movere physicè causas secundas ad agendum quippe cum Deus plura possit, quæ tamen non facit. Quidam ex Adversariis veluti aliqua Divinæ omnipotentia reverentia perculsi non audent negare Deum posse causas secundas, etiam liberas, physicè præmovere sine libertatis præjudicio: Sed dicunt id minimè necessarium esse, eo quod causa libera possit se ipsam applicare ac determinare. Alij verò negant etiam divinitus posse voluntatem moveri præviè & physicè sine libertatis præjudicio, rati suæ sententiæ columen præcipuum funditus ruere, si semel admittatur, possibile esse voluntatem præmoveri à Deo salva libertate. Sed mirum est homine ad eo liberales in admittendis casibus longè difficilioribus, ut quod materia esse possit sine forma; quod idem corpus possit simul esse quantitativè in duobus locis, &c. in hoc uno scrupulosos esse, quasi verò magnum inconveniens sit, Deum authorem

voluntatis illam salvâ ejus libertate posse applicare præviè, physicè & infallibiliter ad id, quod sibi placuerit.

Dico primo: Deus potest physicè præmovere causas naturales ad agendum.

Haec conclusionem nemo potest negare salvâ Fide, qua tenemus Deum esse omnipotentem; & rerum omnium Dominum. Non enim erit integrè omnipotens, nec rerum, supremus Dominus, nisi virtutes naturales, ita ipsi subiaceant, ut possit illas ad nutum vel suspendere ab actione, vel applicare ad agendum. Deinde si Angeli possunt physicè applicare virtutes naturales, ut dum tempestates cient, urbes evertunt, morbos inferunt, passiones excitant, phantasiâ conturbant poterit à fortiori Deus virtutes creatas applicare, cum, ut dicit Scriptura. *In manibus eius sint omnes fines terræ, & in eius dititione universa sint posita*, cujus imperium sentiunt omnes creaturæ, quippe demum est Rex universorum, ut ipsa movere & applicare ad nutum possit.

Dico secundò: Deus non solùm causas necessarias & naturales, sed etiam liberas, potest physicè præmovere, applicando scilicet eas activè præviè, infallibiliter & intrinsecè ad operationem. Conclusio sequitur ex præcedenti: Nec enim Deus minùs dominatur voluntati humanæ, quàm cæteris creaturis, Attramen quia cardo difficultatis ipsi incumbit.

Probatum primò auctoritate Scripturæ dicitis Proverbiorum 21. *Corda hominum esse in manu Dei, ut quo voluerit, illa inclinet; & Isaiæ 10. Deum uti voluntate hominum sicut artifex utitur secuti, quam versat, ut placet.*

Ipse etiam Deus, ut hanc mutandi versandique cordis humani potentiam ostendat, dicit per Prophetam Ezechielem cap. 36. *Dabo vobis cor carneum*, id est, duram, & rebellem vestram voluntatem mutabo in voluntatem docilem & obedientem, & *Faciam ut in præceptis meis ambuletis, & iudicia mea custodiatis & operemini.* Quibus verbis, pluribusque aliis quæ infra magis ponderabimus, Scriptura sacra luculenter exprimit efficaciam divinæ voluntatis ad movenda corda hominum, supremumque dominium, quod Deus potest etiam activè, intrinsecè ac infallibiliter inclinare nostras voluntates, id est, physicè præmovere. Hinc est, quod Augustinus sæpè inculcat. *Deum habere cordium, quò voluerit, inclinandorum omnipotentissimam potestatem*: Et in Enchir. cap. 98. *Quis, inquit, ita æsopiat, ut dicat Deum malas hominum voluntates, quas voluerit, quando voluerit, ubi voluerit, in bonum convertere non posse*; aliàs, ut ipse discurrit Enchiridij, c. 95. *periculatur ipsum nostræ fidei confessioni initium, quâ nos in Deum omnipotentem credere profiteamur, nisi possit Deus facere, ut aliquid velimus, idque per motionem efficacem & potentissimam.* Imò, ut idem dicit de corrept. & grat. cap. 14. *Deus magis habet in sua potestate voluntates hominum, quàm ipsi homines.* Ergo ut etiam expressè dicit D. Thomas quæst. 22. de Verit. art. 8. si homo possit se ipsum liberè applicare ad agendum, poterit à fortiori Deus. Unde idem D. Thomas 1. part. quæst. 111. art. 2. hanc Deo tribuit prærogativam, ut possit movere voluntatem non solum persuadendo, id est; moraliter, sed etiam activè, interiùs inclinando ad id, quod voluerit, id est, physicè

& infallibiliter. Sed utriusque sancti Doctoris loca exactius infra expendemus.

Probatur secundò Conclusio ratione fundatâ in triplici principio D. Augustini & D. Thomæ. Ille potest, nedum moraliter persuadendo, sed etiam Physicè applicando, movere voluntatem, cujus voluntas est efficacissima, qui supremum dominium habet supra corda hominum, qui est creator ipsius voluntatis: Atqui Deus habet voluntatem efficacissimam, est supremus cordium Dominus, est author voluntatis humanæ; ergo potest physicè & activè applicare ac movere voluntatem. Minor est de fide. Major verò, præterquam traditur à S. Augustino & S. Thoma, quos suis locis infra citabimus, probatur quantum ad omnes partes.

Et primò quidem demonstratur ex efficacia divinæ voluntatis: Vt enim ait D. Thomas 1. part. quæst. 19. art. 8. ad efficaciam divinæ voluntatis pertinet non solum ut res fiant, sed etiam ut fiant eo modo, quo vult fieri: Atqui nisi posset applicare physicè & præviè voluntatem ad liberè volendum, non posset facere ut res fierent eo modo quo vellet fieri; ergo potest physicè & præviè applicare voluntatem ad liberè volendum. Major, præterquam est D. Thomæ, videtur ex se aperta. Minor verò ex eo constat, quod nec motio moralis, nec concursus simultaneus sufficiant ad faciendum, saltem efficaciter, ut voluntas velit.

Probatur etiam eadem major ex secundo capite, scilicet supremo Dei dominio supra nostram voluntatem. Siquidem domini est uti re sua, id est, applicare eam ad operationem: usus enim, ut definiit D. Thomas, nihil aliud est, quam applica-

Quæst. IV. Art. III. *Virum Deus de potent.* 379
tio rei ad operationem : ergo cum Deus sit su-
premus voluntatum Dominus , poterit eas ap-
plicare ad operationem.

Probatur demum ex tertio , scilicet ex eo
quod Deus sit creator voluntatis , quia , ut dicit
D. Thomas , ille qui est author voluntatis , *potest
eam transferre de non ad aliud , eam interius in-
clinando per modum cause efficientis* , ut loquitur
quæst. 22. de verit. art. 10. & 1. 2. quæst. 70. art. 1.
Atqui Deus est author voluntatis ; ergo potest
eam actiyè inclinare ad volendum , ac transferre
ab uno actu in alium , id est , physicè promovere :
nihil enim aliud sonat physica præmotio. Mi-
nor est de fide. Major verò declarari potest ex
D. Thoma , apud quem perpetuò inculcatur. In-
clinatio enim sequitur naturam , unde sicut ab
eo datur , qui dat naturam , ita & illi manet
semper perfectè subdita , ut eam prout libue-
rit , immutet , ac verset. Cum igitur voluntas sit
inclinatio naturæ intellectualis , datur à Deo qui
est author rerum spiritualium , eique sollicita sub-
ditur , ut possit ab eo inclinari ac flecti , ut ipsi li-
buerit. Hanc rationem egregiè ponderat D. Ful-
gentius lib. de Incarnat. & gratia cap. 29. ubi ait :
*Ita ne verò rerum ordo credi putative permit-
tatur , ut Deus qui est creator hominis , valeat ho-
minem facere , non mutare : & qui nullius eget
adjutorio ut hominem faciat , operari tamen
quod vult in hominis voluntate non possit , prius-
quam in homine ipsum velle repererit ? Hanc
amentiam & à fidelibus suis arceat , & ab in-
fidelibus auferat Deus.*

Respondebis primò : Deum posse quidem ap-
plicare voluntatem per motiones morales , &

concursum simultaneum, non tamen per præmotionem physicam.

Sed contra; Motio moralis & concursus simultaneus non salvant efficaciam divinæ voluntatis, nec dominium quod habet in corda hominum, nec ipsi tribuuntur prærogativam dignam auctore voluntatis, ergo præterea concedenda est aliqua intimior & fortior motio, scilicet physica. Consequentia patet: Quid enim potest excogitari præter concursum simultaneum, motionem moralem, & præmotionem physicam? Antecedens verò probatur: Atque in primis de efficacia divinæ voluntatis: Hæc enim non salvatur per motionem ex se inefficacem & concursum indifferentem: Sed motio moralis est ex se inefficax; concursus verò simultaneus est indifferens, id est; non magis inclinans ad agendum, quam ad non agendum, expectat enim juxta Adversarios voluntatis humanæ cooperationem; ergo nec motio moralis, nec concursus simultaneus salvant divinæ voluntatis efficaciam. Quòd etiam non sufficiant ad supremum dominium supra corda hominum, probatur: Supremum dominium non salvatur per motionem & concursum humanæ voluntati subditum, sed solùm per concursum, qui sibi subdat humanam voluntatem: Atqui motio moralis, secundum veritatem & concursus simultaneus secundum Adversarios subduntur humanæ voluntati, ergo non salvant supremum dominium supra corda hominum. Probatur minor: Nam concursus simultaneus de se indifferens est, nec facit ut voluntas faciat, sed potius hoc ab ea expectat. Motio verò moralis desumit suam efficaciam à voluntate humanâ, in

quam nihil possunt persuasiones, comminationes, blanditiæ, & aliæ motiones morales, nisi sinat se ipsam moveri. Quòd demum ex illis nulla detur prærogativa Deo digna authore voluntatis, probatur: & in primis de concursu simultaneo: Nam cooperari alicui rei convenit indifferenter & causæ talis rei: Atqui concursus simultaneus est cooperatio Dei cum voluntate: ergo per concursum simultaneum nulla tribuitur prærogativa Deo ut auctori voluntatis. De motione etiam morali idem evidentius constat; siquidem Angelus, quamvis non sit auctor voluntatis, potest tamen eam moraliter movere; imò sæpè nostrâ improbitate fit ut motiones morales, quibus diabolus nos movet tentando, sint efficaciores, quam quibus Deus nos movet: ut plurimum enim homines faciliùs credunt diabolo tentanti, quàm Deo bona suadenti; ergo ex illa motione nulla Deo tribuitur prærogativa digna authore voluntatis.

Respondebis secundò, Deum posse quidem movere voluntatem ad volendum, etiam physicè & præviè, ut volunt Thomistæ; sed nunc voluntatem non fore liberam.

Sed impugnatur responsio, primò urgendo auctoritates relatas. Nam Scriptura, D. Augustinus & D. Thomas agnoscunt voluntatem liberam sub illa motione efficacissima. Scriptura quidem, quia illi, de quibus Deus dicebat, se facturum ut in suis præceptis ambularent, sine dubio liberè in illis erant ambulaturi, aliàs nihil meruissent: Augustinus etiam, sive dicat Deum malam voluntatem convertere in bonam, sive corda hominum inclinare, semper loquitur respectu ope-

rum honorum & meritoriorum, opus autem per bonum est, nec meritorium, nisi sit liberum. Et tandem D. Thomas expressè in hoc reponit efficaciam divinæ voluntatis, ut possit non solum facere ut faciamus, sed etiam ut liberè faciamus, id est, ut cum motione divina quantumvis efficaci libertatem conservemus: ergo Deus movendo nos physicâ illa applicatione, non lædit libertatem.

Secundò impugnatur urgendo rationes: Deus est Dominus & author voluntatis etiam reduplicativè ut libera est, id est sine præjudicio libertatis: ergo potest eam activè applicare ad actum etiam ut liberum. Sed falluntur hac in parte Adversarij, quod concipiant Dei motionem ad modum cujusdam virtutis è diametro oppositæ voluntati, & contra ipsam militantis, quam re-nuentem fortior vincat, liget & ut placuerit etiam repugnantem trahat, non secus ac victor victum. Cum tamen illa sit quædam efficacissima quidem, sed blandissima vis omnibus cordis nostri fibris sese lenissimè insinuans, & à fine ad finem fortiter quidem, sed suaviter attingens, ut ait Scriptura. Vnde applicat intellectum ad cogitandum ac deliberandum; & voluntatem ad eligendum conformiter ad dictamen intellectûs, in quo ratio libertatis consistit: sicque per nos ipsos liberrimè agentes exequitur, quidquid ipsa destinaverit, ut non semel annotat D. Augustinus.

Addi posset pro confirmanda conclusione vulgarissima quidem, sed efficacissima hac in parte ratio Deus potest quidquid non implicat contradictionem: Atqui non implicat contradictionem:

Quæst. IV. Art. III. *Vtrum Deus de potent.* 383:
ut Deus activè, prævièque applicet voluntatem
ad liberè volendum; ergo id potest. Major patet:
Minor verò ex eo constat, quod non satis appa-
reat hæc implicantia. Quod enim Adversarij obji-
cere solent, actum voluntatis sub illa motione
fore liberum ut supponitur, & tamen non fore
liberum, abundè solvetur articulo 6. & 7. interim-
que ex eo confutari potest, quod non sit contra
rationem causæ liberæ creatæ, ut inclinetur ad
suum actum ab authore totius libertatis, depen-
deatque à suo creatore ut ab applicante, ut mil-
lies repetit D. Thomas ergo liberè agit etiam
sub motione & applicatione Dei, proindèque
actus ejus remanet perfectè liber.

ARTICVLVS IV.

*Promoveat-ne de facto Deus causas
secundas.*

Hic cardo difficultatis vertitur, an scilicet
Creaturæ ita Dei præmotione indigeant, ut
sine illa nunquam operentur.

Negant Molina & ejus affectæ: Sententia verò
affirmativa est omnium; qui Molinam præcessere
si tamen paucos excipias, qui Durandum, & aliàs
opinionem omnino improbabiles secuti sunt;
qui enim aliam tenere potuerunt nondum pro-
palatâ inter Catholicos Molinæ sententiâ? Præ-
cipuè cum Suarez dicat, non posse explicari
concordiam divinæ Providentiæ cum libertate
humana sine Molinæ iuvento, aut Thomistarum.

præmotione. Hanc sententiam tenent Thomistæ omnes cum utroque gratiæ Doctore Augustino & Thoma. Tenent primates Theologi & Philosophi, quorum catalogum texere longius esset. Tenent præcipuè Orbis Academiae, Salmanticensis, Lovaniensis, Duacensis, &c. Tenent præcipui Religionum Ordines; & demum omnes, qui sincerè profitentur se D. Thomam sequi, physicam præmotionem ut Scholæ Thomisticæ tesseram agnoscunt. Accedunt quoque primates Societatis, ut Salmeronius, Tolemus, Bellarminus, Pererius, Azorius, Cosmas Alamannius, Henriquez, &c. quorum testimonia videri possunt apud R.P. Gonet, 1. 2. disput. 6. art. 2. §. 5. Imò nuper anno 1654. quidam primæ classis Iesuita in Universitate Viennensi publicè defendit, *Iterum iterumque esse passibilem qualitatem; quæ ex essentia sua physica & reali infallibilem consensum induceret salva libertate*, ut refert Garanauel lib. 1. Theologiæ fundamentalis c. 1. nota 4. & plures, quos ut fieri solet educatio implicuerat opinioni contrariæ, ubi D. Augustinum & D. Thomam, eorumque invictissima fundamenta paulò accuratiùs examinarunt, sapientiores facti, illam ejurarunt, ut referunt Salmanticenses. Secutus ergo saniozem & majorem partem.

Dico: Deus non solùm dedit & conservat virtutes activas causarum secundarum, & simultaneè cum illis concurrit; sed etiam eas ad agendum applicat, applicatione præviâ & physicâ, quæ rectè *præmotio*, seu *prædeterminatio physica* nuncupetur.

Explicatur magis hæc conclusio, in quam tota difficultatis moles incumbit. Dicimus ergo

Deum ut primum & universalem omnium motorem applicare physicè & præviè omnes causas secundas ad agendum ; ita ut sicut in ratione primi entis influit continuò rebus omnibus ipsum esse, quod est ultima actualitas in linea entis, idque per influxum prævium & physicum, utpotè qui causat ipsam rerum existentiam, sicut probat D. Thomas 1. part. quæst. 108. art. 1. Ita quoque in ratione primæ causæ cæteris omnibus influit ipsum agere, quod est ultima actualitas in linea operandi, activè applicando virtutes operativas ad agendum juxta cujusque naturam & conditionem. Vnde D. Thomas Opusc. 2. cap. 147. per egregiè, inquit, *Quòd sicut motus cordis, qui est ab anima in corpus, est vita corporis, ita motus, quo universum movetur à Deo, est quasi vita universi*; ideoque ob id dicitur Deus omnium Vivificator, Motor, Gubernator, & Vigor. Hunc igitur influxum, hanc applicationem, quâ Deus reddit causas secundas in actu secundo agentes, quâ virtutes activas transfert ab otio ad exercitium, quâ omnibus ultimum agendi vigorem influit, vocamus *præmotionem*. Sic explicata conclusio.

In primis quantum ad priores partes, scilicet Deum dedisse & conservare omnes virtutes activas, est de fide : & suprâ demonstrata est cum ostendimus Deum esse primum omnium principium. Quòd etiam simultaneè concurrat cum causis secundis modò conceditur ab omnibus, & abundè probatum ac declaratum fuit suprâ art. 2.

Ultima verò & præcipua pars, scilicet Deum virtutes activas activè applicare per præmotionem, probanda nobis est omni argumentorum ge-

nere per undecim paragraphos. In quorum primo probabitur autoritate Scripturæ. In secundo ex Conciliis. In tertio ex Ecclesiæ precibus & communi fidelium consensu. In quarto ex Patribus. In quinto ex antiquis Philosophos. In sexto ex Augustino. In septimo ex D. Thoma. In octavo & nono rationibus. In decimo exemplis. In undecimo inconvenientibus.

§. I.

Probatur Præmotio autoritate Scripturæ.

INculcat sæpe nobis Scriptura supremum dominium, efficacissimam potestatem, & infallibilem illam motionem, quâ Deus omnia sibi subijcit, etiam corda hominum, quæ immutat & transfert ab uno affectu ad alium, & applicat prout placuerit, applicatione, inquam, cui nihil resistit. Vnde Hester 13. dicitur, *Dominus rex omnipotens, in cujus ditione cuncta sunt pota, ita ut non sit, qui possit resistere voluntati ejus.* Sed hæc omnia nihil aliud sonant nisi ipsissimam Thomistarum præmotionem; nam concursus simultaneus est de se indifferens, & magis expectat quam det applicationem agendi, juxta Adversarios: Motiones verò morales sunt ex se inefficaces; ergo juxta Scripturam admittenda est physica præmotio. Loca omnia prosequi longius esset, hic solum quædam expendemus.

Illustris præcipuè locus est Isaïæ 60. ubi Deus asserit se movisse cor Sennacherib Regis Assyriorum, ut artifex suam securim, & manus baculum movet. Vnde vocat eum, *Virgam furoris sui & baculum;* ejusque superbiam inculpans ait; *Num-*

Quæst. IV. Art. IV. *Vtrum nedam, &c.* 387
quid gloriabitur securus, contra eum qui secat
in ea, aut exaltabitur serra contra eum, à qua
trahitur? quomodo si eleuetur virga contra ele-
uantem se, & exaltetur haculus, qui utique li-
gnum est. Quâ expressione clariore potuisset Scri-
ptura physicam præmotionem nobis explicare &
dependentiam creatarum causarum à Deo create-
re? Neque dici potest hîc intelligi motionem mo-
ralem; nam hæc responsio destruit textum. Si enim
Deus movet solum moraliter ergo non sicut ar-
tifex securim, sed sicut spes prædæ movet mili-
tem, minister Regem, consiliator eum cui dat
consilium.

Expressus etiam locus Prov. 21. *Sicut divi-
siones aquarum, ita cor Regis in manu Domini
est, quocumque voluerit inclinabit illud.* Vides
dominium Dei supra corda regum hîc luculenter
expressum per dominium agricolæ supra aquas,
quarum rivulos per agrum sine vi derivat, eas vel
coërcendo, vel impellendo, prout placet; ita Deus
habet in manu sua corda hominum, quæ vel co-
hibere, vel inclinare potest, ut vult, absque illa
resistentia. Vnde meritò Augustinus de correptione &
gratia cap. 14. inculcat, *Deum de ipsis hominum
voluntatibus quod vult facere.* Hoc dominio
usus est Deus, dum irati Regis Assueri cor tran-
stulit ab indignatione ad mansuetudinem, Hester
c. 15. ut notat ac ponderat Augustinus lib. 2. con-
tra duas Epistolas Pelagianorum, cap. 20. Utitur
etiam quotidie, dum non solum suadet interiùs
inspirando, sed etiam *immutat cor principum po-
puli terræ*, ut dicitur Iob 12. cuius exemplum ha-
betur in Saùle, *Cui Deus immutavit cor aliud,*
ut dicitur 1. Reg. c. 10. Neque tantum principum,
sed etiam omnium hominum, quorù corda appli-

cat ad se, ut dicitur Ieremiæ 3. *Applicabo, & accedent ad me.* Vnde Ieremiæ 31. introducitur populus Dei dicens; *Converte me, & convertere: quia tu Dominus Deus meus;* ut indicetur motum cordis humani à Deo incipere.

Accedit celebris D. Pauli autoritas Rom. 9. dicentis de bonis operibus: *Non est volentis, neque currentis, sed miserentis Dei,* qui, ut idem Apostolus dicit ad Philip. 2. *operatur in nobis velle, & perficere.* Quæ verba intelligi non possunt de motione morali, cum illa nihil operetur, sed solum ad operandum invitet; imò totam efficaciam mutuetur à voluntate consentiente; ergo si solum Deus moveret nos motione morali, bonum opus non esset propriè Dei moventis, sed voluntatis consentiens, & vocem Dei audientis. Neque etiam intelligi possunt de concursu simultaneo; ut enim arguit D. Augustinus in Enchiridio, cap. 32. *Si ideo dictum est, Non est volentis hominis, sed miserentis Dei, quia voluntas hominis id sola non implet,* (id est, quia fit ex concursu simultaneo Dei & hominis) *cur non è contrariò rectè dicitur, Non est miserentis Dei, sed volentis hominis, quia id misericordia Dei sola non implet?* Vbi funditus evertit sententiam adversariorum per solum concursum simultaneum explicantium activam Dei motionem: & postea concludit, *Restat ut totum sit Dei, qui voluntatem hominis preparat, & preparatam adjuvat;* id est, non solum cooperatur voluntati agenti, sed etiam applicat eam ad agendum.

Mitto cætera loca, ut dum Scriptura dicit, *Deum operari omnia in omnibus;* ergo etiam operatur ipsum influxum ac cooperationem creaturæ, idque

que præviè, nam, ut infra dicimus, id per quod Deus operatur influxum creaturæ, debet prius esse, saltem natura, quàm influxus creaturæ. Non autem dicit, Deum operari omnia *cum omnibus*; sed *in omnibus*; ut significaret ipsa opera creaturæ non esse ab illa nisi per Deum applicatâ. Similiter Christus Ioan. 6. dicit, *Nemo potest venire ad me, nisi Pater, qui misit me, traxerit eum*: traxerit, inquam, *indeclinabiliter & insuperabiliter*, ac *occultissimâ* simul & *efficacissimâ virtute*, ut non semel inculcat D. Augustinus. Quæ verba sancti Doctoris sic accipienda sunt, non quasi Deus necessiter voluntatem, sed quia virtus Dei habet in sua manu omnes voluntatis motus, ita ut non solum eam applicet ad id, quod vult, sed etiam omnes resistendi motus suspendat; sicque facit non solum ut creatura velit, sed etiam ut sine ulla resistendi cogitatione velit cum summa libertate, & totius inclinationis suæ consensu. Hinc est quod Christus Matthæi 10. præcipit nihil à creaturis tinendum esse, quia ne passer quidem cadit sine Patre nostro Cælesti; id est, ne minima quidem mutatio in rebus contingit, quam Deus non disponat & veluti primus motor efficiat. Quæ omnia, & infinita alia, evidenter persuadent, Deum esse primum motorem omnium motuum, qui cernuntur in creaturis tam liberis, quàm necessariis; non solum per motiones illas *efficaces & morales*, quæ non modò non sunt ineluctabiles, sed etiam ut plurimum inutiles: Neque per concursum duntaxat simultaneum, qui nihil ponit in causis secundis, neque facit ut agant, sed solum ipsis agentibus cooperatur, quique sicuti motio moralis non dat, sed expectat cooperationem crea-

turæ: Sed per illam applicationem, quâ Deus disponit de virtutibus omnium creaturarum eas movendo, vel suspendendo, prout placet. Et certè si verum fateri velimus, hac solâ integrè salvantur expressiones Scripturæ, cæteris non nisi diminutè.

§. II.

*Probatur Præmotio auctoritate Concilij
Tridentini.*

Plures auctoritates variorum Conciliorum referri solent pro præmotione, quas tamen omittere brevitatis cõgit, ut unicam Concilij Tridentini accuratius expendamus. In sacra ergo illa Synodo die 13. Januarij anno 1547. Sessione 6. Can. 4. contra Lutherum & Calvinum definitum est, *liberum arbitrium motum & excitatum à Deo, cooperari divina motioni, & posse dissentire, si velit*; id est, & retinere sub divina motione potestatem ad oppositum. Contendo ibi traditam esse ipsissimam præmotiõnem Thomistarum, & simul declaratum non auferre libertatem, seu potentiam ad oppositum, quæ duo sunt capitalia sententiæ nostræ columina. Sic igitur argumentor.

Concilium admittit illam motionem, cui definit voluntatem humanam cooperari, & cum illa retinere potentiam ad dissentium: Atqui Concilium ibi definit voluntatem cooperari præmotiõni physicæ, & cum illa retinere potentiam ad dissentium; ergo ibi Concilium admittit præmotiõnem physicam. Major patet: Nam quod non est, non habet proprietatem; unde motiõni,

quæ non datur, non possumus cooperari, nec dici cum illa retinere potentiam ad oppositum. Minor probatur: Concilium ista dicit loquendo de illa motione, cui Calvinus & Lutherus dicebant nos non cooperari, & cum illa non retinere potentiam ad dissentiendum: Atqui hæc est ipsa præmotio physica: ergo Concilium ibi loquitur de præmotione physica. Minor est Adversariorum, qui Thomistis objiciunt eos docere Calvinii & Lutheri motionem, quamvis nunc adeo ineptâ recriminatione parcius uti soleant. Major verò probatur: Nam Concilium sibi agit contra Calvinum & Lutherum, quorum doctrinæ opponit contradictorium decretum; ergo debet loqui de eadem motione de qua loquuntur Calvinus & Lutherus, aliàs nihil directè & contradictoriè contra illos dediceret. Et quæso te, si Titius contenderet vineam sibi injustè usurpatam à Sempronio: & Iudex definiret, domum esse restituendam, appositam esse sententiam ad decisionem litis, quæ nulla est de domo, sed de vinea? Ita pariter si hæreticus contendit creaturam, non cooperari præmotioni physicæ, ac cum illa non retinere potentiam ad dissentium, & Concilium definiat de alia motione, ut de morali aut simultanea, profectò nihil definit contradictoriè, sed adhuc definiendum restat an motio illa, de qua loquitur hæreticus; auferat potentiam dissentiendi.

Argumentum validius erit, si tantisper hîc duoponderemus. Primum est, sapientissimos Concilij Patres optimè novisse Calvinum & Lutherum, cum dicerent motionem Dei ita absorbere voluntatem, ut nec cooperandi nec dissentiendi

locum ei relinqueret, locutos fuisse non de motione morali, aut simultanea primæ causæ cum secundis cooperatione, sed de motione interiori physicè applicativâ voluntatis. Si igitur hæc physica motio aut minùs admittenda, aut minime cohærens cum libertate vitæ illis fuisset, annum connaturalissima pravæ hujus doctrinæ extirpanda: via erat ut saniozem aiiam motionem commendarent, illam ut spuriam aut apertè damnarent, aut certè minime retinerent? Atqui non modò non damnant, sed etiam retinent; nec retinent tantùm; sed præterea ab impuris characteribus, quos illi affingebant hæretici, sedulò vindicant; verantque sacrum illum divinæ potentiaæ radium interfectæ libertatis calumniâ infamare; ergo suâ illâ decisione omnino favent Præmotioni physica.

Alterum verò, illudque faventissimum, est, Quod Patres Concilij qui decretum præfatum formavere, doctrinam præmotionis in scriptis suis expressè docuerunt. In primis enim Cornelius Mussus Episcopus Ordinis Minorum, qui ejusmodi decretum disposuit, eam docuit lib. 2. de Divina Historia cap. 10. cujus autoritas cum sit maximi momenti ad penetrandam Concilij mentem idcirco placet ejus verba hîc attexere: *Moventur, inquit, à Deo omnia tanquam à primo movente, quod nisi moveat prius, necesse est quod nihil omnino moveat in rerum natura.* Referuntur quoque Cardinalis Scripandus ex Ordine D. Augustini super cap. 8. Epist. ad Rom. Ioannes Antonius Delphinus è Casali majore Ordinis Minorum Episcopus lib. 4. de Libero Arbitrio. Andreas Vega itidem Ordinis Minorum

quæst. 11. de justificatione, & lib. 6. supra Trid. cap. 6. ubi vocat præmotionem, *ignotam divinæ virtutis applicationem, & voluntatis nostræ mirificam inflexionem, & inclinationem.* Citatur Salmeronius ex primis sanctissimi Patriarchæ Ignatij Sociis, disp. 19. in Epistol. ad Rom. ubi etiam utitur nomine, *firma atque invincibilis prædeterminationis.* Idque ut mittam quàm plures alios, tum præcipuè omnes Ordinis nostri Patres, qui numerosissimi Concilio Tridentino interfuerunt; recensenturque viginti tres inter Prælatos, novemdecim inter Theologos, præter eos qui à Principibus, præcipuè à Summo Pontifice missi sunt, qui omnes Thomasticæ doctrinæ principiis imbuti, non aliam aut in sacro Concilio, aut in libris à se conscriptis docere potuerunt, & quod majus est, illi iidem magna ex parte fuere, quos deinceps exorta Molinæ opinio adeo vehementer commovit.

Virgentius adhuc argumentum ad evincendam Concilij Tridentini mentem pro præmotione physica desumitur ex Catechismo ejusdem Concilij; Nam illa motio est de mente Concilij Tridentini, quam tradidit in suo Catechismo; Sed Concilium Tridentinum ipsissimam præmotionem physicam tradidit in suo Catechismo; ergo est de ejus mente. Major est certa: Nam in Catechismo Concilij doctrina ejus continetur: Minor probatur, adducendo locum Catechismi Tridentini ex 1. part. de 11. de Symboli articulo num. 22. *Non solum Deus universa quæ sunt providentiâ suâ tuetur, atque administrat, verum etiam quæ moventur, aut aliquid agunt, intimâ virtute ad motum atque actionem ita*

impellit, ut quamvis causarum secundarum efficientiam non impediatur, praeveniat tamen, cum eius occultissima vis ad singula pertingat. Et quemadmodum Sapiens testatur, Attingit à fine usque ad finem fortiter: & disponit omnia suaviter. Quare ab Apostolo dictum est, cum apud Athenienses annunciaret Deum, quem ignorantes colebant, Non longè est ab unoquoque nostrum: in ipso enim vivimus, movemur, & sumus. Potuisset ne Thomista luculentius exprimere, & clarioribus coloribus depingere præmotionem physicam? Planè cæcum aut protervum esse oportet, qui non videat ipsissimam, quam tuemur sententiam ibi aperte fuisset traditam.

Adversarij, cum hac autoritate se insigniter premi ac penitus confici sentiant, triplicem solutionem excogitarunt. Primò, Catechismum non esse tantæ autoritatis, ut quem composuerint ipsi Patres Ordinis Prædicatorum, nempe Leonardus de Marinis Archiepiscopus Lancianensis, Ægydius Foscararius Episcopus Mutinensis, Franciscus Forerius Concilij Trident. Secretarius, approbaveritque B. Pius V. ex eodem Ordine Pontifex.

Sed responsio admodum temeraria est, atque idcirco ut sanctæ Sedi omnino injuriosa ex Præfatione Delrij Iesuitæ ad lib. Disquisit. Magic. jussu Summi Pontificis expuncta. Deinde advertere debuerant Adversarij, non solum à Sanctissimo Pontifice B. Pio V. sed etiam à Gregorio XV. insigni Societatis benefactore approbatum fuisse hunc Catechismum, & ab universa Ecclesia exceptum ut genuinum Concilij Tridentini

Quæst. IV. Art. IV. *Vtrum nudum, &c.* 395
fæctum & interpretem. Vnde relicta illâ solutione, ut quæ pœnam magis, quàm longiorem impugnationem meretur.

Respondent secundò ex eo loco solùm inferri præmotionem esse doctrinam sanam & Catholicam, non tamen articulum Fidei. Modesta quidem & verissima responsio: Libenter enim admittimus præmotionem non esse articulum Fidei, aliàs eam negantes essent hæretici, quod absit. Satis est quod Ecclesia in celeberrimo illo Catechismo sanam doctrinam fidelibus proponens, Thomisticam præmotionem tanquam Catholicam sententiam, & ad explicandam Dei Omnipotentiam omnino idoneam expenderit. Hic solùm operæ pretium est ponderare eorum inscitiam & malam fidem, qui dicunt præmotionem esse Alvaris & Bannesi, duorum Ordinis Prædic. Doctorum; qui post Concilium Tridentinum scripsere, inventum: Quibus adhuc non modo ineptiores, sed maligniores longè sunt, qui apud ignaros mussitant præmotionem physicam esse à Concilio Tridentino damnatam, & parùm diversam à sententia hæreticorum. Planè dedecet viros ne dicam Catholicos, sed bonæ fidei vestigium retinentes, tam insulsis uti calumniis.

Respondent tertio aliqui, qui amant luci meridiane tenebras offandere, Catechismum loqui de motione morali. Sed hæc solutio ne quidem apparentiam probabilitatis habet, & facile refutatur ex ipso textu. Loquitur enim Catechismus de motione communi omnibus agentibus: Sed motio moralis, ut de se patet, non est communis omnibus agentibus, sola enim agentia libera propriè sunt illius capacia: ergo non loqui-

tur de illa. Deinde motio moralis non pertinet ad attributum omnipotentiae, cum homo & angelus possint movere moraliter hominis voluntatem: Concilium autem ibi intendit ostendere vim & efficaciam divinae Omnipotentiae, ut patet ex articulo Symboli, occasione cuius hæc dicit; ergo non loquitur de motione morali. Demùm motio moralis nec occulta est, nec *intima virtutis* nomine proprie potest explicari; ergo de illa non loquitur. Adde præterea quod Catechismus loquitur de illa motione, de qua loquebatur Apostolus Act. 17. dicens *In eo* (scilicet Deo) *vivimus, movemur, & sumus*: Sed nemo dicet hunc locum Apostoli intelligendum esse de motione morali; ergo nec de illa loquitur Catechismus Concilij.

§. III.

Præbatur Præmotio ex Ecclesie precibus, & communi fidelium consensu.

Theologi fusiùs hoc argumentum prosequuntur agendo de efficacia divinorum decretorum; potest tamen adaptari præmotiõni physice sub hac forma. Datur illa motio, quam Ecclesia petit Deo: Atqui Ecclesia non petit à Deo concursum simultaneum, aut solam motionem moralem, sed etiam physicam & præviã, quæ scilicet activè & efficaciter immutet voluntatem humanam; ergo datur illa motio prævia, physica, & efficax. Probatür minor: Et in primis quod Ecclesia non petat in suis precibus concursum simultaneum, de se patet; quippe

hic concursus sine miraculo deesse nequit, sed omnibus etiam non orantibus præstò est. Unde sicut nemo petit à Deo, ne cælum cadat, aut ut Sol luceat, & ignis comburat, quia hæc sine miraculo aliter esse non possunt; ita quoque nemo petit concursum simultaneum, qui sine miraculo deesse non potest. Quòd verò Ecclesia non petat solas motiones morales, quæ consistunt in propositione motivorum excitantium, sed etiam motionem physicam & præviam, intrinsecè & activè immutantem corda nostra; probatur ex expressionibus, quibus suas preces concipit: Nempe hæc sunt; *Vt Deus rebelles nostras ad se compellat ire voluntates; Vt infideles ex nolentibus credere volentes faciat; Vt applicet cor nostrum bonis operibus; Vt det nobis bonam voluntatem: Vt convertat & pertrahat nos ad se; Vt auferat cor lapideum, & det nobis cor carneum, seu docile: Vt immutet voluntates nostras, easque inclinet ad bonum, &c.* Sed hæc omnia fieri nequeunt à motione morali, quæ nec immutat corda, nec bonam voluntatem subministrat, nec transfert nos à malo in bonum, nec facit nos ex nolentibus volentes, &c. sed solum suadet, invitat, & allicie; ergo præter istam motionem moralem Ecclesia petit aliam fortiorem, & victtricem humanæ obstinationis, quâ Deus quamvis pertinaces, suaviter quidem, sed tamen fortiter & ineluctabiliter nos trahit & applicat ad se, corda nostra immutando, & faciendo ut ea nobis placeant, quæ antea displicebant, & ut liberrimè velimus, quæ antea pertinaciter recusabamus.

Confirmatur primò ex promissionibus divinis:

Sæpè enim Deus promittit amicis suis futura opera hominum ut promissit Abrahamæ conversionem gentium : ut autem arguit D. Augustinus, Deus promittit ea, quæ ipse facturus est ; absurdum enim est dicere, Deum promittere & homines Dei promissa adimplere, ergo Deus ipse facit ipsam conversionem hominum, non solum quia persuadet, ut convertantur, (hoc enim non est propriè *facere*, sed *ad faciendum invitare*) sed quia interiùs corda hominum immutat, ea inclinando per physicam præmotionem à malo in bonum.

Confirmatur secundò ex ipso consensu fidelium, qui dum aliquid boni egere, totum illud Deo veluti primo authori cor nostrum applicanti attribuunt : Imò suam cooperationem fatentur esse munus divinæ Bonitatis ; ergo ne falsa sit pia ista confessio, fatendum est Deum non modò suaforem esse bonorum operum, inquantum movet moraliter, nec solum cooperatorem inquantum simultaneè concurrat ; sed etiam authorem, inquantum activè movet interiùs, & applicat corda nostra. Vnde ipsi adversarij sententiam illam, quam in disputationibus adeo acriter impugnant, reipsâ quotidie ad aras piè sincerèque profiteantur. At de his satis.

§. I V.

Probatur Præmotio ex Patribus.

Nomine *Præmotionis*, ut jam dictum est, intelligimus motionem omnium causarum, ut ita dicam, vivificatricem & veluti vitalem impulsam, quo Deus causis secundis ultimam agendi

Quæst. IV. Art. IV. *Vtrum nedum, &c.* 399
activitatem insluit, easque efficacissimè applicat.
Hæc motionem docuerunt Patres, dum sæpius
asserunt causas secundas non agere nisi moras
& applicatas à Deo rerum omnium motore, ac
prædeterminatore; sic enim eum vocat Diony-
sius 6. de divin. Nominibus, dum voluntatem
Dei asserit esse rerum omnium prædeterminati-
vum, & proinde nostrarum quoque voluntatum.
Vnde eodem cap. de Deo inquit; *Principium
unum est, ex quo est ipsum esse, & omnis virtus,
omnis habitus, omnis actus & omnis motus: &
sæpe repetit, Deum omnia, quæ agunt, movere.*
D. Ambrosius lib. de dignitate hominis cap. 2.
*Deus, inquit, unus est omnia vivificans, movens
& gubernans; sicut anima in corpore ubique tota
viget, vivificans illud, movens, & gubernans:*
Vbi explicat modum, quo Deus creaturas movet
exemplo animæ; quem imitatus D. Thomas 1. 2.
quæst. 17. art. 8. ad 2. ait, *sicut Deus movet mun-
dum, ita & anima corpus:* Certum est autem
vere. Et D. Basilius constitutionum cap. 1. *Deus,*
*inquit, natura Dominus est, & aliter quam ille
promisit, res cadere non potest; omnium enim po-
tens est, & arbitratus suo cuncta commutat.* Et
Chrysostomus Homil. 13. in Mattheum, *Cuncta,*
*inquit ab illa nihil laborante Dei manu tum crea-
tum mota in nostram dispensantur salutem:* Vn-
de Epiphanius vocat Deum, *totum moventem &
efficientem.* Gregorius etiam in Mor. ait, *qua
creata sunt, intantum moventur in quantum oc-
culto Dei instinctu disponuntur:* ubi loquitur de
instinctu communi omnibus creaturis, qui sine
dubio non est moralis, sed physicus. Et Bernardus
libro de Grat. & libero arbitrio. *Deus, inquit,*

*voluntatem applicat operi, & opus explicat voluntati: Vbi duas motiones non modo distinguit, sed etiam eleganter apteque exprimit: unam moralem, quâ Deus explicat & proponit nobis quid sit agendum, & aliam physicam, quâ Deus nos applicat ad agendum. Plura alia referri possent: sed ex his satis constat Patres agnovisse occultam illam Dei motionem, quâ Deus omnia applicat ad agendum. non moraliter, sed physicè, non suadendo solùm, sed etiam activè inclinando. Nihil autem aliud intelligunt Thomistæ nomine *præmotionis*, seu *prædeterminationis*. Imò Sancti Patres sæpe usurpant ipsum vocabulum, nam *προεργουσι* Græcè, quo sæpe cum D. Paulo utuntur, nihil aliud latinè significat quàm *prædeterminationem*. Vnde in aureo illo libello de Imitatione Christi: Deus vocatur *Promotor actionum*; promotor inquam efficacissimus, cui non est aliquid quid velit, aut possit resistere, ut dicit Boëtius 3. de Consolat.*

§. V.

Probatnr Præmotio auctoritate Philosophorum.

TRita sunt veterum philosophorum axiomata; *causas secundas non agere nisi motus & applicatas à causa prima, in cuius virtute agunt, & qua coniungis omnia agentia suis effectibus: imò ad quam cetera causa comparantur ut instrumenta ad artificem, &c.* Sed hæc axiomata sunt ipsissima Thomistarum doctrina circa præmotionem; ergo Philosophi Antiqui docuerunt præmotionem,

Respondent primò quidam ex Adversariis,

hæc omnia intelligenda esse metaphoricè & improprie; ita ut Deus dicatur *movere, applicare, & impellere causas secundas*, non quod in eis aliquid intrinsecum ponat, quo applicentur ad agendum, sed quia simul cum illis agentibus concurrat.

Sed adeo frigida responsio ex illo facilè confutatur, quod non explicet, sed penitus destruat veritatem horum axiomatum. Si enim Deus solùm adjuvat causas secundas, inquantum cum illis extrinsecè cooperatur ad eundem effectum, sicut equus cooperatur equo ad trahendum currum, non verò inquantum ipsas intrinsecè applicat & immutat, ergo falsa sunt illa Philosophorum axiomata, Deum *movere & applicare causas secundas ad agendum*. Rogo enim, qua loquendi proprietate dici potuit, *Deum movere causam secundam ad agendum*, si nullam in illa motionem producit; *eam applicare*, si solùm ipsius cooperationem expectans, ei agenti cooperatur? Deinde saltem ex hac responsione habetur antiquos philosophos proprie & sine metaphora explicatos in hac parte consentire Thomistis. Vnde rejectâ istâ responsione.

Respondent secundò alij, & sanè longè conformius ad sua principia, hæc omnia axiomata falsa esse, nec Deum activè movere aut applicare causas secundas, quia in illis nullam motionem imprimat, quâ applicentur actioni, sed solùm cum illis simultaneè concurrere, associando suam virtutem virtuti creaturæ, ut ex hac societate unus producat effectus, qui sit partim Dei partim creaturæ.

Cæterùm hæc Responsio non solùm toti derogat antiquitati, cum primates Philosophi hæc

axiomata tam rara habeant ; sed etiam D. Augustino & D. Thomæ, imò aliis Patribus , qui illa inculcant agendo de providentia Dei , ac de dignitate primi Motoris.

Præter has communes autoritate , expressus est Aristoteles 8. Physic. cap. 5. *Primum movens, inquit, movet ultimum, sed ultimum non movet primum*, Ergo agnoscit Aristoteles causas secundas moveri à prima , ut agant. Vnde Deus apud eum dicitur *Primus Motor*, quòd omnia moveat.

Si autem respondeas , causam secundam moveri quidem à prima , non tamen motione prævia.

Contra est, quod ipse Aristoteles 4. Met. c. 23. ratum habeat, *motionem moventis esse priorem motione mobilis ratione, & causalitate*, Ergo motio primi motoris, quâ moventur omnia ad agendum est prævia motio. Vnde 3. Metaph. cap. 3. vocat Deum, *Motorem immobilem, non solum servatorem, sed etiam parentem omnium, quæ fiunt in mundo, qui in omni voluntate & natura operatur, quisque rerum omnium merito dici possit vita*; quàm expressionem secutus D. Thomas in compendio Theologiæ cap. 147. eleganter appellat Dei providentiam, *cor mundi*, quòd ab illa motus omnes creaturarum, ut à primo fonte profluant, Vnde in libro de causis dicitur, *Quod causa secunda non agunt nisi in virtute prima*. Plato ut illud luculentius exprimat, vocat creaturas, *Instrumenta Dei*, Deumque dicit esse *animam mundi*; quod ita accipiendum non est, quasi Deus substantialiter informet mundum, sicut anima corpus, sed quia omnia movet, vivificat

Quæst. IV. Art. IV. *Vtrum nedam, &c.* 403
& applicat, sicuti anima vivificat & applicat
membra sui corpori. Vnde Homerus dicit, *ta-*
lem esse hominum voluntatem, qualem eam in
dies Iupiter inducebat: qui si per Iovem intelle-
xit corpora cælestia, ut quidam interpretantur
sine dubio erravit; nam corpus cæleste non do-
minatur voluntati humanæ: Si verò intellexit
primam causam, quæ apud antiquos vocabulo
Iovis intelligi consueverat, sine dubio verissimè
locutus est.

§. VI.

Probatur Præmotio auctoritate Augustini.

Sententia D. Augustini circa materiam de au-
xiliis, Ecclesiæ doctrina est, ut constat ex
Conciliis Milevirano, Cartaginensi, Arausica-
no, & ex pluribus summis Pontificibus Inno-
centio, Zozimo, Bonifacio, Hormisda, Cle-
mente VIII. & Paulo V. Vnde cùm quæstio
præmotionis sit valde affinis quæstioni de auxi-
liis, maximi quoque ponderis est in illa autho-
ritas D. Augustini. Neque verò ac in parte mi-
nùs expressa est, quàm magna: liceret enim
non quædam loca, sed libros integros asserre,
de Gratia Christi, de Prædestinatione, de Cor-
reptione & Gratia, & alios eiusmodi, in qui-
bus asserit Deum ita movere voluntates homi-
num, ut sine præmotione physica explicari nul-
lo modo possit. Vnde Molina ingenuè agnos-
cit D. Augustinum sibi non satis favere, sed ex-
plicandi modum à suo alienum tenuisse, quam-

vis ejus Affectæ eum ut possunt explicare contentur.

Probatur ergo præmotio physica autoritate Divi Augustini. Ille admittit præmotionem physicam, qui docet motionem de se efficacem, ineluctabilem insuperabilem, cujus efficacia fundetur in omnipotentia Dei, & dominio, quod habet in nostras voluntates. per quam Deus agit in cordibus nostris quidquid voluerit, & illa inclinatur ad agendum, transfertque ab uno affectu ad alium: Sed Augustinus talem motionem perpetuò docet; ergo admittit præmotionem physicam. Major patet: Tum quia Thomistæ nihil aliud tribuunt præmotiõni: Tum quia concursus simultaneus non facit ut faciamus, nec movet & applicat ad agendum, sicut abundè supra ostendimus; motio verò moralis non est ineluctabilis, sed sæpe inutilis, cujus efficacia non petitur ex dominio & omnipotentia Dei, sed ex consensu creaturæ. Minor verò patet legenti Augustinum & probatur adduceo quædam ejus loca; nam de Grat. & Libero arbitrio cap. 20. *Deus, inquit, dominatur voluntati hominum; ex quo principio capite sequenti infert, quod agit omnipotens Deus in cordibus humanis motum voluntatis ipsorum, & operatur ad inclinandas eorum voluntates.* Et de Correctione & Gratia cap. 14. *Deus de voluntatibus hominum quod vult, cum vult: facit, habet enim cordium inclinandorum omnipotentissimam potestatem.* Vnde ibidem cap. 12. exclamat, *subventum esse humanam infirmitati, ut tam insuperabiliter & indeclinabiliter traheretur.* Et jam citato Libro de Gratia & Libero Arbitrio c. 17.

Quæst. IV. Art. IV. *Utrum nedum, &c.* 405
Deus, inquit, *facit ut faciamus, præbendo vires
efficacissimas voluntati.* Hæc & similia millies
repetit, quæ nisi sunt ipsissima Præmotio, nescio
quibus verbis luculentius exprimi possit.

Confirmatur primò ex loco quem ex eo re-
fert Hilarius in sententia 48. ubi sic ait: *Divi-
nas voluntas est suprema causa omnium corpo-
ralium spiritualiumque motionum; nihil enim
fit visibiliter, quod non de invisibili & intelli-
gibili summi imperatoris aula vel jubeatur (pro
bonis) vel permittatur (pro malis.* Secundò
quia Pelagius non negabat concursum simulta-
neum, quem videtur intellexisse per *adjuvantium
possibilitatis*; nec motiones morales, ut excita-
tiones, illustrationes, &c. ut evidenter constat
ex libro de Gratia Christi; & tamen ipsum im-
pugnabat Augustinus; ergo præter concursum
simultaneum & motionem moralem exigebat
aliam motionem quæ non daret tantum posset,
nec ad agendum duntaxat moraliter excitaret,
sed voluntatem interiùs applicaret actioni: Ter-
tiò demum quia omnia argumenta, quæ Adver-
sarij solent objicere Thomistis, Augustinus sibi
proponit & solvit; ut quod tolleretur libertas;
quod Deus esset author mali; quod præcepta es-
sent impossibilia, &c. Ergo Augustinus idem re-
nuit, quod docent Thomistæ, idem refutavit
quod in Adversariis refutant Thomistæ.



§. VII.

Probatur Præmotio ex D. Thomæ.

PRæmotionem esse de mente D. Thomæ fateatur ipsi Adversarij, inter quos refertur primò Molina in concordia disput. 26. Referuntur Conimbricenses 2. Phys. cap. 7. quæst. 13. art. 1. Refertur libellus de ratione studiorum compositus à Patribus Societatis cap. de defectu opinionum; libellus, inquam; ille, non qui circumfertur posteriorum editionum, in quibus hoc egregium testimonium suppressum est, sed primæ editionis Romanæ, anni 1586. de quo vide R. P. Gonet 1. 2. disput. 6. art. 2. §. 5. Imò ipse Suarez agnoscit D. Thomam eam docuisse quæstione 3. de potentia art. 7. sed, inquit, illam deinceps retractavit, dum in Summa 1. p. q. 105. non dicit, *Deum applicare creaturas ad agendum*, sicuti dixerat in quæst. de potentia, sed *quasi applicare*. Mira sanè subtilitas, quæ tantum negotium ex una vocula disillaba perpendit: Si tamen advertisset calcem articuli; reperisset D. Thomam absolutè dixisse *Deum movere causas secundas applicando earum virtutes*. Unde evanescit fictitia illa retractatio, manetque semper D. Thomam constantissimè docuisse Deum effectivè & præviè causas secundas ad agendum applicare. Loca omnia referre longiùs esset, plura videri possunt apud P. Gonet 1. 2. disp. 6. art. 2. §. 1. 2. 3. & 4. nos solum quædam hîc expendimus.

Probatur ergo breviter præmotio ex D. Tho-

Quæst. IV. Art. IV. *Vtrum nedum, &c.* 407
ma. Deum creaturas physicè præmovere nihil
aliud est, quàm eas ad agendum applicare, mo-
tione præviâ effectivâ, id est, quæ consistat non
in sola repræsentatione objecti sicut moralis, sed
in impulsu activo, & quæ infallibiliter conse-
quatur effectum: Atqui D. Thomas talem mo-
tionem & applicationem perpetuò docet; ergo
docet præmotionem. Major patet: Probatum mi-
nor referendo loca D. Thomæ: Nam 1. quæst.
105. art. 5. docet Deum dedisse creaturis virtu-
tem agendi, & eam conservare, & præterea
eam ad agendum applicare: Idque per motio-
nem intrinsicam & effectivam; quippe quæst.
106. art. 2. expressè distinguit duplicem mo-
tionem, unam per modum suadentis, seu mo-
ralem; & aliam per modum agentis interiùs im-
mutantis, seu physicam: & postea subdit, quod
solus Deus movet voluntatem hoc secundo mo-
do. Et 1. 2. quæst. 109. art. 1. *Nulla natura,*
inquit, *quantumcumque ponatur perfecta, po-*
test procedere in suum actum, nisi moveatur à
Deo, quod idem repetit cap. 9. ad Rom. infini-
tisque in locis: Unde pro rato habet 1. part.
quæst. 60. art. 1. ad 2. Omnia quæ sunt in toto
mundo agi ab aliquo, præter primum agens, &
quæst. 22. de Veritate art. 8. & 9. *Deus*, inquit,
transfert voluntatem ab uno actu ad alium, eam
interius immutando, & in illam per modum
agentis directè agendo: Idque motione aliqua
infallibili; ut enim dicit quæst. 6. de malo art. 2.
Deus movet immutabiliter voluntatem propter
efficaciam suæ voluntatis. Unde ait 1. 2. quæst.
10. art. 4. *Si Deus moveat voluntatem nostram*
ad aliquid impossibile est, ut ad illud non mo-
veatur. Et denum expressissimè 3, de Potentia,

art. 7. tradit Deum imprimere motionem omnibus causis agentibus ipsas applicantem ad proprios effectus; qui locus adeo apertus est, ut evasionem Suarez non repererit, ut supra diximus. Hanc autem motionem esse præviā clarè docet & probat 3. Contra Gent. cap. 149. quia *motio moventis præcedit motionem nobilioris ratione, & causalitate*: Quippe exinde conficitur, quòd cum Deus sit motor movens omnes causas secundas ad agendum, motio quæ creaturas applicat, præcedat cooperationem creaturarum. Adde præterea quòd omnes rationes, quibus probare solemus præmotionem physicam, desumuntur ex D. Thoma; omnes objectiones, quas proponere solent Adversarij, sibi proponit D. Thomas; solutiones quas illis afferre consueverunt Thomistæ, dat ipse D. Thoma, ut patebit ex infra dicendis; ergo doctrina præmotionis est ipsissima S. Thomæ doctrina.

Dicere verò eum loqui de motionem morali, non modò falsum, sed neque verisimile est. Quippe cum motio moralis nec sit communis omnibus causis, nec effectiva, nec infallibilis, nec absolutè necessaria. Imò D. Thomas expressè distinguit duplicem hanc motionem, moralem, & physicam, seu, ut ipse loquitur, *per modum suadentis, & per modum agentis*; dicitque Deum movere creaturas, atque specialiter voluntatem, hac ultimâ motione. Quòd etiam non loquatur de concursu simultaneo: ex eo constat, quòd ille concursus nec sit infallibilis, nec prævius, nec intrinsecus ipsi causæ agentis, nec eam movet, nec eam applicat, sed solum ipsi cooperanti cooperatur. Et demum

Quæst. IV. Art. IV. *Vtrum nedum de, &c.* 409
 quod S. Doctor expressè rejiciat modum quo
 Adversarij explicant suam de concursu simulta-
 neo sententiã non verba ejus Opusc. 1. cap. 23.
*Dupliciter aliquid dicitur cooperari alteri, uno
 modo quia operatur ad eundem effectum, sed
 per aliam virtutem, sicut minister domino, &
 instrumentum artificis, à quo movetur, alio modo
 in quantum operatur eandem operationem cum
 ipso, sicut diceretur de duobus portantibus ali-
 quod pondus, vel de pluribus trahentibus na-
 vim, quod unum alteri cooperatur. Secundùm
 primum modum creatura potest dici cooperari
 Creatori: secundo autem modo creatura Creatori
 non cooperatur.*

Porro quod dici posset, D. Thomam nullibi
 usurpasse nomen præmotionis & prædetermina-
 tionis, abundè solvetur in responsionibus ad ob-
 jectiones.

§. VIII.

Probatur Præmotio rationibus.

Iustissima causa æquis semper rationibus abun-
 dat; quæ autem justior causa esse potest, quàm
 quæ dominium Dei, & dependentiam causarum
 secundarum à prima defendit? Unde nec nobis
 hæc in parte plures & efficaces rationes deesse
 possunt ex quibus faciliores solùm hic breviter
 referemus, quarum præcipuæ ex D. Thoma de-
 promptæ sunt.

Prob. ergo primò hoc efficacissimo simul ac fa-
 cillimo ratiocinio. Cause secunde nõ agunt nisi mo-
 tæ & applicatæ à Deo: Sed illa motio est phy-
 sica & prævia motio, ergo datur physica præmotio.

Major in primis est, non modo expressissimè D. Thomæ 1, part. quæst. 62. art. 1. ad 2. & q. 105. art. 5. & 12. q. 19. art. 1. infinitisque aliis in locis, sed etiam trita, tum apud Philosophos, tum apud Patres, tum in ore omnium, qui idcirco Deum habent ut primum motorem, quod omnibus motum inspiret, omnia vivificet omnibus agendi movendique vigorem inspiret, etiam approbante confirmanteque Scriptura sacra; ut planè nullus locus relinquatur Adversariis tam ratam Doctrinam inficiendi. Minor verò duo dicit: Primum: divinam illam motionem esse *physicam*; Secundò, esse *præviã*. Probaturn ergo quantum ad primum; Motio illa dicitur habeturque propriissimè *physica*, quæ est effectiva & per modum causæ agentis, cum è contra illa dicatur *moralis & metaphorica*, quæ est solum objectiva & per modum finis allicientis, ut etiam radicatus explicavimus prima parte Physicæ agendo de causa finali: Atqui motio quæ Deus universa movet, applicat ac vivificat, non est tantum objectiva & per modum finis allicientis, sed effectiva & per modum agentis, ut expressè habet D. Thomas locis citatis in declaratione majoris, & constat ex eo quod illa motio fit propria Deo in quantum est primum agens, ac primus fons totius efficientiæ quæ est in rebus; ergo motio illa non est moralis & metaphorica, sed activa & physica. Probaturn verò eadem minor quo ad alteram partem, nempe motionem illam divinam esse præviã: Tum Autoritate D. Thomæ ex Aristotele expressissimè tradentis, *Motionem moventis præcedere motionem mobilis, ratione & causa*, id est prioritate naturæ 3. cont. Gent. cap. 149. Tum ratione ab eo insinuata;

Quippè omnis causa est prior suo effectu, & omnis motio itidem prior suo termino : Sed actio creaturæ est effectus & terminus motionis illius divinæ, moveatur enim à Deo creaturæ ad agendum, imò illa motio est ipsissima applicatio ad agendum, ut perpetuò inculcat S. Thomas, aliique superiùs citati, ergo est motio prævia. Hæc ratio tota confecta est ex ipsissimis D. Thomæ principiis, atque tam plana, ut prorsus non videam relinqui Adversariis evadendi viam, nisi evertendo ea quæ non modò D. Thomas, sed & cæteri Patres, atque uno ore Philosophi rarissima semper habuere.

Probatum secundò : Causa secunda non agit nisi in virtute primæ ; ergo prius debet recipere virtutem à prima, quàm agat. Antecedens est certum : Nam virtus divina est fons, à quo dimanat omnis virtus agendi, omnis motus, & omnis actio, ut dicit Dionysius s. de divin. nom. Consequentia verò ex eo suadet quod prius sit habere virtutem agendi, quàm agere. Si autem dicas, creaturam recepisse virtutem agendi, quando primò producta est, Contra est, quod licèt per creationem creatura recipiat virtutem agendi in actu primo, non tamen recipit virtutem agendi in actu secundo, seu activitatem ultimam agendi, quâ constituitur actu profundens actionem, reddaturque dependens à Deo in ratione agentis, sicut per creationem dependet ab eo in ratione potentis agere ; ergo, præter virtutem quam recipit à Deo in prima productione, debet recipere complementum seu applicationem illius virtutis : sicut ferra, quando fabricatur recipit quidem virtutem rodendi in actu primo, sed tamen præ-

terea, ut de facto corrodat, debet recipere motionem applicativam ab artifice. Hæc ratio defumitur ex D. Thoma 3. de Potentia art. 7. ad 7. ubi etiam expressissimè docet motionem, quâ Deus applicat creaturas ad agendum, esse diversam à virtute, quam illis in prima sui productione contulit. En ejus verba. *Virtus naturalis, qua est rebus naturalibus in sua institutione collata, inest eis ut quadam forma habens esse ratum & fixum in natura: sed id quo facit Deus in illis ut actualiter operentur habet quoddam esse incompletum, eo modo, quo colores sunt in aere, & virtus artis in instrumento artificis.*

Probatur tertio: Quod conjungit & applicat ea usam secundam ad suum effectum, præmoveret illam. Sed Deus conjungit & applicat omnes causas secundas ad agendum; ergo illas præmoveret. Probatur major: Nam præmotio nihil aliud est, quam applicatio conjungens causas secundas ad suos effectus: Neque enim ad id valet concursus simultaneus ut qui nihil ponat in causa secunda, quo ex non operante, fiat operans. Minor verò est axioma, quod D. Thomas refert ex lib. de causis 1. p. q. 36. a. 3.

Probatur quarto: Instrumentum non attingit effectum causæ principalis, nisi prius ab illa moveatur: Sed creaturæ, dum agunt: attingunt effectum proprium Deo; ergo debent moveri ab eo, prius quàm agant. Major probata est supra agendo de instrumentis, & præterea suaderi potest ex eo quod instrumentum non agit, nisi subordinatum causæ principali, quæ utitur instrumento: Usus autem fit per applicationem ac agendum; ergo causa principalis,

Quæst. IV. Art. IV. *Vtrum redum*, &c. 413
principalis, ut sibi subordinet instrumentum &
utatur illo, debet illud applicare. Minor verò
probat: Ratio entis est effectus proprius Dei:
Sed omnis creatura, dum agit, attingit ratio-
nem entis; ergo attingit effectum proprium
Dei. Minor certa est: Nam ratio entis est trans-
cendentaliter imbibita in omni effectu. Major
verò declaratur: Nam causæ universalissimæ
debet correspondere effectus universalissimus:
Effectus autem universalissimus est ratio entis ut
potè quæ reperitur in omnibus rebus; ergo ra-
tio entis est effectus proprius causæ univer-
salissimæ scilicet Dei. Hæc ratio est D. Thomæ
quæst. 3. de potentia, art. 3. ubi eam egregiè ex-
pendit.

Probat: Quintò, Deus causat ipsam coopera-
tionem causæ secundæ: Sed non potest illam
causare per concursum simultaneum; ergo præ-
ter concursum simultaneum debet admitti alia
motio causativa cooperationis creaturæ, ac pro-
inde prævia ad illam; omnis enim causa præce-
dit suum effectum. Major adeo certa est, ut D.
Thomas habeat ut hæreticum, dicere aliquid
positivum in mundo esse, quod non causetur à
Deo: ergo ipsa cooperatio creaturæ causatur à
Deo. Minor verò probatur: Virtus causans ali-
quid debet esse prior illo. Sed concursus simul-
taneus non est prior cooperatione creaturæ; ergo
non potest illam causare. Adde præterea, quod
conkursus simultaneus nihil ponit in causa se-
cunda etiam fatentibus. Adversariis, ergo non
potest causare influxum & cooperationem causæ
secundæ, sed solum cum illa effectum producere.
Hanc rationem indicat D. Thomas in 2.
dist. 37. q. 2. art. 2.

Probat̄ur lex̄t̄o: Quod est indifferens ad utrumlibet non agit nisi prius determinetur ab alio: Sed ut plurimum causæ secundæ, præcipuè voluntas humana, sunt indifferentes ad utrumlibet: ergo non agunt nisi prius determinentur ab aliquo, scilicet à causa prima; quæ sola potest determinare voluntatem. Minor patet ipsa experientia quâ sentimus nos esse indifferentes ad utrumlibet, v. g. ad agendum & non agendum, ad odio habendum & ad amandum. Major verò certa est, quia ab eo quod est indifferens, non exit determinatus effectus; siquidem nemo dat quod non habet. Hæc ratio est D. Thomæ 1. part. quæst. 19. artic. 3. ad 5. & 2. Phys. lect. 8.

Respondebis primò, Causam secundam se determinare per suam actionem.

Sed contra: Actio non exit nisi à causa determinata, ut dicit D. Thomas 2. Physic. lect. 8. Ergo prius est causam determinari, quàm quod ab illa egrediatur determinata actio.

Respondebis secundò, Causam liberam determinari ab objectis, ut homo indifferens ad amandum, determinatur ad amorem per beneficium, quod ab alio accepit.

Sed contra: Illa determinatio objectiva est solum aliquid extrinsecum respectu voluntatis, & quo posito voluntas adhuc remanet indifferens: ergo præter illam requiritur alia effectiva & intrinseca.

Respondebis tertio, Hanc determinationem fieri à concursu simultaneo.

Sed contra est; tum quia conversus simultaneus est indifferens, ut dicunt Adversarij, & expectat cooperationem & determinationem crea-

Quæst. IV. Art. IV. *Vtrum nedum, &c.* 415
tura; ergo illam causare non potest: Tum quia
talis determinatio est prior naturæ ipsa coopera-
tione creaturæ; ergo non potest causari à con-
cursu simultaneo, qui non est prior cooperatione
creaturæ.

Probatur septimò: Vt enim dicit D. Tho-
mas 1. Periherm. lect. 4. voluntas divina intel-
ligenda est tanquam causa profundens totum
eas & omnes ejus differentias: Sed applicatio
creaturæ per quam conjungitur ad suum actum,
est aliquod ens; ergo debet causari à Deo, ac
proinde Deus applicat causas secundas ad suos
actus.

Probatur octavò: Ille qui respicit finem ulti-
mum Vniuersi, debet omnia præmovere & ap-
plicare ad suas operationes, & non solum cum il-
lis concurrere: Sed Deus respicit finem ulti-
mum totius Vniuersi; ergo debet omnes creatu-
ras præmovere & applicare ad suos actus. Mi-
nor certa est, nec eam negare possunt adversarij.
Major verò declaratur; nam ille qui respicit fi-
nem ultimum totius Vniuersi, debet omnia di-
rigere ad illum finem; quod explicat D. Tho-
mas exemplo ducis, qui applicat & dirigit om-
nes milites ad victoriam consequendam, quæ
est finis totius exercitus: Sed non potest diri-
gere nisi applicando & præmovendo; ergo debet
præmovere & applicare. Probatur minor: Nam
concurfus simultaneus non dirigit actionem
creaturæ, sed solum ipsi cooperatur; motio verò
moralis non dirigit nisi moraliter & inefficaciter:
ergo præter illam debet dari motio prævia &
effectiva.

Probatur nonò: Nam datur motio, per quam
Deus infallibiliter omnia disponat, & quæ sit exe-

cutio divinae Providentiae : Sed sola praemotio physica potest id praestare ; ergo datur. Major certa est : Divina enim Providentia in sui dispositione non fallitur, & semper finem suum attingit, ut memorat Scriptura, Ecclesia canit, & saepe probat D. Thomas ; ergo necesse est dari aliquam motionem infallibilem, quae sit executio talis Providentiae. Minor verò probatur : Nam concursus simultaneus, cum sit de se indifferenter paratus omnibus, non regit, nec movet creaturas infallibiliter, sed expectat indifferenter earum cooperationem : Motio verò moralis, praeterquam quod non est omnibus creaturis communis, illas quas movet, non applicat infallibiliter, sed plerumque inutiliter excitat ; ergo sola praemotio physica est executiva divinae Providentiae. Ideoque Providentia dicitur infallibilis, eo quod regat creaturas per motionem infallibilem. Haec ratio efficacissima est & praeclarissima, quae utitur D. Thomas 1. p. q. 103. art. 8. ubi dicit quod, *Omnis inclinatio sive naturalis, sive voluntaria, nihil aliud est quam impressio à primo movente ; sicut inclinatio sagittae ad signum determinatum nihil aliud est, quam impressio à sagittante.* Ex quo concludit, quod Dei gubernationi nihil resistit, *Eo quod omnia quae aguntur vel naturaliter, vel voluntariè, quasi propria sponte perveniunt in id, ad quod divinitus ordinantur.*

Probatur decimò ex dominio Dei super omnem creaturam : De ratione domini est applicare res sibi subditas ad suas operationes ; moraliter quidem, si solum habeat dominium morale, Physicè verò, si habeat dominium physicum : Sed Deus est supremus dominus, non solum moraliter, sed etiam physicè, omnium creaturarum,

ita ut impossibile sit creaturam in qualibet actione non servire tanto domino; ergo debet applicare omnes creaturas ad agendum. Minor est certa: Major verò probatur: Nam actuale dominium consistit in usu rei; usus autem in applicatione rei ad operationem; ergo supremi domini est omnia applicare ad suas operationes. Hac ratione utitur Augustinus, dum toties inculcat Deum movere voluntates hominum propter dominium quod habet illas & in omnia.

Probatur undecimò ex subordinationi causarum secundarum ad primam. Quando sunt plura agentia subordinata, agens inferius non agit nisi prius moveatur & applicetur à primo: Sed omnes creaturæ sunt naturaliter subordinatæ Deo ~~quæ~~ ~~non~~ ~~agunt~~ ~~nisi~~ ~~prius~~ ~~moveantur~~ ~~&~~ ~~applicentur~~ ~~à~~ ~~Deo~~; ergo non agunt nisi prius moveantur & applicentur à Deo, Minor certa est; ideo enim dicitur Deus, *Prima causa*, quia cæteras sibi subordinat. Major verò patet: Nam subordinatio causarum in eo consistit, ut causa inferior agat sub prima, sicuti minister agit sub domino, id est ex applicatione ipsius domini. Hæc ratio est D. Thomæ 1. part. q. 105. a. 5. quam præterea inculcat 3. contra Gentes, cap. 147. ubi ait: *Sub Deo, qui est primus intelligens & volens, ordinantur omnes intellectus & voluntates sicut instrumenta sub principali agente: & 1. p. q. 2. a. 3. Secunda moventia non movent, nisi per hoc, quod sunt mota à primo movente; sicut baculus non movet, nisi per hoc, quod est motus à manu.*

§. IX.

Expenditur ultima ratio, adjiciturque profundior explicatio naturæ Præmotionis.

Hanc postremam rationem ut profundissimam ac efficacissimam, ut paulò accuratiùs expendamus, speciali titulo ab aliis separamus, cui etiam adiiciemus explicationem naturæ præmotionis, ex qua toti doctrinæ Thomisticæ non mediocris lux afferetur.

Igitur sit argumentor. Impossibile est ut creatura agat, nisi priùs constituatur in ratione principij in actu secundo operativi: Atqui non constituitur in ratione principij in actu secundo operativi per solùm concursum simultaneum, sed per præmotionem physicam; ergo creatura, ut agat, indiget præmotione physicâ. Ut argumentum omnix parte convincat, probanda est utraque præmissa.

Probatur ergo major, quod scilicet creatura priusquam agat, debeat constitui in ratione principij in actu secundo operativi: Siquidem quod non est de se activum nisi habitualiter & in actu primo, nunquam ager, nisi constituatur in ratione principij actualis & in actu secundo operativi: sed omnes facultates creaturarum non sunt activæ nisi in actu primo & habitualiter; ergo ut agant, debent priùs constitui in ratione principij in actu secundo operativi, seu, ut loquuntur alij, debent reduci ab actu primo ad actum secundum agendi. Major certa est solùm

in actu primo & habitualiter operativa, sic enim non intelligitur satis completa & actualis ad profundendum actum, sed magis in potentia otiosa. Minor verò, quòd scilicet virtutes creaturarum de se non sint activæ nisi habitualiter & in actu primo, multipliciter probatur: Primò quia creatura in nullo ordine, identificat sibi suam ultimam actualitatem: id enim proprium est actus puri: Sed id per quod causa sit in actu secundo operans, est ultima actualitas ordinis operativi: ergo nulla virtus creata potest id sibi identificare & proinde virtus creata non est ipsa actualitas operandi, sed solùm habitualis potentia operativa. Secundò, *Operari* sequitur ad *esse* ipsique proportionatur: Sed nulla creatura est sua existantia; ergo etiam nulla creatura est suam *operari* in actu secundo, sed necessariò in illa distingui debet actus primus operandi ab actu secundo. Tertiò, Virtus creata semper habet aliquid potentialitatis admixtum? ergo quantum est de se non est ultimò constituta in ratione principij operativi, sed ut actu agat, eget aliqua superadditâ actualitate excludente talem potentialitatem. Quartò, Idem suadetur inductione: Sic enim videmus nobilissimas facultates operativas, scilicet intellectum & voluntatem, non esse nisi habitualiter & in actu primo operativas: unde sæpissimè cessant ab operatione: ergo idem à fortiori dicendum de alijs minùs nobilibus potentiis, eas scilicet de se non esse nisi in actu primo operativas, ideoque indigere reduci per aliquid ad actum secundum.

Minor verò ejusdem principalis argumenti,

quod scilicet per concursum simultaneum creatura non possit constitui in ratione principij actualiter operantis, variè probatur. Primò quia id quod non recipitur in causa secunda non potest eam constituere in ratione principij in actu secundo operantis; cum enim nihil effluere possit ad extra ex virtute activa quandiu deest illi ultima activitas, ad quam statim sequitur actio, necesse est ut hæc ultima activitas sit aliquid intrinsecum in virtute activa receptum: Sed concursus simultaneus non recipitur in causa secunda, ut fatentur Adversarij; ergo non potest illam constituere in ratione principij in actu secundo operantis. Secundò, Concursus simultaneus est de se indifferens, & expectat cooperationem creaturæ; ergo non reddit illam in actu secundo operantem. Tertio, Id per quod creatura constituitur in ratione principij actu operantis, est aliquid prævium ad cooperationem creaturæ: agens enim debet esse ultimò completum & actuum in ordine principij activi, prius quàm agat: Sed concursus simultaneus non est aliquid prævium ad cooperationem creaturæ; ergo non constituit eam in ratione principij actu operantis. Quarto demùm, Concursus simultaneus semper de se præstò est, & tamen creatura non semper operatur in actu secundo, ergo non constituitur operans in actu secundo per concursum simultaneum.

Vnicum effugium excogitari potest, nempe creaturam constitui in ratione principij actu operantis per suam propriam actionem, & non per aliquid ad eam prævium.

Sed contra: Oportet causam secundam esse

constitutam in ratione principij ultimò activi, seu habentis ultimam activitatem & excludentis omnem potentialitatem lineæ activæ, priusquam ab illa egrediatur actio: ergo non potest constitui in actu secundo operativa per suam actionem. Consequentia patet: Probatur antecedens; Cùm enim intantum aliquid agat, inquantum est in actu, actio sequitur virtutem activam, ideoque quoad ista manet in actu primo & habitu agendi, illa quoque remanet in statu meræ possibilitatis: ergo ut actio extrahatur de possibilitate, & ponatur sub existentia, necesse est virtutem activam transferri prius de otio & statu illo potenciali ad statum actualiorem.

Hæc ratio profundissima est, quam variis in locis inculcat D. Thomas. Si enim semel concedatur facultates activas creaturarum esse solum habitualiter & in actu primo operativas, manifestè sequitur eas indigere aliqua motione Dei præveniente, applicante, & illas transferente ab illo statu habituali ad actum secundum operandi, seu inspirante ultimum vigorem agendi, ut sic ultima actualitas & essendi & operandi debeatur Deo. Nihil autem aliud intelligimus per præmotionem nisi applicationem, quâ virtus creata reducitur ab actu primo ad actum secundum operandi. Quòd verò facultates activæ creaturarum sint solum activæ habitualiter, præter rationes supra relatas, egregiè explicat Marsilius Ficinus ex doctrina Platonis & Dionysij, hoc exemplo. Sic enim videmus quòd sol, qui est veluti principium totius visibilitatis, corporibus dedit colores, qui sunt quædam lucis participationes.

At tamen colores isti non sunt visibiles nisi in actu primo, ideoque ut videantur indigent prævio solis illustrantis afflatu quo roborentur, compleantur, fiantque visibiles in actu secundo. Eodem modo primus ille actus, qui dicitur *Deus*, facultatem agendi largitus est omnibus creaturis: sed tamen illa facultas activa, cum in creaturis sit permixta potentialitate, debilis est, & ad operationes in actu secundo ponendas insufficientes nisi *Deus* eam per suum influxum vivificet, compleat, roboret, applicet, & ab actu primo reducat ad actum secundum operandi.

His omnibus rationibus satis demonstratum arbitror; quàm altis radicibus hæreat doctrina Præmotionis. Vtrum ad hæc omnia dicere fortè quis posset Thomistæ, egregiè quidem probare *Deum* activè, seu physicè movere causas secundas, etiam motione prævia aliquomodo, vixque ullum posse id satis inficiari: At minimè explicare, quid propriè sit in creaturis illa motio, an sola præsentia creatoris omnia portantis & vivificantis: an qualitas creata addita creaturæ, an influxus ille idem quo *Deus* operatur esse in omnibus, constituiturque illis intimè præsens, &c. Quippe hæc non satis dicta & intellecta miram caliginem offundunt eorum sententiæ, enervantque vim omnem probationum quas pro præmotione stabilienda adducunt. Et quidem fateor hæc obscurissima esse, atque in quibus elucidandis non soli Thomistæ laborent, sed & omnes Philosophi ac Theologi. Et quæso te, si tam occulta sit virtus & ratio quâ infantuli membra formantur in utero,

Quæst. IV. Art. IV. *Vtrum nedum*, &c. 423
speras intellectu faciliorem fore rationem & virtutem ; qua Deus Vniuersitatem rerum ac causarum administrat ? Addiderim tamen de re tam ignota nihil præclarius, verosimilius, ac profundius ab aliis circumferri, quàm quod ex D. Thomæ fontibus haurit Schola Thomistica, Nam, ut verum fateat, concursus simultanei defensores, cùm efficiendi vim quasi ex æquo inter Deum & creaturam partiuntur ; cùm virtutem Diuinam in excubiis collocant explorantem expectantemque creaturæ cooperationem ; cùm craturas suo jure vendicant à subjectione Dei ; cùm chimerici commercij leges inter illas & Deum statuunt, cùm inepta equorum in trahendo eodem curru conjunctorum exempla inducunt, aliisque ejusmodi ; planè, ut benignius dicam, parùm magnificè de primæ causæ maiestate loquuntur. Age ergo, quàm altius Angelica D. Thomæ doctrina sese erexerit, tantisper dicamus.

Atque ut rem radicitus aperiamus, Effectus omnes, qui in mundo fiunt, dupliciter considerari debeat : Primò sub ratione creaturæ ex nihilo originaliter eductæ & in nihilum rursus delapsuræ, nisi continuò portaretur ac manu teneretur omnipotenti aliqua virtute : Secundò sub ratione entis educti, id est per transmutationem facti ex alio ente. Quippe videmus primo Vniuersitatem rerum creatam ac continuò cōseruatam existere : in ea verò ita constituta & existente unum ens ex alio fieri, ut ex ligno ignem. Vnde secundùm hos duos modos res pendent à duplici causa & virtute : Nempe à virtute infinita Creatoris omnia in esse conservantis, atque ne in

nihilū decidant; manutinentis. Et præterea à virtute finita causarum, quæ supposito illo generali influxu creatoris, variis modis transmutant res sibi subjectas, atque ex una aliam efficiunt. Prima virtus est immediatè & unicè à Deo, imò est Deus ipse: quia nulla virtus creata & finita potest attingere ens sub ratione creaturæ, illudque ita portare, ut ex ejus subtractione sequatur annihilatione: neque verò aliud intelligi debet per concursum simultaneum probè acceptum, ut etiam diximus articulo secundo: Vnde concursus ille non est aliquid quæ qualitas aut influxus à Deo & effectu distinctus, sed est ipsa virtus Dei, ut importans ad extra effectum, illumque immediatè attingens sub ratione creaturæ, sive cū sit, sive quandiu existit; diciturque *simultaneus*, quia cū nullus effectus producat in quo non sit imbibita ratio creaturæ, oportet cū causæ secundæ attingunt suos effectus sub rationibus sibi correspondentibus, simul Deum illos attingere hoc superiori influxu sub ratione creaturæ.

At verò secunda illa virtus, nempe eductiva & transmutativa, est per quam propriè creatura agit: Vnde neque est Deus ipse præsens causis, nec ipsa actio causæ secundæ ut à Deo, sed perfectio quædam data à Deo causis secundis, illisque inhærens ad producendas suas actiones, & per illas effectus. At quomodo detur à Deo creaturis; operæ præteritum est ut dicamus, Quippe ex eo pendet unicè notitia præmotionis, quæ & ipsa quoque comprehenditur sub illa virtute eductiva ut ejus complementum.

Porro id commodè intelligi explicativè potest ex duobus profundissimis D. Thomæ principiis:

Primum est, *Cum plures causa subordinata concurrunt ad effectum, oportere semper universaliores rationes correspondere universalioribus causis, nec attingi ab inferioribus, nisi quatenus agunt in virtute superiorum.* Secundum est, *Virtutem superioris causa qua residet in ea plenè ac permanenter, non communicari causa inferiori, nisi per modum fluentis & incompleti:* Vide quæ latè diximus in prima parte Physicæ agendo de instrumentis. Cum igitur ad effectus per educationem producos concurrant plures causæ subordinatæ, aliæ inferiores, aliæ universaliores, juxta illud, *sol & homo generant hominem*, oportet virtutem eductivam ita dispensari à Deo inter causas secundas, ut causis universalioribus dederit virtutes eductivas correspondentes universalioribus rationibus, quæ sunt in effectu educto, ad eo ut inferiores causæ illas rationes non attingant, nisi in virtute superiorum, eaque per modum motionis transeuntis communicata, juxta secundum D. Thomæ principium. Porro in effectibus per educationem productis relucet aliqua ratio, quæ licet per educationem fiat, atque idcirco correspondere debeat alicui virtuti eductivæ, attamen adeo universalis est, ut nulla creata causa sit tam vastæ efficacis, quæ illam sibi ut propriam vendicet. Ea est, *esse* seu existentia quæ est ultima perfectissimæ formalitatum per educationem productarum, adeo universalis, ut nullus sit effectus in quo non reluceat. Illa ergo soli universalissimæ causæ, nempe Deo, propriè correspondere debet, atque adeo, quamquam attingatur à causis secundis, non tamen attingitur ab illis, nisi in virtute ipsius Dei, id est

foli Deo propriâ, communicata tamen causis secundis per modum motionis transeuntis elevantis earum virtutes ad tam communem & nobilem effectum, easque constituentis in ultima activitate agendi, cui in effectu respondet ultima essendi actualitas nempe *esse* seu existentia. Atque id est quod tam sæpe celebrat D. Thomas, cum ait, *Omnes virtutes creatas comparari ad Deum ut instrumenta, causas secundas non dare esse nisi in virtute Dei, ab eo moveri, applicari, compleri; esse in illis virtutem illam divinam per modum motionis transeuntis, ut est virtus artis in instrumento, colores in aëre, &c.* Sicque habentur non modò profundissima ponendæ præmotionis fundamenta, sed etiam germani ac Thomistici characteres, per quos possit innotescere: nempe ut sit vis quædam activa à Deo derivata in causas secundas, non ut perfectio stabilis, ad instar earum virium activarum, quæ habentur ut proprietates, sed ut motio transiens & ultimò complens vim activam creaturarum, atque se habens in ordine agendi, ut *esse* seu existentia in ordine essendi. Sed hac de re hæcenus.

§. X.

Probatnr Præmotio exemplis.

NON desunt plura & aptissima exëpla, quibus explicari & cõfirmari possit præmotio physica, quæque non semel variis in locis usutpat D. Thomas. Generaliter enim videmus in causis subordinatis inferiorem non agere nisi motâ & applicatam, à superiore, ut etiam notat D. Thomas variis in locis, ut 3. p. q. 19. ait. 1. Ideoque 3. Cont.

Quæst. IV. Art. IV. *Vtrum nedum de, &c.* 427
Gent. cap. 147. præclare ait, *Divina Providentia legem esse ut unumquodque immediatè à proxima sibi causa moveatur.* Sic quia corpus & omnia ejus membra subordinantur animæ, non agunt nisi ex ejus motione & applicatione. Quia cæteræ potentia subordinantur voluntati tanquam suæ reginæ, non operantur nisi quatenus moventur ab illa. Quia membra subordinantur cordi, nullus in eis motus fit, nisi prius ab illo vitalem influxum recipiant, quo intercepto vel penitus cessante, ut in deliquio & morte, cætera membra torpent. Sic quia sublunaria subordinantur cælis, non agunt nisi prius vivifico siderum influxu excitentur, ut patet in plantis, quarum virtus languescit per hyemem siderum calore manet otiosa. Idem patet in artificialibus. Sic enim prima horologij rota cæteris omnibus motum influit: & in politicis propter subordinationem miles non agit, nisi politicè applicetur à suo duce, & dux à Tribuno, Tribunus ab exercitus Imperatore, Imperator à Rege: Et Iudices inferiores nihil validè decernunt nisi in quantum mittuntur & applicantur à supremo, nempe principe.

Certum est autem creaturas magis dependere à Deo quàm corpus ab anima, potentias à voluntate, membra à corde, sublunaria à cælestibus, &c. Ergo à fortiori debent prius applicari & moveri à Deo. Vnde mirum est Adversarios id denegare Deo respectu causarum secundarum, quod uni causæ secundæ competere videmus respectu alterius, cum tamen magis dependeant causæ creatæ à Deo, quàm quælibet causa secunda ab altera.

§. XI.

Probatur ultimò Pramotio ex inconvenientibus.

Primum inconveniens, quod ex negatione pramotionis sequitur, est, Deum non fore causam primam totius entis: Vt enim arguit D. Thomas in 2. dist. 37. q. 2. art. 2. *Non potest videri quin voluntas humana sit primum agens, si ejus actio non reducatur in aliquod prius agens: Sed per concursum simultaneum actio creaturæ reducitur solum in Deum simultaneè agentem; ergo ex illa sententia sequitur Deum non esse primum agens.*

Secundò sequitur, influxum Dei subijci creaturæ, illamque esse priorem Deo in causando: Dicunt enim Adversarij, influxum Dei semper esse paratum, ut creatura illo utatur, vel non utatur, prout libuerit; ac proinde creaturam priorem & priorem faciunt in agendo, nam prior est qui utitur, quam ille quo utitur.

Tertiò sequitur, Deum non esse dominum creaturæ, saltem liberæ: Docent enim Adversarij, Deum offerre suum concursum indifferentem voluntati, & pex scientiam mediã, ut vocant, explorare quomodo sit eo usura, totamque Providentiæ æconomiam & certitudinem committunt huic exploratrici scientiæ, sapius usurpantes illud effatum, *Nihil Providentiã decernit, nisi Præscientiã exploraverit.* Ergo Deus in eorum sententia potius explorator est nostrarum actionum, quam dominus nostrarum voluntatum.

Quartò sequitur, aliqui fore impossibile Deo

Quæst. IV. Art. IV. *Vtrum nedum de, &c.* 429
nempe efficere ut homo agat in illis circumstan-
tiis & cum illis motionibus moralibus, in quibus
Deus prævidet eum ex ipso non esse acturum.
Dicunt enim, divinum influxum expectare coo-
perationem creaturæ; ergo per illum Deus non
potest efficere, ut creatura consentiat, sed potius
id à creatura expectat.

Quintò sequitur, Creaturam aliquid habere
quod non acceperit à Deo: Usus enim concursus
simultanei non datur ab ipso concursu simulta-
neo; ergo nisi admittatur præterea concursus
applicativus, creatura ex seipsa & non à Deo ha-
bebit saltem quod utatur concursu simultaneo:
Pono casum; Deus eundem concursum simulta-
neum offert Petro & Ioanni; & Ioannes illo uti-
tur, non verò Petrus, an nùm potest gloriari Ioã-
nes supra Petrum se consensisse divino cõkursui?
quod tamen est contra Apostolum dicentem, non
esse gloriandum ex eo quod bene agamus, quia
nihil habemus, quod non acceperimus. Hoc ar-
gumentum, sicut & plura alia inconvenientia
prosequi solent Theologi agendo de voluntate
& scientia Dei; atque idcirco de his parèus nos.

Fateamur ergo tot testibus & rationibus con-
victi, Deum omnes creaturas ad singulas actiones
applicare, ita ut nihil in mundo fiat nisi ex appli-
catione & præviâ Dei motione, illamque doctri-
nam esse omnium sæculorum translatione pro-
pagatam, in Scripturis fundatam, in Conciliis
approbatam, à Patribus inculcatam, à Philoso-
phis probatam, ab Augustino egregiè propu-
gnatam, à D. Thoma illustratam, rationibus
confirmatam ac demonstratam, exemplis de-
mum & omnium argumentorum genere sta-
bilitam. Unde Deus non ob aliud primi mo-

toris nomen obtinuit, quàm quòd quæ agunt, priùs ab eo moveantur & applicentur ad agendum.

ARTICVLVS V.

Vtrum & quomodo Deus promoveat ad actum peccati.

IN peccato duo diligenter distinguenda sunt, *actio* scilicet & *malitia*, seu, *effectus* & *defectus*. Peccatum enim est monstrum. Vnde sicut in monstro duo sunt, entitas & deformitas, ita in peccato invenitur entitas actionis & deformitas malitiæ. Certum est Deum non causare malitiam peccati, quamvis oppositum docuerit Calvinus, propter quam doctrinam ejus libri etiam à Lutheranis fuerunt publicè combusti, ut enim dicit Fulgentius, *Deus non est auctor illius, cujus est ultor*. Aliqui tamen ex Adversariis feruntur docere, malitiam peccati esse à Deo simultaneè, quamvis non crediderim homines Catholicos ita sentire posse: quippe intolerabilis est hæc sententia; Deus enim nec auctor, nec socius esse potest peccati. Cæterùm quantum ad entitatem, seu actionem, quæ reperitur in ipso peccato.

Dico: Deus causat actionem peccati, physicè promovendo ad illam, non ut mala est, sed præcisè ut actio est. Ita D. Thomas 1. 2. q. 79. art. 2. & aliis in locis. D. Augustin. lib. de Gratia & Libero arbitrio, cap. 2. ubi loquendo de Semei, di-

Quæst. IV. Art. V. *Vtrum & quomodo, &c.* 431
cit], *Deus voluntatem eius malam in hoc peccatum inclinavit.* Quod intelligendum est, non quantum ad malitiam, sed quantum ad substantiam actûs, seu, ut dici solet, non quantum ad formale sed quantum ad materiale peccati; sicuti & alia ejusdem sancti Doctoris loca, in quibus dicit Deum movere ad actiones malas.

Probatur primò Conclusio argumentis omnibus, quibus supra generaliter ostendimus Deum movere & applicare creaturas ad omnes earum actiones: Sed in peccato reperitur actio; ergo Deus movet ad illam.

Secundò: Quodlibet ens derivatur à primo ente, ut à prima causa: Sed actio peccati est aliquod ens; ergo derivatur à primo ente, ut à prima causa.

Tertiò: Omnis motus causatur à primo motore: Sed Deus est primus motor omnium spirituum & corporalium creaturarum; ergo causat omnes illarum motus, ac proinde etiam actionem peccati. Hæ duæ rationes sunt D. Thomæ 1. 2. quæst. 79. art. 2.

Quæres, cur Deus, qui nos ita in sua potestate habet, ut nihil agamus nisi moti ab ipso, nos moveat ad actiones malas, & non semper ad bonas; præcipuè cum ipse adeo bonus sit, & bonorum amicus?

Respondeo, certissimum esse, quod Deus absolute posset impedire omnia mala, & facere ut homines semper bona agerent, neque id negari potest salvâ Dei omnipotentiâ. Vnde ista difficultas omnibus solvenda est, & non solum Thomistis. Porro commodè solvitur dicendo, Sapientiam divinam non debere impedire omnia mala, sed plura permittere. Quia, ut discurret D. Tho-

mas 1. part. quæst. 22. art. 2. ad 2. Deus est provi-
 sor universalis omnium rerum; de ratione au-
 tem provisoris universalis est, ut permittat quos-
 dam defectus, ne impediatur bonum Univer-
 si: si enim omnia mala impedirentur, multa bo-
 na deessent Universo; non enim esset vita leonis
 nisi esset occisio animalium, nec patientia
 Martyrum nisi esset persecutio tyrannorum.
 Permittit ergo Deus mala in mundo propter
 Univerſi pulchritudinem, ut ordinationes sæcu-
 lorum tanquam pulcherrimum carmen quibus-
 dam antithetis honestet, inquit D. Augusti-
 nus 11. de Civit. Dei, cap. 18. Nam Univerſi
 pulchritudo consurgit ex ordinata bonorum &
 malorum commixtione, sicut silentij interpo-
 sitio dulciorem efficit cantilenam, ut ait D.
 Thomas 3. contra Gent. cap. 73. & umbræ ipsæ
 tabellas exornant, sine quibus omnis pictura,
 quantumvis lucidissimis coloribus expressa, es-
 set imperfecta: Vnde præclare Augustinus Serm.
 de Machabæis. *Pictor novit ubi ponat nigrum
 colorem, ut sit decora pictura, & Deus nescit
 ubi ponat peccatorem ut sit formosa creatura?*
 Deus tamen cum sit optimus, etiam ex istis ma-
 lis quæ permittit, majora bona semper elicit;
 juxta illud Augustini in Enchir. cap. 11. *Deus
 non sineret malum aliquod esse in suis operibus,
 nisi usque adeo esset omnipotens & bonus, ut
 beneficeret etiam de malo.* Addi præterea po-
 test, quod Divinæ Sapientiæ lex exigit, ut Deus
 unumquodque moveat juxta ipsius conditio-
 nem, sicut perpetuò inculcat D. Thomas ex
 Dionysio. Cum igitur sint aliqua creaturæ pec-
 cabiles & defectibiles, debet illas ita move-
 re; ut in actione ad quam movet, sæpè ma-

Quaest. IV. Art. V. *Utrum & quomodo, &c.* 433
licitiam permittat, quamvis eam nunquam at-
tingat.

Quomodo autem fiat, ut motio divina ad istas
malas actiones, non ut malæ sunt, sed ut actio-
nes sunt, se extendat, egregiè explicat D. Tho-
mas quaest. 3. de Malo, artic. 3. & 1. 2. quaest. 79.
Nempe quia motus primi motoris non recipitur
uniformiter in omnibus mobilibus, sed in uno-
quoque juxta illius conditionem. Cum ergo ali-
quid est in dispositione debita ad recipiendam
motionem primi motoris, sequitur actio perfecta
juxta intentionem primi moventis. Sed si non sit
in dispositione debita ad recipiendam talem mo-
tionem, sequitur actio imperfecta: Et tunc id
quod est defectu, non reducitur in primum mo-
uens, quia talis defectus non est in actione, nisi
inquantum agens secundum deficit à primo mo-
vente: Sicut quidquid est de motu in tibia clau-
dicante, procedit ab anima movente tibiam;
quidquid verò est defectu, est à tibia curva, se-
cundum quod deficit ab opportunitate mobilita-
tis. Sic ergo dicendum, quod cum Deus sit pri-
mum principium omnium motionum, si voluntas
fuerit in dispositione debita ad recipiendam mo-
tionem Dei, semper sequetur actio bona, ut patet
in Beatis: Si verò voluntas fuerit in prava dispo-
sitione, sequetur actio mala, ut patet in damnatis,
qui semper peccant: Si demum voluntas fuerit
in dispositione variabili & defectibili, sequentur
modò bonæ, modò malæ actiones, ita tamen ut
semper quidquid est de bono, reducatur in
Deum, quidquid verò admiscetur de malo, re-
ducatur in voluntatem creatam, Hæc ex D.
Thoma collegimus locis supra citatis, quæ vi-
deri possunt in fonte. Objectiones, quæ militare

possunt contra hunc articulum, solventur simul cum aliis articulo sequenti.

ARTICVLVS VI.

Solvuntur objectiones aduersariorum.

EX quadruplici capite arguunt Aduersarij. Primò, ex autoritate. Secundò, ex causalitate peccati. Tertiò, ex inutilitate præmotionis. Quartò, ex læsione libertatis. Cæterùm argumenta à priori, veluti sunt quæ desumuntur ex conditione causæ secundæ, ex dominio Dei, &c. nulla prorsùs extant apud illos.

Objicies ergo ex primo capite. Aristoteles dicit, quòd agens agendo non mutatur: Sed si præmoveretur physicè, mutaretur; ergo physicè non præmouetur.

Respondeo Aristotelem solùm velle quod agens non mutatur per suam actionem: quod tamen mutetur per impulsum primi agentis, expressè dicit, cum ait, *moventia secunda non mouent nisi mota à primo*. Vnde in forma, distinguo: Agens non mutatur agendo, concedo; ad agendum, nego.

Quantùm ad authoritates D. Thomæ, quas partim truncatas, partim nihil ad propositum facientes, partim sinistro sensu explicatas accumulauit Aduersarij, cunctas referre prolixius esset. Vnde pro solutione omnium assignabimus quatuor generales regulas ex ipso D. Thoma de præptis (quis enim meliùs explicet D. Thomam,

Quæst. IV. Art. V. *Solvuntur object. &c.* 425
quàm ipse D. Thomas ?) quibus expediri facile
possint omnes hæc autoritates.

Prima est, Quoties D. Thomas, aut alij Patres,
dicunt, Deum non prædeterminare actiones no-
stras, id intelligitur de prædeterminatione, quæ
est per modum naturæ, seu per impositionem ne-
cessitatis, qualis est determinatio ignis ad com-
burendum, & avis ad tali modo nidificandum;
non verò de prædeterminatione, quæ est per mo-
dum liberi, id est, per modum applicationis ad
exercitium actûs liberi. Hæc Regula expressè
traditur à D. Thoma 1. part. quæst. 23. art. 1. ad 1.
& 3. cont. Gent. cap. 90. ubi explicâs illud Damasceni,
Deus non prædeterminat ea, quæ sunt in
nobis; dicit D. Damascenum sumere prædetermi-
nationem pro impositione necessitatis; ex quo
infert, per illa verba non excludi prædetermi-
nationem, nec proinde præmotionem, quæ est Di-
vinæ Providentiæ ac prædestinationis executrix.

Secunda Regula est, Quando D. Thomas aut
alius author alicujus autoritatis in his materiis
dicit, *voluntatem movere seipsam, se determi-
nare, esse dominam sui actûs, eligere hoc potius
quàm illud, esse positam in manu consilii sui,*
&c. hoc intelligendum est in proprio ordine, seu
per modum agentis proximi; quod tamen nō ex-
cludit, sed supponit motionem & applicationem
primi agentis: Non enim est de necessitate liber-
tatis, quòd voluntas sit prima causa sui, sicut nec
ad hoc quod aliquid sit causa alterius, requiritur
quod sit prima causa. Deus igitur est prima cau-
sa movēs causas naturales & voluntarias: & sicut
naturalibus causis eas movendo non aufert quia
actûs earum sint naturales; ita movendo causas

voluntarias, non aufert quin actiones earum sint voluntariæ, sed potius hoc in eis facit: operatur enim in unoquoque secundum ejus proprietatem. Hæc regula est D. Thomæ etiam quantum ad ipsa verba 1. part. quæst. 83. artic. 1. ad 3 & aliis in locis.

Tertia regula est. Quando D. Thomas dicit, Deum movere voluntatem nihil imprimendo in illa, non excluditur ipsa motio (implicat enim aliquid movere aliud non imprimendo ipsi motionem) sed solum excluditur infusio novi habitus. Id enim, per quod Deus facit ut creatura actu agat, est solum in illa per modum motionis transeuntis, non verò per modum qualitatis permanentis. Ita D. Thomas 3. de Potentia, art. 7. & quæst. 22. de Veritate, art. 8.

Quarta demum regula est. Quando D. Thomas dicit, Deum movere voluntatem ad bonum in communi, aut ad bonum supernaturale; voluntatem verò movere seipsam ad bona particularia naturalia, sive vera, sive apparentia, hoc intelligendum est de motione speciali. Nam Deus speciali quodammodo movet voluntatem ad primam volitionem boni in communi, & ad bona supernaturalia. Caterum voluntas per generalem motionem, quæ ipsi datur juxta consuetum providentiæ cursum, quam exprimimus nomine *promotionis*, quæque est ut ultimus vigore agendi à primo actionum fonte derivatus seipsam movet & determinat ad alias actiones. Nam ex D. Thoma nulla natura quantumvis perfecta procedit in suum actum nisi moveatur à Deo. Hæc regula sumitur ex D. Thom. 1, 2. quæst. 109. art. 1. ubi distinguit duplicem motionem, unam generalem
sine

Quæst. IV. Art. IV. *Solvuntur object. Sc.* 437
sine qua creatura nihil agit, & aliam specialem,
quâ indiget ad quosdam actus, ut peccator ad
contritionem & pœnitentiam agendam indiget
speciali motione divinæ gratiæ.

Ex his facile explicantur authoritates D.
Thomas, & aliorum Patrum. Quando enim D.
Thomas in 2. dist. 39, quæst. 1. art. 1. dicit, actum
voluntatis non esse ab alio exteriori principio
determinatè, vel ut alij legunt, *determinante*,
& determinationem alienam esse inimicam li-
bertatis, loquitur de determinatione per modum
naturæ, quæ non relinquit voluntati locum eli-
gendi, & se ipsam proximè determinandi, non
verò de illa determinatione; quæ fit per mo-
dum liberi, id est, quæ est applicatio descen-
dens à primo libero movens & complens
voluntatem ad eligendum & se determinan-
dum.

Quando verò D. Thomas dicit, voluntatem se
ipsam movere, determinare, applicare, & esse
dominam sui actûs; hoc intelligendum est per
modum causæ proximæ, quæ non excludit do-
minium, motionem, & applicationem primi
moventis, ut patet ex secunda regula. Et hæ
duæ regulæ sunt principaliores.

Quando verò 1. 2. quæst. 9. art. 6. ad 3. dicit,
Deum movere voluntatem ad volitionem boni
universalis, voluntatem verò sub hac motione se
determinare ad hoc bonum verum, vel apparens;
hoc intelligendum est de motione speciali, quæ
locû habet tantum in prima volitione, & actibus
supernaturalibus. Cæterum voluntas in aliis vo-
litionibus se determinat ut completa illâ generali
Dei motione, quâ creaturæ applicantur ad om-

nes & singulas actiones, ut dictum est in quarta regula. Eiusmodi explicationes adeo claræ sunt verfatís in doctrina D. Thomæ, ut nullus de his ambigere possit, nisi qui D. Thomam vel non legit, vel sinistris oculis percurrit, non ut ejus mentem exploret, sed ut illum ad suas opiniones pertrahat.

Dices : Nunquam D. Thomas usus est nomine *Pramotionis*, & *Prædeterminationis* : ergo eam non agnovit.

Respondeo primò negando consequentiam ; sufficit enim quod docuerit rem ipsam, quam intelligimus nomine *Pramotionis*, & *Prædeterminationis*. Sicut enim Scriptura, licet nomina *In-carnationis*, *Trinitatis*, *Purgatori*, *Transsubstantiationis* non usurpaverit, nihilominus docuit talia mysteria, quia res, quæ his vocabulis intelliguntur, sub aliis terminis expressit : Ita D. Thomas, etsi nusquam nomen *Pramotionis* usurpasset, nihilominus rem ipsam docuit, quia illam aliis terminis explicavit.

Respondeo secundò, quòd *movere ad agendum* idem est ac *præmovere*, juxta illud principium D. Thomæ & Aristotelis de his quæ movent mota, *Motio moventis est prior motione mobiliis*. Unde sufficit D. Thomam dixisse, *Deum movere creaturas ad agendum*, ut præmoti onem doceat ; sicut & nos dicimus *artificem movere malleum*, non verò *præmovere*, quamvis ista motio sit prævia motio ; & ipsi Adversarij ea quibus Deus moraliter nos excitat, vocant *motiones morales*, tùm tamen constet eiusmodi motiones esse prævias. Cur ergo à pari D. Thomas præviam motionem non vocaverit simpliciter motionem ?

Præcipuè cum ipse pro certo haberet motionem moventis esse priorem motione mobilis.

Respondeo tertio D. Thomam etiam usurpassè nomen *præmotionis*, & *prædeterminationis*: Nam Quodlibeto 12. dicit, *omnia prædeterminari à divina providentia*: Et locis supra relatis tradit, motionem Dei moventis esse *præviam motionem*.

Objicies ex secundo capite: Si Deus præmoveret nos, esset author peccati; ergo non præmoveret. Probatur antecedens: Ille est author peccati, qui præmoveret ad actionem malam: Sed Deus præmoveret ad actionem malam: ergo esset author peccati.

Respondeo primo, Adversarios teneri ad solvendum hoc argumentum, & alia similia. Nam sicut Deus secundum Thomistas applicat ad omnes actiones, ita quoque fatentibus Adversariis concurrit simultaneè ad omnes actiones; ergo si hæc argumenta probent in via Thomistarum Deum esse authorem peccati probabunt in via Adversariorum esse cooperatorem peccati, Quam ergo solutionem dabunt huic argumento, hæc eadem uti poterunt Thomistæ.

Respondeo secundo negando sequelam. Ad probationem distinguo majorem: Ille est author peccati qui præmoveret ad actionem malam, præcisè ut actio est, nego; ut mala est, concedo: Et ad minorem; Deus præmoveret ad actionem malam, ut actio est, concedo; ut mala est, nego: seu, quod in idem redit, præmoveret ad actionem, ut fiat, concedo, malè fiat, nego. Deus enim, licèt sit causa ut actio fiat, non est tamen causa, ut malè fiat, & ut mala sit, Sicut anima, licèt sit causa, cur tibia moveatur, non est tamen causa

cur tibia malè moveatur & claudicet ; unde defectus qui est in claudicatione , non refunditur in animam , sed in tibiam. Solutio & objectio habentur in D. Thoma 1.2. quæst. 79. art. 2. Videbis.

Instabis : Homo est causa peccati , inquantum est causa ipsius actionis , quæ est peccatum ; ergo si Deus sit causa actionis peccati , erit etiam causa peccati. Probatur antecedens : Nam homo non intendit malitiã , sed solùm ipsam actionem ; ergo præcisè est author peccati , quia est causa actionis.

Respondeo cum D. Thoma , qui sibi hoc Adversariorum argumentum objicit ibidem ad 2. distinguendo antecedens : Homo est causa peccati inquantum est causa actionis peccati , præcisè ut actio est , nego ; ut habet adjunctum defectum , concedo : Homo enim quantumvis non intendat malitiã , est causa non solùm actionis , sed etiam quod illa actio sit cum defectu : sicut calamus malè aptatus non solùm est causa scriptio- nis , sed etiam defectûs , qui est in scriptione. Deus autem , licet sit causa actionis , attamen non est causa , quod actio sit cum defectu ; sicut peritus artifex est quidem causa cur calamus pingat , non est tamen causa cur malè pingat , & anima est causa motûs tibie curvæ , non tamen causa cur defectus claudicationis reperitur in tali motu. Vnde sicut isti defectus scriptio- nis & claudicationis non attribuuntur scriptori & animæ , sed calamo & tibie , ita nec defectus actionum tribuuntur Deo , sed creaturis , quamvis ipse moveat creaturas ad agendum. Solutio & exemplum posterius habentur in D. Thome loco citato.

Urgebis : Defectus est inseparabilis ab actione peccati; v.g. ab odio Dei; ergo si Deus prae-moveat ad actionem, prae-moveat etiam ad defectum.

Respondeo primò negando consequentiam: Licet enim in effectus inseparabiliter reperiaturs defectus, non tamen propterea quod est causa unius, est causa alterius, ut videre est in tibia claudicante, quoties movetur ab anima.

Respondeo secundò distinguendo antecedens: Defectus est inseparabilis ab actione peccati, ut illa actio est à causa prima efficiente; nego; ut est à causa secunda deficiente, concedo. Vtraque solutio insinuaturs à D. Thoma loco supra citato.

Dices; Cur me potius movet Deus ad actionem conjunctam cum malitia, quam ab actionem conjunctam cum bonitate?

Respondeo primò id esse, quia Deus movet unumquodque juxta propriam conditionem. Cum igitur liberum arbitrium sit versatile inter bonum & malum, ordo providentiae communis exigit, ut aliquando determinetur ad actionem conjunctam cum defectu, praecipuè post peccatum originale, ex quo contracta est tanta pronitas ad malum. Deus tamen potest corrigere hanc defectibilitatem per specialem gratiam, quae paucis datur, quia privilegia non debent esse communia. Et haec ratio defectibilitatis liberi arbitrii est causa radicalis omnium peccatorum.

Respondeo secundò, id esse, quia voluntas moveri debet juxta dictamen intellectus. Cum ergo intellectus saepè judicet bonum, id quod est malum, ut furari inebriari, &c. voluntas debet move-

ii ad illud malum ; quod iudicatur apparenter bonum. Et hæc est causa proxima cur voluntas moveatur ad malum.

Replicabis ; Deus est qui fecit voluntatem defectibilem, & intellectum capacem erroris ; ergo radix peccati videtur refundi in Deum.

Respondeo negando antecedens : Sicut enim artifex aptando calamum, est quidem causa bonæ dispositionis calamis non tamen defectuum, quibus subicitur calamus. Ita Deus est quidem author voluntatis, & omnium bonarum ejus inclinationum, non tamen defectibilitatis ipsius. Et ratio est, quia voluntas, sicut & intellectus, est defectibilis ex eo quod sit ex nihilo ; Deus autem non est causa cur voluntas sit ex nihilo, sed hoc habet à se ipsa, & ideo defectibilitas ei competit ex se ipsa. Unde radix peccati est ipsum nihilum, quod est veluti creaturæ peculium, Ex quo detegitur profunda simul & solida humilitatis radix. Cum enim nihil habeamus ex nobis præter nihilum originale, & peccata, quæ ex nihilo ut ex primo fonte oriuntur, cætera verò acceperimus à Deo ; in nullo gloriari possumus : sed in omnibus Deum laudare, Hæc solutio desumpta est ex D. Thoma in 2. dist. 37. quæst. 2. artic. 1.

Replicabis : Deus est causa creaturæ ut creata est : Sed creatura est ex nihilo ; ergo Deus est causa cur sit ex nihilo.

Respondeo distinguendo majorem : Deus est causa creaturæ ut creata est, quantum ad ea quæ accipit per creationem, concedo ; quantum ad ea quæ non accipit per creationem, nego. Pater autem quod per creationem creatura non recipit nihilum ; Et ideo Deus non est causa cur creatura

Quæst. IV. Art. VI. *Solvuntur object. &c.* 443
fit ex nihilo, sed solum ut quæ de se nihil est,
fit quidquid est.

Objicies ex tertio capite: Per concursum simultaneum creatura fit dependens à Deo; ergo non est necessaria præmotio.

Respondeo primò distinguendo antecedens: Fit dependens à Deo, ut à cooperatore concedo, ut à primo motore applicante, nego. Solutio patet ex ipsis terminis, quia per concursum simultaneum intelligitur influxus cooperans causæ secundæ, non tamen applicans causam secundam.

Respondeo secundò distinguendo idem antecedens: Per concursum simultaneum causa secunda est dependens à prima, ex parte ipsius effectûs; concedo; ex parte cooperationis, quâ simul cum Deo producit effectum, nego. Cùm enim concursus simultaneus nihil ponat in causa secunda, sed totus recipiatur in effectû, producit quidem ipsum effectum, illumque à se reddit dependentem, sed non producit ipsam actualem cooperationem causæ secundæ. Unde præter concursum simultaneum, qui recipitur in effectû, admittendus est alius receptus in causa secunda, qui eam intrinsecè applicet ad cooperandum Deo.

Objicies ex quarto capite: Præmotio tollit libertatem; ergo non datur. Probatür antecedens: Liber est, qui agit ex se ipso, & se ipsum determinat: Sed præmotus non agit ex se ipso, agitur enim & determinatur à Deo; ergo non est liber.

Respondeo negando antecedens. Ad probationem distinguo majorem; Liber est, qui agit ex se ipso, & se determinat, tanquam proximum

agens, concedo ; tanquam primum agens, nego id esse necessarium : Et ad minorem ; Præmotus non agit ex se ipso , nec se determinat, ut proximum agens , nego ; ut primum agens, concedo. Ut enim dicit Augustinus loquendo de his, quos Deus movet , *aguntur ut agant; non ut ipsi nihil agant.* Unde præmotus agit & determinat se ipsum tanquam proximum determinans; Deus verò tanquam primum agens & primum determinans : non est autem de ratione libertatis , ut voluntas agat ex se ipsa , seque determinet , tanquam prima causa à superiori non dependens , sed tanquam causa proxima à primo motore applicata. Solutio est ex D. Thoma 1. p. q. 83. art. 1. ad 3.

Instabis : Causa libera debet esse indifferens : Sed præmotus non est indifferens ; ergo nec liber.

Respondeo distinguendo minorem ; Præmotus non est indifferens, indifferentiâ potentiâ & suspensivâ, concedo ; indifferentiâ actuali, nego. Indifferentia potentialis est privatio omnis actus , cum capacitate ad illum ; sic homo otiosus dicitur indifferens. Indifferentia verò actualis est positio unius actûs cum potentia ad oppositum, ut ille qui actu diligit Deum , dicitur adhuc indifferens ad non diligendum , quia sic amat, ut semper retineat potentiam ad non amandum. Dicimus ergo præmotum esse sub ipsa præmotione indifferentem indifferentiâ illa actuali, quia sic ponit unum actum ut semper retineat potentiam ad non ponendum.

Urgebis : Præmotus ad amorem non potest non amare : ergo nullo modo est liber. Probatur antecedens. Nemo potest id quod implicat: Sed im-

Quæst. IV. Art. VI. *Solvuntur obiect. &c.* 445
plicat, quod præmotus ad amorem non amet :
ergo non habet potentiam ad non amandum.
Hoc argumentum est Achilles Adversariorum,
quamvis sit Therfite debilius. Vnde.

Respondeo primò, Adversarios teneri solvere
hoc argumentum : Nam etiam implicat ea quæ
sunt ordinata à divina providentia, non evenire;
ea quæ sunt præscita à Deo & prædicta Prophe-
tis, non fieri; Christum præcepta Patris non im-
plere; imò hominem habentem gratiam con-
gruam Adversariorum non agere. Et tamen nec
Dei providentia, nec præscientia nec prophetiæ,
nec præcepta Patris, nec gratia congrua tollunt
libertatem: Ergo Adversarij tenentur solvere hoc
argumentum. Sed quia scio eos in miras ambages
se se conjicere in iis explicandis, eo quod uti
nolint expeditissimâ Thomistarum solutione,
imò quosdam eorum hoc argumento convictos
dicere Christum Dominum non esse liberè mor-
tuum, nec proinde meruisse eo quod elegerit
mortem juxta præceptum Patris, sed eo quod
elegerit quasdam circumstantias, quas non præ-
ceperat Pater, sed eius voluntati purè permise-
rat, quod sine dubio intolerabile videtur & sa-
cræ Scripturæ testimoniis adversum, idè.

Respondeo secundò distinguendo autecedens :
Præmotus ad amandum non potest non amare,
potentiâ possibilitatis, nego; potentiâ futuritionis,
concedo. Explicatur Potentia futuritionis
est, quæ pro aliquo signo est exercenda; potentia
vero possibilitatis est, quæ non est ex exercenda,
saltem pro aliquo signo, & sub aliqua suppositio-
ne; sed remanet in nudo possibilitatis statu. Dici-
mus ergo, quod præmotus ad amorem habet

potentiam, non quidem futuritionis, sed possibilitatis ad non amandum, quia potentia non amandi (suppositâ præmotione ad amandum) non exercetur, sed remanebit pro illo signo in sua possibilitate. Adversarii obstupescunt ad illam distinctionem: Sed advertere debebant plerumque causas etiam liberrimas habere solum potentiam possibilitatis ad plures actus: Sic Deus potest creare varios mundos potentiâ possibilitatis, quæ nunquam exercetur: Sic Christus, supposito præcepto Patris præcipientis mortem, poterat non mori potentiâ possibilitatis tantum, quæ scilicet nunquam erat exercenda: Sic demum dum unum agimus, v. g. dum scribimus, possumus oppositum potentiâ possibilitatis tantum quæ pro illo signo non exercetur: Ergo potentia possibilitatis sufficit ad libertatem.

Et si dicas; Non datur potentia etiam possibilitatis ad id quod implicat: Sed implicat præmotum ad amorem, non amare: ergo ne quidem retinet potentiam possibilitatis.

Respondeo non dari potentiam possibilitatis ad id, quod implicat simpliciter & absolutè, bene tamen ad id quod secundum se est possibile, & redditur solum impossibile ex aliqua suppositione: Sic enim Deus habet potentiam possibilitatis ad creandum alium mundum, etiam postquam decreverit se creaturum unicum; & tamen ex suppositione quod Deus decreverit creare unicum mundum, implicat quod creentur de facto plures.

Respondeo tertio solutione communi, quæ in idem redit cum præcedenti: Præmotus ad amandum non potest non amare, in sensu composito,

Quæst. IV. Art. VI. *Solvuntur object. Sc. 447*
concedo : in sensu diviso , nego. Hæc distinctio
est D. Thomæ quæst. 6. de verit. art. 4. ad 8,
quam tamen Adversarii malignâ interpretatione
conantur odiosam reddere, dicentes, Thomistas
eam ita intelligere, ut præmotus possit opposi-
tum, si tollatur præmotio, non possit verò, si
ponatur præmotio, eo quod ferreis vinculis istius
præmotionis sibi præcipiatur omnis facultas fa-
ciendi oppositum: sicut homo ligatus ad co-
lumnâ potest ambulare, si tollantur vincula,
non potest verò cum ipsis vinculis. Hæc expli-
catio falsa est, & Calvinistica, quam nunquam
intenderunt Thomistæ: Dicimus enim, etiam
sub ipsa præmotione ad amandum, remanere
potentiam non amandi, & quicumque hoc ne-
gat, pro hæretico habemus, eo quòd contra-
dicat definitioni Concilij Tridentini. Sed dici-
mus illam potentiam non amandi non respicere
negationem amoris ut ponendam simul cum
præmotione ad amandum: ita ut aliquis in eo-
dem instanti sit præmotus ad amandum, & ta-
men non amet: Sed solum respicit non amorem ut
ponendum divisim à præmotione ad amorem:
Sicut dum sedeo, etiam cum ipsa sessione, ha-
beo potentiam ad ambulandum, quæ tamen
potentia non respicit ambulationem in conjun-
gendam cum sessione, implicat enim ut seden-
do ambulem, sed solum ut ponendam divisim à
sessione. Unde sicut sedens dicitur habere poten-
tiam ad ambulandum in sensu diviso, non ta-
men in sensu composito: ita dicimus præmotum
ad amorem habere potentiam non amandi in
sensu diviso, & non in sensu composito: & si-
cut propter potentiam in sensu diviso sedem-

do est liber, ita quoque præmotus ad amorem, liberrimè amat, eo quod talem potentiam retineat.

Quod autem ad libertatèm sufficiat potentia in sensu diviso, & quòd illa distinctio sit omnino admittenda, luce meridianâ clariùs demonstratur. Et in primis quòd sufficiat ad libertatem: Nam Deus post decretum, & Christus post præceptum sibi impositum est liber: quæ etiam prædicuntur à Prophetis, eveniunt liberè; imò in eo instanti, quo amo, sum liber; quis hoc negabit? Et tamen horum omnium oppositum non potest fieri nisi in sensu diviso; nam impossibile est, quòd Deus jungat oppositum ejus quòd decrevit cum decreto, & Christus oppositum ejus, quòd præcipitur, cum præcepto; & nos oppositum eorum, quæ prædicuntur, cum prædictione, aut non amorem cum amore; ergo sufficit ad libertatem potentia in sensu diviso. Deinde quòd hæc distinctio sit indispensabiliter necessaria, ostenditur: Nam certum est, quòd in aliquo sensu non possumus resistere voluntati & motioni divinæ efficaci, ut enim dicitur Rom. 9. *Voluntati eius quis resistit?* Et Hester 13. *Non est, qui possit tua resistere voluntati.* Et Augustinus de Correptione, cap. 14. *Deo volenti salvum facere nullum humanum arbitrium resistere potest.* Et D. Thomas 1. 2. q. 10. art. 4. ad 3. *Si Deus moveat voluntatem ad aliquid, impossibile est, quòd voluntas ad illud non moveatur.* Et tamen aliunde certum est nos posse facere contrarium ejus, quòd Deus vult, etiam voluntate efficaci; aliàs enim non implemus illud liberè; imò id expressè definit Con-

Quæst. IV. Art. IV. *Solvuntur object. &c.* 449
ciliū; ergo necessariò distinguendus est duplex
sensus, unus in quo possumus, & alius in quo
non possumus.

Replicabis: Præmotus ad amorem, ut sit liber,
debet posse conjungere non amorem cum præ-
motione ad amorem; ergo nulla solutio. Proba-
tur antecedens: Liber debet posse conjungere non
actum cum omnibus prærequisitis ad actum: Sed
præmotio est de prærequisitis: ergo ut quis sit
liber, debet posse conjungere non amorem cum
præmotione ad amorem.

Respondeo negando antecedens. Ad proba-
tionem, distinguo majorem: Liber debet posse
conjungere non actum cum omnibus; ad actum
prærequisitis, prioritate temporis transeat, præ-
requisitis solùm prioritate naturæ, nego. Præmo-
tio autē solùm prærequiritur prioritate naturæ;
nam in eodem instanti est præmotio & actus,
quippe, ut patet ex superius dictis, causa per
præmotionem fit ultimò operans & profundens
actionem; unde eodem modo loquendum est de
utroque. Sicut ergo ad libertatem non requiri-
tur, ut aliquis possit simul amare & non amare;
ita quoque nec requiritur, ut aliquis possit simul
præmoveri ad amorem, & abstinere ab amore.

Dices: Præmotus nullam retinet potentiam
ad oppositum; ergo non est liber. Probatum an-
tecedens: Possibili posito in actu nullum sequi-
tur absurdum: Sed si potentia ad oppositum
præmotionis reduceretur ad actum, sequeretur
absurdum, nempe præmotionem esse inefficacem;
ergo nulla datur potentia ad oppositum præ-
motionis.

Respondeo negando antecedens. Ad proba-
tionem, distinguo majorem: Possibili posito

in actu nullum sequitur absurdum, si ponatur eo modo quo poni potest, concedo si, poneretur alio modo, nego. Potentia autem ad oppositum præmotionis non est reducibilis in actum coniunctum cum præmotione, sed solum præcisum ab illa.

Obiicies adhuc ex eodem capite: Voluntas præmota non est domina sui actu; ergo non est libera. Probatur antecedens: Non est domina præmotionis; ergo nec actus, ad quem præmoveretur. Probatur consequentia: Præmotio & actus sunt indispensabiliter coniuncta; ergo si non est domina unius; neque itidem alterius.

Respondeo negando antecedens: Ad probationem distinguo, voluntas non est domina præmotionis originativè sumptæ, concedo; terminativè sumptæ, nego; & nego consequentiam: Id est, voluntas non est domina principii, a quo descendit præmotio, nempe ipsius Dei; est tamen plenè & perfectè domina termini præmotionis, nempe proprii actus, etiam sub ipsâ præmotione; ideòque ipsum suspendere, revocare, & interrompere ad nutum potest. Neque ex hoc ullatenus derogatur efficacitati & infallibilitati Dei moventis, quia hoc ipso quòd voluntas actum, quem ex præmotione inceperat, revocat, non est sine præmotione Dei; ideòque voluntas liberrimè ab uno actu ad oppositum excurrit, & innatâ libertate per diversa vagatur, & tamen divinæ motionis efficaciam nullatenus transilit. Cùm enim Deus (non secus ac D. Thomas 1. p. quæst. 103. art. 7. agendo de divinâ gubernatione argumentatur) sit universalis motor omnium agentium; ea quæ ab ipso moventur, possunt in diversa & contraria ferri, absque eo quòd ejus

Quæst. IV. Art. VI. *Soluntur obiect. &c.* 451
motionem effugiant, quia nihil sine eo movente
& applicante agunt.

Illustratur magis hæc responsio, ostenditurque
amplius hocce voluntatis dominium in actum
suum & præmotionis terminum, etiam sub præ-
motione positum; aptissimo exemplo: Nam si-
cut Deus est omnium motor, ita & conserva-
tor; & sicut motio eius est efficax & infallibilis
ita quoque influxus eius conservativus. Sed sicut
conservativus eius influxus ita se rebus conser-
vandis accommodat, ut corruptibilibus non au-
ferat corruptibilitatem, sed relinquat; ita motio
eius sic se causis qua movet, accommodat, ut
actui effectuique defectibili & contingenti non
adiimat defectibilitatem. Vnde sicut non obstante
conservatione illâ efficacissimâ, quâ Deus avem
conservat, homo tamen habet potestatem supra
vitam avis, quam potest destruere, & consequen-
ter supra conservationem avis, non quidem ori-
ginativè, (non enim potest destruere avem im-
pediendo ipsum Deum ne eam conservet) sed
terminativè, quatenus ei subtrahere potest ter-
minum; ita pari modo homo non obstante, imò
salvâ efficacîâ divinæ motionis, quâ ponit actum
habet plenum jus supra talem actum, potestque
ipsum revocare, ut libuerit; sicque Dei motio
dicitur esse in potestate hominis, non quidem
originativè, quia non habet ius in ipsum Deum
moventem, nec potest eum à movendo cohibere;
sed terminativè quatenus potest ei subtrahere
terminum, sicque cessabit. Et hoc est quod dicit
D. Thomas 1. 2. q. 10. art. 4. *Quod quia Deus om-
nia movet secundum eorum conditionem, ideo sic
Deus voluntatem movet, ut remaneat motus eius
contingens & non necessarius.*

Sed addendum ad integritatem paritatis, quæ debitè ponderata magnam lucem hisce rebus afferet; quod sicut ex potestate, quam habent causæ secundæ ad destruendos effectus à Deo conservatos nihil deperit infallibilitati & efficaciæ divinæ gubernationis & conservationis; nec ullum creatur obstaculum, quominus Deus res defectibiles quantum voluerit & quomodo voluerit conservet, eo quod ex doctrina D. Thomæ mox insinuata 1. part. quæst. 103. cum sit generalis omnium conservator & gubernator, id ipsum quod causæ secundæ aliquid destruere possunt, & de facto destruunt, non fit nisi sub eo conservante & gubernante, ita pariter ex eo quod voluntas revocare suspendere, & mutare possit actum suum quem Deo applicante elicit, infallibilitati & efficaciæ divinæ motionis nihil deperit, quia cum Deus sit generalis motor, hoc ipsum quod voluntas actum suum revocat & suspendit tanquam domina eius, non fit nisi sub Deo movente & applicante. Sicque omnia rectè cohærent in sententia D. Thomæ, salvaturque perfectum ac plenum ius voluntatis, sine præiudicio domini; jurisque primi motoris; sicque evanescit nubes illa, quæ ex nimio inordinatōque libertatis creatæ zelo nata, claram veritatis lucem eripere poterat: Verùm ut usque ad minimos glomos dissipetur.

Dices: Etsi passim revocare actum meum, quem ex applicatione Dei pono, & contrarium facere, attamen ut id fiat, ergo novâ præmotione me applicante: Atqui præmotio sæpe abest, & à Deo non datur: ergo non habeo plenum perfectumque dominium, sed potiùs meram instrumentum Dei sum, me prout placuerit versan-

Quæst. IV. Art. VI. *Solvuntur object. &c.* 453
tis, & quando placuerit otiosum relinquentis;
aut potius utentis meipso ad dominandum acti-
bus meis: cæterum nihil veri domini mihi re-
linquentis.

Et confirmatur ac roboratur magis hoc argu-
mentum: Nam ut verè & non nomine tenus si-
mus domini actuum nostrorum, debemus habe-
re in nostra potestate omnia necessariò requisita
ad illos ponendos quando non sunt, & revocan-
dos quando sunt: Atqui præmotio Dei, quæ ad id
necessario requiritur, non est in potestate nostra,
non enim possumus illam advocare, nisi Deus
ultrò conferat; ergo non sumus perfectè domini
actuum nostrorum secundùm Thomistarum sen-
tentiam.

Responderi potest primò solutione communi:
Ad perfectum dominiū libertatis creatæ suffice-
re, ut in potestate illius sint omnia requisita ex
parte actus primi, nō verò ex parte actus secundi;
seu requisita ut possit, non verò requisita ut de fa-
cto agat: Præmotio autem nō est de prærequisitis
ex parte actus primi, & ad *posse*, sed solùm ex par-
te actus secūdi, & ad *agere*. Ratio solutionis est,
quia dominiū creaturæ supra actus suos essentia-
liter est Deo subordinatū tanquam primo domi-
no. Vnde non derogatur ipsi, si potestas quam ha-
bet supra suos actus subjiatur Deo quantū ad
applicationem & usum, seu reductionem ad actū
secūdū, & ideo ut creatura sit perfectè domina sui
actus in suo ordine satis est ut habeat omnia re-
quisita ad actū primū, seu ut possit ipsū ponere,
usū verò hujus potētiae à primo rerū omniū mo-
tore recipiat, & nō ex se suoq; dominio primitus
habeat. Vnde aliis terminis distingui posset, ut
domini sumus actū nostrorū, debemus habere in

nostra potestate omnia praequisita ex parte causae creatae, concedo; praequisita ex parte Dei & causae increatae, nego. Haec enim dare debet esse in potestate solius Dei.

Respondeo secundò, cum Ioanne à S. Thomâ solutione jam datâ distinguendo minorem: Præmotio illa ad novum actum praequisita non est in nostra potestate, ex parte principii, concedo; ex parte termini, nego. Hoc ipso enim quod actus nostrae voluntatis cadit sub nostrâ deliberatione, ita ut si concludamus faciendum, fiat, si non faciendum, non fiat, habere præmotionem intelligitur esse in nostra potestate saltem terminativè, quod satis est ad libertatem. Quid enim amplius ad libertatem actus exigitur, nisi ut ita subsit, iudicio indifferenti ac deliberationi, ut si nobis visum fuerit, ponatur: sint minùs, non ponatur.

Respondeo demum tertio ex S. Thoma 1. 2. quæst. 109. art. 4. ad 2. negando minorem confirmationis, in qua est nodus difficultatis, quod scilicet habere præmotionem non sit quadantenus in nostra potestate. Et ad probationem in ea inclusam, respondeo ut præmotio si in nostrâ potestate, non requiri ut eam advocare & quasi attrahere possimus, sed satis est, ut Deus possit eam nobis dare, imò semper eam nobis dispensec secundum conditionem nostram: Si enim *ea quæ per amicos possumus, aliquantulum per nos possumus*, ut ex Aristotele dicit Angelicus Doctor à fortiori id erit in nostra potestate, quod habere possumus, non per amicum deficientem, sed per motorem iustimè presentem, qui que omnibus rebus ita semper præstò adest, ut nunquam illis desit, in his quæ cuiuslibet conditio exigat.

Quæst. I V. Art. IV. *Soluntur obiect. &c.* 475
Sed falluntur Adversarii, quod non satis pene-
trant illud ex Dionysio inculcatum à D. Tho-
ma, *Primum motorem movere unum quodque
juxta suam conditionem: neminique deesse in
his qua ad ipsum spectant, ita ut nunquam il-
le in causa sit, cur deficiat causa secunda:* Vnde
numquam obstat ex parte illius & motionis eius
quin actus sit plenissimè ac perfectè in nostra po-
testate.

Sed ne quis putet hæc & similia argumenta
solos præmotionis defensores urgere, ecce fa-
tentur omnes in supernaturalibus nos sine gratia
Dei, etiam præveniente (sive ponas moraliter
allicientem, sive physicè moventem nihil refert
quantùm ad hoc) nihil posse operari, quæ qui-
dem gratia non tam est in nostra potestate,
quàm naturalis præmotio, cum hæc ex lege pro-
videntiæ detur, illa non nisi ex misericordiæ be-
neplacito concedatur: & tamen impletio man-
datorum supernaturalium in nostra potestate cõ-
setur, alias transgressio nobis in culpam non im-
putaretur: Quidni ergo à pari actus nostros in
potestate habebimus, quamvis ad illos ponendos
necessaria sit præmotio?

Instabis applicatio præveniens exercitium
libertatis non potest ullo modo esse libera: Sed
præmotio prævenit exercitium libertatis no-
stræ; ergo non est libera, neque in nostra pote-
state.

Respondeo primò distinguendo maiorem: Ap-
plicatio præveniens exercitium libertatis non est
libera, formaliter, transeat (distingui enim
posset sicut & præcedens argumentum) causa-
liter, nego: Nam talis applicatio datur ad
exercendam & complendam libertatem. Vnde

causat ipsum exercitium nostræ libertatis, & proinde est libera causaliter. Non est autem necesse ut sit formaliter libera, quia sicut principium meriti non cadit sub merito, & principium deliberationis sub deliberatione, & principium discursus sub discursu: ita principium totius libertatis actualis non debet cadere formaliter sub actuali libertate. Præmotio autem est principium totius actualis libertatis.

Respondeo secundò, quod applicatio præveniens usum libertatis creatæ potest esse libera, si descendat à primo libro: præmotio autem descendit à Deo, qui est fons totius libertatis; Unde illam non tollit, se magis complet tanquam participatio derivata à libertate divina,

ARTICVLVS VII.

Declaratur concordia Motionis Divinae cum libertate nostra.

NON est præsentis loci explicare essentiam libertatis, id enim satis præstitimus in Morali: Solùm breviter adducemus quatuor modos, quibus divina Motio cum libertate sic conciliatur: ut eam non lædat, sed perficiat.

Primus modus sumitur ex efficacia & universalitate Divinae voluntatis, cujus præmotio est quidam influxus, Divina enim voluntas ita universalis est & efficax, ut non solùm attingat substantiam effectus: sed etiam modum. Unde non solùm Deus movet voluntatem ad agenda

Quæst. IV. Art. VII. *Declarat. concord. &c.* 457
sed etiam ad liberè agendum, ad utrumque enim
moveretur voluntas, & ut agat, & ut liberè agat.
Quis enim neget, Deum, qui omnia potest, non
posse facere ut homo agat, & liberè agat! Hoc
verò posito manifestum est hominem sic à Deo
motum non solùm agere, sed etiam liberrimè
agere. Thomistæ autem nihil aliud intelligunt
per præmotionem, nisi influxum illum, quo Deus
nos applicat & ad agendum, & ad liberè agen-
dum: unde sub tali motione voluntas remanet
liberrima. Hic explicandi modus est D. Tho-
mæ 1. p. q. 19. 8. & 1. 2. q. 10. art. 4. ad 2. aliisque
in locis.

Secundus modus desumitur ex illo axioma D.
Thomæ & D. Dionysij, *Deus movet unūquodque
secundum proprietatem eius.* Cùm igitur pro-
prietas libertatis sit ut causa libera non naturali
necessitate sit ad unum determinata, sed per
deliberationem se applicet ad agendum: Deus
mover voluntatem ad hoc ut deliberet, & per
electionem se determinet. Quis autem possit sus-
picari ex ea motione oriri præjudicium liberta-
tis, quæ nos movet ad deliberandum, ut quod
per deliberationem nobis expedire judicaveri-
mus, deinde (Deo semper applicante) eliga-
mus. Sed egregiè falluntur Adversarij, quod ima-
ginentur Thomistarum præmotionem veluti ad-
amantinam catenam & ferreos compedes, qui-
bus constricta voluntas fatali quadam necessitate
uni adhæreat, donec isti compedes solvantur,
& aliis supervenientibus novæ rei alligetur. Hæc
omnia sunt chimæ & somnia: Nihil enim aliud
per præmotionem intelligimus, quàm appli-
cationem descendantem à Deo & moventem

voluntatem ad exercitium suæ libertatis, id est, ad deliberandum & erigendum juxta dictamen intellectus. Est enim nihil aliud præmotio, ut id à nobis millies dictum aliquando tandem exaudiant Adversarij, quàm ultimus agendi vigor descendens à prima causa & unicuique juxta suam conditionem dispensatus, quo compleatur ad agendum juxta suæ naturæ modum.

Tertius modus desumitur ex ipsis libertatis principiis: Libertas enim consistit in eo quod voluntas agat non quia est, sed quia vult, sicut subtiliter notat Cajetanus ex D. Thoma, & nos in Morali agendo de indifferentia ad libertatem requisitâ expendimus: id est, ut voluntas agat non naturali impulsione, sicut lapis dum tendit deorsum, sed ex propria electione, cujus electionis adhuc domina est, in quantum potest de illa disponere vel retractando, vel suspendendo, vel continuando, prout libuerit, id enim quotidie in nobis experimur, dum nostras electiones retractamus, suspendimus, & immutamus prout placuerit. Deus autem per suam motionem hoc dominium nobis non eripit, sed magis complet. Actus enim quem præmotus ponit, semper est in ejus potestate, ita ut sæpè ipsum suspendat, & ad libitum mutet, Deo tamen ad hæc omnia influente per modum primi motoris.

Quartus modus petitur ex indifferentia objecti ad quod voluntas præmotus tendit: Recepta enim sententia est, quod voluntas sequitur intellectum: Vnde quandiu intellectus proponit objectum indifferenter amabile, voluntas quoque illud indifferenter amat. Divina verò motio non impedit, quin objectum, ad quod tendimus, proponatur indifferenter amabile ab intellectu,

Quæst. IV. Art. VIII. *Ostenditur Thomist.* 459
& ideo non impedit indifferentiam & libertatem
voluntatis.

Ex his omnibus habes quàm commodè divi-
na motio cohareat cum libertate ; si tamen ex-
plicetur , ut eam ponunt Thomistæ , & non de-
torqueatur in sensus malignos , chimæricos , &
omnino alienos , uti sæpè fit ab Adversariis :
Datur enim ad exercendam libertatem , ut influ-
xus solis arbori ad exercendam vim fructificati-
vam. Et ideo sicut influxus solis non impedit
quin arbor ex se ipsa fructificet , se potius hoc
facit : ita Dei motio non impedit , sed facit ut
liberè agamus.

ARTICVLVS VIII.

*Ostenditur Thomistas in explicanda divi-
na Motione esse omnium remotissi-
mos ab Hæreticis.*

Circa motionem divinam duplex præcipuè
fuit hæresis ; altera Pelagii , altera Calvinii.
Calvinus enim docuit libertatem per peccatum
originale funditus periisse , in quantum concu-
piscenitia rebellis victrici necessitate voluntatem
ita captivat & subiicit , ut nihil veri dominii in
actus suos ei permittat. Vnde infert non dari
meritum ; quia ubi libertas non est , meritum
esse non potest. Infert etiam omnia hominum
opera esse peccata ex se mortalia , etiam quæ


maximè laudantur ut Sanctis ; eo quod ex corrupta radice , illisque suam malitiam communicante , pullulent ; dicit tamen illa peccata non imputari electis. Idem autem quod tribuit concupiscentiæ , tribuit etiam Divinæ motioni , in quantum sicut cōcupiscentia necessitat voluntatem ut velit nolit impetum ejus sequatur , nullumque in ea dominium relinquit : ita pariter dicit divinam motionem necessariò trahere voluntatem , ita ut nullatenus possit dissentire ; Vnde apud illum voluntas absolutè caret libertate , quia in omni actione vel est serva concupiscentiæ , vel captiva divinæ motionis , cujus efficaciam nullo modo reniti potest. Ex si aliquando dicat sub motione Dei nos retinere potentiam ad oppositum , solum loquitur de potentia passiva & contingentiam , qualis est in bacula qui dum movetur sursum , retinet potentiam passivam ut moveatur deorsum : Caterùm constanter negat remanere potentiam illam dominatricem , qua voluntas verè sit domina sui actus ac proinde libera : Putat enim tale dominium , in quo consistit libertas , non posse stare cum efficacia divinæ motionis , aut depravatione concupiscentiæ.

Econtra Pelagius negabat hominem aliquid detrimenti contraxisse per peccatum Adæ ; imò tenebat voluntatem esse adeo fortem & independentem , ut sine ullo auxilio efficaci posset agere bonum ; præcipuè quia concipere non poterat libertatem posse stare cum illa motione divina efficaci quam admittebat Augustinus. Caterùm admisit quemdam concursum , quem vocabat , *Possibilitatis adiutorem* , & qui videtur correspondere concursui simultaneo. Admittebat etiam
 motiones

Quæst. IV. Art. VIII. *Ostenditur Thomist.* 461
motiones morales excitantes, illustrantes, sua-
dentes, ut patet per Augustinum lib. de Gratia
Christi c. 7. & 10.

Ex quibus manifestè constat hæc duo monstra,
scilicet hæresim Calvini & Pelagij, quamvis in-
ter se pugnent, eidem tamen principio inniti;
scilicet quòd motio efficax tollat libertatem &
potentiam ad oppositum: Ex quo principio sub-
sumit Calvinus, Atqui datur motio de se efficax,
ergo non datur libertas: Pelagius verò è contra
subsumit, Atqui datur libertas; ergo non datur
motio de se efficax. Rogo autem, quinam sunt
remotiores ab istis duobus scòpulis, & ab istis
duabus hæresibus; vel qui fovent, imò qui sta-
bilitunt pro fundamento suæ doctrinæ principium
illud, cui utraque hæresis incumbit, vel qui pe-
nitus averrucant fatale illud principium & falsi-
tatis collumnam? Profectò maius est ipsum hære-
sum radicem funditus extirpare, quàm illam fo-
vendo & nutriendo, nascentes inde venenatos
furculos tantùm amputare. Atqui Adversarii
Thomistarum fovent hoc principium, cui utra-
que prædicta hæresis incumbit, scilicet, *motio
divina tollit libertatem*; Imò illud supponunt
pro fundamento suæ doctrinæ: Thomistæ verò
ejusmodi principium radicibus extirpant docen-
tes, *cum divina motione posse stare libertatem*,
ergo doctrina Thomistarum est omnium remo-
tissima ab utraque hæresi, Pelagiana scilicet &
Calviniana; ipsasque radicibus evertit. Hinc est
quod meritò adhibetur in Catechismo Triiden-
tino veluti antidotum contra hæreses efficacissi-
mum: & nuper Alexander VII. eam contra erro-
res Iansenij Lovaniensibus adeo commendavit
tanquam *tutissimam & inconcussam*.

Hæc de celebri illa quæstione dicta sufficienter in quibus etsi non omnia, quæ à Thomistis pro tam justæ causæ patrocinio adduci solent, comprehenderim, nec singula quibus ab Adversariis impugnari solet, retulerim (quippe cum sollicitata tot altercationibus humani ingenij fœcunditas immensa hac de re profuderit, & nova in dies parturiat) satis tamen me egisse arbitror, ut quisque perspiciat quàm altis fundamentis Thomistarum sententia nitatur, quàm sanctè illi de Deo sentiant, quàm altè illius in omnes creaturas dominium stabiliant, quàm profundè omnium causarum ab eo dependentiam scrutentur, quàm justè hæc sententia à tot sanctissimis doctissimisque viris pro aris & focis defendatur, quàm facilè contra impugnatores propugnetur, quàm injustè à Sciolis, aut malignis, tanquam dura, imò erroribus affinis apud plebeculam traducatur.



QVÆSTIO V.

De accidentibus spiritualibus, præcipuè de scientiâ.

ACTENUS egimus de substantiis spiritualibus, nunc dicendum de illarum accidentibus. Hæc verò accidentia partim resident in intellectu, ut habitus cognoscitivi; partim verò in voluntate, ut virtutes morales. De virtute morali egimus in Ethica: Vnde hic

Quæst. V. Art. I. *De virtutib. intellect. &c.* 463
solum agendum superest de habitibus intellectualibus per quinque articulos : Primus erit de virtutibus intellectualibus in communi : Secundus specialiter de scientia : Tertius de unitate scientiarum : Quartus de comparatione scientiæ cum opinione : Quintus de ejus comparatione cum fide divina.

ARTICVLVS PRIMVS.

De virtutibus intellectualibus in communi.

Circa virtutem intellectualem : Primò quaeritur quid sit : Secundò , quotuplex sit. Et tertio , virtutes intellectuales sigillatim explicandæ sunt.

Dico primò : Virtus intellectualis rectè definitur, *Habitus attingens infallibiliter verum.*

Declaratur definitio : Et in primis , dicitur *habitus*, per quod convenit cum aliis virtutibus : dicitur *attingere verum infallibiliter*, quia virtus cum sit perfectio potentiae , debet illam determinare ad attingendum proprium objectum modo perfecto : Objectum autem intellectus est veritas : Vnde virtus intellectualis debet perficere intellectum circa veritatem ; in quantum determinat ipsum ad illam attingendam infallibiliter. Ex quo patet, opinionem, suspensionem, fidem humanam non annumerari inter virtutes intellectuales , quia non determinant intellectum ad attingendam veritatem infallibiliter , sæpe enim falluntur. Fides autem divina licet sit vir-

tus non recensetur tamen inter naturales, sed Theologicas.

Dico secundò: Quinque sunt virtutes intellectuales Intelligentia, Sapientia, Scientia, Prudentia, & Ars.

Declaratur conclusio: Cùm veritas sit objectum intellectus, aliqua veritas est de se manifesta, & quæ non aliis quàm propria sua perspicuitate convincit intellectum: Eiusmodi sunt prima principia; & circa tales veritates versatur Intelligentia. Alia verò veritas deducitur ex principiis per se notis; & quidem si deducatur ex altissimis principiis, pertinet ad Sapientiam: si verò deducatur ex principiis magis particularibus, pertinet ad Scientiam. Est autem quædam veritas; quæ respicit agibilia, in quantum rectè judicamus quid expediat agere & non agere ad bene vivendum: Circa illam versatur Prudentia. Est demum altera veritas in rebus factibilibus, in quantum per certas regulas certò & infallibiliter judicamus quomodo sit disponenda materia externa, ut lapides ad domum. Hæc veritas pertinet ad Artem, cujus est judicare per regulas infallibiles quomodo tractanda sit materia externa.

Habitus primorum principiorum, seu Intelligentia, definitur, Habitus quo principia de se manifesta cognoscuntur; dividiturque in habitum ~~speculabilem~~ & habitum ~~practicorum~~ principiorum ~~practicorum~~. Habitus principiorum ~~speculabilium~~ ~~principiorum~~ ~~speculabilium~~ retinet nomen genericum: Habitus verò principiorum ~~practicorum~~ vocatur *Synderesis*. Isti duo habitus continent semina omnium scientiarum virtutumque moralium. De sapientia & scientia egimus initio Philosophiæ, iterum acturi de Scien-

Quæst. V. Att. I. De virtutib. intellectu &c. 465
tia articulo sequenti : De prudentia verò abundè
dictum est in Morali.

Ars definitur, Recta ratio factibilium, id est,
habitus rectificans intellectum circa factibilia, ut
circa fabricam domus, vestis, &c. Differunt au-
tem factibilia ab agibilibus, quòd agibilia sint
actus ipsius voluntatis, ut amare odisse, &c. fa-
ctibilia verò, actus versantes circa materiam ex-
ternam artificiosè disponendam, ut circa ferrum
lignum, &c. Hic autem loquimur de arte rigo-
rosè sumpta, quæ dicit solet *mechanica*, & di-
viditur in septem generales hoc versu compre-
hensas.

Rus, nemus, arma ramos, vulnera, lana, faber :
Rus, significat Agriculturam ; *nemus*, Venato-
riam ; *arma*, Militiam ; *rates*, Nauticam ; *vul-
nera*, Chirurgicam ; *lana*, Texturam vel Suto-
riam ; *faber* Artem fabrilem in auro, argento,
ferro, &c. Sed præterea sunt infinitæ sub illis
comprehensæ, ut Pictura, Palestrica, Coquina-
ria, Saltatoria, Cytharistica, &c. Artium autem
quædam sunt propter necessitatem, ut Coqui-
naria, Pistoria, Fabrilis, &c. Quædam propter
vitæ commoditatem, ut Navigatoria, Merca-
toria, &c. quædam ad vitam poliendam & de-
fendendam, ut Grammatica, Rethorica, & Mi-
litaris, Quædam ad solas delicias, ut Pictoria,
Cythastica, &c.

ARTICVLVS II.

An, quid, & quotuplex sit scientia.

Dico primò : Datur scientia. Conclusio est contra quosdam Veteres, qui negabant posse aliquid sciri.

Probatum tamen primò experientia, qua constat plura sciri, id est cognosci per causas certas & infallibiles, ut quinam syllogismus sit bonus, cur fiat eclipsis, iustitiam esse sectandam, &c.

Probatum secundò ratione : Scire, est rem per causam, id est per principia certa & evidentiâ cognoscere : Sed plura sunt, quæ hoc modo cognoscuntur, ut quæ jam diximus, & quæ demonstrant mathematici ; ergo datur scientia.

Tertiò argumentor ad hominem : Qui negat scientiam, vel scit eam non dari, vel nescit : Si nescit, cur negat ? Si scit ; ergo datur scientia.

Quæres, Quarum rerum datur scientia ?

Respondeo in primis, omnia, etiam contingentiâ & corruptibilia, sciri posse secundum rationes universales. Deinde etiam entia rationis sciri possunt, quia habent principia per quæ demonstrantur : Imò non entia, ut privationes vacuum, umbræ, mors & alia ejusmodi possunt scientificè suo modo cognosci : Nam evidenter probatur dari mortem, & animal ipsi subiici. Ceterùm de singularibus contingentibus non est scientia, quia non habent causas infallibiles, sed

Quæst. V. Art. I I. *An, quid, &c.* 467
modo sunt, modò non sunt. De singularibus ta-
men incorruptibilibus: ut de Deo & de Angelis,
dari potest scientia, quia innotescere possunt
per principia certissima.

Dico secundò: Scientia est cognitio certa &
evidens rei per causam: Vnde quia demonstra-
tio probat evidenter rem per causam, scientia
solet dici, cognitio per demonstrationem ac-
quisita. Hæc verò cognitio aliquando est actua-
lis, ut dum consideramus ea, quæ scimus, &
tunc dicitur *scientia actualis*; aliquando verò
solum habetur habitu, ut à dormiente; & tunc
dicitur *scientia habitualis*.

Quantùm ad divisionem scientiæ: Primò di-
viditur in speculativam & practicam. Speculati-
va est; quæ sistit in contemplatione veritatis:
Practica verò, quæ suas veritates ordinat ad
opus: ut Philosophus moralis contemplatur na-
turam veritatis, ut meliùs viuat & operetur.

Dividitur secundò in scientiam subalternan-
tem & subalternatam: Scientia subalternata
est, quæ desumit sua principia ex conclusio-
nibus superioris scientiæ; subalternans verò est
illa superior scientia, ex qua desumit inferior
sua principia. Sic medicinæ principia probantur
in physica, & musicæ principia probantur in
arithmetica.

Dividitur tertio scientia in naturalem & su-
pernaturalem. Naturalis est, quæ de rebus
naturalibus, & lumine naturali cognoscibi-
libus agit: Supernaturalis idem est, ac Theo-
logia, quæ dividitur in Theologiam Bea-
torum, & Viatorum. Naturalis verò divi-
ditur in realem & rationalem: Rationalis est,
quæ respicit ens rationis, & videtur esse uni-

ca, scilicet Logica: nam Rhetorica & Grammatica, licet respiciant ens rationis, scilicet congruitatem & ornatum sermonis; deficiunt tamen à ratione scientiæ, & pertinent ad artes sermocinales. Scientia realis dividitur in physicam, mathematicam & moralem. Physica sub se continet Medicinam, Moralis verò Politicam, Oeconomicam, & Jurisprudentiam. Mathematica dividitur in Geometriam, quæ agit de quantitate continua, & Arithmeticam, quæ agit de numero. Arithmetica continet sub se Musicam, quæ respicit proportionem numericam ut sonoras Geometria verò continet Astronomiam, Cosmographiam, Machinativam, & Opticam.

Quæres; Siue scientia subalternata verè scientia in absentia subalternantis.

Respondeo quosdam etiam Thomistas negare scientiam subalternatam esse verè scientiam in eo qui ignorat, subalternantem; quia scilicet principia subalternatæ fiunt certa in subalternante, ut principia Musicæ in Arithmetica: Quamdiu ergo non est Arithmeticus, nescit Musicus sua principia, sed solùm ea credit. Excipiunt tamen authores hujus sententiæ Theologiam quia licet clarè non videat sua principia, attamen certa est de illis per fidem divinam infallibilem. Secunda sententia tenet esse veram scientiam, quamvis non sit in statu perfecto, donec jungatur suæ superiori, in qua evidentiam habeat suorum principiorum: ut Musicus non est perfectè sciens, donec didicerit Arithmeticam, in qua probantur & manifesta fiunt principia Musicæ: attamen est aliquo modo sciens. Hæc sententia videtur conformior D. Thomæ, quæst. 14. de verit. art. 9. & probatur

ejus ratione: Ille habitus est verè scientia, qui probat coactiones ex principiis certissimis & evidentibus: Sed scientia subalternata, ut Musica, & probat suas conclusiones per principia certa & evidentia; ergo est verè scientia. Probatur minor: Nam principia musicè sunt certa & evidentia. Si autem talia principia non, sunt evidentia formaliter respectu ejus, qui est Musicus, & non Arithmeticus; atamen sunt ipsi evidentia præsuppositivè, inquantum scilicet præsupponit illa ut evidenter demonstrata ab Arithmetico.

Dices: Musicus, qui non est Arithmeticus, per se ipsum non cognoscit evidenter Musicæ, principia, esto ea præsupponat cognita ab alio; ergo per se ipsum non est sciens.

Respondeo ad scientiam sufficere, quòd principia illius præsupponantur tradita ab aliquo, qui ea evidenter cognoscat; sicut patet in Theologia, quæ est verè scientia, quamvis ejus principia non sint Theologis evidentia, sed tradantur à Deo, cui sunt evidentia.

Instabis esse disparitatem inter Theologum & Musicum, quod Theologus per fidem divinam habet certitudinem infallibilem principiorum suorum: at vero Musicus non habet nisi ad summum fidem humanam, inquantum credit Arithmeticis dicentibus Musicæ principia esse demonstrata in Arithmetica.

Respondeo etiam Musicum habere certitudinem infallibilem suorum principiorum, quia non tenet illa solùm per fidem humanam, sed per quandam notitiam certissimam innixam communi & indubitato Doctorum omnium consensum ex quo convincitur principia illa esse evidentia,

in se ipsis, ita ut stultus esset, qui illa negaret. Unde adhæret illis tanquam certissimis, assentiturque Arithmetico, non ut homini, sed ut demonstratori.

ARTICVLVS III.

De Vnitate scientiarum.

Circa unitatem scientiarum tria quærentur. Primo, sit ne scientia una simplex qualitas, vel coacervatio plurium particularium scientiarum, ita ut tot sint scientiæ v.g. in Logica, quot sunt conclusiones, ex quibus tanquam membris fiat unum corpus Logicæ: Secundò, unde desumatur unitas generica scientiarum. Tertio, unde specifica.

Dico primò: quælibet scientia est una simplex qualitas; seu unicus habitus perficiens intellectum circa omnes conclusiones huiusmodi scientiæ. Ita D. Thom. 1. 2. q. 54. art. 4.

Probatnr conclusio ratione D. Thomæ: Quælibet scientia respicit omnes conclusiones sub unica ratione formali: ergo est unica. Consequentia patet: Sic enim potentia visiva est simplex qualitas, quamvis respiciat plures colores: quia illos respicit sub unica ratione visibilis. Probatnr antecedens: Quælibet scientia respicit conclusiones sub unico lumine, scilicet sub unico primo principio, ex quo gradatim nascuntur cætera principia conclusionum: sicut enim in arbore unicus est truncus, ex quo plures rami

Quæst. V. Art. I I. *An, quid, &c.* 478
fese distandunt; ita in qualibet scientia est unicum principium, scilicet objecti definitio ex quo cætera principia continua serie nascuntur.

Objicies; Nova conclusio novam affert difficultatem; ergo novum exigit habitum.

Respondeo distinguendo antecedens: Addit novam difficultatem formaliter, nego; materialiter, concedo: Id est, nova conclusio affert materiam novæ difficultatis, sed quæ sciri potest per principia, quæ intellectus jam habet: unde non petit novum habitum, sed solum extensionem præexistentis.

Instabis: Diversi actus generant diversos habitus: Sed pro qualibet conclusione est diversus actus; ergo & diversus habitus.

Respondeo distinguendo majorem: Diversi actus non subordinati, concedo subordinati, nego. Idem enim habitus potest se extendere ad plures actus subordinatos, & quadam serie ac concatenatione ex uno fonte nascentes.

Urgebis: Ergo qui scit primam Logicæ conclusionem habet totum habitum Logicæ, si unus & simplex est.

Respondeo distinguendo consequentiam; Habet totum habitum entitativè, concedo, extensivè, nego. Id est, habet quidem entitatem habitus scientifici; sed illa entitas non est adhuc extensa ad omnes conclusiones suas; extendetur autem, dum ipse proficiet in addiscenda Logica. & lumen adhuc modicum ulterius propagabitur.

Dico secundò: Diversitas generica scientiarum desumitur ex diversitate abstractionis à ma-

teria, quam dicit objectum scientificum. Ita D. Thom. Opusc. 70. q. 5. art. 1.

Declaratur conclusio. Cùm enim objectum scientiæ tantò perfectius sit, quantò altiùs assurgit supra materiam, juxta diversos gradus elevationis supra materiam, erunt diversi gradus generici scientiarum. Materia autem potest tripliciter considerari. Primò, ut affecta singularitate, & conditionibus individuantibus. Secundò, ut abstracta singularitate, sed tamen subiecta qualitatibus sensibilibus. Tertio demum considerari potest præcisè secundùm se, ut est radix quantitatis. Primo modo dicitur *materia singularis*. Secundo modo dicitur *materia sensibilis*. Tertio modo dicitur *materia intelligibilis*. Primus ergo gradus abstractionis est à materia singulari; quando scilicet res materiales considerantur in universali (nam de singularibus materialibus non datur scientia:) & primus iste gradus constituit primum genus scientiarum, quæ scilicet abstrahant à materia singulari, ut Physica & Medicina, quæ considerant mutationes sensibiles in communi. Secundus gradus abstractionis est à materia non solum singulari, sed etiam sensibili; quando scilicet res considerantur separatæ non solum ab omni singularitate, sed etiam à sensibili alteratione; ut Geometer considerat circulum & lineas non curando utrum sint in materia frigida, vel calida: & iste gradus abstractionis constituit secundùm genus scientiarum, quæ abstrahunt à materia sensibili, ut sunt Geometria & Arithmetica. Tertius gradus abstractionis est ab omni prorsus materia, quando scilicet considerantur

Quæst. V. Art. III. *De Unitate scientiarum.* 473
quædam formalitates ita elevatæ, ut possint esse
sine materia: Vt Metaphysicus considerat verita-
tem, bonitatem, & alia, in quibus non involvi-
tur materia, cum possint convenire rebus etiam
spiritualibus, & hic gradus constituit ter-
tium genus scientiarum ab omni materia ab-
strahentium, quales sunt Metaphysica & Lo-
gica.

Dico tertio: Unitas specificâ cuiuslibet scientiæ
sumitur ex unitate principiorum, in quantum sci-
licet eius principia ita sunt invicem ordinata,
ut unum sit ex alio, vel utrumque ex aliquo ter-
tio; donec fiat resolutio ad unum primum prin-
cipium illius scientiæ, quod est definitio objecti,
ex quo tanquam ex trunco cæterorum prin-
cipiorum rami seriatim nascuntur.

Probatur prima pars: Principia sunt lumen &
ratio formalis sub qua scientiæ attingunt suas
conclusiones: ergo ex unitate principiorum de-
sumenda est unitas scientifica conclusionum, ac
proinde unitas specifica scientiarum.

Probatur etiam secunda pars, scilicet unitatem
Principiorum desumendam esse ex illa subordi-
natione, per quam unum ex alio deducitur: Tum
authoritate Aristotelis cap. 23. de demonstratione:
Tum quia, ut dicit D. Thomas ibidem,
principium subordinatum alteri desumit ab ipso
virtutem; ergo ubi sunt plura principia sub uno
gradatim ordinata, non est nisi unica virtus, &
unum lumen in diversos veluti radios propaga-
tum.

Obicies: Principia omnium scientiarum re-
ducuntur ad principia Metaphysicæ; ergo si talis
reductio daret unitatem specificam, non esset
nisi unica scientia de omnibus rebus.

Respondeo cum D. Thoma de demonstratione, lect. 41. principia inter se connexa esse una & dare unitatem scientiæ quandiu manent intra eandem abstractionem & idem genus scibilitatis: Quando vero principia gradatim ab uno descendendo transeunt ad novam abstractionem, tunc variant speciem, & constituunt novam scientiam specificam, ut quando Metaphysicus discurret per sua principia de rebus communissimis, & ab omni materia abstractis, censetur habere unicam specie scientiam: Sed quando principia nascentia ex Metaphysica incipiunt applicari mobili, & materiæ sensibili, tunc formant novam specie scientiam, scilicet Physicam.

ARTICVLVS IV.

Utrum idem intellectus, de eodem objecto, possit simul habere scientiam & opinionem.

Certum est scientiam & errorem non posse esse simul de eodem objecto in eodem intellectu. Dubitatur tamen de opinione; utrum scilicet idem homo de eadem conclusione, v. g. quod Deus existat, possit habere simul scientiam & opinionem; scientiam quidem, in quantum tenet hanc veritatem per medium demonstrativum, v. g. per ordinem Vniuersi, quo luce clarius ostenditur dari unum primum gubernatorem;

Opinionem verò, in quantum tenet eandem veritatem per medium probabile; ut quia id docuerunt sapientiores philosophi Pythagoras, Socrates, Plato, Aristoteles, &c.

Notandum est autem dupliciter scientiam posse considerari; primò quoad actum; secundò quoad habitum. Scientia actualis est ille actus, quo de facto assentimur conclusioni per demonstrationem probatam: Scientia habitualis est quidam habitus ex tali actu relictus. Ex eo enim quod aliquis semel cōvictus sit de veritate, in eo manet aliqua facilitas & determinatio ad assentiendum tali conclusioni quoties sibi proposita fuerit. Hæc facilitas vocatur *habitus scientificus*; seu *scientia habitualis*. Similiter etiam opinio considerari potest vel quoad actum, vel quoad habitum. Unde tripliciter comparari potest scientia cum opinione: Primò actus cum actu: Secundò habitus cum habitu: Tertiò actus cum habitu. Quidam tenent tam actum quàm habitum scientiæ & opinionis se posse compati: Quidam verò neque actum, neque habitum opinionis & scientiæ posse se compati: Quidam verò mediam viam tenent; dicunt enim actum scientificum non posse coherere cum actu opinativo nec habitum cum habitu: bene tamen actum cum habitu.

Dico primò: Actus scientiæ non potest compati actum opinionis; ita ut quis simul sit opinans sciens respectu eiusdem conclusionis. Conclusio non sic intelligenda est ut duntaxat uterque actus non possit simul elici ab eodem intellectu, sed etiam ut manente memoriâ actus scientiæ non possit produci actus opinionis.

Probatum primò auctoritate D. Thomæ, qui

pluribus in locis id docet, præcipuè verò 1. post lect. 44. *Manifestum est, inquit, quod non contingit omnino simul idem sciri & opinari; quia scilicet simul homo haberet, existimationem, quod res posset aliter se habere, & quod non posset aliter se habere.* Aristoteles ibidem idem affirmat nempe. *Non fieri posse, ut idem quis opinetur, & sciat.*

Probatur secundò conclusio ratione D. Thomæ: Impossibile est, ut intellectus sit de eadem re certus & incertus: Sed intellectus sciens est certus de re, quam scit: intellectus vero opinans est incertus; ergo idem intellectus de eadem re non potest opinari & scire. Maior est certa: Nam certitudo repugnat incertitudini. Minor verò declaratur: Opinio enim essentialiter est cognitio incerta, per quam scilicet ita adharemus uni parti, ut formidinem habeamus ne altera sit vera: Scientia verò est cognitio certa & firma, per quam scilicet ita adharemus uni parti, ut nullam de contrariâ formidinem habeamus.

Respondebis primò, nihil ob stare, quominus intellectus habeat duplex medium, unum certum & evidens, cui innitatur scientia; aliud incertum & dubium, cui innitatur opinio: Unde ratione duplicis mediû erit certus & incertus; certus per unum, incertus per aliud.

Sed contra: Intellectus de eadem veritate non potest esse certus & incertus, etiam per diversa media, ergo nulla solutio. Probatur subsumptum: Intellectus enim semel certus & plene convictus de aliqua veritate non est amplius capax dubitandi de illa, quantumvis ei proponâ-

tur media incerta; ergo per diversa media non potest esse certus & incertus de eadem veritate. Probatur antecedens tum ratione, tum experientiâ: Ratione quidem, non subiectum dum habet formam aliquam, manente formâ, est incapax privationis illius formæ, à quacumque causa supponatur causari: Sed incertitudo est privatio certitudinis; ergo intellectus habens certitudinem de aliqua veritate est incapax incertitudinis ex quocumque capite provenienti. Minor patet: Certitudo enim & incertitudo privatè opponuntur, sicut lux & tenebræ. Maior verò declaratur: Nam impossibile est ut in eodem subiecto sit forma & privatio, ex quocumque capite procedat illa privatio: Sicut impossibile est, quod dum sol illuminat aërem, aër sit obscurus ex quacumque causâ possit procedere obscuritas. Experientiâ quoque idem suaderi potest: sentimus enim in nobis, quod si semel de re aliqua certi simus per unum medium, non propterea simus incerti quamvis idem nobis persuadeatur per media incerta; ut quia certus sum me vivere, quantumvis aliquis multiplicaret media probabilia ad persuadendum me vivere, attamen propter illa media non me adduceret in aliquam dubietatem & incertitudinem illius veritatis.

Respondebis secundò: Non esse de ratione opinantis; ut si incertus ex parte sui, sed solum quod rem teneat per medium de se incertum.

Sed contra: De ratione opinantis est, ut sit incertus etiam ex parte sui; ergo nulla responsio. Probatur antecedens; tum ex D. Thoma 2. 2. quæst. 1. art. 5. ad 4. ubi expressè dicit, *De ratione*

opinionis esse, ut quod est opinatum existimetur aliter se habere posse: Tum ratione: Nam opinio definitur cognitio incerta & formidolosa; impossibile est autem cognitionem esse formidolosam nisi cognoscens sit etiam incertus, & formidine affectus, nam intantum cognitio est formidolosa & incerta, in quantum intellectus formidat, ne id quod tenet, sit falsum, & oppositum illius sit verum. Ex quo patet totius quæstionis cardinem, & simul fundamentum conclusionis nostræ in hoc situm esse, quod opinans est incertus & fluctuans; è contra sciens est certus & firmus. Unde quia repugnat eundem intellectum de eadem veritate simul esse certum & incertum, fluctuantem & firmum, ideo repugnat de eodem habere opinionem & scientiam.

Dico secundò: *Habitus scientiæ non potest de eodem simul esse cum habitu opinionis. Conclusio videtur sequi ex præcedenti: sicut enim repugnat eundem intellectum esse simul certum & incertum actualiter; ita & habitualiter. Quippe hoc ipso quod sit habitualiter certus, excluditur incertitudo habitualis.*

Dico tertio: *Actus opinionis potest esse cum habitu scientiæ, si sit in tali statu, ut non possit prorumpere in actum.*

Ratio conclusionis est, quia habitus non opponitur ratione sui actibus habitus contrarij, ut habitus iniustitiæ nõ opponitur actibus justitiæ, sed illos pati potest; ergo contingere potest, ut quis habens habitum scientiæ impeditum ab actu, exerceat actus opinativos; sicut qui habet habitum iniustitiæ, elicit tamen nonnunquam actus justos. Vtraque hæc conclusio magis confirmabitur ex dicendis articulo sequenti, conclusione

2. & 3. Quod enim ibi dicetur de actu scientiæ respectu habitûs fidei, proportionaliter applicandum est opinioni & scientiæ.

Obiicies primò D. Thomæ autoritatem ex 3. sentent. dist 31. q. 2. a. 1. quæstiunc. ad 4. ubi sic habet: *Dicendum quod opinio & scientia, quamvis sint de eodem: Non tamen sunt secundum idem medium, sed secundum diversa, & ideo possunt esse simul.*

Respondeo primo cum Excellentissimo Archiepiscopo Avenionensi 2. 2. quæst. 1. art. 5. D. Thomam ibi sumere opinionem non formaliter, & in statu opinionis, seu ex parte subjecti; sed materialiter, & ex parte mediæ, pro cognitione per medium probabile procedente. Fateamur enim adveniente scientiâ remanere adhuc cognitionem per medium probabile acquisitam, sed negamus habere amplius statum opinionis in præsentia scientiæ: Quia opinio formaliter sumpta exigit subiectum dubium & fluctuans: unde cum per scientiam tollatur omnis dubitatio & anxietas à subiecto, tollitur etiam opinio in ratione opinionis.

Responderi potest secundò, D. Thomam loco citato non loqui assertivè, sed permissivè: Nam solvebat argumentum ex paritate sumptum; nempe illud, opinio potest manere cum scientiâ, ergo fides potest manere cum visione beatifica: In responsione ad illud argumentum negat paritatem: quod scilicet, quamvis opinio possit esse cum scientia, fides possit esse cum visione. Quasi diceret, esto scientia pati possit opinionem, non tamen visio beatifica pati potest fidem; quia scilicet fides magis opponitur visioni, quàm scientia opinioni. Eodem loquendi modo sæpe utitur.

D. Thomas solvendo argumenta adversariorum quæ procedunt ex paritate: sæpe enim permittit adversariis suppositionem falsam, & negat paritatem, quia hoc sufficit ad solvendum eorum argumentum.

Obiicies secundò, & simul instabis ratione: Cognitio procedens per medium probabile est opinio: Sed ex concessis intellectus sciens aliquam veritatem, potest illam cognoscere adhuc per medium probabile; ergo potest habere opinionem de illa.

Respondeo distinguendo maiorem: Cognitio procedens per medium probabile est opinio, si sit cum formidine contrarii, concedo; si sit sine formidine contrarii, nego. Et ad minorem: Intellectus sciens aliquam veritatem potest illam cognoscere per medium probabile, cum formidine & incertitudine, nego; sine formidine, concedo: Et nego consequentiam. Non enim omnis cognitio procedens per medium probabile est opinio, sed solum illa, quæ est cum formidine contrarii. Intellectus autem sciens aliquam veritatem non potest habere formidinem de contrario illius veritatis; & ideo non potest habere opinionem de illa, quantumvis eam cognoscat per medium probabile.

Instabis: Positâ causâ ponitur effectus: Sed medium probabile est causa opinionis; ergo posito medio probabili ponitur opinio.

Respondeo distinguendo maiorem: Positâ causâ ponitur effectus, si subjectum sit capax illius concedo; si sit incapax, nego: Intellectus autem convictus per scientiam de aliqua veritate est incapax opinandi circa illam, quia est incapax dubietatis & incertitudinis: unde quantumvis

habeat media probabilia circa illam veritatem, in illo tamen non producitur opinio.

Urgebis : Intellectus ex capax certitudinis & incertitudinis circa idem ; ergo intellectus est capax scientiæ & opinionis circa idem. Probatur antecedens : Non magis opponuntur certitudo & incertitudo, quàm dolor & lætitia : Sed voluntas de eodem objecto potest habere dolorem & lætitiã ; ergo etiam intellectus circa idem potest habere certitudinem & incertitudinem. Probatur minor : Nam voluntas Christi simul gaudebat & tristabatur de sua passione : Sed passio Christi est unum & idem objectum ; ergo de eodem potest voluntas habere dolorem & lætitiã.

Respondeo negando antecedens. Ad probationem, nego minorem. Ad ejus probationem concessã majore, distinguo minorem ; Passio Christi est unum & idem objectum, materialiter, concedo ; formaliter nego : Nam in passione Christi plures erant formalitates ; erat enim affectiva Christi, & redemptiva hominum ; ut affectiva Christi afferebat illi dolorem, ut redemptiva hominum causabat illi lætitiã : unde non sequitur, quod dolor & lætitiã cadere possint supra idem objectum formaliter, sed solum materialiter.



ARTICVLVS V.

*Possit-ne scientia esse simul cum Fide
Divina.*

STATUS quæstionis satis constat ex dictis superiori articulo. Solùm advertendum est fidem definiri, Cognitionem certam quidem, obscuram tamen, Dei testimonio innixam. Hæc cognitio, non secus ac de scientia dictum est, potest dupliciter considerari: Primò in actu, secundò in habitu. Fides actualis est actus, quò assentimur rebus revelatis: Fides habitualis est virtus in intellectu residens, quâ inclinamur ad assentiendum revelatis. Hoc posito, quærimus, utrùm fides, sive quantum ad habitum, sive quantum ad actum possit esse cum scientiâ; ita ut eadem veritas, ab eodem intellectu, possit esse simul scita & credita. Plures extranei affirmant; D. Thomas, Thomistæ omnes, & plures alij negant. Cùm enim scientia duo habeat, evidentiam, & certitudinem (dicitur enim cognitio certa, & evidens (sicut ratione certitudinis expellit opinionem quæ incerta est, ita ratione evidentiae excludit fidem, quæ obscura est.

Dico primò: Actus fidei & actus scientiæ non possunt esse simul in eodem intellectu, de eodem objecto. Conclusio est D. Thomæ, qui perpetuò docet, *ea quæ sunt fidei non posse esse scita.*

Quæst. V. Art. V. *Possit ne Scientia, &c.* 483
Omissis ergo auctoritatibus, quæ plurimæ referri
possent.

Probatur primò Conclusio ratione D. Thomæ
1. 2. quæst. 67. art. 3. Quæ opponuntur ex parte
subjecti non possunt esse in eodem subjecto : Sed
actus fidei & scientiæ opponuntur ex parte sub-
jecti ; ergo non possunt esse in eodem subjecto.
Major patet : Quia oppositio est causa incompati-
bilitatis ; unde quæ opponuntur , non possunt
se compari in eo , in quo opponuntur. Probatur
minor : Subjectum videns & subjectum non vi-
dens opponuntur : Sed subjectum fidei est non
videns ea , quæ credit ; subjectum verò scientiæ
est videns ea quæ scit : ergo fides & scientia op-
ponuntur ex parte subjecti. Major patet : Si-
quidem videre & non videre manifestè sunt op-
posita. Minor verò probatur : Et in primis
quod subjectum scientiæ sit videns ea , quæ te-
net per scientiam , nemo negat ; nam scientia
est evidens rei cognitio : Vnde illa quæ sunt sci-
ta , debent esse visa intelligibiliter , id est , evi-
dentia. Quantum verò ad secundam & præci-
pua partem , quod scilicet subjectum fidei de-
beat esse non videns , id est , non habens eviden-
tiam eorum , quæ credit , probatur tum autho-
ritate Apostoli 1. ad Corinth. 13. inuentis ,
quod ea , quæ sunt fidei , cognoscuntur solùm in
ænigmate ; id est sunt obscura credenti. Tum au-
thoritate Patrum sæpe inculcantium , *fidem esse
non visorum* ; unde Augustinus : *Quid est fides ?
credere quod non vides* : Tum demum ex ipsa
definitione fidei ; quam tradidit D. Paulus ad
Hebr. 10. dicens : *Fides est argumentum non
apparentium* : ergo de ratione fidei est , ut ea

quæ creduntur non sint visa, sed obscura credenti.

Respondent Adversarii eundem intellectum posse simul esse videntem & non videntem eandem veritatem, in quantum illam attingit per diversa media: Est enim videns; quatenus eam attingit per medium scientificum & est non videns quatenus illam attingit per testimonium dicentis, quod est medium creditivum.

Sed contra: Fides exigit essentialiter, ut intellectus simpliciter & omni ex Parte non videat ea quæ sunt fidei; ergo nulla responsio. Probatur antecedens: Ea quæ sunt fidei, debent esse obscura & ænigmatica respectu credentis, ut expressè dicit D. Paulus, & patet ex locis citatis: Sed ex quocumque capite aliquid sit evidens, non potest amplius dici ænigmaticum & obscurum ei, qui illud videt; ergo fides essentialiter exigit, ut ea, quæ sunt fidei, ex nulla parte sint visa & evidentiâ. Probatur minor: Tum quia obscuritas & inevidentiâ est mera privatio; unde ex quocumque capite oriatur evidentiâ alicuius veritatis, fugatur obscuritas circa illam, nec amplius potest dici inevidens & obscura: Tum quia aliàs sequeretur, ea quæ sunt nobis notissima, posse dici ænigmatica, quia non percipiuntur ex aliquo capite: sicque dici posset magnum ænigma modò diem esse, quia licèt diem oculis evidenter percipiamus, non tamen ipsum percipimus auribus; ergo ut aliqua res dicatur alicui obscura, debet æsset ei inevidens ex omni capite.

Probatur secundò conclusio egregiâ ratione D. Thomæ q. 14, de Veritate, art. 9. Fides exigit,
ut

ut intellectus assentiatur rei creditæ ex confidentia luminis alieni, & quasi captivatus per auctoritatem dicentis: Atqui ex quocunque capite intellectus habeat evidentiam rei, non assentitur ipsi quasi confidendo in alieno lumine, & se ipsum captivando sub alterius auctoritate, sed ut confidens in proprio lumine, & jam de veritate ex se ipso securus; ergo intellectus ex quocunque capite habeat evidentiam rei, non retinet amplius fidem circa illam. Maior constat, Tum ex ipso nomine; nam fides dicta est à *fidendo*, eo quod scilicet per eam assentiamur rebus, non quasi securi de illis per lumen nostrum, sed quasi confidentes in veracitate dicentis, & nosmetipsos voluntariè captivantes sub illius auctoritate: Tum etiam ex D. Paulo dicente, *intellectum credentem captivari in obsequium fidei*: Ut autem explicat D. Thomas, captivus est, qui non est sub propria iurisdictione, sed retinetur extra proprios terminos per potestatem extraneam: Terminus autem, in quo naturaliter quiescit intellectus, est evidentia rei; & ideo intellectus credens dicitur *captivus*, quia cum sit extra naturalem terminum, scilicet extra evidentiam rei, attamen ei assentitur, quasi alligatus per alienam auctoritatem. Minor verò, quod scilicet intellectus habens evidentiam rei, cui assentitur, non sit amplius captivus & confidens in alieno lumine declaratur: Tunc enim proprios terminos attingit, scilicet evidentiam, & per se ipsum est certus; ergo non censetur amplius *captivus & confidens in alieno lumine*, sed certus ex proprio lumine: Et ideo D. Paulus, dicit fidem in patria evacuandam esse, non quòd præcisè per testimonium Dei id fiat evidens

in patria, quod erat sub illo obſcurum in via, ſed quia per beatificum lumen illustratus intellectus adheret divinx veritati, non quaſi confidens in teſtimonio dicentis, ſed quaſi de illa per proprium lumen ſecurus.

Dico ſecundò : Habitus ſcientiæ & fidei non poſſunt eſſe ſimul in eodem, reſpectu ejuſdem objecti.

Probatur conclusio : Primò, quia non eſt poſſibile, ut idem ſubjectum ſit habitualiter inclinatum ad actus oppoſitos ; Sed actus fidei & ſcientiæ ſunt oppoſiti, ut conſtat ex prima concluſione ; ergo intellectus non poteſt habere ſimul habitus inclinantes ad ejuſmodi actus. Secundò, ſicut actus fidei exigat ut intellectus non ſit actu videns id quod credit, ita habitus fidei exigat, ut intellectus non ſit habitualiter videns id, quod credit : Atqui per habitum ſcientiæ intellectus ſit habitualiter videns ; ergo cum habitu ſcientiæ non poteſt eſſe habitus fidei.

Dico tertio : Habitus fidei poteſt eſſe cum actu ſcientiæ, modò talis actus nullum producat habitum.

Probatur conclusio primò authoritate D. Thomæ, qui 2. 2. q. 175. a. 3. ad 3. loquens de raptu, in quo Paulus vidit clarè Deum, & habuit ſcientiam Beatorum, ſic ait: *Quia Paulus non fuit beatus habitualiter, ſed ſolum habuit actum beatorum* id eſt, actum ſcientiæ beatificæ, *conſequens eſt, ut ſimul tunc in eo non fuerit actus fidei, fuit ſamen ſimul tunc in eo habitus fidei.*

Probatur ſecundò conclusio ; Tum ratione, tum exemplis. Ratione quidem : Cum enim ſcientia expellat fidem, eo modo expellitur fides, quo introducitur ſcientia ; ergo ſi ſcientia

Quaest. V. Art. V. *Possit-nescientia*, &c. 483
solum introducatur per modum transeuntis & quoad actum, expellet solum fidem quoad actum. Exemplis quoque: Sic enim videmus quod quia ignis non introducit calorem in ferro, nisi per modum actus transeuntis, relinquit illud semper habitualiter dispositum ad frigiditatem: Sic, quia manus sursum projiciens lapidem non imprimi ipsi inclinationem habituales ad sursum, sed solum motionem actualem transeuntem, lapis quantumvis actu tendat sursum, semper tamen remanet habitualiter inclinatus deorsum: Sic quia unicus actus injustitiae non producit habitum injustitiae, cum tali actu manere potest habitus iustitiae. Et generaliter nullus actus excludit habitum, nisi in quantum producit contrarium habitum,

Obiicies primò contra primam conclusionem; Philosophus Christianus demonstrati vè scit dari Deum, & tamen idem tenet per fidem; ergo de eodem habet fidem & scientiam. Antecedens quantum ad primam partem supponitur, quantum verò ad secundam probatur: Quilibet Christianus, etiam philosophus, tenetur credere omnes articulos fidei: Sed primus articulus fidei est, quòd Deus sit; ergo Christianus philosophus tenetur id credere,

Respondeo negando antecedens. Ad probationem, distinguo: Christianus tenetur credere omnes articulos fidei, quandiu sunt sibi credibiles, concedo; quando sunt sibi evidentes, nego; Tunc enim desinunt esse articuli fidei respectu illius; nam fides est de rebus obscuris, ut supra dictum est,

Instabis: Qui non credit unum articulum, est

infidelis ; ergo si philosophus non crederet Deum esse, esset infidelis.

Respondeo distinguendo antecedens : Qui non credit unum articulum est infidelis , si non credat negando illum, concedo, si non, credat sciendo illum , nego.

Urgebis D. Paulus ad Heb. 11. dicit, *Oportere accedentem ad Deum credere, quia est, & inquituribus se remunerator sit* : Sed philosophus debet ad Deum accedere , sicut & alii fideles ; ergo debet credere Deum esse.

Respondeo dictum Apostoli intelligendum esse de Deo ut authore & remuneratore supernaturali; nam fides Dei ut authoris naturalis non est necessaria ad justificationem, nisi per accidens in eo, qui illum ignorat. Vnde Angeli , qui evidenter percipiunt Deum ut authorem naturalem, nunquam habuerunt fidem de illo ut authore naturali, & tamen iustificati sunt.

Objicies secundò : Si philosophus Christianus non haberet fidem de Deo ut authore naturali, esset deterioris conditionis , quàm sit rusticus : Consequens est falsum ; ergo & antecedens. Probatur sequela : Ille deterioris conditionis , qui est minùs certus : Sed Philosophus minùs certus esset de existentia Dei, quàm rusticus: ergo esset deterioris conditionis. Probatur minor : Assensus fidei est certior omni scientiâ : Sed rusticus tenet per fidem Deum esse, Philosophus verò per scientiam; ergo Philosophus est minùs certus , quàm rusticus.

Respondeo negando sequelam. Ad probationem , nego minorem. Ad ejus probationem , distinguo majorem : Assensus fidei est certiori scien-

Quæst. V. Art. V. *Possit ne scientia, &c.* 48,
riâ, solâ, concedo; scientia per testimonium Dei
confortatâ, nego. Solutio est Capreolei: Philo-
sophus enim fidelis tenet Deum esse per duplex
medium divinam scilicet auctoritatem, & scien-
tificam demonstrationem: Unde scientia ejus con-
fortatur à divina auctoritate, à qua recipit certi-
tudinem supernaturalem; sicut virtutes morales
acquisitæ recipiunt supernaturale meritum ex sub-
ordinatione ad Charitatem. Solutio fundatur in
D. Thoma 2.2. q. 4. art. 8. ad 2. ubi dicit: *Quod
aliquis parva scientia magis certificatur de eo
quod audit ab aliquo scientifico, quam de eo
quod sibi secundum suam rationem videtur.* Ex
quo patet, quod scientia potest confortari per te-
stimonium dicentis.


Instabis: Ergo talis Philosophus habet assensum
fidei simul cum actu scientiæ. Probatur consequen-
tia: Assensus ille est fidei, qui innititur divinæ au-
thoritati: Sed talis Philosophus, licet habeat
scientiam quod Deus sit, adhuc tamen innitus
divinæ auctoritati; ergo, &c.

Respondeo negando consequentiam. Ad pro-
bationem distinguo majorem; assensus ille est fi-
dei, qui innititur auctoritati divinæ, tanquam
totali motivo assentiendi rei aliunde obscuræ, con-
cedo; tanquam confirmant id, quod aliunde est
evidens, nego. Ut enim assensus aliquis sit actus
fidei, necesse est ut sit totaliter propter authorita-
tem dicentis, per quam intellectus captivetur ad
assentiendum iis, quæ sibi ignota sunt, ut supra di-
ctum est.

Addunt præterea quidam, Philosophum Chri-
stianum habere certitudinem fidei de existentia
Dei: Tum quatenus illam tenet per fidem, inquan-
tum continetur in aliis creditis, verbi gratia, in

mysterio Trinitatis : Tum quia habet iudicium actuale formatum per fidem , quo iudicat ejusmodi articulum esse omni veritate naturali certiore : Tum quia semper est in præparatione animi ad illum credendum , si scientiam amitteret : Semper enim retinet apud se fundamentum & columnam veritatis, scilicet divinam auctoritatem, ad quam , deficiente ratione confugere possit , sicque credere : Nam in hac vita intellectus humanus adeo debilis est, ut in apertissimis veritatibus sæpe vacillet ; sicut videre est in antiquis Philosophis, qui licet acutissimi, attamen circa divina graviter erraverunt: & modò viri aliunde docti, ubi semel fidem perdidere, in immanes errores incidunt. Et ideo propter hanc humani ingenij infirmitatem datum est nobis lumen fidei, quod nos circa ea , quæ humanum captum superant ; instrueret ; & circa , quæ aliquo modo à nobis sciri possunt , ut circa Dei providentiam, immortalitatem animæ, & morum sinceritatem, confirmaret.





QVÆSTIO VI.

*De umbra entis realis, scilicet Ente
rationis.*



ET si plura sparsim attingerimus de Ente rationis, præcipuè de eo quod à Logica respicitur hîc tamen de illo communiùs sumpto dicendum est, idque paucis, quia quæ circa illud quæri possunt non videtur tantæ utilitatis ac necessitatis, Vnde quidquid dicendum occurrit duobus complectentur articulis, in quorum primo quæretur an, quid, & quotuplex sit Ens rationis: In secundò à quo formetur.

ARTICULUS PRIMVS.

*An, quid, & quotuplex sit Ens
rationis.*

Dico primò: Datur ens rationis. Conclusio, etsi illam insufficientur quidam, adeo tamen certa est, ut miram sit potuisse regari.

Probatnr ergo hoc pacto: Nominè *entis rationis* nihil aliud intelligitur, quàm quod habet so-

lūm esse in apprehensione rationis, quippe cū ens dicatur ab esse, sicut id quod habet esse in rerum natura, dicitur *ens reale*, ita cuius esse totum consistit in apprehensione rationis, iure dicitur *ens rationis*: Atqui datur aliquid, quod cū nullum prorsus esse habeat inter res naturales, aliquod tamen obtinet in apprehensione rationis; ergo datur ens rationis. Probatur minor, tum experientiā, tum ratione: *Experientiā* quidem, quippe sentimus non plerumque ea quæ minimè sunt in natura, quasi essent apprehendere, sicque dare illis aliquod esse apprehensum & obiectivum, ac loqui de illis ut de entibus: Ut cū dicimus, *tenebras operire terram, mortem esse januam melioris vita, esse pretiosam in Sanctis, &c.* Quippe constat meras privationes esse, quæ non habent aliud esse, quàm in apprehensione. *Ratione* verò, Quia ea est intellectus humani fecunditas, ut possit formare aliquod esse, ut cū varios respectus & ordines ex cogitat inter ea quæ secundum naturam minimè ordinata sunt invicem, puta respectum prædicati, subiecti, medii, maioris extremi, &c. Sed cū aliunde nihil possit ad extra parturire, quippe inquit Aristoteles, *Propter nostrum intelligere nihil mutatur in rebus*, tota illa interior fecunditas, ad iastar ovi subventanci, non effundit aliquod esse reale, id est inter res naturæ annumerandum, sed solum esse rationis, id est, totum in apprehensione intellectus consistens, ergo datur ens rationis.

Obiicies: *Ens rationis non habet causam, ergo non datur. Probatur antecedens: Vel enim illa causa esset realis, vel rationis: Si realis, effectus eius debet illam imitari, ac proinde esse rea-*

lis : Si rationis , de illa causa rursus quæretur , an sit ab alia causa , vel rationis , vel realis.

Respondeo ens rationis habere causam eo modo , quo est : Vnde quia non est nisi in apprehensione , ideo non habet causam nisi apprehendentem. Et hæc quamvis sit causa realis , non tamen producit ens reale , quia non agit per actionem effusivam *esse* ad extra , sed solum ejus apprehensivam ad intra ; atque adeo quæ dare tantum valeat *esse apprehensum*.

Dico secundo : Ens rationis definitur , Quod habet *esse* objective tantum intellectu.

Declaratur definitio , Tripliciter aliquid potest esse in intellectu , subjective , effective , & objective . Ea sunt subjective in intellectu , quæ ipsi inhaerent tanquam accidentia subjecto , ut habitus , & species intelligibiles : Ea sunt effective in intellectu , quæ ab illo producuntur tanquam motus vitales ab eo physice procedentes , ejusmodi est ipsa intellectio : Ea vero sunt objective in intellectu , quæ ab illo pure apprehenduntur. Ens igitur rationis est , quod habet tantum esse objective in intellectu , id est , cujus totum *esse* in eo consistit , ut apprehendatur. Ex quo inferitur non esse meram denominationem extrinsecam , sed aliquid ad modum entis apprehensum.

Dico tertio : Ens rationis aliud est fundatum , aliud sine fundamento inventum.

Conclusio patet : Nam intellectus aliquando rationabiliter & ipsis rebus ita exigentibus novos adinvenit respectus : Et postquam distinxit hominem in *animal & rationale* , consequens est , ut utrumque conceptum invicem compatet ; animal quidem ut superius ; rationale vero ut inferius. Hæc entia rationis dicuntur *fundata*. Aliquando

verò sine necessitate ad libitum intellectus varias fingit, & invicem comparat, ut comparando varias partes animantium ad unum totum, facit chimæras, centauros, & alia ejusmodi gratis excogitata: & hæc entis rationis dicuntur *non fundata*.

Ens rationis fundatum dividitur in carentium ad modum formæ conceptam, & relationem rationis. Cùm enim intellectus non modo de ente, sed etiam de non ente disputet, ut de morte, de tenebris, &c. necesse est, ut illas carentias entis apprehendat ad modum entis; ut quando dicit, mortem esse omnium terribilium terribilissimum, vacuum esse inimicum naturæ, istas negationes exprimit, quasi essent aliquid; unde facit primum ens rationis, scilicet carentiam entis ad modum entis apprehensam. Præterea etiam cogitur distinguere res in varios conceptus, quos deinde invicem ordinat, talis ordo apprehensus in rebus cognitis vocatur *relatio rationis*.

Carentia autem dividitur in negationem & privationem: Negatio est carentia formæ in subiecto non apto, vel sine subiecto; sic cæcitas in lapide dicitur *negatio*, & ipsum nihilum est etiam negatio. Privatio verò est carentia formæ in subiecto apto, ut cæcitas in homine, tenebræ in aëre non sunt meræ negationes, sed privationes.

Relatio verò rationis sub se comprehendit omnes respectus, quos ratio adinvenit in rebus cognitis: Qui quidem respectus, si ordinentur ad cognoscendam veritatem scientificè, dicuntur *secundæ intentiones*, & pertinent ad Logicam: Si verò ordinentur ad ornatum sermonis, ut si magis persuasivus, pertinent ad Rhetoricam: Si demum ordinentur ad congruitatem locutionis, pertinent ad Grammaticam.

ARTICULUS II.

Per quam potentiam fiat ens rationis.

Licet ex ipsa entia rationis definitione satis pateat ipsum fieri à solo intellectu; ut tamen plenius id discutiatur, & simul declaretur quis intellectus formare possit entia rationis;

Dico primò: Nec sensus exteriores, nec interiores, nec voluntas possunt facere ens rationis.

Probatur conclusio unica sed efficaci ratione: Nam ens rationis est id, quod habet esse tantum objective in ratione: Sed nec sensus interni, nec voluntas possunt formare aliquid, quod habeat esse objective in ratione; ergo non possunt facere ens rationis. Probatur minor: Nam illud quod habet esse objective tantum in ratione, fit in quantum apprehenditur à ratione; ergo non fit per actionem aliarum potentiarum sed solius rationis.

Dices: Sæpe sensus apprehendit ea, quæ non sunt, quasi essent; ut oculus videt umbras, quæ nihil sunt, & in picturis planis videt prominentias, & distantias inter objecta, quæ tamen in ipsa superficie picturæ jacent æqualiter; ergo facit aliquod ens rationis; aut si mavis, ens sensibile.

Respondeo negando, quod sensus apprehendat ea, quæ non sunt, quasi essent. Et in primis oculus non videt umbram putam, sed vel colorem minus illuminatum, vel ipsam illuminationem.

nis extremitatem, in quantum scilicet extremas corporis illuminari lineas videt finire ad aliquem locum & constituere figuram, in cuius medio nihil videt. Caterum puras umbras & tenebras non videri patet experientia, dum sumus in caliginosa nocte; tunc enim nihil magis videmus apertis oculis, quam clausis. Quantum verò ad profunditates, quas repræsentant pictores, oculus non videt profunditatem, vel distantiam, sed aliquid ita simile profunditati, vel distantie, ut sensus communis non possit discernere, utrum sit vera profunditas, aut aliquid ipsi simile.

Instabis: Sæpe homo plura imaginatur, quæ nunquam extiterunt, ut chimæras, fabulas, flumina lactis, &c. Ergo imaginatio fabricat entia rationis, seu imaginationis.

Respondeo eiusmodi non concipi per imaginationem, apprehendendo non ens admodum entis, sed permiscendo species entium realium: Sicut enim pictor miscendo colores repræsentat chimæras, ita quoque imaginatio miscendo species rerum, quas habet apud se, format varias fabulas & chimæra. Sed sicut picturæ non dicuntur entia rationis, ita nec illæ imaginationes.

Et, si dicas, quare ergo chimæra dicitur ens rationis.

Respondeo quia in tali chimæra duo sunt; scilicet quidam ordo apprehensus inter partes variorum animantium ad componendum unum totum, & illa relatio est ens rationis, fitque ab intellectu; est etiam præterea in chimæra quædam mixtura phantasmatum, in quantum species variorum animantium confunduntur ad fabricam unius mundi, & talis mixtura pertinet quidem ad imaginationem, sed non est ens rationis.

Dico secundò : Probabile est , intellectum Angelicum posse facere ens rationis , saltem aliquod, etsi , non omne.

Probatur conclusio : Nam Angelus distinguit attributa Dei , quæ non sunt in se distincta : Sed talis distinctio est ens rationis ; ergo facit ens rationis. Maior patet : Nam intellectus angelicus , cum sit limitatus non potest concipere unico conceptu totum Deum , proindeque cogitur formare plures de Deo conceptus , & illam in varia attributa distinguere. Minor verò probatur : Ens rationis est , quod habet tantum esse obiectivè in intellectu : Sed hæc distinctio habet esse tantum obiectivè in intellectu ; ergo est ens rationis.

Respondebis , Angelum concipere quidem attributa Dei diversis actibus , non tamen concipere illa ut distincta , nec proinde facere ens rationis.

Sed contra : Nam licet Angelus non cognoscat attributa Dei ut distincta in re , bene tamen ut distincta in suo conceptu , in quantum de illis habet conceptus obiectivos distinctos.

Dico tertio : Intellectus divinus non facit entia rationis. Conclusio communior est inter Thomistas , etsi non habeatur expressè in D. Thoma.

Probatur efficaci ratione : Cognitio formativa entis rationis est essentialiter imperfecta , ergo non potest competere Deo. Probatur antecedens : Ens rationis fit cognoscendo rem aliter quam sit in se : Sed cognitio attingens rem aliter quam sit in se, est imperfecta , ergo cognitio formativa entis rationis est imperfecta. Maior patet : Nam ens rationis fit , vel fingendo

chimæras & fabulas sine fundamento; vel apprehendendo carentiam entis, quasi esset verum ens vel demum referendo ea, quæ non sunt relata; quæ omnes cognitiones, ut patet, cognoscunt rem aliter, quam sit in se: Nam nituntur apprehendere id quod nihil est, quasi verè esset. Minor verò videtur certa: Nam cognitio censetur perfecta, quando attingit rem prout est in se; ergo illa cognitio est imperfecta, quæ cognoscit rem aliter, ac sit in se, quæque nititur apprehendere quasi esset, id quod de facto nihil est.

Confirmatur conclusio ex discrimine quod est inter intellectum divinum & creatum: Intellectus enim creatus est sterilis ad extra, & non est mensura realitatis eorum quæ apprehendit, sed magis ab illis mensuratur: Vnde si obiectum in quod fertur, non habet ex se realitatem non potest cognoscendo illam ei dare, sed solùm dat ei aliquod *esse* apprehensum, quod est merum *esse* rationis, sicque facit entia rationis. At verò cognitio Dei est causa realitatis rerum. & sicut eius *approbare* est *facere realiter*, ita sine approbatione cognoscere & apprehendere, est reddere realiter possibile; ergo hoc ipso quod aliquid est à Deo apprehensum, est ens reale, proindeque implicat merum ens rationis fieri à Deo sed quidquid ab eo fit, est reale. Hanc rationem frequenter insinuat D. Thom. præcipuè de verit. q. 2. a. 8,

Obiicies primò difficilem D. Thom. authoritatem 1. p. q. 15. a. 2. ad 3. & 4. Respectus ideales essentia divina ad creaturas sūt entia rationis, non enim sunt reales, ut expressè dicit S. Doctor loco jam citato: Atqui Deus causat tales respectus ex eodem D. Thom. ergo facit entia rationis.

Quæst. VI. Art. II. *Per quam potentiam, &c.* 499

Respondeo primò distinguendo minorem: Deus causat respectus ideales, formaliter apprehendendo aliquam relationem in sua essentia ad creaturas, nego; fundamentaliter, cognoscendo suam essentiam diversimodè à creaturis imitabilem, quæ imitabilitas est fundamentum respectuum idealium, quos in Deo formaliter intelligimus, concedo.

Respondeo secundò distinguendo maiorem: Respectus ideales Dei ad creaturas sunt relationes rationis, respectus ideales cogniti per modum relationum existentium subiectivè in Deo, concedo; cogniti per modum relationum in Deo solum terminativè existentium, nego. Et similiter ad minorem; Deus causat tales respectus, eos apprehendendo ad modum relationum in sua essentia subiectivè existentium, nego: eos apprehendendo per modum relationum in creaturis subiectivè, in sua verò essentia terminativè existentium, concedo. Et nego consequentiam. Explicatur clarè distinctio, cuius termini paulò videntur obscuriores. Dupliciter potest concipi Deus respicere creaturam, & ad illam comparari. Primò tanquam relatus ad ipsam, ita ut relatio sit in Deo subiectivè, & in creatura terminativè. Secundò, tanquam terminans relationem, quæ est subiectivè in creatura. Fateor quidem, quòd primo modo concipere in Deo respectum ad creaturas, est facere relationem rationis, quia Deus non potest esse subiectum relationis realis ad creaturam. Attamen concipere secundo modo respectum in Deo, non est facere ens rationis, nisi fundamentaliter. Deus autem non facit respectus ideales quasi concipiendo in sua essentia relationem ad creaturas, cum non dicat ad illas relatio-

nem, Sed dicitur facere ideales respectus & comparare suam essentiam ad creaturas, in quantum cognoscit in creaturis esse relationem ad suam essentiam, quam imitantur & participant, ita ut ille respectus dicat relationem subjectivè in creatura, & terminativè in essentia divina existentem.

Instabis: Illa solutio est expressè contra D. Thomam; ergo non explicat ejus auctoritatem. Probat^r antecedens: Primò quia D. Thomas expressè dicit respectus illos *esse in Deo & non in creaturis*, cuius oppositum solutio tenet. Secundò quia dicit illos respectus *non esse reales, sed intellectos à Deo*, solutio autem explicat D. Thomam de aliquo respectu reali, quamvis ^{non} realiter Deo inhærente. Tertiò quia D. Thomas dicit tales respectus *causari ab intellectu divino comparante essentiam suam ad creaturas*, cum è contra solutio dicat causari in rebus, ex eo quod Dei essentiam respiciant.

Respondeo negando antecedens. Ad primam probationem respondeo etiam solutionem admittere respectus ideales esse *in Deo*, & non in creaturis, non tamen sunt in eo tanquam respectus, ut ita dicam, activi referentes ipsum ad creaturas, sed passivi competentes ipsi, ex eo quod sit variè imitabilis à creaturis, sicque ab illis respiciatur ut exemplar. Ad secundum respondeo tales respectus idcirco non esse reales, sed intellectos tantùm à Deo, quia non dicunt aliquam relationem in Deo, sicut respectus personales, ut ibidem ait D. Thomas, sed solum in eo consistunt, ut essentia Dei intelligatur per connotationem ad creaturas, seu ut, loquitur D. Thomas 1. p. q. 13. a. 7. *apprehendatur ut terminus*

Quæst. VI. Art. II. *Per quam potentiam &c. 501*
relationis creaturarum. Ad tertium pariter res-
pondeo, respectus illos causari ab intellectu di-
vino, quia in eo consistit ratio ideæ, ut essentia
Dei intelligatur variè imitabilis à creaturis, pro-
indèque cum connotatione ad creaturas. Sed de
his accuratiùs Theologi.

Obiicies secundò: Cognoscere ens rationis, est
ipsum facere. Sed Deus cognoscit ens rationis, er-
go facit Maior patet: Quia ens rationis sit cogno-
scendo. Minor verò prob. Nam Deus cognoscit
syllogismos, & cognitiones quas habent homines,
quæ plerunque terminantur ad ens rationis.

Respondeo distinguendo maiorem: Cognos-
cere ens rationis est facere, cognoscere cogno-
tione practicâ, nitendo scilicet apprehendere
non ens admodum entis, sicque dando illi ali-
quod esse fictitium, concedo; cognoscere cogno-
tione speculativâ tantum, nego. Deus autem
solum speculativè cognoscit ens rationis, in-
quantum scilicet, quamvis non habeat talem
cognitionem ad quam ens rationis consequatur,
quæque ipsum fingat, nitendo apprehendere non
ens ad modum entis, ideoque fingendo illud ac
si ens esset, in quo iuxta D. Thomam Opusc. 42:
cap. 2. consistit fabrica entis rationis; attamen
cognoscit cogitationes nostras quæ fabricant ens
rationis, & ipsum videt à nobis fabricatum, non
apprehendendo illud ac si esset ens, sed cognos-
cendo illud non esse in se ens; & tamen à nobis
apprehendi quasi esset ens, quæ cognitio non est
factiva entis rationis, sed speculativa illius ab
alio facti.

Obiicies tertidò: Deus cognoscit privationes,
ut mortem & tenebras, per modum entis; er-
go facit ens rationis. Probatyr antecedens; quia

quidquid cognoscitur, ad modum entis cognoscitur.

Respondeo negando antecedens : Ad probationem, distinguo. Quidquid cognoscitur, ad modum entis cognoscitur, si cognoscatur in se ipso esse aliquid, concedo, si non cognoscatur in se ipso esse aliquid, nego. Deus autem non cognoscit mortem in se ipsa, quasi esset aliquid sed cognoscit eam in ipsa vita, in quantum cognoscit mortem non esse vitam. Vnde dicit Dionysius *Deum cognoscere tenebras per lucem* : cum ipse sit perfectissima lux, in quo tenebræ non sunt ullæ, & ad cuius gloriam utinam cedant omnia, quæ huc usque diximus circa omnes Philosophiæ partes.

In quo quidem opere (Amice Lector) si quid boni & lucis est, eo utere tanquam dono Dei per Angelicum Doctorem nobis concesso, si quid à me peccatum, humanæ memor conditionis ignosce. Quæ verò hæcenus scripsi, Ecclesiæ iudicio libentissimè submitto.

Finis Metaphysica, ac simul Tomi quarti.

Extrait du Privilege du Roy.

PAR Grace & Privilege du Roy, donné à Paris le 13. Juillet 1673. Signé, par le Roy en son Conseil, DESVIEUX, & scellé: Il est permis au R. P. ANTOINE GOUDIN DE L'ORDRE DES FRERES PRÉSCHÉURS, de faire imprimer, vendre & debiter par tels Imprimeurs & Libraires qu'il voudra choisir, le Cours de Philosophie qu'il a enseigné, Intitulé *Philosophia juxta in-concussa tutissimaque D. Thoma dogmata, &c. in quatuor Partes divisâ*; qu'il a revue, corrigé & beaucoup augmenté en toutes ses Parties, & deffenses sont faites à tous autres Imprimeurs & Libraires, que ceux qu'il aura choisis, de les vendre, imprimer ny faire imprimer ny d'en faire venir de contrefaits des Pays étrangers, pendant le temps de dix années, à commencer du jour qu'il sera achevé d'imprimer pour la première fois, en vertu dudit Privilege: A peine de confiscation des Exemplaires contrefait, de trois mille livres d'amende & de tous dépens, dommages & interests, aux charges portées par ledit Privilege.

Registré sur le Livre de la Communauté des Libraire & Imprimeurs de Paris.


Signé THIERRY Syndic.


Ledit R. P. ANTOINE GOUDIN a cédé & transporté ledit Privilege à EDMÉ COUTEROT Libraire à Paris pour cette première édition, suivant l'accord fait avec luy, l'onzième Juin 1673.
Achevé d'imprimer le 1. Septembre 1674.


Index of the ...

Faint, illegible text, likely bleed-through from the reverse side of the page.


Faint, illegible text, likely bleed-through from the reverse side of the page.














CONDYLLI
PHILOS

85
25

6.572